

আজ এই নিবেদন ভাষায় প্রকাশ করিবার সময়, একজন মনীষীর কথা মনে জাগিয়া উঠিতেছে। তিনি আমাদের আচার্য্য রামেন্দ্রসুন্দর ত্রিবেদী—সম্পর্কে আমার দাদা মহাশয় ছিলেন। তাঁহার সাহচর্য্যে আমার বাল্য ও কৈশোরের মধুর দিনগুলি অতিবাহিত হইয়াছিল। তাঁহার স্নেহময় বক্ষে মাথা রাখিয়া কত শিক্ষা, কত উপদেশ পাইয়াছি, তাহার সীমা নাই। সঙ্ক্যার অঙ্ককারে ছাদে শয়ন করিয়া তিনি নির্ণিমেষ নয়নে আকাশের দিকে চাহিয়া থাকিতেন এবং গ্রহনক্ষত্রাদির দিকে অঙ্গুলি নির্দেশ করিয়া তাহাদের পরিচয়—তাহাদের কথা গল্পছলে আমাকে বলিয়া যাইতেন। সেই সঙ্গে দেশ বিদেশের ইতিহাসকাহিনী গল্প কবিতা বুঝাইতেন। আমি মস্তমুগ্ধের মত তাঁহার কথা শুনিয়া যাইতাম। আমার কিশোর বক্ষে তাঁহার কথাগুলি মায়াজাল রচনা করিয়া চলিত। ঋত গল্পগুলি পর দিবস লিপিবদ্ধ করিয়া তাঁহাকে দেখাইতে হইত। এক এক সময় আনন্দাতিশয়ো অভিভূত হইয়া তিনি আমাকে বুকে চাপিয়া ধরিয়া মস্তকে চুষন করিতেন—আশীর্ব্বাদ করিতেন। ইহাই ছিল আমার দৈনন্দিন জীবনের অবসর যাপন।

আজ তিনি নাই, কোন্ অচেনা রহস্যপুরে চলিয়া গিয়াছেন, জানি না! 'হাস্ত-সুন্দর স্বভাব-সুন্দর,' রামেন্দ্রসুন্দর চির-সুন্দরের সামীপ্যলাভে হয়ত দিব্যানন্দ লাভ করিয়াছেন। তিনি আজ বাঁচিয়া থাকিলে আমার এই যৎসামান্য রচনার প্রকাশ দেখিয়া আমাকে সানন্দে আশীর্ব্বাদ করিতেন, তাহা আমি বিশ্বাস করি। সেই চিরহাস্যপুরবাসী পূজনীয় ত্রিবেদী তাপসের স্মৃতির উদ্দেশে আজ আমি সজ্ঞ প্রণতি জানাইতেছি।

বৎসর দুই পূর্বে মাসিক বসুমতীতে “স্পর্শের প্রভাব” ধারা-  
বাহিক ভাবে প্রকাশিত হইয়াছিল। হয়ত দীর্ঘকাল মাসিক পত্রের  
পৃষ্ঠাতেই উহা আত্মগোপন করিয়া থাকিত। কিন্তু এই উপন্যাসটি  
‘পতিব্রতা’ নামে নাটকাকারে রূপান্তরিত হইয়া ‘রঙমহলে’  
অভিনীত হইবার পরই কয়েকটি সংবাদ পত্র প্রস্তুত করিয়াছেন যে,  
এতদিন কেন উপন্যাসটি প্রকাশিত হয় নাই? অন্যান্য সাহিত্যিক  
বন্ধুবর্গ এবং মাসিক বসুমতীর যুগলসুভ, প্রবীন সাহিত্যিক  
শ্রীযুক্ত সত্যেন্দ্র কুমার বসু ও সরোজনাথ ঘোষও আমাকে  
বহুপূর্বেই ‘স্পর্শের প্রভাব’ পুস্তকাকারে প্রকাশ করিবার জন্ত  
বিশেষভাবে অনুরোধ করিয়া ছিলেন। আমার প্রিয় বন্ধু  
সাহিত্যিক শ্রীযুক্ত উমাচরণ চট্টোপাধ্যায় এ বিষয়ে অগ্রণী হইলেন  
ও আমার অজ্ঞাতসারে মাসিকের পৃষ্ঠা হইতেই একেবারে প্রফ  
ছাপাইয়া আমার নিকট উপস্থিত হইলেন।

আমার সোদরোপম বন্ধুবর কাশিমবাজারাধিপতি মহারাজ  
শ্রীযুক্ত শ্রীশচন্দ্র নন্দী স্বয়ং সাহিত্যিক ও সাহিত্য-রসিক। একদিন  
সাহিত্যালোচনা প্রসঙ্গে তিনি বলিয়াছিলেন “আমি আর্টের মধ্যে  
শুচিতা পছন্দ করি”। আমারও প্রচণ্ড বিশ্বাস যে সংঘমের  
মধ্যেই আর্টের মুক্তি। তাই এই বইখানিকে প্রিয় স্বহৃদের  
করকমলে শ্রদ্ধার সহিত তুলিয়া দিলাম।

আমার বন্ধুবর্গ আমাকে লাজুক বলিয়া অভিহিত করেন।  
হয়ত, সেই কারণেই বইখানি এতদিন মুদ্রিত হয় নাই। যাহা  
হউক, এই অকিঞ্চিৎকর উপন্যাসখানি পাঠ করিয়া কোনও পাঠক  
পাঠিকা—আমার দেশের মা, ভাই বোনেরা একটুকুও আনন্দ  
লাভ করেন, তাহা হইলেই আমার শ্রম সার্থক।

লালগোলা রাজবাটা,

২৩ শে শ্রাবণ, ১৩৪১।


বিনীত


শ্রীধীরেন্দ্রনারায়ণ রায়


বঙ্গুবর—

মহারাজ শ্রীযুক্ত শ্রীশচন্দ্র নন্দী এম, এ,

করকমলেষু—







১

কমনীয় নারীকণ্ঠ-নিঃসৃত স্ববলহরী নৃত্যচ্ছন্দে বায়ু-তরঙ্গে  
ঝঙ্কত হইল, “ছি সুধা, অমন ক’বে দৌড়িও না। দেখ দেখি,  
বাবা কত পেছিয়ে পড়েছেন।”

সুধাংশু সে কথায় কর্ণপাত না করিয়া হাসিব তরঙ্গ তুলিয়া  
বলিল, “কেমন ছুটে এসেছি। জান দিদি, একশ’ গজ দৌড়ে  
এবার প্রথম পুরস্কার পেয়েছি?”

জ্ঞাত ধাবনের পরিপ্রমে সুদর্শন কিশোরের যুগল কপোল-পদ্ম  
প্রস্ফুটিত, শ্বেদবিন্দু মুক্তাপাতির মত ললাটে শোভিত, ঘন হাস-  
প্রবাসের প্রভাবে তাহার ক্ষুদ্র কমনীয় তনুখানি কম্পিত। আজ  
তাহার পিতা তাহার দিদি ও তাহাকে লইয়া শিবপুরের  
কোম্পানীর বাগান দেখিতে আসিয়াছেন—এমন আনন্দের দিনে  
সে কি নিরানন্দ থাকিতে পারে?



## স্পর্শের প্রভাব

স্বধাংসু হঠাৎ বিস্ময়-বিস্ফারিত নয়নযুগল দিদির মুখমণ্ডলের উপর স্থাপিত করিয়া সোৎসাহে চীৎকার করিয়া উঠিল,—  
“ও দিদি, দেখ, দেখ, কি প্রকাণ্ড গাছ। উঃ, কত বড় বড় ডাল—  
—কি ঝুরিই নেমেছে! ইস!”

তাহার দিদি তাহাকে ছুটিতে নিষেধ করিলেও স্বয়ং গতির বেগ বিশেষ পরিমাণেই বৃদ্ধি করিয়া দিয়াছিল—ভ্রাতার অমূল্যস্বর্ণ করিয়া সেও বন-কুরঙ্গীর মত স্বচ্ছন্দ লীলায়িত গতিতে মুক্ত আকাশতলে উদ্যান পথে ছুটিয়া চলিয়াছিল—আজ যেন তাহার হৃদয় মধুর শৈশব ফিরিয়া আসিয়াছিল! অনন্ত, অপরিমেয়, সমুজ্জল সূর্যালোক, হ হ বায়ুর শ্বসন—কি হৃদয় মুক্ত প্রকৃতির অনন্ত, অফুরন্ত, শোভা! অদূরে ভাগীরথীর অনন্ত অবিশ্রান্ত কুল-কুল প্রবাহ, ক্ষণেক পূর্বে সে ষ্টিমারে বসিয়া সেই অনন্ত-ধারার দিকে নিবন্ধদৃষ্টি হইয়া কতই না তন্ময় হইয়া গিয়াছিল! আনন্দ আজ চারিদিকে যেন উচ্ছ্বসিত হইয়া উঠিতেছিল। জলে, স্থলে, বাতাসে সে আনন্দের যেন সীমা নাই—উর্ধ্বে, নিম্নে, আশে-পাশে আনন্দের অবিশ্রান্ত ধারা বহিয়া চলিয়াছে। আজ যেন সমগ্র বিশ্ব সেই আনন্দধারায় স্নাত, প্রাবিত হইয়া অধীর হইয়া উঠিয়াছিল!

অকস্মাৎ শাস্ত হৃদয় প্রকৃতির নিরবচ্ছিন্নতা ভঙ্গ করিয়া, নারীর ভয়ানক চীৎকার বায়ুমণ্ডল মথিত করিয়া সমগ্র আকাশ ছাইয়া ফেলিল। নিমেষে কোথা হইতে প্রকাণ্ড বাঘের মত একটা কুকুর ছুটিয়া আসিয়া সম্মুখের পদতল একবারে দ্রুতগামিনী

## স্পর্শের প্রভাব

তরুণীর বক্ষ'পরি রক্ষা করিয়া ভয়াল, আরক্ত, ক্রুর দৃষ্টিপাত করিল। তাহার ভীষণ গর্জনে বনভূমি ধ্বনিত হইয়া উঠিল। তাহার তীক্ষ্ণ নখাগ্র-সংস্পর্শে তরুণীর বহুমূল্য সূক্ষ্ম ওড়নার প্রান্তদেশ ছিন্নবিচ্ছিন্ন হইয়া গেল। বালক স্বধাংশুও ভয়ে চীৎকার করিয়া কাঁদিয়া উঠিল।

“প্রতাপ!”—

শুক গভীর কণ্ঠে যেন ভৎসনার স্বর তীব্র হইয়া উঠিল। কুকুর উৎকর্ষ হইয়া গ্রীবাভঙ্গী করিয়া পশ্চাতে চাহিয়া দেখিল। তৎক্ষণাৎ তাহার উত্তোলিত পদদ্বয় স্বতঃ তরুণীর দেহাশ্রয় ত্যাগ করিয়া ভূমিসংলগ্ন হইল।

আগন্তুক দ্রুতপাদবিক্ষেপে ঘটনাস্থলে উপস্থিত হইয়া অশাস্ত পশুকে শাস্ত করিতে লাগিল। কুকুর নবাগতের পাদমূলে মাথাটি লুটাইয়া আনন্দে লালুল আন্দোলিত করিতে লাগিল, তাহার প্রভুও স্নেহবশে তাহার মস্তকের উপর ধীরে ধীরে করাঘাত করিয়া মৃদু গুঞ্জে তাহাকে আদর করিতে লাগিল।

আকস্মিক বিপৎপাত হইতে মুক্ত ভ্রাতা ও ভগিনী বিন্ময়মুগ্ধ দৃষ্টিতে এই দৃশ্য অবলোকন করিতেছিল। আপনাদের অবস্থার কথা তখন তাহারা ভুলিয়া গিয়াছিল। যুবক সহসা সম্মুখে দৃষ্টি উন্নীত করিতেই তাহার মুগ্ধ অপলক নেত্র অপরিচিত তরুণীর নবকিশলয়-প্রফুল্ল লাবণ্যের প্রতি নিবন্ধদৃষ্টি হইয়া রহিল। রূপবহিতে আকৃষ্ট হয় না, এমন পতঙ্গ কোথায় আছে ?

## স্পর্শের প্রভাব

মুহূর্তেই কিন্তু যুবক আত্মসংবরণ করিয়া উদ্বেগ ও আতঙ্ক-জড়িত স্বরে বলিল, “এ কি, রক্ত ? রক্ত কেন ? দেখি !”

আগন্তুক যুবক হরিতগতিতে আসিয়া অসঙ্কোচে তরুণীর কোমল করপল্লব পরীক্ষা করিতে লাগিল ।

“ইস্ ! হাতে কি হতভাগাটা নখের আঁচড় দিয়েছে ? অল্পগ্রহ ক’রে আত্মন, কাছেই কল রয়েছে, জল দিয়ে ধুয়ে দিই ।—রাঙ্কল !”

বালক স্বধাংশু জ্যোষ্ঠা ভগিনীর হস্ত রক্তাক্ত দেখিয়া ফুকারিয়া কাঁদিয়া উঠিয়াছিল । কিন্তু তরুণীর সে দিকে লক্ষ্য ছিল না । তাহার আকস্মিক বিপদ, ভয়, আতঙ্ক,—ভ্রাতার ক্রন্দন, ক্রুদ্ধ পশুর জলন্ত অঙ্গারের মত ঘৃণিত আরক্ত লোচন—এ সবই যেন ছায়াচিত্রে প্রদর্শিত ঘটনাবলীর মত কোন্ অতীতের অন্ধকার যবনিকার অন্তরালে বিলীন হইয়া গিয়াছে । তাহার সমস্ত অনুভূতি দৃষ্টিমধ্যে কেন্দ্রীভূত হইয়া দীর্ঘোন্নত শালতরুনিভ এই অপরিচিত যুবকের প্রতি মুহূর্তের জ্ঞান গুপ্ত হইল । বিশ্বয় ও লজ্জার সংমিশ্রণে তরুণীর দীর্ঘায়ত কৃষ্ণতার নয়নে তখন এক অপূর্ণ মাধুর্য লীলায়িত হইয়া উঠিতেছিল । কুকুরের নখরাঘাতের বেদনা তখন কোথায় অন্তর্হিত হইয়াছিল । আর—আর—তাহার আশা-আনন্দ-মুকুলিত নবীন জীবনে এ কি অননুভূতপূর্ব অপূর্ণ শিহরণ ! অপরিচিত তরুণ আগন্তকের স্পর্শে—এ কি বিচিত্র মোহ ! তরুণী লজ্জা-সঙ্কোচে অভিভূত হইয়া দৃষ্টি নত করিল, সঙ্গে সঙ্গে কোমল করপল্লব আগন্তকের হস্ত হইতে মুক্ত করিয়া লইল ।

## স্পর্শের প্রভাব

“এ কি অন্ডায় মশাই—আপনি কুকুর সামলাতেই যদি না পারেন, তা হ’লে কুকুর পোষেন কেন, তাকে না বেঁধে বাইরেই বা আনেন কেন?”—প্রোট বাজেশ্বর বাবু তখনও অনভ্যস্ত দ্রুত-ধাবন-জনিত পরিশ্রমে হাঁপাইতেছিলেন! কন্টার দিকে অগ্রসর হইয়া তিনি উৎকর্ষাভরে বলিলেন, “দেখি মা জ্যোৎস্না, হাতখানা। ইস! রক্ত যে ঝ’রে পড়ছে!—আপনাকে কি বলতে ইচ্ছে করে বলুন দেখি!”

যাহাব উদ্দেশে এই অস্থযোগ, সে তখনও যেন তন্ময় হইয়া তরুণীর লজ্জানত অনিন্দ্যসুন্দর আননের দিকে নিলজ্জের মত নিবন্ধদৃষ্টি হইয়াছিল। অকস্মাৎ সে চমকিয়া উঠিল। সীমন্তে উজ্জল সিন্দূরবিন্দু! ছিঃ ছিঃ, সে কি পরজীবী প্রতি এতক্ষণ নিলজ্জের মত লোলুপ দৃষ্টি নিক্ষেপ করিতেছিল?

“আয় মা জ্যোৎস্না—ওখানটায় একটু বরফ দিই গে! সুধা দৌড়ে যা, ঐ যে ঐ গাছতলাটায় বরফ-লেমনেডের দোকান—যা, যা। আপনাকে আর কি বলবো—”

হঠাৎ রাজেশ্বর বাবুর বাকরুদ্ধ হইয়া গেল—তাঁহার সর্বাত্মক কম্পিত হইয়া উঠিল। পুঞ্জীভূত বিস্ময়, ক্রোধ ও ঘৃণা তাঁহার ললাটে রেখাপাত করিল। তিনি একদৃষ্টে অপরিচিত আগন্তকের দিকে তাকাইয়া রহিলেন। আগন্তক অপরিচিত যুবকও তাঁহার দিকে বিস্ময়-বিস্ফারিত নয়ন স্থাপন করিল।

মুহূর্ত্তে আপনাকে সংযত করিয়া রাজেশ্বর বাবু বলিলেন, “চল, আমরা ঐ দিকেই বাই, সুধা এতক্ষণ বরফ কিনেছে বোধ

## স্পর্শের প্রভাব

হয়।" অপরিচিতের সহিত কোনওরূপ সম্ভাষণ না করিয়াই তিনি দ্রুতগতি অন্তর্দিকে অগ্রসর হইলেন। আগন্তুক তরুণীর দিকে এক পদ অগ্রসর হইল—তাহার কণ্ঠ হইতে অশ্রুটস্বরে উচ্চারিত হইল, “হাতের আঁচড়টা”,—অমনই সে আত্মবিস্মৃতি হইতে জাগ্রত হইয়া আপনার উদ্ধাম উচ্ছৃঙ্খল মনোবৃত্তিকে সংযত করিয়া লইল। ছিঃ ছিঃ, এই তাহার শিক্কা? এই তাহার বংশের প্রভাব?

তরুণীও বিস্মিত হইল। তাহার পিতা স্মৃষ্টভাষী সদালাপী পুরুষ,—তাঁহার বিনয় ও সৌজন্য সর্বজনবিদিত। তবে? আজ তিনি এই অপরিচিতের প্রতি এমন ব্যবহার করিলেন কেন? তাহারা ভ্রাতাভগিনী ছুটিতেছিল বলিয়া কুকুর তাহাদের প্রতি ধাবমান হইয়াছিল। সে মূল্যবান ওড়নাখানি বাঁচাইবার জন্ত হস্ত প্রসারিত করিয়াছিল বলিয়া কুকুরের নখরাঘাত তাহাকে সহ্য করিতে হইয়াছিল। কিন্তু ইহার জন্ত কুকুরের প্রভু দায়ী হইবেন কেন? তিনি ত সেই মুহূর্তে উপস্থিত হইয়া ব্যাত্ততুল্য বলবান্ অশাস্ত কুকুরকে শাস্ত করিয়াছিলেন—তাঁহার কণ্ঠস্বর শুনিবামাত্র দংষ্ট্রা-করাল-ভীষণ কুকুর একবারে শাস্ত, সংযত হইয়াছিল, তাঁহার স্পর্শমাত্র একবারে তাঁহার চরণতলে লুপ্তিত হইয়াছিল। তিনি সময়ে উপস্থিত না হইলে তাহাদের আজ কি বিপদই না সংঘটিত হইত! তুচ্ছ দুই একটা নখররেখাপাত—ইহার জন্ত এত ক্রোধ, এত ঘৃণা! ভদ্রলোক কতই না অপদস্থ, অপমানিত ও মনঃক্ষুণ্ণ হইয়াছেন!

## স্পর্শের প্রভাব

তরুণী চলিতে চলিতে সহসা একবার পশ্চাতে ফিরিয়া তাকাইল—তাহার দৃষ্টি স্নেহ, করুণা ও সহানুভূতিতে উজ্জ্বল হইয়া উঠিয়াছিল। মুহূর্ত্তমাত্র—তাহাব পবেই সে দ্রুতগমনে পিতার অমুসরণ করিল। কিন্তু তাহাব সেই স্নিগ্ধ শান্ত আয়ত নয়নের দৃষ্টি অপরিচিত আগন্তুককে বিচলিত, অভিভূত করিয়াছিল।

যুবক তাহাদের চলন্ত মূর্ত্তির দিকে নির্বাকভাবে চাহিয়া রহিল।

সহসা তাহার হস্তপ্রফুল্ল স্তন্যর আনন কঠোর গম্ভীর ভাব ধারণ করিল, বিশাল ললাট চিন্তা-রেখাক্রান্ত হইল। দূর হইতে প্রীতিভোজনের উত্তোকে ব্যাপ্ত যুনানী বালক-বালিকার চিন্তা-লেশহীন উদার হাস্যধ্বনি বাতাসে ভাসিয়া আসিতেছিল। সমগ্র উত্থান ব্যাপিয়া হর্ষ-কোলাহলের প্রবাহ বায়ুতরঙ্গে ভর করিয়া আকাশে উখিত হইতেছিল। আনন্দ—জীবনস্পন্দন—গতি—নিত্যনূতন। কিন্তু—কিন্তু—তাহার এই ব্যর্থ জীবনে এ সকলের কি আকর্ষণ আছে ?

ক্ষণপরেই যুবকের ওষ্ঠাধর যুদুহাস্যরেখায় অম্মুরঞ্জিত হইয়া উঠিল, অগ্রসরতার ভাব যেন মন্ত্রবলে অন্তর্হিত হইল। তাহার সঙ্কেতমাত্র শিক্ষিত কুকুর লক্ষ্য দিয়া উঠিয়া দাঁড়াইল, যুবক শিস্ দিতে দিতে দীর্ঘ চরণবিছাস করিয়া উত্থানের অপর প্রান্তের অভিমুখে চলিয়া গেল।

লুপ্তপ্রায়, শোভাহীন, কৰ্ম্মস্পন্দনহীন, বিস্তৃতায়তন বিশাল উত্থান। মধ্যস্থলে প্রাসাদোপম বিরাট সৌধ, আশে পাশে একাধিক বিস্তৃত জলাশয়। আছে সবই, কিন্তু তাহাদের উপর যেন কাহার মঙ্গল হস্তস্পর্শের অভাব! ফুলফল, শাকসব্জী, আছে সবই, কিন্তু তথাপি কিছুই যেন নাই। যেন দেহ আছে, প্রাণ নাই, ছায়া আছে, কায়া নাই। এই উত্থান যেন হাশ্বকোলাহলে মুখরিত হইতে জানে না—যেন রিক্ততার কবাল ছায়া ইহাকে আচ্ছন্ন করিয়া রাখিয়াছে, যেন নিবিড় নীরবতা এই বনভূমিতে শ্মশান জাগাইয়া বাধিয়াছে।

সোনা মালী বাগানের রক্ষক, মালিক, সবই। সনাতন পালরা বংশানুক্রমে মালকের জমীদার বাবুদের এই বাগানবাড়ীর রক্ষকতা করিয়া আসিতেছে। বাবুয়া তাহাদের উপর ভার দিয়া নিশ্চিন্ত। কর্তাদের আমাল এই উত্থানবাটিকার সৌষ্ঠব ও গৌরব দর্শকের চিত্তকে অভিভূত করিত।

সোনা আজ বড় বিপদে পড়িয়াছে। জমীদার বাবুর নামে সে এক মামলার 'লুটিশ' পাইয়াছে, অর্থাৎ আজ ছয় মাসেরও অধিককাল জমীদারের সহিত তাহার দেখা নাই! এ যেন— 'যার বিয়ে তার মনে নাই—পাড়া-পড়শীর ঘুম নাই।' এ সঙ্কটে সে নিরঙ্কর চাষী কি করিবে? নায়েব মহাশয় মফঃস্বলে গিয়াছেন, ম্যানেজার বাবুও আলিপুরে এক মোকদ্দমার তদ্বির করিতে ব্যস্ত, এখানে আর কেহ নাই। বাবুকে কলিকাতার বাসায় পত্রের পর পত্র দিয়াও কোন উত্তর পাওয়া যায় নাই।

বাগানের চারিদিক আগাছায় ভরিয়া গিয়াছিল। প্রভুভক্ত মালী জঙ্গল পরিষ্কার কবাইবার সময় দীঘির ভাঙ্গা ঘাটে বসিয়া ভাবিতেছিল, কি উপায়ে সে বর্তমান সঙ্কট হইতে ত্রাণ পাইবে? হস্তধৃত ছিলিমে টানের উপর টান দিয়াও সে মগজ ঠিক করিতে পারিতেছিল না। উদ্বিগ্নচিত্তে সে দেবতাদের চরণোদ্দেশে মানত করিতেছিল। দোহাই মা কালী! তাহার সর্বগুণোপেত বাবুর মতিগতি ফিরাইয়া দাও!

হঠাৎ অপরিচিত বালকের কোমল কমনীয় কণ্ঠের হর্ষধ্বনির তরঙ্গোচ্ছ্বাস শুনিয়া সনাতন চমকিত হইয়া উঠিল। সে কি স্বপ্ন দেখিতেছে? তাহার আরাধ্য প্রিয় দাদাবাবুর মধুর বাল্যের হান্তকলোচ্ছ্বাস কি অতীতের যবনিকা অপসৃত করিয়া আজ মুখরিত হইয়া উঠিতেছে? দীর্ঘকাল পরে উদ্ভানত্ৰী কি আবার ফিরিয়া আসিল? সনাতন বিশ্বয়ে নির্বাক হইয়া দাঁড়াইল।

কে এই দেবকুমারের মত অনিন্দ্যস্বন্দর বালক নৃত্যচপল-



## স্পর্শের প্রভাব

চরণে দীঘির দিকে ছুটিয়া আসিতেছে ? সনাতন দেখিল, তাহার তরঙ্গায়িত কেশগুচ্ছ কি সুন্দর ! তাহার পশ্চাতে তাহারই মত হাসির লহর তুলিয়া মন্দিরগমনে অগ্রসর হইতেছে কে এই ভুবন-সুন্দরী কিশোরী ? কি আশ্চর্য্য সাদৃশ্য ইহাদের মুখশ্রীতে ! ইহারা কি ভ্রাতাভগিনী ? পল্লীর নিভৃত বনভবনে ইহাদের অতর্কিত সমাগম কেন হইল, বৃদ্ধ সনাতন কিছুতেই তাহা বুঝিয়া উঠিতে পারিল না ।

জনমানবশূন্য, বনাকীর্ণ দীঘির পাড়ে বৃদ্ধকে দেখিয়া বালক ধমকিয়া দাঁড়াইল । সম্ভবতঃ সে ভাবিতেছিল, অন্নের অগোচরে ভাজা বেড়া দিয়া তাহারা পরের বাগানে প্রবেশ করিয়াছে, হয় ত সেজন্ত এই বাগানের মালুষ তাহাদিগকে ভৎসনা করিবে, এজন্ত তাহাদিগকে লাক্ষিত হইতে হইবে । ভয়চকিত-নয়নে সে পশ্চাতে তাহাব দিদির প্রতি দৃষ্টিপাত করিয়া যেন তাহার পক্ষপুটে আত্মগোপন করিবে বলিয়া প্রস্তুত হইয়া দাঁড়াইল ।

ততক্ষণ তাহাব দিদি দীঘির তটপ্রান্তে উপস্থিত হইয়াছে । সনাতনকে দেখিয়া নিতান্ত অপরাধীর ন্যায় স্নানমুখে সে বলিল, “পোড়ো বাগান দেখে দু’জনে ভিতরটা দেখতে এসেছিলুম । গায়ে আমরা নতুন এসেছি কি না, তাই জানতুম না যে, বাগানে লোক আছে । আয় সুখা, বাড়ী যাই ।”

সুধার হস্তধারণ করিয়া জ্যোৎস্না প্রত্যাবর্তন করিতে উদ্যত হইল । সোনা বাধা দিয়া হাসিমুখে বলিল, “সে কি মা লক্ষ্মি, বাগান দেখতে এসেছ, দেখে যাও । বাবুদের ত মানা নেই

চল, আমি তোমাদের বাগান কোথায় আনি গিয়ে। জান কি সে ছিরিছাঁদ আছে, মা ? তোমাদের উ এ গ্রামে কখন দেখিনি। তোমরা কোন্ বাড়ীতে থাক ?”

সোনাব শিষ্ট আচরণে, মিষ্ট কথায় বাবাকে ভয় করত, জ্যোৎস্নাও আশ্রয় হইল। চাঁদমুখের জয় সর্বত্র। সোনা ভাবিতেছিল, এমন রূপ সে কখনও দেখে নাই। ঠিক যেন দুর্গা-প্রতিমা। জ্যোৎস্না ভাবিতেছিল,—কি ফাঁড়াই কেটে গেল। দুষ্ট স্বধার কথায় মাতিয়া পবের বাগানে—তা ভাঙাই হউক, আর নাই হউক—ফুল চুরি কবিতাে আসিয়া তাহাদের কি অন্ডায়ই হইয়াছিল। বক্ষা, লোকটি ভাল।

সে সনাতনের প্রদর্শিত পথে চলিতে চলিতে কথার উত্তরে বলিল, “ঐ যে বাস্তাব ওপারে ঐ ঝাউগাছওয়াল বাড়ী, ঐটে আমাদের। আমরা অনেক দিন পশ্চিমে ছিলুম কি না, তাই ওটাও পোডো বাড়ী হয়েছিল। এত দিন পরে বাবা আমাদের নিয়ে দেশে বাস করিতে এসেছেন। তাঁর পেন্সন হয়েছে কিনা, তাই আব হিল্লী-দিল্লী ক’রে বেড়াবাব দবকাবও নেই। দেশে ফিরে কলকাতায় বাড়ী ভাড়া ক’রেছিলুম আমবা। বাবা সেখান থেকে জঙ্গল সাফ করিয়ে বাড়ী মেরামত করিয়ে এইবার আমাদের এনেছেন।—বাঃ, কত বড় পুকুর।”

স্বধাও উল্লাসে চীৎকার কবিয়া উঠিল, “দিদি, ওপারে দেখ না, কত রাজা রাজা ফুল ফুটে রয়েছে। কি চমৎকার।”

নিঃসন্তান বৃদ্ধ সনাতনের হৃদয় যেন আনন্দে দৌলা দিয়া

## স্পর্শের প্রভাব

উঠিল। সে সুধার বাল-সুন্দর আগ্রহ ও আনন্দের অভিব্যক্তিতে পরম প্রীতিলাভ করিল, বলিল, “ফুল নেবে, খোকাবাবু? ওখানে কত ফুল—জবার জঙ্গলই হয়ে গেছে। ঐ দেখ, লাল, নীল, হলদে—কত ফুল ফুটে রয়েছে। দাঁড়াও, আনিয়ে দিচ্ছি। ওরে খাতের আলি, হানে আয়, হানে আয়, দৌড় দে, দৌড় দে।”

জ্যোৎস্না বিশ্বয়বিষ্কারিত-নেত্রে চারিদিকে চাহিয়া দেখিল। ক্ষণপরে বলিল, “এত বড় বাগান, তা এমন বিক্রী হয়ে রয়েছে কেন? চারিদিকেই কাঁটাবন আর জঙ্গল, এত বড় বড় পুকুর পানায় বোঝাই—”

সোনা বিষাদাভিমানজড়িত স্বরে বলিল, “হবে না, মা? যার ধন, সে যদি না দেখে, তা হ’লে কার সাধ্য তাকে রক্ষে করতে পারে?”

জ্যোৎস্না বলিল, “কেন, তুমি? তুমি দেখ না কেন? বাবুদের তুমি কে হও?”

সোনা বলিল, “আমি? আমি তাঁদের চাকর। তা মা, মালিক না দেখলে চাকরে কি দেখবে বল দিকি? শুধু কি বাগান? বাবু যে আমাদের এ তল্লাটের রাজা। এই গাঁয়েই—পাশের গাঁয়েই তাঁদের ভিটে-বাড়ী দেখ যদি, মা! তা ছাড়া, কত জমী, কত খামার। আর জমীদারীর ত কুল-কিনেরা নেই। এই দেখ না, মা, এই মামলাটা বেখেছে, তা কেই বা দেখে, কেই বা শোনে। যা করে চাকর-বাকরে।”

জ্যোৎস্নার কোঁতুহল উত্তরোত্তর বৃদ্ধি পাইতে লাগিল। সে

মাগ্রহে জিজ্ঞাসা করিল, “কেন, তোমার বাবু কি গাঁয়ে থাকেন না।”

সোনা দীর্ঘশ্বাস ফেলিয়া বলিল, “তা হলে আর ভাবনা কি, মা। কৰ্ত্তাবাবু মারা গেলেন—সে আজ ছ’সাত বছরের কথা। গেল তিন বছর গিন্নীমাও দেহ রাখলেন। বস্! খোকাবাবু সব ছেড়ে-ছুড়ে দিয়ে এক রকম বিবাগী হয়েই বেরুলেন।”

জ্যোৎস্নার মুখে হাস্তরেখা ফুটিয়া উঠিল। সে বলিল, “খোকা বাবু? তা, খোকাবয়সে বিবাগী হলেন কেন? গেকরয়া রুদ্রাক্ষ নিয়েছেন নাকি?”

সুধাও তাহার হাসিতে যোগ দিয়া বলিল, “আর চিমটে? না দিদি, হরিদ্বারের মেলায় সেবার কত সন্ন্যাসী এসেছিল? উঃ কত বড় বড় জটা—”

সোনা বলিল, “তামাসা না, মা, সত্যিই খোকাবাবু! তার বয়েস আর কত? এই কোলে পিঠে কত চড়েছে আমার বাবু—”

বৃদ্ধের কণ্ঠস্বর বাষ্পরুদ্ধ হইয়া আসিল, নয়ন ছল-ছল করিতে লাগিল। জ্যোৎস্না তাড়াতাড়ি বলিল, “থাক্, ও কথা। আচ্ছা, দীঘির ওপারে ঐ জঙ্গলের মধ্যে দিয়ে মন্দিরের ভাঙ্গা চূড়া দেখা যাচ্ছে, ওটা কি মন্দির?”

সোনা বলিল, “ওটা? ওটা মা, রাধাগোবিন্দজীর মন্দির। কৰ্ত্তাবাবুর আমলে ওরই নাটমন্দিরে সদাব্রত হত, অতিথি-ভিখারী ত এখান থেকে ফিরে যেতো না।”

## স্পর্শের প্রভাব

সুধা দিদির হাত ধরিয়া বলিল, “চল না দিদি, ঐটে দেখে আসি।”

জ্যোৎস্না দেখিল, বৃদ্ধ অনেকখানি পথ ঘুরিয়া ক্লান্ত হইয়া পড়িয়াছে। সে বাধা দিয়া বলিল, “না, না, আয়, এই শাণের উপর খানিক বসি। এটা বুঝি উত্তরের ঘাট?”

সোনা কৃতজ্ঞ-নয়নে তাহার দিকে চাহিয়া বলিল, “হাঁ মা, আর ওপাশে পশ্চিমের ঘাট, ওদিকটায় না গেলেই ভাল। ঝোপ-জঙ্গলে ভ'রে গেছে, পোকা-মাকড়েরও ভয়ও যে নেই, তা নয়।”

সকলে ঘাটের শাণের উপর আসন গ্রহণ করিল। সুধা বলিল, “পোকা-মাকড়? ওঃ, তবে ত বড্ড ভয়!”

জ্যোৎস্না ধমক দিয়া বলিল, “তুই থাম্, সব কথায় কথা কস্নি বলছি। আচ্ছা, তোমার খোকা বাবু সে সব তুলে দিলেন কেন?”

সোনা জিজ্ঞাসা করিল, “কি সব, মা?”

জ্যোৎস্না বলিল, “এই সদাব্রত। ঠাকুরের সেবাও বুঝি আর হয় না?”

সোনা বলিল, “না মা, ঠাকুরের নিত্য-সেবার বন্দোবস্ত আছে। এই জন্তে মন্দিরটে কোন রকমে ঠেকো ঠুঁকো দিয়ে রেখে দিইছি, পূজুরী রোজ সকাল-সন্ধ্যে পূজো দেয়, ভোগ আরতি দেয়। তবে সদাব্রত আর হয় না। বাবু কলকাতায় থাকে, দেশ-ঘর মাড়ায় না।”

এই সময় খাতের আলি এক রাশি ফুল আনিয়া ফেলিল।

লাল, নীল, শ্বেত, পীত—কত বিভিন্ন বর্ণের সুগন্ধি ও গন্ধহীন ফুল। সুখা আনন্দে করতালি দিয়া ফুলের মালা গাঁথিতে বসিয়া গেল। সনাতনের হুকুমে স্মিষ্ট স্পেয় ডাব আসিল। অমুরোধ এড়াইতে না পারিয়া ভ্রাতা-ভগিনী ডাবের জল পান করিল। সোনা পরম তৃপ্তি বোধ করিল। বলিল, “দেখ ত মা, বাবুর কিসের অভাব? তবু নিজের জিনিষ কিছুই দেখবে না। পাচ ভুতে লুটে পুটে খাচ্ছে। দুঃখ হয় না?”

সোনার চক্ষু আবার জলভারাক্রান্ত হইল। জ্যোৎস্না বলিল, “কেন, তাঁর লোকজন আছে ত? উকিল-মোক্তার?”

সোনা উত্তেজিত কণ্ঠে বলিয়া উঠিল, “লোকজন নেই, মা? বাব আছে মা, সব আছে। উকীল, মোক্তার, নায়েব, গোমস্তা, বলদার, বরকন্দাজ—কি নেই মা আমার বাবুর? কিন্তু মা, তারা যে মাইনে-করা চাকর, কার এত মাথাব্যথা? আমি তিন মুরুষে বাবুদের খেয়ে মাহুষ বটে, কিন্তু মা, মুকুখু চাষা লোক আমি বড় জোর চিঠিটা আসটা নিখিয়ে বাবুকে জানাতে পারি, তার বেশী আমি কি করতে পারি, মা?”

জ্যোৎস্না এই সময়ে উচ্চৈঃস্বরে বলিল, “ওরে, ও দিকে কি করতে গেলি আবার সুখা, যে বিল্লী জঙ্গল। চল, আমরাও চিঠি, ঐ দিক দিয়েই বাড়ী ফিরে যাব।”

সোনাও ফুলের রাশি বহিয়া লইয়া তাহার পশ্চাদ্ভ্রমণ করিল। যাইতে যাইতে জ্যোৎস্না বলিল, “তা তুমি যাই বল পাগু, তোমার বাবুকে ত ভাল বলে বোধ হচ্ছে না। বাপ-মা ত

## স্পর্শের প্রভাব

চিরদিন কারও থাকে না, তা ব'লে আপনার কাযকর্ম ছেড়ে দিয়ে কে বল বিবাগী হয়ে বেরিয়ে যায় কম বয়সে ?”

সোনা সখেদে বলিল, “ঐথেনেই ত রোগ, মা লক্ষ্মি ! থাক্ত ঘরের লক্ষ্মী ঠাক্কণ ! তা হ'লে বাবুও গাঁ ছেড়ে চ'লে যেতো না, বিষয়-আশয়ও গোজায় যেতো না। থাক্গে মা, আপনার কথা নিয়েই পাঁচ কাহন কবুলুম, তোমাদের কথা কও দিকি এখন। ঐ যে সামনের বাড়ীর কথা বললে, ওটা ত ছিল গিয়ে বোসেদের ভিটে। তেনারা ত আজ আট দশ বছর বিষয় আশয় বেচে কিনে কোথায় চ'লে গেছে। শুনেছি তেনারা ত আর কেউ বেঁচেও নেই। তোমরা বুঝি তেনাদের ঠেঙ্গে কিনে নিয়েছ ?”

জ্যোৎস্না বলিল, “তা ঠিক বলতে পারি নে। তবে আমার বাবাও বোস, একথা শুনেছি। তাদের সঙ্গে বাবার কি সম্পর্ক তা জানি নে—সে সব তিনিই বলতে পারেন। আমরা ত এত দিন পশ্চিমেই ছিলুম। উঃ, দুষ্টু, কত ফুল তুলিছি বুল দিকি ?” ভ্রাতাকে অহুযোগ করিয়া জ্যোৎস্না সোনার মুখের দিকে তাকাইল। যেন সে ভ্রাতার অপরাধের জন্ত লজ্জিত হইয়া কমা চাহিতেছে।

সোনা বলিল, “আহা, নিক্ মা নিক্, কত ফুল নেবে আর ধোকা বাবু !”

ভাঙ্গা ফটকের বাহিরে পদার্পণ করিয়া সোনা মিনতিভরা স্বরে বলিল, “আবার এসো মা এই ভাঙ্গা বাগানে, আমি ছাড়া

## স্পর্শের প্রভাব

ত কেউ থাকে না এখানে। তোমাদের আমার বড্ড ভাল লেগেছে, মা।”

জ্যোৎস্না বলিল, “আসব বৈ কি। আমরা গাছপালা বড্ড ভালবাসি। দেখ্ছ না, আমার ভাইটি কেমন ফুল-পাগুলা?”

সোনা বলিল, “তার ভাবনা কি, মা? রাশ রাশ ফুল দেবো খোকা বাবুকে।”

বৃহৎ ঝুড়ি স্বস্তে করিয়া রাশি রাশি তরি-তরকারী ফুল-ফল লইয়া এক ব্যক্তি তাহাদের সঙ্গে সঙ্গে চলিল। জ্যোৎস্না বলিল, “এ সব আবার কি?”

সোনা বলিল, “ও যৎকিঞ্চিৎ দিলুম—ছেলে কি মাকে দেয় না? এক দিনেই যে তোমায় চিনেছি মা—আমি যে সোনা, তোমার বুড়ো-হাবড়া ছেলে।”

বুদ্ধের সরল উদার হাশ্বে বনভূমি মুখরিত হইয়া উঠিল। হঠাৎ বুদ্ধেরই মত গম্ভীর স্বরে বালক স্বেদা এই সময়ে বলিল, “তা সোনা, তুমি যে বড় তোমার বাবুকে না জানিয়ে আমাদের এত সব জিনিষ বিলিয়ে দিলে?”

সোনা হাসিয়া বলিল, “ভাব্ছ বুঝি খোকা বাবু, সোনা চুরি করে বাবুর মাল বিলিয়ে দিচ্ছে? না বাবু, সোনা আর যা চাহোক, চোর নয়। এ বাগানের ফল-ফুলুরি বাবু আমাকে ভোগ করিতে দিয়ে গেছে যে। বাড়ী আমার সদগোপপাড়ায় বটে, কিন্তু বাবুর হুকুমে ইচ্ছে হ’লে আমি এই বাগানবাড়ীতেও বাস




## স্পর্শের প্রভাব

করতে পারি। তা হ'লে আজ আসি মা লক্ষ্মি! আবার এস, মা!”

সনাতন ফিরিয়া গেল।

গৃহে প্রত্যাবর্তনকালে জ্যোৎস্নার মনের মধ্যে জাগিতে-ছিল—“এ কেমন বাবু যে, এত বড় মনোরম ও মূল্যবান সম্পত্তি অরণ্যে পরিণত হইবার অবকাশ দিয়া সহরের সুখ ও আরাম ভোগ করিতেছে!”



৩

শ্রামপুত্রের একটি বাটার দ্বিতলের হলে কয়েকজন যুবকের মধ্যে কোন বিষয়ে ঘোর তর্ক-বিতর্ক চলিতেছিল। তখন সবেমাত্র সন্ধ্যা উত্তীর্ণ হইয়াছে, সমস্ত সहर আলোকসজ্জায় হাসিতেছে। সুচিত্রিত সুসজ্জিত কার্পেটমণ্ডিত বিস্তৃত হলঘরে বৈদ্যুতিক ঝাড়ের নিম্নে মর্ম্মর টেবলের চারিপার্শ্বে অদৃশ্য মূল্যবান কাষ্ঠাসনে তরুণ তাকিকরা উপবিষ্ট ছিল এবং তর্কের সঙ্গে সঙ্গে চা-বিস্কুটের সদ্যবহার করিতেছিল।

একজন বলিতেছিল, “তা তুই যা বলিস্, হরিশ, আমাদের বৈষ্ণব কবিদের নথের যোগ্যও ওরা কেউ নয়। ওদের একজন যদি চণ্ডীদাসের এক কণা রচনা-শক্তি পেতো, তা হ’লে হাস্তে হাস্তে নোবেল-প্রাইজ পেতো।”

হরিশ উত্তেজিত হইয়া জবাব দিল, “তোরা স্বভাবই হচ্ছে বাড়িয়ে বলা। তুই যখন যাকে বাড়াবি, তখন তাকে একেবারে আকাশে তুলে দিবি। এটা কি বিত্তী স্বভাব না? কেন, শেলি, কিট্‌স্ কি কম কবি?”

## স্পর্শের প্রভাব

বরেন বলিল, “কেন, বাইরন্, ওয়ার্ডসওয়ার্থ ?”

ভবেন চীৎকার করিয়া বলিল, “রাখ্ তোর বাইরন্, ওয়ার্ডসওয়ার্থ ! কিসে আর কিসে ! ‘চলে নীল সাড়ী নিঙাড়ি নিঙাড়ি পরাণ সহিত মোর,’—বাবু করু দিকি এই রকম একটা ছত্র ওদের লেখা থেকে !

হরিশ সমান ওজনে বলিল, “আলবৎ বাবু করুবো ! এঃ, ভারী দৃষ্টান্ত দেখাচ্ছে !” কথার সঙ্গে সঙ্গে সে টেবলের উপরে যে প্রচণ্ড মুষ্যাঘাত করিল, তাহাতে চায়ের কাপ সমারগুলো ঝন্ ঝন্ করিয়া উঠিল ।

ঠিক সেই মুহূর্ত্তে একটি স্মদর্শন যুবক হলঘরে পদার্পণ করিয়া ছড়িগাছটা রাকের গায়ে ঝুলাইয়া রাখিতে রাখিতে বলিল, “কি হ’লো তোদের আবার ? একটা না একটা লেগেই আছে !”

বরেন লাফাইয়া উঠিয়া স্মর করিয়া বলিল, “হে—এ—ল্ হেভনলি লাইট—হে—এ—ল্ ! বড্ড সময়েই এসে পড়েছিস, রণা ! বল্ ত শেলি বড় কি চণ্ডীদাস বড়—”

রণেন্দ্র আসনে উপবেশনান্তে বলিল, “আগে কথাটাই কি, শুনি । তর্কটা কি নিয়ে ? কোন্ কবি বড় ? তা নিয়ে মাথা ঘামিয়ে কি হবে বলত ?”

হরিশ বলিল, “না তা কেন ? তোর মত ‘কোথায় মা কমলাকান্ত-প্রসূতি বজ্রভূমি’ বলে বুক চাপড়ে হা-হতাশ করলেই চতুর্ভুজ ফল হস্তগত হবে, আর কি ! তোর ও বাদরামী রোগ আর গেল না ইহজন্মে ।”

ততক্ষণ চাকর খানসামা মহলে ছড়াছড়ি পড়িয়া গিয়াছিল। কেহ নবাগতের জুতা মোজা খুলিয়া লইতেছে, কেহ গরম চায়ের কাপ ধরিয়া দাঁড়াইয়া আছে, কেহ তাঁহার আদেশের প্রতীক্ষা করিতেছে।

রণেন্দ্র সকলকে কক্ষ ত্যাগ করিতে ইঙ্গিত করিল। তখন সে চায়ের পেয়ালায় চুমুক দিয়া হাসিয়া বলিল, “রোগ যে কার নেই, তা ত বলতে পারিনে। আমার এক রোগ, তোর এক রোগ, ভগবানের চিড়িয়াখানায় রকম রকম জানোয়ারের রকম রকম রোগ লেগেই আছে।”

হরিশ ব্যক্তির সুরে বলিল, “তোর ত আবার একটা রোগ নয়, একলাই তুই একশো রোগ পুষে রেখেছিস, নইলে হঠাৎ আজ খেয়াল চাপলো, আর কাউকে কিছু না ব’লে না ক’য়ে শিবপুরের বাগানে পালানি কেন? বিকেলে যে আজ আমাদের এইখানে ভাগ্যাবগুস্ত্রাভের মিটিং বসবে, তা বেমালুম ভুলে গেলি? বাঃ—”

রণেন্দ্রনাথের মুখখানা হঠাৎ স্নান হইয়া গেল। সে কিছুক্ষণ অশ্রুমনস্কভাবে অবস্থান করিবার পর বলিল, “তা সত্যি বটে। খেয়াল—রোগ—যা বলিস, তাই।”

সেই অগ্রহায়ণের শীতেও সে পাখার স্ফুটচটা টিপিয়া দিল। বন্ধুবর্গের বিশ্বাসের সীমা রহিল না। রণেন্দ্র পুনরায় আসন গ্রহণ করিয়া বলিল, “কিছু মনে করিস্ নে তোরা। বাইরের ঠাণ্ডা থেকে হঠাৎ ঘরের বন্ধ হাওয়ায় এসে প্রাণটা যেন হাঁপিয়ে উঠল।”

## স্পর্শের প্রভাব

ভবেন বলিল, “তা হোক, ওতে কিছু আসে যায় না। কিন্তু আজকে হঠাৎ এ খেয়ালটা হলো কেন? তুই ত রেগুলার মিটিং ফাঁক দিস না।”

রণেন্দ্র বলিল, “খেয়াল! বলেছি ত রোগ সবারই আছে। মাথার পোকাটা নড়ে উঠলো, অমনই ছুটে বেরলুম। দুপুরবেলা ‘থেয়িস্’ থানা পড়তে পড়তে চোক ঢুলে এলো, অমনই বেরিয়ে পড়লুম। তখন কে জানে মিটিং—কে জানে সিটিং!—ওরে, তোরা জলটল কিছু খেইছিস্, না কেবল চাই চুমুক দিচ্ছিস্? বাঃ!—বেহারী!”

ভৃত্য-পরিজনকে যথাযোগ্য উপদেশ দিয়া রণেন্দ্র বলিল, “ভাগ্যে গেছলুম আজ খেয়ালের ঝোঁকে, তাই জীবনে একটা নূতন অভিজ্ঞতা লাভ করা গেল।”

বরেন বলিল, “তার মানে?”

রণেন্দ্র চায়ের পেয়ালায় আর এক চুমুক দিয়া সহাস্যে বলিল, “সে এক অদ্ভুত ব্যাপার! লোকটার ভাই বয়েস হয়েছে, পশ্চিমে পশ্চিমে দেখতে, কিন্তু বাজালী। বোধ হয়, অনেকদিন ওদেশে বাস করেছে। মুখখানা যেন চেনা চেনা ঠেকলো বটে, কিন্তু কিছুতেই মনে করতে পারলুম না, কোথায় দেখেছি।”

হরিশ বলিল, “বটে? তা বৃদ্ধ ভদ্রলোককে নিয়ে কি অদ্ভুত কাণ্ড হলো?”

রণেন্দ্র বলিল, “বলছি, শোন না। সঙ্গে ছিল একটা ছেলে আর একটা মেয়ে। মেয়েটি কি চমৎকার সুন্দরী!”

## স্পর্শের প্রভাব

বন্ধুবর্গ সোজাসে চীৎকার করিয়া উঠিল। ভবেন বলিল, “তা হ’লে একেবারে রোমান্স! তার পর আমাদের বন্ধুটি উপত্যাসের নায়কের মত স্তন্দরীকে কোন বিপদ থেকে উদ্ধার করলেন ত?”

রণেন তাহাদের হাসিতে যোগদান করিয়া বলিল, “কতকটা বটে। তবে বিপদটা আমার এই প্রতাপই ঘটিয়েছিল। রাস্কেল একেবারে মেয়েটির বুকের উপর ছ’পা তুলে বিল্লী দাঁত বারু ক’রে যেন কামড়াবার যোগাড় করেছিল।”

কথাটি বলিয়া সে পাশ্বে উপবিষ্ট বিশালকায় কুকুরের মস্তক চাপড়াইতে লাগিল। প্রভুভক্ত কুকুরও সোহাগে আদরে গলিয়া গিয়া লাজুল নাড়িতে লাগিল।

ভবেন হাসিয়া বলিল, “প্রতাপটা সমজদার—আমাদের আয়রন্ কাঠিকের চেয়ে ত বটেই।”

বন্ধুবর্গের হাস্যধ্বনিতে কক্ষতল মুখরিত হইয়া উঠিল।

রণেন্দ্রের মুখমণ্ডল অকস্মাৎ কঠিন হইয়া উঠিল। তাহার স্বর্গোর আননে প্রবল রক্তোচ্ছ্বাস দেখিয়া বন্ধুবর্গের উল্লাস অস্তহিত হইয়া গেল। উত্তত ক্রোধ প্রচণ্ড স্নায়াসে দমন করিয়া সে কয়েক মুহূর্ত পরে কঠোর কণ্ঠে বলিয়া উঠিল, “ভাব্‌হিস্, খুব একটা রসিকতা ক’রে ফেল্‌লি, না? ভদ্র পরিবারের মেয়ে-ছেলে নিয়ে এমন ইতরের মত তামাসা আমি মোটেই পছন্দ করি নে, জেনে রাখিস্।”

হরিশ বলিল, “ঠিক কথা। ও সব ইতরামি, যারা দেশ-

## স্পর্শের প্রভাব

জননীর সেবা করে, তাদের মুখে মোটেই মানায় না! যাক্ গে ও কথা, তারপর তুই কি করলি?”

রণেন বলিল, “কিছুই না। প্রতাপকে ডাকবামাত্রই সে ঠাণ্ডা হয়ে আমার দিকে ছুটে এসে লেজ নাড়তে লাগলো— যেন সে প্রতাপ আর নেই? মেয়েটি যতটা ভয় পেয়েছিল, বোধ হয়, তার চেয়েও বেশী ভয় পেয়ে ছেলেটি চেঁচিয়ে উঠে তার বাবাকে ডেকেছিল। তিনি বুড়োমাসুখ হলেও বিপদ দেখে যতটুকু পারেন দৌড়ে আসছিলেন। ছেলেটি বোধ হয় মেয়েটির ভাই, মুখ-চোখ একই রকমের, দিবি ফুটফুটে সুন্দর!”

হরিশ বলিল, “তারপর বাপ এসে কি বললেন? বোধ হয়, কি ব’লে ধন্ববাদ দেবেন, তার ভাষাই খুঁজে পাচ্ছিলেন না?”

রণেন বাহিরের আকাশের দিক্ হইতে দৃষ্টি ফিরাইয়া আনিয়া বলিল, “না ভাই, ঐখানেই গোল। তাঁর ব্যবহারে ভদ্রতার অভাবটাই যেন স্পষ্ট হয়ে উঠেছিল! আমায় দেখে চোখ দুটো বড় বড় ক’রে পাকিয়ে একটা কথাও না ব’লে ছেলেমেয়েকে নিয়ে চ’লে গেলেন। এমনি ভাবটা প্রকাশ পেল, যেন আমি বাঘ, হয় ত ওদের খেয়েই ফেলতুম!”

ভবেন রসিকতার স্বেযোগ ছাড়িল না, বলিল, “তোরা চোখে চোখে যে বিজলী খেলে, বুড়োর ভয় পাবারই কথা—বিশেষ সঙ্গে—”

কথা শেষ করিতে হইল না, হরিশ রণেশ্বরের মুখের ভাব দেখিয়াই শঙ্কিত হইয়া কথাটা চাপা দিয়া তাড়াতাড়ি বলিল,

“ওরে রণা, এদিকে এক কাণ্ড হয়েছে জানিস্? সেই কথাটা বলবার জন্তেই আমরা সন্ধ্যা পর্য্যন্ত অপেক্ষা করছি। দেখ, অতীন বলছিল, ওকে কে বলেছে, সমিতিতে যে লোকটা নতুন ভর্তি হয়েছে, ও ভাল লোক নয়।”

রণেন্দ্র বিস্মিত হইয়া জিজ্ঞাসা করিল, “আমাদের ব্যায়াম-সমিতির অতীন? কার কথা বলছিল? কে সেই লোকটা, মনে ত পড়ছে না।”

হরিশ বলিল, “আরে, যে লোকটা সেদিন তোরা লাইব্রেরী থেকে গ্যারিবল্ডিখানা চাইতে এসেছিল, সেই যে গ্যাটাগোটা গুণ্ডার মত—”

রণেন্দ্র বলিল, “ওহোঃ, গুপে গুণ্ডা? পাড়ার সেই মাতালটা? তোরা যেমন ছেলেমানুষ। ও আমাদের কি করবে?”

হরিশ বলিল, “তবু কি জানিস্, সময়কাল যেমন পড়েছে—”

বাধা দিয়া রণেন্দ্র বলিল, “সে ভাবনা তোদের ভাবতে হবে না। এখন খা দিকি পেট ভ’রে—ও কি ভবা, ফেলে রাখলি যে কাটলেটখানা?”

শুবকের দল ততক্ষণ আহার শেষ করিয়া ফেলিয়াছে। পাণ মুখে দিয়া চুৰুট ধরাইয়া হরিশ বলিল, “আর খায় না। রান্স না কি? দেখ, কালকের ষ্টিমারের পার্টির কথা মনে আছে ত? ভবেনের ভায়ের বোভাতের দক্ষণ?—বোটানিকেল্ গার্ডেন্—বেলা ১১টা—মনে থাকে যেন।”

ভবেন বলিল, “যেন আজকের মিটিংয়ের মত করিস্ নি।”



## স্পর্শের প্রভাব

সকলে হাসিয়া উঠিল। সোপানে অবতরণ করিতে করিতে ভবেন বলিল, “হাঁ, ভাল কথা—মালতীর কি কবুলি? টালার আশ্রমে কিছু সুবিধে করতে পারুলি কি? না হ’লে আর্ধ্যসমাজী তাজ্জিমওয়ালারা হয় ত একটা কাণ্ড ক’রে বসবে।”

রণেন্দ্র অগ্রসন্ন-মুখে বলিল, “না, তারা বলে, সিট খালি নেই। আমি ত খরচা সবই দিতে চাইছি, কি যে করি!”

হরিশ বলিল, “শেষে না হয় তোরই এখানে এনে দিন কতক রাখা যাবে। এত বড় দো-মহল বাড়ী, তাতে কি এসে যাবে?”

রণেন্দ্র বলিল, “সে তখন দেখা যাবে?”

বন্ধুর দল নামিয়া গেল, তাহাদের হান্তকোলাহলে স্থানটা মুখরিত হইয়া উঠিল।

রণেন্দ্র আরাম-কেদারায় অর্দ্ধশায়িত অবস্থায় এলাইয়া পড়িয়া চুরুট টানিতে লাগিল। দূর হইতে তাহার বন্ধুবর্গের হান্তকলরব বাতাসে ভাসিয়া আসিতেছিল। একখানা কাগজ টানিয়া লইয়া সে পাঠে মনোনিবেশ করিবার চেষ্টা করিল। কিন্তু মুহূর্ত পরেই বিরক্ত হইয়া সেখানা টেবলের উপর ফেলিয়া দিল। কিন্তু, এ কি তাহার মানসিক দৌর্বল্য! সীমস্তে তাহার সিন্দুরশ্রী—সে তরুণী ত বিবাহিতা, পরের ঘরণী—তাহার চিন্তা কেন? অত্যা, তাহা সে জানে, কিন্তু তথাপি সে চিন্তা তাহাকে ত্যাগ করে না কেন? সে না শিক্ষিত, ভদ্র সম্ভ্রান্ত পরিবারের রক্ত না তাহার ধমনীতে প্রবাহিত?

রণেন্দ্র আসন ত্যাগ করিয়া কক্ষমধ্যে পাদচারণা করিতে লাগিল ।

না, না, অপরিচিতা পরস্মীর চিন্তা তাহাকে ত্যাগ করিতেই হইবে—অন্য চিন্তায় ডুবিয়া থাকিতে হইবে । কিন্তু, কিন্তু, কি সুন্দর সে তরুণী ! এত রূপ ? মামুষের এত রূপ ? আর—আর—সে কি কোমল মধুর স্পর্শ ! চম্পকনিন্দিত করাজুলীর স্পর্শ কি এত মধুর হয় ? ভয়ভীতা চকিতা কুরঙ্গীর মত সে কি মুগ্ধ দৃষ্টি ! মন্থথের ফুলধনু কি সে জ্রভঞ্জে মূর্ত হইয়া দেখা দেয় নাই ? মুহূর্তস্থায়ী সে মাধুর্য্যপূর্ণ দৃষ্টি—সে কুসুমপেলবচম্পকাজুলীর স্পর্শের প্রভাব তাহার অন্তরে কি প্রাণস্পন্দন—কি আনন্দ-শিহরণ আনয়ন করিয়াছিল !

যুবক সহসা চমকিত হইয়া উঠিল ।

ছিঃ ছিঃ ! এ কি ভাবিতেছে সে ? রণেন্দ্র অস্থির হইয়া কক্ষমধ্যে দ্রুততরবেগে পাদচারণা করিয়া বেড়াইতে লাগিল । এমন ত কত নারী সে দেখিয়াছে, আজ তাহার মন চিরাভ্যস্ত পথ হইতে বিচ্যুত হইতে চাহে কেন ?

“নীচে একজন বাবু অপেক্ষা করছেন, নিয়ে আসবো কি ?” ভৃত্যের অতর্কিত প্রশ্নে রণেন্দ্র চমকিত হইয়া উঠিল । সে অন্তমনস্কভাবে বলিল, “এঁা, কি বলছিলে ?” ভৃত্য প্রশ্নের পুনরাবৃত্তি করিল । রণেন্দ্রের মুখে বিরক্তির চিহ্ন স্পষ্টই ফুটিয়া উঠিল । ভৃত্য সভয়ে কক্ষত্যাগ করিতেছিল, হস্ত-সঙ্কেতে রণেন্দ্র নিষেধ করিয়া বলিল, “তাকে নিয়ে আসতে পার ।” ভৃত্য প্রস্থান করিল ।

## স্পর্শের প্রভাব

কে এ অপরিচিত ? বিশেষতঃ সন্ধ্যার পর ? আজ কি তাহার জীবনে কেবল অপরিচিতেরই সহিত পরিচয়ের সূত্র বিধাতা গ্রথিত করিয়াছেন ? তাহার জীবনে কি কোনও পরিবর্তনের পূর্বাভাস দেখা দিতেছে ?

সোপানে পদধ্বনি হইল ।

নবাগতকে দেখিয়া রণেন্দ্র বলিয়া উঠিল, “আরে, কে ও, কালীদা ? তুমি ? তুমি কোথেকে ?” উল্লাসে হর্ষস্বনি করিয়া একলক্ষ অগ্রসর হইয়া রণেন্দ্র আগন্তুককে বাহুপাশে বাঁধিয়া ফেলিল । তাহাকে উত্তর দিবার অবসর না দিয়াই বলিয়া চলিল, “এস, এস, বোসো, অনেক দিন পরে যে। ওরে বেহারী, চা।”

আসন গ্রহণ করিয়া আগন্তুক বলিল, “তোদের মত লেখক হ’লে বন্ধিমের সাগর-বোয়ের মত বলতুম—লক্ষ্মী নয়, সরস্বতী নয়, দুর্গা নয়,—একেবারে সাক্ষাৎ কালী । সত্যিই তোর মত বরাত ক’রে ত আসি নি যে, বাপের পোতা গাছ নাড়লেই টাকা । শ্রোতের শেণুলার মত ভাসতে ভাসতে যে দিক্ দিয়েই হোক এসে পড়েছি । তারপর, তোর সেই ক্লাবের কি হলো ? ‘মাধবিকা’ কাগজখানা ?”

একরাশি ধূম উদ্‌গিরণ করিয়া গম্ভীরকণ্ঠে রণেন্দ্র বলিল, “সে সব ঠিকই চলছে, কিন্তু বাপের পোতা গাছের ফল ত আমি একা ভোগ করতে চাই নি, সবাইকে দিতেই চাই । তবে লোকে যদি নিজের দোষে পেয়েও তা হারায়, তার জন্তও কি আমি দায়ী ?”

কালীনাথ দেখিল, কেঁচো খুঁড়িতে গিয়া সে সাপ বাহির

করিয়া ফেলিয়াছে। বিদ্যুৎ-ঝলকের মত মানসপটে তখনই খেলিয়া গেল তাহার অতীত জীবনের লজ্জাকর কাহিনীর কলঙ্কময় চিত্র। মাত্র তিন বৎসর পূর্বে সে তাহার এই সরল-বিশ্বাসী মাতুল-পুত্রের অতিথিরূপে এই প্রাসাদে কি স্থখেই না দিনাতিপাত করিয়াছিল! আর আজ? আপন চরিত্রগুণে সে আপনিই আপনাকে বেত্রাহত কুকুরের মত এই আশ্রয় হইতে বিতাড়িত করিয়া পথে পথে উদরান্ন-সংস্থানের জ্ঞাত ছুটাছুটি করিয়া বেড়াইয়াছে। দুই একবার রাজার পাষাণ-প্রাসাদেও আতিথ্য স্বীকার করিতে করিতে বাঁচিয়া গিয়াছে। উপায়ান্তর নাই দেখিয়াই ত সে আবার অধম-তারণ মাতুলপুত্রের আশ্রয়-ভিখারিরূপে কলঙ্ক-কালিমালিপ্ত মুখ দেখাইতে আসিয়াছে। তাহার সর্বসংসহ বুদ্ধিহীন মাতুলপুত্র তাহার অতীত কীর্ত্তি বিস্মৃত হইয়া আবার তাহাকে কোল দিবে, এই আশায় নহে কি? কিন্তু কি আশ্চর্য্য! সে স্বয়ং অসংযত রসনার প্রভাবে অতীতের পুতিগন্ধময় কুকীর্ত্তির স্মৃতি কেন তাহার মনে জাগাইয়া তুলিল? ইহা কি বিধাতার অভিসম্পাত?

বিষন্ন-জ্ঞান-মুখে কালীনাথ বলিল, “আজও তা ভুলতে পারিস্ নি, ভাই? তার জ্ঞাত অবশ্য তোকে দোষ দিতে পারি নে। তবে একটা কথা, দোষ কি মানুষের হয় না? তা ব’লে আপনার রক্তের সম্বন্ধ যেখানে—যাক, এবার থেকে ঐ ছাই টাকার সম্পর্কেই আর রেখো না। টাকা! টাকা! কি শয়তানই ঐ জিনিষটা! সাথে কি বুড়োরা ব’লে গেছে—বরং বনং ব্যাজ্জগজাদি—”

## স্পর্শের প্রভাব

রণেন্দ্র বাধা দিয়া বলিল, “থাক, আমি কিছুই মনে ক’রে তোমায় ও কথা বলি নি। কথার পিঠে কথা বলেছিলুম। তার পর, এখন যাচ্ছ কোথায়?”

অভিনয়ে সুদক্ষ কালীনাথ চোখে সাঁতারপানি বহাইয়া বলিল, “বেশ! একদিন থাকার কথাও বল্লে না, একেবারে খুলো-পায়েই বিদায়। আমি—”

রণেন্দ্র বলিল, “না, তা বলছি না—তোমার যদি ইচ্ছা, এখানেই থাক। তবে তুমি ত কোথাও দুচারদিনের বেশী স্থির হয়ে থাকতে পার না—ভেবেই দেখ না, আগে এখানে থাকতেই মাসে ক’বার ক’রে দেশে ছুটতে, জমিদারীতে যেতে, এখানে সেখানে ঘুরে বেড়াতে—তাই জিজ্ঞাসা করছিলুম ও কথাটা।”

কথাটা বলিবার সময়ে রণেন্দ্রের মনে পড়িল, তাহার স্নেহময়ী পিতৃষসাকে। তাঁহার জীবদ্দশায় এই পুত্র তাঁহার কিরূপ অস্বস্তির কারণ হইয়াছিল, তাহা সে দূরে থাকিয়াও সমস্তই শুনিয়াছিল। কিন্তু তবুও পিতৃষসার পুত্র, সংসারে তাঁহার নিকটাত্মীয় বলিবার মধ্যে মাত্র একজন। অতি সন্তুর্পণে একটি দীর্ঘশ্বাস ত্যাগ করিয়া রণেন্দ্র প্রকাশ্যে বলিল, “যাও কালীদা, কাপড়-চোপড় ছেড়ে এসো, একসঙ্গেই খাওয়া দাওয়া হবে’খন। তোমার ঘর যেমন, তেমনই আছে, কাপড়-চোপড় সবই পাবে’খন, বেহারীকে ডাকো।”

সে যে চোরের মত এক কাপড়ে এই গৃহ ত্যাগ করিয়াছিল, সে কথা রণেন্দ্রের মনে ক্ষণতরেও উদয় হইল না।

## স্পর্শের প্রভাব

কালীনাথের মুখমণ্ডল হাস্তোজ্জ্বল হইয়া উঠিল। সে তখন বোধ হয় ভাবিতেছিল, এই সহজবিশ্বাসী সরল মানুষটাকে করায়ত্ত করিতে কত অল্প সময় ও কত অল্প বাক্-চাতুরীর প্রয়োজন হয় !

সে উঠিতেছে, এমন সময় বৃদ্ধ সরকার মহাশয় দ্বারপ্রান্তে উপস্থিত হইয়া বিনয়নম্রকণ্ঠে বলিলেন, “বাবু কি এখন আহারে বসতে যাচ্ছেন ? না হ’লে—”

রণেন্দ্র বলিল, “কেন, কিছু দরকার আছে কি, মুখ্যো মশাই ?”

সরকার মহাশয় মাথা চুলকাইতে চুলকাইতে বলিলেন, “আজ্ঞে না, তেমন জরুরী কিছু নেই, তবে ছপুরবেলা থেকে চিঠিখানা এসে প’ড়ে রয়েছে—”

“চিঠি ? চিঠি ? কোথেকে এসেছে ?”

“আজ্ঞে, চাঁপাপুকুর থেকে, সোনা মালী লিখেছে। একটি আদালতের নোটিশ এসেছে—”

রণেন্দ্র বিরক্তিভরে বলিল, “আমি ত বলেই দিইছি, ওসব ভার আমি নিতে পারবো না, আমার সময় কোথায় ? ও আপনারা যা হয় করবেন।”

“আজ্ঞে, আমাদের দ্বারা এ কাষ হবে না। বাবুর নিজের উপস্থিতি এক্ষেত্রে বিশেষ প্রয়োজন।”

কালীনাথ বলিল, “কি, ব্যাপারখানা কি ?”

“আজ্ঞে বাবু, পড়েই দেখুন না। আমাদের নামে স্বত্-

## স্পর্শের প্রভাব

সাব্যস্তের নালিশ হয়েছে। দলিল-দস্তাবেজ দেশের রাজবাড়ীতে কর্তাবাবুর সিন্দুকে আছে। বাবু নিজে গিয়ে সে সব বার ক'রে না দিলে মামলায় দাখিল করা হবে না।”

রণেন্দ্র ধৈর্য্যচ্যুত হইয়া বলিল, “চুলোয় যাক গে স্বস্ত-সাব্যস্ত! আমায় কি আপনারা একটু শাস্তিতেও থাকতে দেবেন না? দেখি চিঠিখানা।”

সরকার মহাশয় সসম্মুখে পত্রখানি টেবলের দিকে বাড়াইয়া দিলেন। রণেন্দ্র বলিল, “আপনি এখন যেতে পারেন, কাল যা হয় করবো।”

সরকার মহাশয় প্রশ্বাসোচ্চত হইলেন। রণেন্দ্র হঠাৎ বলিল, “তখন মুখুয্যে মশাই, কালীদা এসেছে, আপনি ওকে নিয়ে কাল দেশে রওনা হন। দু'দিন পরে আমি হয় ত যেতেও পারি।”

কালীনাথ বিস্মিত হইয়া রণেন্দ্রের দিকে চাহিল। এই তরুণ যুবকের প্রতি ব্যবহারে সে আত্মীয়তার পবিত্র সম্বন্ধ বজায় রাখিতে পারে নাই, কিন্তু বিশ্বাসের অপব্যবহার করিয়া সে এত দিন আত্মগোপন করিয়াছিল। আজ প্রথম সাক্ষাৎকারের পরই সে আবার তাহাকে আপনার বিশ্বাসভাজন আত্মীয়ের মতই গ্রহণ করিতেছে। এ কি খেয়াল!

কালীনাথ বলিয়া উঠিল, “তোমার আবার এ কি খেয়াল হ'ল, ভাই?”

রণেন্দ্র বলিল, “খেয়াল নয়। তুমি যখন ফিরে এসেছ, তখন ওসব ঝগাট তোমার ঘাড়ে ফেলেই নিশ্চিন্ত হব। হাকামা

## স্পর্শের প্রভাব

আমার ভাল লাগে না। তোমার ন্যায্য পাওনা-গণ্ডা তুমি এষ্টেই থেকেই পাবে, কালীদাস'।”

কালীনাথের বিশ্বাস সীমা অতিক্রম করিল। কিন্তু প্রবল উত্তমে সে আপনাকে প্রকৃতিস্থ করিয়া লইল। তার পর সে কক্ষ ত্যাগ কবিরার কালে মুহূ হাসিয়া বলিল, “কি ভাল লাগে তোমার, কবিতা—গল্প লেখা?”

নিম্নীলিত নয়নে রণেশ্বর বলিল, “হুকুও বা!”

। ৩



রাজেশ্বর বাবু পিতৃপিতামহের প্রাচীন ভিটায় পুত্রকন্যাকে সুপ্রতিষ্ঠিত করিয়া দিয়া দূরসম্পর্কীয়া জ্ঞাতি-বিধবার তত্ত্বাবধানে রাখিয়া কলিকাতায় চলিয়া গিয়াছিলেন। পিতা বিষয়কর্ম সম্পর্কে ব্যস্ত, মাত্র এই তত্ত্বটুকু জ্যেষ্ঠস্বাময়ীর পরিজ্ঞাত ছিল। বাল্যে মাতৃহারী, পিতাও এ যাবৎ বিপত্নীক, তরুণীর মনের চিন্তা মনেই উদয় হইয়া বিলীন হইয়া যাইত, আনন্দ বা ব্যথার বোঝা আপনাকেই বহিতে হইত, আপনার মধ্যেই নাড়াইয়া লইতে হইত। আজ যদি তাহার মা থাকিতেন!

কিন্তু পিতাও ত তাহাদের প্রতি কর্তব্যে ঔদাসীন্য কখনও প্রদর্শন করেন না। তাঁহার আর কে আছে? পুত্রকন্যাকে লালন-পালন করাই এখন তাঁহার একমাত্র ব্রত—একমাত্র লক্ষ্য। বিহঙ্গম-বিহঙ্গমার গল্পে রাক্ষসীর প্রাণ যেমন স্বর্ণ-সম্পূটকের অভ্যন্তরস্থ ভ্রমর-ভ্রমরীর মধ্যে নিবদ্ধ ছিল, এই মাতৃহারী সন্তান-যুগলের মধ্যেও যেন বৃদ্ধের সমস্ত জীবনের আশা-আকাঙ্ক্ষা

সীমাবদ্ধ ছিল। কিন্তু তথাপি বিষয়সম্পর্কিত কোন যুক্তি-পরামর্শ তিনি বুদ্ধিমতী বয়ঃপ্রাপ্তা কন্যার সহিত করিতেন না; হয় ত প্রয়োজন বলিয়া মনে করিতেন না। সম্ভবতঃ তিনি এখনও জ্যোৎস্নাকে পঞ্চমবর্ষীয়া বালিকা বলিয়াই মনে করিতেন।

কলিকাতার কার্য সমাপনান্তে গৃহে প্রত্যাবর্তন করিয়া তিনি শুনিলেন, পুত্র ও কন্যা গ্রাম পরিদর্শন করিতে বহির্গত হইয়াছে। তাঁহার মনে যুগপৎ আনন্দ ও দুঃখের উদয় হইল। আনন্দ এই হেতু যে, এই ভাবে প্রকৃতির অযাচিত দানের সন্ধ্যাবহার না করিলে—মুক্ত আকাশ ও মুক্ত বাতাসে মনের আনন্দে নিত্য ভ্রমণ না করিলে দেহমন স্বস্থ থাকে না, গৃহের বন্ধ হাওয়ায় অহোরাত্র কালযাপন করিলে পুরুষ ও নারী কাহারও দেহ ও মন স্ফুটিত হইবার স্বেচ্ছা প্রাপ্ত হয় না। কিন্তু সঙ্গে সঙ্গে তাঁহার দুঃখ-ভয়েরও যে কারণ ছিল না, তাহা নহে। বাজারের পল্লীর নানা গুণ সত্ত্বেও সঙ্গীর্ণতার কথা তিনি বিলক্ষণ জানিতেন; সুতরাং বয়স্কা কন্যার এইরূপ অবাধ-ভ্রমণে যে আলোচনার সৃষ্টি হইতে পারে, সে আশঙ্কা তাঁহার মনঃপীড়ার কারণ হইয়াছিল।

কিঞ্চিৎ বিশ্রাম গ্রহণ করিবার পর তিনি সঙ্গে আনীত একখানি সংবাদপত্রপাঠে মনোনিবেশ করিলেন। কিন্তু অধিক-ক্ষণ উহাতে নিবিষ্টচিত্ত হইতে পারিলেন না। সংবাদপত্র ফেলিয়া দিয়া থাকিলেন, “রামাবতার!”

রামাবতার তাঁহার পশ্চিমের পুরাতন বিশ্বাসী ভৃত্য। তাহাকে তাহার দিদিমণিদের কথা জিজ্ঞাসা করিলে সে বলিল,

## স্পর্শের প্রভাব

দিদিমণিরা বেড়াইতে গিয়াছে জানে, কিন্তু কোথায় গিয়াছে, তাহা জানে না। রাজেশ্বর বাবু ভৎসনা করিলেন;—“তবে তুমি কি করতে রয়েছিস? তোর জন্মই বা কি করছিল, সঙ্গে যায় নি কেন? তোরা দু’জনেই কি এমন কাজে ব্যস্ত ছিলি যে, কেউ সঙ্গে যেতে পারিস নি? এমন ক’রে—”

তাহার কথা সাক্ষ হইল না। “ও মা, এই যে বাবা! বাবা, তুমি কখন এলে?”—বলিতে বলিতে জ্যোৎস্না আনন্দের আতিশয্যে রীতিমত ছুটিয়াই কক্ষে প্রবেশ করিল, তাহার পশ্চাতে সুধা। রামাবতার স্বেযোগ বুঝিয়া কার্য্যান্তরে প্রস্থান করিল।

জ্যোৎস্না পিতার স্বপ্নের উপর একখানি হস্ত রক্ষা করিয়া বলিল, “হাঁ বাবা, আজ আসবে ব’লে ত লেখনি। তোমার কাষ হয়ে গেছে, বাবা?”

রাজেশ্বর বাবু বলিলেন, “না মা, কাষ কি সামান্য? তবে কতকটা ভিত্তিপত্তন ক’রে এলুম বটে। তোমরা কোথায় বেড়াতে গিয়েছিলে, মা?”

সুধা তাহার দিদিকে উত্তরের অবসর না দিয়া স্বয়ং হর্ষভরে বলিয়া উঠিল, “ওঃ, সে কত বড় বাগান, তোমায় কি বোলবো, বাবা! কত বড় পুকুর, কত ফুল!”

রাজেশ্বর বাবু তাহার মস্তকে হস্তাবমর্ষণ করিতে করিতে বলিলেন, “কোন বাগান রে, পাগলা?”

জ্যোৎস্না বলিল, “ঐ যে রাস্তার ওপারে ঐ দেখা যাচ্ছে ডাক্তা

বাগান, ঐটে। আহা, বাগানটার কি ছিরিই ক'রে রেখেছে! যেন ওর মা-বাপ নেই, বাবা। সনাতন কত আদর ক'রে সমস্ত বাগানটা আমাদের দেখিয়ে নিয়ে বেড়ালো। বললে, ওর মনিবরা বাড়ীঘরে আসে না। হাঁ বাবা, এমন সুন্দর বাগান থাকতে বিদেশে যারা কাল কাটায়, তারা কি রকম মাহুষ?"

রাজেশ্বর বাবুর মুখমণ্ডল অকস্মাৎ গম্ভীর আকার ধারণ করিল। ঋণেক নিস্তব্ধ থাকিয়া তিনি বলিলেন, "কে, সোনা মালী? এখনও বেঁচে আছে বুড়ো?"

জ্যোৎস্না বিস্মিত হইল, বলিল, "হাঁ, সোনা মালী। তুমি শুকে জানলে কি ক'রে, বাবা? বড় ভাল মাহুষ। জান বাবা, আমায় মা ব'লে কথা কইলে।" জ্যোৎস্নার হাসির লহরে কক্ষটি যেন শুভ্র নির্মল জ্যোৎস্নাধারাতেই প্লাবিত হইল।

রাজেশ্বর বাবু কোন কথার জবাব না দিয়া বলিলেন, "এ ক'দিন কি গায়ে এমনই ক'রে বেড়িয়েছ, মা?"

জ্যোৎস্না বলিল, "না বাবা, রোজ না, এর আগে আর এক দিন গিয়েছিলুম। ক'দিন থেকে সুখা বলছিল, বাগানটা দেখবে, ও ফুল বড্ড ভালবাসে কি না!"

রাজেশ্বর বাবু বলিলেন, "তা বেশ করেছ, মা। তবে বলছিলুম কি, এটা পশ্চিমের খোট্টার দেশ নয়, এখানে পথে ঘাটে বেকলে নিন্দা হতে পারে। ছেলেবেলা থেকে নিজের অন্তর্ভূমি ত কখনও দেখ নি, এখানকার রেওয়াজও তোমার জানা নেই। না হ'লে—"

## স্পর্শের প্রভাব

জ্যোৎস্না ক্ষুদ্র অভিমানাহত স্বরে বলিল, “কেন বাবা, বেড়ালে আবার নিন্দে কি ?” সুধাও বলিয়া উঠিল, “বা রে, বেড়ালে বুঝি আবার দোষ হয় ? দূর !”

রাজেশ্বর বাবু বলিলেন, “না রে পাগলা, দোষ কিছু হয় না। তুই যা দিকি, চটক’রে—আমার নাইবার যোগাড় করিতে ব’লে আয় দিকি। আর দেখ্, তোদের জন্তে কলকাতা থেকে কত কি খেলনা এনেছি, দেখ্ গে যা তোর পিসীমার কাছে—”

সুধা তাঁহার সমস্ত কথা সাক্ষ করিতে দিল না, এক লম্ফে ছুট দিল। তাহার ডাকাত পড়ার মত বিকট উল্লাস-চীৎকারে কক্ষ ছাইয়া গেল। তাহার দিদিও তাহার অনুসরণ করিতেছিল, কিন্তু রাজেশ্বর বাবু সঙ্কেতে তাহাকে নিষেধ করিলেন। জ্যোৎস্না বিস্মিত হইয়া থমকিয়া দাঁড়াইল।

রাজেশ্বর বাবু গম্ভীরভাবে বলিলেন, “ব’স মা এইখানে, তোমার সঙ্গে কিছু দরকারী কথা আছে।”

জ্যোৎস্নার বক্ষঃস্থল গুরু গুরু করিয়া উঠিল—কি এমন গোপনীয় কথা ? সে ধীরে ধীরে কম্পিত হৃদয়ে আসন পরিগ্রহ করিল। রাজেশ্বর বাবু বলিলেন, “দেখ জ্যোৎস্না, কথাগুলো অনেক দিন থেকেই তোমায় বলবো বলেও বলবার সময় ক’রে উঠতে পারি নি। কিন্তু আর না বললেও চলে না, তুমি এখন আর ছেলেমানুষটি নও, বড় হয়েছে। এখন দেশে ঘরে এসে বাস করেছি, বিদেশের মত আর তোমার এখানে পথে

বেকনো উচিত নয়। বেকলে কথা উঠবে। অবশ্য আমার কোন আপত্তি নেই। তবে কি জান, যারা আমাদের আপনার লোক, তারাই তোমার নিন্দে করবে, হয় ত আমাদের সঙ্গে মিশবে না, হয় ত আমাদের নিয়ে সমাজে চলবে না। কিন্তু যখন সমাজের মধ্যে বাস করতেই হবে, তখন ওদের সঙ্গে মিলেমিশে না চললেও ত চলবে না।”

জ্যোৎস্নার বিশ্বয়ের সীমা রহিল না, এমন কথা ত সে পিতার মুখে কখনও শুনে নাই। সে ক্ষুণ্ণ-মনে বলিল, “তা হ’লে বাড়ীর বাইরে যেতে পারবো না ?”

রাজেশ্বর বাবু বলিলেন, “না, তা বলছি নি। তবে যেখানে যাও, তোমার পিসীর সঙ্গে যেও, অন্ততঃপক্ষে রামাবতারের বউকে সঙ্গে নিয়ে যেও।”

জ্যোৎস্না সাভিমান্নে বলিল, “না, বেড়াতেই যাব না।”

রাজেশ্বর বাবু হাসিয়া বলিলেন, “এই দেখ, পাগলী মেয়ে রাগ করলে। ইচ্ছে হ’লে বেড়াতে যাবে বৈ কি। বিশেষ, সামনের বাগান-বাড়ীতে গেলে কথা হবে না। ওটা পোড়ো বাড়ী, কেউ থাকে না, ওখানে তোমরা রোজ যেতে পার। মালীটা কি আমার কথা জিজ্ঞাসা করেছিল ?”

জ্যোৎস্না বলিল, “না, কেবল জিজ্ঞাসা করেছিল এটা কি বোসেদের বাড়ী নয় ? আমি বলেছিলুম, তা জানি নে, তবে আমরা বোস, বাবার কাছে শুনেছি। সে তাতে বলেছিল, বোসেরা বহুকাল আগে এ বাড়ীর মালিক ছিল, সব বেচে কিনে

## স্পর্শের প্রভাব

কলকাতায় না কোথায় চ'লে গেছে। ই! বাবা, তোমরা বুঝি ছেলেবেলায় এখানে থাকতে ?”

রাজেশ্বর বাবুর মুখমণ্ডল অকস্মাৎ অমাবস্তার ঘনাক্ষকারে আচ্ছন্ন হইয়া গেল। তিনি ক্ষণকাল নীরব থাকিবার পর বলিলেন, “সে ঢের কথা। দেখ মা, ক’টা কথা বোলবো তাড়াতাড়ি ! স্বধা এসে পড়লে হয় ত সময় পাব না। লাহোরে থাকতে এক দিন তোমায় বলেছিলুম, মনে আছে, যে তোমার বিবাহ হয়েছে ?”

জ্যোৎস্না মুখখানি অবনত করিয়া কেবল ঘাড় নাড়িয়া জানাইল, সে কথা তাহার মনে আছে, কিন্তু মুখে কোন কথা কহিল না।

রাজেশ্বর বাবু বলিয়া যাইতে লাগিলেন, “যখন তোমার বিবাহ হয়, তখন তুমি সাত বছরের, তখন তোমার গর্ভধারিণী জীবিত। পাশের গ্রামের জমীদার তোমায় দেখে একবারে মুগ্ধ হ’য়ে তাঁর আদরের বালক নাতির সঙ্গে তোমার বিবাহের প্রস্তাব করেন। আমার বাবা এতে গৌরব মনে ক’রে সম্মতি দেন। সে বিবাহে কি ধুমধাম আর খরচ-খরচাই না হয়েছিল ! মন্ত জমীদারের পিতৃহীন একমাত্র আদরের নাতি ! কিন্তু অত উৎসব আনন্দ সবই ব্যর্থ হ’ল।”

রাজেশ্বর বাবু দীর্ঘশ্বাস ত্যাগ করিলেন। জ্যোৎস্না অবনত মস্তকে বেজাসন খুঁটিতে লাগিল। তিনি আবার বলিয়া যাইতে লাগিলেন, “বিবাহের পর এক বৎসরের মধ্যেই জমীজমা নিয়ে

## স্পর্শের প্রভাব

আমার বাবার সঙ্গে জমীদারের বিবাদ বাধলো। আমার বাবা মধ্যবিস্ত গৃহস্থ ছিলেন। সেই বিবাদ ক্রমে উভয় পক্ষের মধ্যে মুখ দেখা-দেখিও বন্ধ ক’রে দিলে। তারপর মামলা বাধলো। সঙ্গে সঙ্গে গ্রামে জমীদারঘরের নামে এক কলঙ্ক রটলো। তুমি ত জান না মা, বাঙ্গালার পাড়াগাঁ এক এক যায়গায় কি ভয়ানক স্থান!”

রাজেশ্বর বাবু আবার দীর্ঘশ্বাস ত্যাগ করিলেন। পরে বলিলেন, “এ সব কথা তোমার শোনা উচিত নয় জানি। কিন্তু সবটা খুলে না বললে তুমি অবস্থাটা বুঝবে না, তাই অপ্রিয় হলেও বলতে হচ্ছে। যে ছেলের সঙ্গে তোমার বিবাহ হয়েছিল, তার বাবা অর্থাৎ জমীদারের ছেলে অল্পবয়সেই মারা যান। তাঁর পত্নী তখন অন্তঃসত্ত্বা! লোকে বলে, মদ খেয়েই মারা গিয়েছিলেন। তাঁর মৃত্যুর পরে ছেলে ভূমিষ্ঠ হয়, এই কথা নিয়েই ছেলের মা’র নামে কলঙ্ক রটে। অবশ্য কথাটা সর্বৈব মিথ্যে। কিন্তু সে যা হোক, এই কলঙ্ক-রটনাই কাল হ’লো। জমীদার মনে করলেন, “আমার বাবাই ঐ কথা রটিয়েছেন।”

জ্যেৎস্না এইবার সবিস্ময়ে জিজ্ঞাসা করিল, “কেন?”

রাজেশ্বর বাবু বলিলেন, “তা জানি নে। কিন্তু ফল হ’ল বড় বিষম। এক দিকে মস্ত ধনী জমীদার, অন্য দিকে সামান্ত গৃহস্থ আমরা—জমীদার আমার বাবার নামে মিথ্যে ফৌজদারী মামলা সাজিয়ে, মিথ্যে সাক্ষী যোগাড় ক’রে, আমার বাবাকে জেলে দিলেন!” রাজেশ্বর বাবুর চক্ষু ধক্ধক্ জলিয়া উঠিল, হস্ত মুষ্টিবদ্ধ হইল।



## স্পর্শের প্রভাব

জ্যোৎস্না চমকিত হইয়া বলিল, “জেলে দিলেন ?”

রাজেশ্বর বাবু দীর্ঘশ্বাস ত্যাগ করিয়া বলিলেন, “হাঁ, তিন মাসের জন্ম বাবার জেল হলো। সেই জেলই তাঁর কাল হলো। জেল থেকে বেরিয়েই বাবার দেহ ভেঙ্গে পড়লো। সেই যে বাবা শয্যা নিলেন, তা থেকে আর উঠলেন না, আমাদের সোনার সংসারে কালো ছায়া পড়লো !”

জ্যোৎস্না বলিল, “তারপর ?”

রাজেশ্বর বাবু বলিলেন, “তার পর ভাঙ্গন যখন ধরলো, তখন তা খুব ছুটেই চললো। বাবা গেলেন যে মাসে, তার দু’মাস পরেই তোমার গর্ভধারিণী আমায় ফাঁকি দিয়ে চ’লে গেলেন। আমারও এ গাঁয়ের বাস উঠলো। মামলার দায়ে যা কিছু পৈতৃক জমীজমা ছিল, সব নষ্ট হলো। গাঁয়ে বাস করাও অসম্ভব হয়ে উঠলো। পাশের গাঁয়ের জমিদার শত্রু, সেখানে কি বাস করা যায় ? শেষে আর অপমান নির্ঘাতন সহ্য করতে না পেরে ভদ্রাসনখানাও বেচে কিনে আমি তোমাদের ভাইবোনকে নিয়ে গাঁ ছেড়ে চ’লে গেলুম।”

জ্যোৎস্না বলিল, “আমার যেন স্বপ্নের মত একটু একটু মনে পড়ে, বাবা।”

রাজেশ্বর বাবু বলিলেন, “সেই থেকেই আমরা আজ প্রায় দশ বছর দেশ-ছাড়া। বেড়ালে যেমন ছানা মুখে নিয়ে এ-বাসা সে-বাসা ক’রে ঘোরে, দশ বছর তেমনই ক’রে আমি তোমাদের নিয়ে হিল্লী-দিল্লী ক’রে বেড়িয়েছি।”

রাজেশ্বর বাবু মুহূর্ত্ত স্তব্ধ থাকিয়া বলিতে লাগিলেন, “হাঁ, শেষে লাহোর গেলুম, আর সেখানেই স্থিতভিত হ’য়ে তোমাদের লেখাপড়া শেখালুম; লাহোরেই তুমি ম্যাট্রিক পাশ করেছিলে। কাণপুরে আমার এক মামাত ভাই চাকরী করতেন, তাঁরই ওখানে গিয়ে প্রথমে উঠি, আর তাঁরই সুপারিসে সেখানে এক কলের অফিসে চাকরী জোটে। ত’রপর মীরাতে যাই,—কিছু বেশী মাইনেতে। শেষে লাহোরের মোটা মাইনের চাকরী জোটে।”

জ্যোৎস্না বলিল, “হঁ, সেখানে ত চারশ’ টাকা পেতে, না বাবা?”

রাজেশ্বর বাবু বলিলেন, “হঁ, তাই দু’পয়সা জমিয়েছিলুম, কিছু চালানী কারবারও সঙ্গে সঙ্গে করেছি। তাতেও কিছু জমিয়েছি। জান ত মা, রাই কুড়িয়ে বেল হয়? তাইতেই ত আবার পৈতৃক ভিটে উদ্ধার করতে পেরেছি। তবে এখনও জমী-জমার সব উদ্ধার হয় নি, মামলা চলছে।”

জ্যোৎস্না জিজ্ঞাসা করিল, “ভিটে ত বেচেই গিয়েছিলে, তবে আবার ফিরে পেলো কি ক’রে?”

রাজেশ্বর বাবু বলিলেন, “বলছি সব, শোন না। দেশ-ঘর ছেড়েছিলুম ব’লে যে দেশের খবর রাখি নি, তা নয়। তোমার যে পিসী এখানে রয়েছেন, ঠাঁর ভাই হলেন আমার জাতি-ভাই—ঐ যে নতুন বাড়ীর ব্রজদা? তোমাদের জ্যেষ্ঠামশাই, ঠাঁর সঙ্গে আমার চিঠি লেখালেখি ছিল, অন্ত বন্দোবস্তও ছিল। ঠাঁর কাছ থেকেই জেনেছিলুম, জমীদার রোগে শোকে নানা কষ্ট ভুগে এক

## স্পর্শের প্রভাব

বুকুম নরক ঘেঁটেই মারা গেছেন,—তঁার মৃত্যুর পূর্বের ক’দিনের আন্তনাদ পাড়াপড়শী এখনও ভুলতে পারে নি।”

জ্যোৎস্না বলিল, “কেন বাবা, নরক ঘেঁটেছিলেন কেন?”

রাজেশ্বর বাবু উত্তেজিত হইয়া বলিলেন, “কেন? জিজ্ঞাসা করছ, কেন? পাপের প্রায়শ্চিত্ত।”

সে সময়ে জ্যোৎস্না পিতার মুখ-চক্ষুতে যে বিজাতীয় ক্রোধ ও ঘৃণার চিহ্ন ফুটিয়া উঠিতে দেখিয়াছিল, জীবনে তাহা ভুলিতে পারিবে কি? সে সভয়ে দৃষ্টি অবনত করিল।

রাজেশ্বর বাবু অপ্রতিভ হইয়া বলিলেন, “ভাবছ, বাবা একটা দানাদতি, শত্রু ম’রে গেলেও তাকে ক্ষমা করে না? হাঁ মা, এ বিষয়ে তোমার বাবা রাক্ষস পিশাচ যা বল, তাই। আমি ত বাবার অপমান নির্ধ্যাতন ভুলতে পারি নি! এ জীবনে পারবোও না বোধ হয়। আর, তাঁর জ্বালা, অপমানের কণামাত্রও শোধ দিতে পারি,—তারই আশায় আবার এখানে এসে বাস করছি। আমার পিতৃ-ঋণ ত শোধ হয় নি!”

বৃদ্ধের নিস্তেজ নিস্ত্রভ নয়নদ্বয় ধক্-ধক্ জলিয়া উঠিল। জ্যোৎস্না বিস্মিত হইল—সে তাহার পিতার এমন ভাবান্তর কখনও দেখে নাই! সে নতমস্তকে মৃদুস্বরে বলিল, “কিন্তু বাবা, যার উপর রাগ, তিনি ত নেই।”

রাজেশ্বর বাবু উত্তেজিতস্বরে বলিলেন, “নেই? সে নেই—তার বীজ রয়েছে! বড় আপনার জন সে—যার বাড়া নেই

আদরের—আমার সেই জামাই ! কিন্তু সেও শত্রু, শত্রুর বীজ ত শত্রু ! তার মাথায় বাবার অপমান-লাঞ্ছনার বোঝা ফিরেঘে দেবো, নিকটে থেকেও তাকে দেখাবো—তাকে আমরা কুকুরের চেয়েও অধম মনে করি—তবে ত আমার জালা দূর হবে ! প্রতিহিংসা !” রাজেশ্বর বাবুর দৃষ্টি শূন্যে নিবদ্ধ, যেন তিনি তখন অপরের অবস্থিতির কথা সম্পূর্ণ বিস্মৃত হইয়াছেন ।

জ্যোৎস্না দেখিল, তাহার পিতার দেহ উত্তেজনার আতিশয্যে কম্পিত হইতেছে । সে কোনও দিন তাহার পিতাকে এত বিচলিত হইতে দেখে নাই । সে তাড়াতাড়ি উঠিয়া পিতার অঙ্গসোপরে মৃণাল-বাছ্যুগল স্থাপন করিয়া উদ্বেগ-ব্যাকুল কণ্ঠে বলিল, “বাবা, বাবা !”

রাজেশ্বর বাবুর আত্মচেতনা ফিরিয়া আসিল । ক্ষণপরে দারুণ লজ্জা আসিয়া তাঁহাকে আচ্ছন্ন করিল । তিনি অপরাধীর মত আত্মদোষ-ক্ষালনের চেষ্টায় বলিলেন, “কি বলছিলে জ্যোৎস্না, আমার রাগের কথা ? পারি নি মা, রাগ চেপে রাখতে পারি নি, আমার হাড়ে হাড়ে—মজ্জায় মজ্জায় সে অপমানের বিষের জ্বালা যেন ঘুরে ঘুরে বেড়াচ্ছে । জানি সব, বুঝি সব—যে অপরাধ করেছে, সে চ’লে গেছে, যে আছে, সে কিছু জানে না । কিন্তু তবুও—তবুও সে যে সেই বংশেরই একজন ! যাক । যে কথাটা তোমায় বলা বিশেষ দরকার, সেইটে বলছি—মন দিবে শোন—তোমার উপরেই মীমাংসার ভার দিচ্ছি । দেখ, জেনে গুনেই প্রলোভনের মুখে তোমায় এনেছি । আশা, আমি যে

## স্পর্শের প্রভাব

ভাবে তোমায় গ'ড়ে তুলেছি, তাতে এ প্রলোভনকে তুমি অনায়াসে এড়াতে পারবে।”

জ্যোৎস্না সবিস্ময়ে বলিল, “আমি মীমাংসা করব? প্রলোভন? এ সব কি বলছ বাবা, বুঝতে পারছি না।”

রাজেশ্বর বাবু বলিলেন, “সবই বুঝিয়ে দিচ্ছি, আজ আর কিছু লুকিয়ে রাখবো না। যার হাতে আমার বাবা তোমায় সঁপে দিয়েছিলেন, সেই এখন এই বিশাল জমীদারীর মালিক—বংশের একমাত্র সন্তান। শুনেছি, সে খুব লেখাপড়াও শিখেছে, এম, এ, পাশ করেছে, কিন্তু তার পিতামহের মৃত্যুর পর থেকে তার মা তাকে নিয়ে তাদের কলকাতার বাড়ীতেই বাস করছিলেন। শুনেছি, তিনিও আজ তিন চার বছর গত হয়েছেন। ছেলে দেশে ঘরে কচিৎ কখনও আসে, নইলে কলকাতাতেই থাকে। এখন বুঝছো, প্রলোভন কি?”

জ্যোৎস্না মুখখানি অবনত করিয়া নীরবে বসিয়া রহিল। রাজেশ্বর বাবু বলিয়া যাইতে লাগিলেন, “ইচ্ছে করলে তুমি রাজরাণী হ'তে পার। যথেষ্ট পীড়াপীড়ি সত্ত্বেও সে এখনও অবিবাহিত আছে, কেন তা জানি নে। সে যে এই ক'বছর ক্রমাগত তোমার খোঁজ নিয়েছে, সে খবর আমি ব্রজদা'র চিঠিতে অনেকবার পেয়েছি। কিন্তু ব্রজদা ছাড়া কেউ আমার ঠিকানা জানতো না ব'লে তার উদ্দেশ্য ব্যর্থ হয়েছে। ব্রজদাকে আমার একবারেই নিষেধ ক'রে দেওয়া ছিল, যেন ঘুণাক্ষরে আমার কথা কেউ জানতে না পারে, যেন আমরা সবাই ম'রে গেছি বা

নিরুদ্দেশ হয়েছি, এই কথাই রটে যায়। যা হোক, সে যখন তোমায় অনেকবার খুঁজেছে, তখন অনুমান ক'রে নেওয়া যায়, এখন তুমি দেখা দিলে সে তোমায় নিতে পারে। তোমার পক্ষে এটা কম আকর্ষণ নয়, তা আমি বুঝি। আমিও হিন্দু, জানি, হিন্দুর মেয়ের বিবাহ ইহ-পরকালের, কিন্তু তার উপরেও কর্তব্য আছে ব'লে আমি মনে করি। যে রক্তে তুমি জন্মগ্রহণ করেছ, সেই রক্তের অপমান, বংশের অপমান, এ ত ভুলতে পারা যায় না। যে পারে, সে পারে, আমি পারি না।”

উত্তেজনার আতিশয্যে রাজেশ্বর বাবুর শ্বাস ঘন ঘন বহিতে লাগিল। জ্যোৎস্না পাষণ-প্রতিমার মত কাঠ হইয়া বসিয়া রহিল। ঘড়ীর টিক্-টিক্ ধ্বনি যেন বজ্র-নির্যোষে তাহার কর্ণে ধ্বনিত হইতে লাগিল।

রাজেশ্বর বাবু আবার বলিলেন, “যার পিতামহ আমার আরাধ্য পিতৃদেবকে সর্বস্বান্ত করেছে—জেল দিয়েছে—শেষে তাঁকে এক রকম হত্যা করেছে, তার সঙ্গে—তার বংশের কারও সঙ্গে, আমার কোনও সম্পর্ক থাকলেও নেই, থাকতে পারে না। তাদের সঙ্গে তোমারই সম্পর্ক থাকা কি উচিত? না, বরং ঘৃণার সঙ্গে পদাঘাতে সে সম্পর্ক ভেঙ্গে দেওয়া উচিত? দেশঘরে ফিরে এসেছি। এখানে এখন থেকে বসবাসও করতে হবে। কাষেই হয় ত তার সঙ্গে দেখা গুনোও হয়ে যেতে পারে—হয় ত, সে ঘেচে আলাপ-পরিচয় করতেও চেষ্টা করতে পারে। সে সময়ে আমাদের কি করা উচিত? এ কথার মীমাংসা এখনই

## স্পর্শের প্রভাব

হয়ে যাওয়া দরকার ব'লে আমি মনে করি। বিশেষ ভেবে চিন্তে কথার জবাব দিও।”

জ্যোৎস্না অবনত আরক্ত মুখখানি একবারে পিতার চেয়ারের সঙ্গে লুকাইয়া ফেলিল, কোনও উত্তর দিল না।

রাজেশ্বর বাবু বলিলেন, “লজ্জা কি, মা ? এতে লজ্জার কথা কিছুই নেই। আমি তোমায় যে ভাবে গ'ড়ে তুলেছি, তাতে আমি তোমার কাছে স্পষ্ট জবাবেরই প্রত্যাশা করি। আমার পথ আমি ঠিক ক'রে নিয়েছি। এখন এক্ষেত্রে তোমার কি করা উচিত, তা তুমিই ঠিক ক'রে নেবে, এতে আমার মতামতের বা প্রসন্নতা-অপ্রসন্নতার মুখ চেয়ো না। যদি তুমি নিজের ঘরে ফিরে যেতে চাও, স্পষ্ট ক'রে বল, আমি একটুকু দুঃখিত হব না। আমিই উদ্যোগ ক'রে তোমায় তোমার ঘরে দিয়ে আসবো। আমি যতটা শুনেছি, তাতে বিশ্বাস হয়, সে তোমায় আদর ক'রে ঘরের লক্ষ্মী ক'রে নেবে। তবে আমার সঙ্গে দেখা সাক্ষাৎ ঐ পর্য্যন্ত ! চিঠিপত্র সঙ্ঘক্ষেপে ঐ একই কথা। আর যদি আমার মেয়ে হ'য়ে আমার ঘরে থাকতে চাও, তা হ'লে ওর সঙ্গে কোন সংস্রব—কোন সম্বন্ধ রাখতে পারবে না। তুমি বড় হয়েছ, এখন সব বোঝ, তাই সব খুলে বল্লুম। এখন তোমার জবাব কি ? মনে রেখো, এই জবাবের সঙ্গে তোমার ভবিষ্যৎ জীবনের মঙ্গল-অমঙ্গল জড়ানো রয়েছে। আজ তোমার গর্ভধারিণী বেঁচে থাকলে আমায় আজ এ কথা পাড়তে হতো না। কি ঠিক করলে ? ছিঃ মা, লজ্জা কি ? আচ্ছা, আজ না পার, পরে

বোলো, মুখে বলতে না পার, লিখে জানিও, কিন্তু যা হয় ঠিক ক'রে ফেলো। বুঝছি, কি সমস্যায় তোমায় ফেললুম মা, কিন্তু কি করবো, উপায় নেই। ঐ সুধার আওয়াজ পাচ্ছি, আর না। আমি নাইতে চললুম, তুমিও যাও মা।”

রাজেশ্বর বাবু বাহিরে প্রস্থান করিলেন। জ্যোৎস্না তখনও ঠিক প্রস্তর-মুর্তির মত নীরবে দাঁড়াইয়া রহিল। তাহার মুখমণ্ডল গম্ভীর, ক্রম্বয় কুঞ্চিত, ললাট গভীর চিন্তারেখাঙ্কিত। তখন তাহার মানস-সমুদ্রে কি ভাবতরঙ্গ খেলিতেছিল, তাহা সেন্ভিন্ন কে বলিতে পারে ?



বাগবাজার ষ্ট্রীট হইতে একটি গলী অষ্টাবক্রের মত আঁকিয়া  
বাঁকিয়া খালের ধারে গিয়া পড়িয়াছে। গলীর মধ্যস্থ একটি  
টিনের বাড়ীর কলতলায় গ্রীষ্মের অপরাহ্নে একটি শ্রামাদী তরুণী  
বাসন মাজিতেছিল এবং আপন মনে অদৃষ্টকে ধিকার দিতেছিল।  
গৃহবাসীরা তখন সম্ভবতঃ নিজার আরাম উপভোগ  
করিতেছিল।

তরুণীর ছিপছিপে একহারা চেহারা হইলেও যৌবনের  
লাবণ্য উজ্জ্বলিত হইতেছিল। কিন্তু সে লাবণ্য উপভোগ  
করিবার সে ছাড়া সেখানে আর কেহ ছিল না মনে করিয়াই  
বোধ হয়, সে বাসন মাজার তালা তালা লাবণ্যের তরঙ্গভঙ্গ  
সন্দর্শন করিয়া আপন মনে মুহু মুহু হাসিতেছিল; অধিকন্তু  
মাঝে মাঝে পশ্চাতে ফিরিয়া আপনার দীর্ঘ কৃষ্ণ এলায়িত চিকুর-  
দামের সৌন্দর্য্যে আপনিই মুগ্ধ হইতেছিল।

অজনের পার্শ্বস্থ দীর্ঘোন্নত নারিকেলবৃক্ষের শীর্ষদেশে উপবিষ্ট

## স্পর্শের প্রভাব

একটা চিল সংগৃহীত খড়কুটায় বাসা বাঁধিতেছিল, মধ্যে মধ্যে তাহার কর্কশস্বরে স্থানটা ভরিয়া যাইতেছিল। একটা মার্জ্জার কলতলার আঁস্তাকুড়ের মধ্যে একদফা আহার সাবিয়া নিম্নীলিত নেত্রে আর একদফার প্রতীক্ষা করিতেছিল। পার্শ্ববর্তী গৃহের পিয়ারা-বৃক্ষের শাখায় উপবেশন করিয়া একটি বালক পিয়ারা পাড়িতেছিল এবং ভুক্তাবশিষ্ট পিয়ারা প্রতিবেশীর কলতলার উদ্দেশ্যে নিক্ষেপ করিয়া পত্রপুঞ্জের অন্তর্ভালে লুকায়িত হইবার চেষ্টা করিতেছিল।

তরুণী প্রথমে চমকিত হইয়াছিল, কিন্তু পরে লক্ষ্যস্থলের দিকে দৃষ্টি সন্নিবদ্ধ হইতেই বালককে দেখিতে পাইয়া মুদু হাসিয়া ছোট হাতের ছোট কিল তুলিয়া ভয় প্রদর্শন করিল; তাহার পর সন্তর্পণে উঠিয়া আসিয়া মধ্যস্থ ব্যবধান-প্রাচীরের সাম্নিখে দাঁড়াইয়া একবার চতুর্দিক ভয়চকিত নয়নে দেখিয়া লইল, তাহার পর মুদুস্বরে বলিল, “কি ব’লে দিইছি? জানালা দিয়ে দিলে হ’ত না? যা, যা।”

বালক খিল খিল করিয়া হাসিয়া আর একটা পিয়ারা ছুড়িয়া মারিয়া তাড়াতাড়ি বৃক্ষ হইতে অবতরণ করিল। তরুণী পিয়ারাটা ক্ষিপ্ৰগতি কুড়াইয়া লইল, তাহার অন্ত্রে একখানা কাগজের মোড়ক।

“কে গা, বোমা?” চক্ষু মুছিতে মুছিতে একটি প্রোতা বিধবা বারান্দায় আসিয়া দাঁড়াইলেন। কুশাকী তরুণীর তুলনায় এই স্থলাকী প্রোতার অঙ্গসৌষ্ঠব যে অতীব বিসদৃশ

## স্পর্শের প্রভাব

দেখাইতেছিল, তাহা আর কেহ না দেখিলেও তরুণী স্বয়ং বিশেষ-রূপে উপলব্ধি করিতেছিল।

পুলকবধূর মুখমণ্ডল অবগুষ্ঠনযুক্ত ছিল না, স্বশ্রুকে দেখিয়াও সে বিষয়ে তাহার অবস্থার কোন পরিবর্তন হইল না; বরং তাহার মুখমণ্ডল অকস্মাৎ নিবিড় জলদজালের মত কালো অন্ধকার হইয়া আসিল। পরুষ স্বরে সে উত্তর দিল, “কে আবার আসবে এই ভাঙ্গা টিনের কলতলায়?”

সারদাসুন্দরী সে কথায় কর্ণপাত না করিয়া বলিলেন, “ও মা, বেলা তিনটে বেজে গেল, কলে জল এল, বাসনের ডাঁই প’ড়ে রইলো, বলি ক’চ্ছিলে কি বৌমা এতক্ষণ বল ত?”

তরলা মুখ ভার করিয়া বলিল, “আমি ত বলেছি, ও সব আমার দ্বারা হবে না।”

সারদাসুন্দরী রুষ্ট স্বরে বলিলেন, “তবে কি হবে শুনি? চুল এলো ক’রে কেদারার উপর এলিয়ে প’ড়ে নাটক-নভেল পড়া? তা এ বাড়ীতে এ সব হবে না বলে দিচ্ছি, বাপু। আমার কাছে বাপু পঠো কথা, হ্যাঁ!”

তরলা বাসন ফেলিয়া উঠিয়া দাঁড়াইল। তাহার চোখ-মুখ তখন আরক্ত হইয়া উঠিয়াছে। “বাপের জন্মে যা করি নি, তা করবো কি ক’রে? আমি ত বলছি, আমায় বাপের বাড়ী পাঠিয়ে দাও। আমি ও-সব দাসীবৃত্তি করতে পারবো না, এই শেষ ব’লে দিচ্ছি তোমাদের।”—চোখমুখ ঘুরাইয়া কথা কয়টা

বলিয়াই তরল। হুম্ হুম্ শব্দ করিয়া শয়নকক্ষে গিয়া দ্বার রুদ্ধ করিল।

সারদাস্বন্দরীও সপ্তমে চড়িয়া বলিয়া যাইতে লাগিলেন, “ফরফর ক’রে ঘবে গিয়ে ঢুকলি যে বড় মুখনাড়া দিয়ে ? ও বাসনের ভাঁই মাজবে কে ? সহরে লেথাপড়া-শেখা মেয়ে, উনি বাসন হোঁবেন না ! কেন, যখন মিন্বে মেয়ের বিয়ে দিয়েছিল, তখন নবাব-পুস্তরের সঙ্গে দেখে দিতে পারে নি ? মর, মর ! তবু যদি বাপের কোটাবালাখানা থাকত !”

নর্মদা-প্রপাতের মতই, প্রৌঢ়ার বাক্যস্রোতঃ অবিরাম গতিতে ঝরঝর নামিয়া আসিল। বধূর কিন্তু আর সাড়া শব্দ নাই—সে সেই যে শয়নকক্ষের দ্বার রুদ্ধ করিয়াছে, তাহার পর হইতে আর কথাটিমাত্র কহে নাই। সে তখন পিয়ারা-মোড়া পত্র পাঠে আত্মবিস্মৃত। মাঝে মাঝে তাহার মুখখানি বিদ্যুদ্ব্যমলীপ্ত অন্ধকার আকাশের মত হাসিয়া উঠিতেছিল। সে পত্রে কি ছিল, তাহা সে-ই বলিতে পারে।

“কৈ মা, ভাত দাও,” বলিয়া তারকনাথ একবারে পাহুকা সমেত বারান্দার শাণের মেঝের উপর হাজির। সে সারদা-স্বন্দরীর কনিষ্ঠ পুত্র। একেই মুহূর্ত্ত পূর্বে পুত্রবধূর ব্যবহারে সারদা মর্যাস্তিক ক্রুদ্ধ হইয়াছিলেন, তাহার উপর পুত্রের এই স্নেহাচার,—মাথার মধ্যে একবারে দপ্ করিয়া আগুন জলিয়া উঠিল। তিনি মুখ বিকৃত করিয়া তিস্তবরে বলিলেন, “চুলোর পাশ দোবো’খন গিলতে ! বুড়ো মদো, জুতোটা ঝলে দাওয়ায়

## স্পর্শের প্রভাব

উঠতে কি হলো বল ত ? আমার মাথামুণ্ড খুঁড়ে মরতে ইচ্ছে করে !”

তারক গালি খাইয়াও একগাল হাসিয়া বলিল, “আমিই না হয় গোবরছড়া দিয়ে দোবো’খন গো—অত চেষ্টামেচি কেন ? ভাত দাও দিকি খপ্ ক’রে, আমায় এখনই কলে বেরুতে হবে—আজ সন্ধ্যা হ’তেই ওপর টাইম । দাও, দাও ।”

সন্তান-জননী,—কতক্ষণ ক্রোধ থাকিতে পারে ? বিশেষতঃ পরিশ্রান্ত ক্ষুধার্ত সন্তান ক্ষুধায় অন্ন প্রার্থনা করিতেছে । তাড়া-তাড়ি স্থান করিয়া দিয়া অন্ন পরিবেষণ করিতে করিতে আপন মনে বকিয়া যাইতে লাগিলেন,—“ভাত ত বাড়’বো, কিন্তু কিসে ক’রে, বাবা ? কলতলায় দেখ না, বাসনের ভাঁই প’ড়ে রয়েছে । তোদের লেখাপড়া-শেখা পটের পুতুল বোঁ—ও কি দাসী-বাদীর মত বাসন মেজে হাত কালো করবে ? তুইও ত বাপু এত বড়টা হ’লি—দেখে শুনে না হয় গরীবের ঘরের মুখখুন্তু একটা বোঁ নিয়ে আয় না । আমি যে আর পারি নি, বাপু ! পাঁচ পাঁচটা বছর এমন ক’রে যে একেবারে হাড়-মাস কালি হয়ে গেল রে !”

জননীর নয়নে ধারা নামিয়া আসিল । মাতৃ-অন্তপ্রাণ তারকেরও চোখের পাতা ভিজিয়া আসিল । প্রাণের মধ্যে আকুলি-বিকুলি করিয়া উঠিল । সংসারের অশান্তি উপজ্রবের মধ্যে সে আদৌ যাইতে চাহিত না, অতি সামান্য ব্যাপারেই তাহার বক্ষ দুৰ্দ্ধ দুৰ্দ্ধ করিয়া কাঁপিয়া উঠিত । সে তাড়াতাড়ি গৃহে শান্তি স্থাপনের চেষ্টায় বলিল, “তার জন্যে ভাবনা কি, মা ?

বাসন মাজা ত? ও আমিই সেরে দিয়ে যাচ্ছি মা—তুমি ভেবো না।”

তাড়াতাড়ি আহাৰ সমাপ্ত করিয়া অন্ধের পিরিহানটা খুলিয়া ফেলিয়া সে বাসন মাজিতে লাগিয়া গেল, তাহার সদা-প্রফুল্ল আননে হান্তরেখা ফুটিয়া উঠিল। সানন্দে বলিল, “গেল বুধবারে কেমন কড়া মেজে দিয়েছিলুম, মা? তুমিই না বলেছিলে, এমন ঝকঝকে ক’রে বাড়ীর মেয়েছেলেরাও মাজতে পারে না? বউ কোথা, মা? ঘুমুচ্ছে বুঝি—আহা ঘুমুক একটু। এ সব ত অভ্যেস নেই।”

মায়েৰ ছুই চক্ষু প্রাবিত করিয়া তখন শ্রাবণের ধারা নামিয়াছে। এই পাগলা হাবা ছেলেটাব মায়েৰ অভাবে কি ছুরবছাই না ঘটিবে! ছুটিয়া অন্ধনে নামিয়া পুঞ্জের হাত ধরিয়া বাষ্পরুদ্ধ স্নেহার্দ্ৰ কণ্ঠে তিনি বলিলেন, “আমার মাথা ধা’স, যদি বাসনে হাত দিস, তারু! আয়, উঠে আয় বলছি।”

বাসন ত্যাগ করিয়া হস্তমুখ প্রক্ষালনের পর জননীর মুখের দিকে বিস্মিত দৃষ্টি নিক্ষেপ করিয়া তাবক ক্ষণেক নীরব রহিল। তাহার পর হাসিয়া বলিল, “ঘরে বউ আনি নি বলেই ত তোমার রাগ, মা? তা, আমি যদি তোমার বোয়ের কাষ ক’রে দি, ত হ’লে রাগ কিসের?”

ছেলের কথায় মায়েৰ যাহা কিছু ক্রোধ-বহির শিখা অবশিষ্ট ছিল, তাহা একবারে নির্দীপিত হইয়া আসিল, তাহার পরিবর্তে হাসি দেখা দিল। তথাপি ক্রোধের ভান দেখাইয়া তিনি বলিলেন,

## স্পর্শের প্রভাব

“তা বলবিই ত। তোদের ছোটোই যদি মেনিমুখো না হতিল, তা হ’লে আর ছুঃখু কি? বড়টি ত কামিখোর ভেড়া! তুই যে তারও বেহুদ, বাড়া রে!”

তারক পাহুকা পরিধান করিতে করিতে বলিল, “না মা ও কথা বলো না। আমি যাই হই, দাদা আমার সদাশিব।—ভাব দিকি, আমাদের জন্য কোথায় ধাপধাড়া-গোবিন্দপুরে প’ড়ে রয়েছেন ছ’মুঠো ভাতের যোগাড়ের জন্তে। জমীদারী সেরেস্তার কায়—উদয়াস্ত খাটুনি।”

সারদাসুন্দরীর মনে যাহাই থাকুক, প্রকাশ্যে বিরক্তির ভাব দেখাইয়া বলিলেন, “যা যা, দাদার গুণ ব্যাখ্যান করতে হবে না, কাষে যাচ্ছিস, যা। বলে, যার জন্যে চুরি করি, সেই বলে চোর। আমি ছ’ চোখ বুজলে দেখতে পাবি, তখন দাদা-বোদির গুণ কত!”

স্বয়ং যেন কত অপরাধে অপরাধী, এই ভাবে তারক তাহার ভ্রাতৃজায়ার কক্ষের দিকে সভয়ে দৃষ্টিপাত করিয়া মিনতিপূর্ণ স্বরে বলিল—“মা যেন আমার কি? ছেলেমাহুষ বোঁ—নতুন জার্মগায় এসেছে—”

এই সময়ে যদি তারক একবার জননীর অগ্রসর মুখের দিকে তাকাইত, তাহা হইলে আপনিই কথা কহিতে নিরস্ত হইত। কিন্তু অল্প কারণেও তাহার বক্তৃতার আর অবসর হইল না, জননী অগ্নিমুখী হইয়া বলিলেন, “ছেলেমাহুষ, পাঁচ বছর ঘর করছে, সময়ে ছেলে-মেয়ে হ’লে যে পাঁচ ছেলের মা হ’ত রে, বুড়ো

বান্দর ! থাক বাপু তোদের বৌ নিয়ে, আমিই ত দোষী—না হয় আমিই—”

তারক জুতা খুলিয়া তাড়াতাড়ি ছুটিয়া আসিয়া ক্রুদ্ধ জননীর পাদমূলে বসিয়া পড়িল, তাঁহার চরণের উপর মাথা রাখিয়া কাতর স্বরে বলিল, “দোহাই মা, রাগ কোরো না, এই তোমার পায়ে মাথা কুটছি—”

সারদাসুন্দরী কাদিয়া ফেলিলেন, দুই হস্তে পুত্রকে বক্ষের মধ্যে টানিয়া লইয়া অশ্রুধ্বকর্ণে বলিলেন, “বালাই বালাই, যেটের বাছা আমার !” তিনি পুত্রের চিবুক স্পর্শ করিয়া অঙ্গুলিচূষন করিলেন। তাহার পর সমস্ত কথা চাপা দিয়া বলিলেন, “কলে কেন এত দেরী হ’ল, মাণিক ?”

তারক আদরে গলিয়া গিয়া পঞ্চম বর্ষীয় শিশুর মত জননীর পক্ষপুটে আশ্রয় লইয়া বলিল, “দেবী কৈ, মা ?”

মা বলিলেন, “সেই ভোর পাঁচটায় বেরিয়েছিলি, বারোটার সময় ত আসবার কথা।”

তারক বলিল, “না মা, আজকাল কলে বড্ড কাঁচ—কেন্দল ওপরটাইম। এই দেখ না, আবার পাঁচটায় জয়েন, আর সেই রাস্তির এগারোটায় ছুটা।”

মা বলিলেন, “এত খাটলে যে অস্থখে পড়বি, বাবা। দুধের ছেলে বাছা—”

তারক গৃহ ত্যাগ করিবার সময় এই কথাটা শুনিয়া হো হো করিয়া হাসিয়া উঠিল, “দুধের ছেলেই বটে ! মা যেন কি ?”



## স্পর্শের প্রভাব

জননী বলিলেন, ‘না ত কি রে ? এই ত ষেটের কোলে বোশেখ মাসে সতেরো উত্রে আঠারোয় পা দিইছিল, বাবা।’ ততক্ষণ তারকনাথ তাঁহার দৃষ্টিপথের অন্তরালে চলিয়া গিয়াছে।

গৃহিণী আপন মনে বকিতে লাগিলেন, “যেমন বরাত ক’রে এসেছিলি, বাছা ! না হ’লে কায়েতের ঘরে গোমুখু হয়ে কলের মিস্ত্রীগিরি করতে যাবি কেমন বল্। আমার যেমন মরণ নেই ! বড়টির কানে মস্তুর দেবার মাছুষটি এসেছেন যে দিন থেকে, সে দিন থেকে কিছু দুধের বাছার লেখাপড়া কেউ দেখলে ?”

ইহার পর কিছুক্ষণ এই টিনের বাড়ীর অজ্ঞান গৃহিণীর মুখনিঃসৃত বাক্যরবে মুখরিত হইয়া রহিল। কিন্তু আশ্চর্য্য, যে পুত্রবধূ অল্প দিন প্রত্যুত্তরদানে কার্পণ্য প্রকাশ করিত না, আজ সে রুদ্ধকক্ষে নীরবে বসিয়া রহিল।

“তার পর কি হ’লো, সোনাদা’?”

স্বখাংগু বাগানে ছুটাছুটি করিতেছিল, তাহার সরল প্রাণখোলা হাসি লহরীতে উড়ানের আকাশ-বাতাস ভরিয়া গিয়াছিল। জ্যোৎস্না সরোবরের সোপানে বসিয়া সনাতনের সহিত কথা কহিতেছিল।

সোনা বলিল, “তারপর দাদাবাবু কলকাতায় চ’লে গেল, ঘর দুয়ার ঠাণ্ডে রইল, ভোগ করে কে, মা? সেই অবধি দেশে ঘরে বড় আসে না, বললেই বলে পড়াশুনো করছে। হাঁ মা, কি এত পড়াশুনা বলতে পার?”

জ্যোৎস্না হাসিয়া বলিল, “পড়াশুনোর কি শেষ আছে, সোনাদা’? মানুষ কি একটা জীবনে পড়াশুনো শেষ করতে পারে?”

“তা যেন হলো, কিন্তু ওর এত পড়াশুনোর দরকার কি বল ত? এত বড় বিষয়, ওর আবার ভাবনা! কেন যে বিদেশে বিভ্রম পড়ে থাকে, বুঝতে পারিনে, মা।”

## স্পর্শের প্রভাব

“না, তা পারবে না তুমি। তা তোমার দাদাবাবু পড়াশুনো করেও ত বিষয় আশয় দেখতে পারেন। তা দেখেন না কেন?”

“খেয়াল! বড় কর্তা যাই দেহ রাখলেন, বাবুও অমনি ছরাদ-শান্তি সেরে কলকাতায় চ’লে গেলেন। দেশে ঘরে মন টিকলো না বোধ হয়।”

“কেন, বিয়ে-থা ক’রে ঘর সংসার করলেন না কেন? মা ত ছিলেন? না, তাও না? তিনি ত বিয়ে দিলে পারতেন।”

সনাতন দীর্ঘশ্বাস ত্যাগ করিয়া বলিল, “তবে আর দুঃখ কি, মা? কত্তা থাকতে হয়েছিল সবই; আমাদের বরাতে সইলো না। কত্তা ত তোমার মতই মা-লক্ষ্মী ঘরে এনেছিলেন। কি যে শনি ঢুকলো। হাঁ মা, তোমারও বিয়ে হয়ে গিয়েছে, মাথায় সিঁছুর দেখছি?”

জ্যোৎস্না হঠাৎ গম্ভীর হইয়া বলিল, “শুনেছি হয়েছে। তা তোমাদের বরাতে সইলো না বলছিলে, তোমার স্বামীর বৌ কি মারা গিয়েছেন? কত্তা আবার বিয়ে দিলেন না কেন?”

সোনা বিষণ্ণমুখে বলিল, “সে ঢের কথা মা, সে তখন আর এক দিন বলব। সোনার-পিস্তিমে ঘরে এয়েছিল মা, তা সইলো না। কত্তাদের কি এক ঝগড়া হ’ল, তারপর সেই যে বিয়ের কনে বাপের বাড়ী চ’লে গেল, আর এলো না।”

## স্পর্শের প্রভাব

সোনা কথাটা শেষ করিয়া দীর্ঘশ্বাস ত্যাগ করিল। পরে বলিল, “লক্ষ্মী ঘরে থাকলে কি বাড়ী-ঘরের এমন লক্ষ্মীছাড়া দশা হয়, মা ? তা, তুমি এইখানে একটু ব’স মা, আমি চট ক’রে একবার দেখে আসি, জনমজুরগুলো খাটছে, না ব’সে ব’সে তামাক ফুঁকছে।”

সনাতন চলিয়া গেল। জ্যোৎস্না দীঘির কালো জলের দিকে একদৃষ্টে তাকাইয়া কত কি ভাবিতে লাগিল। এই প্রশস্ত সরোবর, সংস্কারাভাবে অযত্নে অনাদরে হাজিয়া মজিয়া যাইতেছে, শৈবালদামে জলাশয় ছাইয়া ফেলিয়াছে, ঘাটের শান ভাঙ্গিয়া খসিয়া পড়িতেছে। এই প্রকাণ্ড উত্থান কণ্টকগুলো ভরিয়া গিয়াছে, অট্টালিকার ছাদে ও অঙ্গে অশ্বখবৃক্ষ গজাইয়া উঠিতেছে। কেহ দেখিবার নাই, কেহ যত্ন করিবার নাই। প্রভুভক্ত বৃদ্ধ ভৃত্য আছে বলিয়া তবুও এই প্রাণহীন প্রতিষ্ঠানে প্রাণের ক্ষীণ স্পন্দন অনুভূত হইতেছে। কর্তব্য—মনুস্মৃতি—ইহা কি কথার কথা ? হৃদয় অতীতে যে পুরুষ-ব্যাঘ্র ইহার প্রাণপ্রতিষ্ঠা করিয়াছিলেন, তিনি আজ এ মর জগতের অপর পার হইতে এই শ্মশানের দৃশ্য দেখিয়া কি অশ্রু মোচন করিতেছেন ?

ভাবিতে ভাবিতে তাহার মন দুর্জয় বিতুষায় ভরিয়া উঠিল। শিক্ষা, সভ্যতা, বংশের গৌরবের কি ইহাই পরিণাম ? স্বেচ্ছায় জ্ঞাতসারে যে এমন করিয়া এই উত্থান ও সরোবরকে হত্যা করিতেছে, বহু প্রাচীন পিতৃপিতামহের বিষয়সম্পত্তি রসাতলে

## স্পর্শের প্রভাব

দিতেছে, তাহার মনুষ্যত্ব কোথায়? আত্মীয় কুটুম্বদের মধ্যে বিরোধ-বিবাদ কোথায়, কোন দেশে না হয়? কিন্তু তাহা বলিয়া মনুষ্যত্বে জলাঞ্জলি দিয়া কে কবে এমন করিয়া কাপুরুষের মত আত্মাকে হত্যা করিয়া থাকে? যে লোক এমন করিতে পারে, এই প্রভূভক্ত বৃদ্ধ ভৃত্যের মনে দারুণ ব্যথা দিয়া আপনার কর্তব্য হইতে দূরে পলায়ন করিয়া দায়িত্বহীন আরাম ও নিশ্চিন্ততায় জীবন যাপন করিতে পারে, তাহার মত স্বার্থপর কে? তাহার জন্ত কোন শাস্তি বিহিত?

জ্যোৎস্নার মনে হইল, যদি সে এই মানুষটার সাক্ষাৎ পায়, তাহা হইলে দুই চারিটা উচিত কথা শুনাইয়া দেয়। আলালের ঘরের দুলাল কেবল আত্মসুখান্বেষণের আশ্রয়ে বর্দ্ধিত হইয়া আসিয়াছে, ভৃত্য-পরিজন সভয়ে তাহার আজ্ঞা পালনই করিয়া আসিয়াছে, কেহ ত কখনও তাহাকে উচিত কথা শুনাইবার সুযোগ প্রাপ্ত হয় নাই।

হঠাৎ পশ্চাতে মনুষ্যের কণ্ঠস্বর শুনিয়া জ্যোৎস্নার দিবাস্বপ্ন ভগ্ন হইল, সে চমকিত হইয়া পশ্চাতে চাহিয়া দেখিল, একটি লোক দ্রুতপদে ঘাটের দিকে অগ্রসর হইতেছে। তাহার হস্তে মৎস্য ধরিবার ছিপ, গলদেশে লব্ধিত একটি ক্যানডাস ব্যাগ, বোধ হয়, মাছ ধরিবার সরঞ্জাম তাহার মধ্যে ছিল। আর পশ্চাতে প্রকাণ্ড কুকুর। সেই লোকটি আপন মনে বলিতেছিল, “বাঃ, সোনাদা” এই দিকেই রয়েছে ব’ললে—”

আগন্তুক কথার মধ্যস্থলে দারুণ বিন্ময়ে অকস্মাৎ স্তব্ধ হইয়া

## মৃত্যুর প্রভাব

থমকিয়া দাঁড়াইল এবং একদৃষ্টে জ্যোৎস্নার দিকে চাহিয়া রহিল। জ্যোৎস্নাও বিশ্বয়বিমূঢ়ের মত লজ্জা-সঙ্কোচ-হীন দৃষ্টি অবনত করিয়া লইল, তাহার সমস্ত মুখচক্ষুর উপর দিয়া এক বালক রক্ত খেলিয়া গেল। সে তখনই অবগুষ্ঠনে মুখমণ্ডল আচ্ছন্ন করিয়া স্থান ত্যাগ করিতে উদ্যত হইল, কিন্তু আগন্তুক তাহার পথরোধ করিয়া বলিল,—“আপনি? আপনি এখানে? কি আশ্চর্য্য, চিন্তে পারেন নি বোধ হয়?”

ঝড়ের বেগে এক নিঃশ্বাসে কথা কয়টি বলিয়া আগন্তুক অপ্রতিভ হইয়া সসম্মুখে পথ ছাড়িয়া দাঁড়াইল। জ্যোৎস্না তখনও প্রকৃতিস্থ হয় নাই, তাহার মুখমণ্ডল আরক্ত হইয়া উঠিয়াছিল, তাহার বক্ষের মাঝে যেন সমুদ্রমহন আরক্ত হইয়াছিল। চিন্তিতে পারে নাই সে? এক দিন এক মুহূর্ত্তের জন্ত দেখা সেই কোম্পানীর বাগানে, সে ত ভুলিবার নহে!

জ্যোৎস্না নীরবে স্থান ত্যাগ করিতে উদ্যত হইলে আগন্তুক বাধা দিয়া বিষাদাভিমানজড়িত কণ্ঠে বলিল, “কি করেছি বলুন ত আপনাদের? সে দিন বাগানে আপনার বাবা—বাবাই বোধ হয়, কেমন না?—হাঁ, আপনার বাবা আমায় দেখে মুখ ফিরিয়ে আপনাদের নিয়ে চলে গেলেন, আজ আপনিও বিরক্ত হ’য়ে চ’লে যাচ্ছেন। তা বেশ, আপনি যাবেন কেন, আমিই যাচ্ছি।”

উত্তরের প্রত্যাশা না রাখিয়াই যুবক যেমন ঝড়ের বেগে আসিয়াছিল, তেমনই ঝড়ের বেগে চলিয়া গেল। প্রভুভক্ত

## স্পর্শের প্রভাব

কুকুরও লক্ষ্য দিয়া প্রভুর অনুসরণ করিল। জ্যোৎস্না কিংকর্তব্য-  
বিমূঢ় হইয়া দাঁড়াইয়া রহিল। তাহার দৃষ্টি অবনত, সে সাহস  
করিয়া মুখোস্তলন করিয়া চাহিতে পারিতেছিল না। সেই  
মূহুর্তে পুষ্করিণীর অপর তট হইতে সনাতন ছুটিয়া আসিয়া  
হাঁপাইতে হাঁপাইতে জিজ্ঞাসা করিল, “বাবুকে দেখলে মা এই  
এই দিকে—আমাদের দাদাবাবুকে? এইমাত্র শুনলুম সকালের  
গাড়ীতে এসেছে, শুনেই ছুটে আসছি, কোথা গেল দেখি গিয়ে।”  
সোনা আর দাঁড়াইল না, হাঁপাইতে হাঁপাইতে ছুটিয়া চলিয়া  
গেল। তাহার পশ্চাতে যে সকল মালী ও দিন-মজুর ছুটিয়া  
আসিতেছিল, তাহারাও তাহার অনুসরণ করিল। ঘাটে রহিল  
জ্যোৎস্না একাকী।

সে তখন আকাশ-পাতাল ভাবিতেছিল। এই বাবু?—  
বাগানের মালিক? কি হৃদয়হীন নিষ্ঠুর এই লোক! কিন্তু—  
কিন্তু—শিবপুরের বাগানে সে ত তাহার বিপদের সময় ছুটিয়া  
আসিয়াছিল—বিন্দুমাত্রও দ্বিধা বোধ করে নাই। এই লোকই কি  
এত দৃঢ় স্বার্থপর যে, পরের স্বর্কে নিজের দায়িত্বের ভার চাপাইয়া  
দিয়া কাপুরুষের মত কর্তব্য হইতে দূরে সরিয়া যায়? এমন  
লোক কি হৃদয়বান হইতে পারে? এ কি প্রহেলিকা!


কে এ? সনাতন বলিল, তাহার বাবু। জমীদার,  
পিতৃমাতৃহীন, বিবাহিত, কিন্তু বিবাহের দায়িত্বও ত এই জমীদার  
অনায়াসে স্বহস্তে করিয়াছেন! তবে কি—

জ্যোৎস্নার বক্ষঃস্থল সজাবনার আশঙ্কায় গুরু গুরু করিয়া

## স্পর্শের প্রভাব

কৃম্পিত হইল, একটা অব্যক্ত বেদনা তাহার সমস্ত অন্তরকে যেন প্রচণ্ড আঘাতে অভিভূত করিয়া ফেলিল। তাহার পিতার নিকট আত্ম-জীবনের যে কাহিনী সে শুনিয়াছে, তাহার সহিত ত সনাতনের বর্ণনা সবই মিলিয়া যাইতেছে। তবে কি—  
তবে কি ?—

জ্যোৎস্নার মাথার ভিতর কেমন করিতে লাগিল, সে দুই হস্তে মাথা ধরিয়া জীর্ণ ঘাটের শাণের উপর বসিয়া পড়িল।





রাত্রি এক প্রহর অতীত প্রায়। কলে নিদ্দিষ্ট সময়ের অতিরিক্ত কাল পরিশ্রম করিয়া তারকনাথ বাসায় ফিরিতেছিল। গলির মধ্যে প্রবেশ করিয়া সে দেখিল, কে একজন লোক তাহার বাসার গবাক্ষ-পার্শ্বে দাঁড়াইয়া কাহার সহিত অশ্লুচ স্বরে কথা কহিতেছে। তারক বিস্মিত হইল। এত রাত্রিতে তাহার ভ্রাতৃজায়ার শয়ন-কক্ষের গবাক্ষ-সান্নিধ্যে দাঁড়াইয়া কে এই লোকটা ভিতরে কাহার সহিত কথা কহিতেছে?

তারক দ্রুতপদে অগ্রসর হইয়া পরুষকণ্ঠে জিজ্ঞাসা করিল, “ওখানে দাঁড়িয়ে কে?” কথাটা বলিবার সময় তারক সৰ্বিস্ময়ে দেখিল, তাহাদের জানালা পার্শ্ব হইতে কে যেন তাহাকে দেখিয়া ব্যস্ত হইয়া সরিয়া গেল। তারকের কপাল ঘামিয়া উঠিল। সে পুনরায় বলিল, “কে হে তুমি?”

লোকটা তখনও এক পদ নড়িল না, জড়িত স্বরে বলিল, “তোরা বাবা।”

## স্পর্শের প্রভাব

তারকের মাথার রক্ত চন্-চন্ করিয়া উঠিল, সে তখনই উত্ততমুষ্টি হইয়া তাহার দণ্ড-বিধানের জন্ত প্রস্তুত হইল, কিন্তু লোকটাকে মস্তাবস্থায় দেখিয়া হস্ত নামাইয়া লইল, বলিল, “বাবা ? মুখ সামলে কথা কোয়ো, ছোট লোক কোথাকার !”

লোকটা তখনও গবাক্ষ ধারণ করিয়া দাঁড়াইয়াছিল। তারকের ভৎসনায় তাহার চৈতন্য বিশেষ সজাগ হইয়া উঠিল, জড়াইয়া জড়াইয়া বলিল, “হোঁড়া, মরণ ডেকে আন্লি ? গুপে গুণ্ডাকে গাল দেয়, এমন বাপের বেটা আছে কে বাগবাজারে ?” বলিয়াই সে মুষ্টি উঠাইয়া তারককে মারিতে গেল, কিন্তু মুষ্টি লক্ষ্যভ্রষ্ট হইয়া জানালার গরাদের উপর পড়ায় বিষম বাধা পাইয়া সে সশব্দে ভূতল-শায়ী হইল। তারক হাসিয়া তাহাকে ধরিয়া তুলিতে গিয়া শিহরিয়া উঠিল,—লোকটার হাত কাটিয়া রক্তশ্রোত বহিতেছে। পথের খোয়ায় আঘাত প্রাপ্ত হইয়া তাহার কপাল কাটিয়া রক্তাক্ত হইয়াছে। তারক তাহার অঙ্গস্পর্শ করিবামাত্র গুপে গুণ্ডা, ওরফে গুপীনাথ কপালী, সজোরে হাত ছাড়াইয়া লইয়া দাঁড়াইয়া উঠিল, ক্রোধ ও ঘৃণা-মিশ্রিত স্বরে বলিল, “যা বেটা, আজ বড় বেঁচে গেলি। কিন্তু এক দিন যদি তোরা রক্ত না দেখি ত আমার নাম গুপে গুণ্ডা নয়।” লোকটা প্রায় একরূপ টলিতে টলিতে স্থান-ত্যাগ করিল। তারক তাহার চলন্ত মূর্তির দিকে চাহিয়া ঈষৎ হাস্য করিল, তাহার পর গম্ভীরমুখে ঘরে প্রবেশ করিল। ক্ষণ-পূর্বে গবাক্ষের অন্তরালে সে একখানি

## স্পর্শের প্রভাব

মুখ দেখিয়াছিল,—সেখানি—সেখানি তারকের মুখমণ্ডল অকস্মাৎ অন্ধকারাচ্ছন্ন আকাশের মত গম্ভীর হইয়া উঠিল।

গৃহে প্রবেশ করিয়া সে দাওয়ার উপর গুম হইয়া বসিয়া রহিল। বর্ষীয়সী জননী তন্দ্রাকাতরা হইয়া তাহাকে আহ্বারের জগ্গ বার বার অহুরোধ করিতেছেন—সে তাহা শুনিয়াও শুনিল না।

সারদাসুন্দরীর তন্দ্রাঘোর কাটিয়া গেলে, তিনি যখন তাহার সমীপস্থ হইয়া ডাকিয়াও সাড়া পাইলেন না, তখন বিস্মিত হইলেন। তাঁহার সদানন্দ পুত্র ত এমন অসম্ভব গম্ভীর কখনও হয় না। তাঁহার কাকুতি-মিনতি ব্যর্থ হইল, পুত্র কেবল বলিল, “বউ কি শুয়েছে, মা?”

গৃহিণী রুষ্ট স্বরে বলিলেন, “তাঁর কথা তিনিই জানেন, আদার ব্যাপারী জাহাজের খোঁজ রাখি নে। আয় বাপু, খাবি আর, বউ বউ করেই অজ্ঞান, বউ যে কি ধনী, তা ত জান্‌লি নি।”

তারক বলিল, “না মা, খাব না, অবেলায় খেয়ে ক্ষিদে হয় নি। তুমি শোও গে, আমি দোরে খিল দিয়ে যাচ্ছি।”

কিন্তু মা ছেলের নিষেধ সত্ত্বেও বকিতে বকিতে ভাতের খালা বাড়িয়া দিলেন। তারক উঠিয়া আতৃজায়ার কামরার দ্বারে গিয়া ডাকিল, “বৌ, ঘুমিয়েছ?”

ভিতর হইতে কাহারও সাড়া পাওয়া গেল না, ঘরের আলোকও নির্বাপিত। তারক আর একবার ডাকিল, কিন্তু সাড়া না পাইয়া জননীর পুনঃ পুনঃ আহ্বান উপেক্ষা করিতে

না পারিয়া আহারে বসিল, কিন্তু এক গ্রাসও মুখে তুলিতে পারিল না। কেবল বলিল, “দাদার চিঠি পেয়েছ মা, কবে ছুটি হচ্ছে?”

মা বলিলেন, “দাসী-বান্দী ও সব খবর কোথা পাবে, বাবা? যারা চিঠি পায়, তারা পেয়েছে, তারা খবর বলতে পারে।”

তারক ছোট একটু “ছ” দিয়া ভাত নাড়াচাড়া করিতে লাগিল এবং তন্ময় হইয়া কত কি ভাবিতে লাগিল। হঠাৎ চমক ভাজিতে দেখিল, শ্রাস্তা, ক্লান্তা বর্ষিয়সী জননী দাওয়ার খুঁটিতে ঠেসান দিয়া বিমাইতেছেন। তাড়াতাড়ি উঠিয়া সে হস্তমুখ প্রক্ষালন করিল এবং দ্বার রুদ্ধ করিয়া জননীকে তুলিয়া দিল। তাহার পর উভয়ে শয়ন করিল।

রাত্রিটা তাহার দুশ্চিন্তায় কাটিল। পরদিনও সে অত্যন্ত অস্বচ্ছন্দতা অনুভব করিতে লগিল। কার্যে যাইবার পূর্বে সে সঙ্কুচিতভাবে তাহার ভ্রাতৃজায়াকে জিজ্ঞাসা করিল,, “দাদার চিঠি পেয়েছ, বো? আমায় ত কিছু লেখে নি। কবে আসছে লিখেছে?” তরলা বলিল, “ছুটির আর দশ দিন আছে।”

হঠাৎ তারক কাতর দৃষ্টিতে তরলার মুখের উপর দৃষ্টিপাত করিয়া বলিল, “এখানে কি তোমার কোন কষ্ট হচ্ছে, বো? একটা ঠিকে বি রেখে দেবো? অভ্যেস নেই তোমার—কি বল?”

প্রশ্নের মধ্যে কতখানি স্নেহ ও আদর প্রচ্ছন্নভাবে প্রকটকর্তার মনটাকে জড়াইয়া ছিল, তরলার তাহা বুঝিয়া লইতে

## স্পর্শের প্রভাব

বিলম্ব হইল না। সরল শিশুর মত এই দেবরটি! তাহারও মনটা নরম হইয়া আসিল। সেও স্নেহার্জকণ্ঠে বলিল, ‘না, কেন, কষ্ট কিসের? ঠাকুরপো যেন কি! ঘর-সংসার করতে গেলে অমন কথা কাটাকাটি হয়েই থাকে, ওতে কি বেটাছেলেরা কাণ দেয়?’ তরলার ওষ্ঠপ্রান্তে মুছ হাস্য-রেখা ফুটিয়া উঠিল

তারকের বন্ধের উপর হইতে যেন জগদল পাষাণের গুরুভার নামিয়া গেল। তাহার হৃদয়ের অন্তস্তল হইতে একটা স্বস্তির নিশ্বাস নির্গত হইল। সে আরও মিনতির স্বরে বলিল, “আমরা গরীব ব’লে তোমায় মনের মত ক’রে রাখতে পারি নি, বৌদি। আর তিনটে মাস আমায় সময় দাও, আমার বাইসম্যানি পাকা হ’লে, কোন কষ্টই আর হবে না।”

তরলা হাসিয়া বলিল, “কষ্ট কি, ভাই! তোমার মত লক্ষণ দেওর থাকতে কষ্ট কি আবার?”

তারক তাহার হাসিতে যোগদান করিয়া বলিল, “না, বলছিলুম কি, বাইসম্যানের পুরো মাইনেটা পেলেই সীতানাথ দেব ঐ একতলা কোঠাবাড়ীটায় উঠে যাব। দাদা একলা ক’দিক সামলাবে বল দিকি।”

‘দাদার’ নামটি যেন অগ্নিতে স্মৃতাহতির মতই কার্য্য করিল। এতক্ষণ তরলা প্রফুল্লমনে হাসিয়া দেবরের সহিত কথোপকথন করিতেছিল, কিন্তু হঠাৎ এই নাম শ্রবণের পর তাহার মন বিজ্রোহী হইয়া উঠিল। মুখরা চপলা অমনই তীব্রকণ্ঠে বলিল, “অত স্নেহে আর কাষ নেই, যা আছে, তাই থাকলে হয়। সত্যি

বলছি ভাই, তুমি আছ বলেই এখানে তিষ্ঠে আছি, নইলে এ বাড়ীতে কাক-চিল বাস করে ?”

তারকের মুখ ম্লান হইয়া গেল। সে চাহে সকলে মিলিয়া মিশিয়া শান্তিতে থাকে। কিন্তু ভাগ্যের কি বিড়ম্বনা! ঘরে কি এতটুকুও শান্তি নাই? কি আশ্চর্য! ইহারা কেহই তাহার দাদার দিকে চাহিল না?—তাহার শিবতুল্য দাদা! তাহার মনে ঈশ্বর ক্রোধের সঞ্চার হইল, সে বলিল, “তা যাই বল বউ, দাদা আমার গরীব গোমস্তা হলেও বংশে খাটো নয়, আমার মত মুখখুও নয়। দাদার মত মানুষ হাজারে ক’টা?”

তারক দাঁড়াইল না, হন্ হন্ করিয়া কায়ে চলিয়া গেল। তরলা নির্বাক হইয়া তাহার দিকে চাহিয়া রহিল।

ইহার পর আরও দুই চারি দিন তারক গুপীনাথকে তাহাদের গৃহের আশে পাশে দাঁড়াইয়া থাকিতে দেখিল। তাহাকে দেখিলেই গুপীনাথ নিমিষে সরিয়া যাইত। তারকের মন বিষম সন্দেহাকুল হইয়া উঠিল। লোকটার মতলব কি? সে সঙ্কল্প করিল, এক দিন সে স্বেযোগ মত তাহাকে ধরিয়া এ বিষয়ে বোঝাপাড়া করিয়া লইবে। এক দিন সত্য সত্যই সেই স্বেযোগ ঘটিয়া গেল।

সে দিন কলে অতিরিক্ত কায করিবার প্রয়োজন ছিল না। তারক সকাল সকাল কলের কায সারিয়া বাড়ী ফিরিতেছিল। মনটা তাহার ভাল ছিল না। জ্যেষ্ঠাগ্রজের পত্র পাইয়াছে, তাহার কর্মস্থলে কয়দিন হইতে কলেরা দেখা দিয়াছে। তারক

## স্পর্শের প্রভাব

কলেরাকে যমের মত ভয় করিত। সে জানিত, বিষাক্ত সাপে দংশন করিলে যেমন মানুষের নিস্তার নাই, তেমনই এই ভয়ঙ্কর রোগ মানুষকে একবার আক্রমণ করিলে তাহার আর রক্ষা নাই। পত্র পাইয়াই তাহার প্রাণ উড়িয়া গেল, সে অগ্রজকে পত্র পাঠ চলিয়া আসিতে লিখিল, ছুটি মঞ্জুর না হইলে কস্মে জবাব দিতেও যেন দ্বিধাবোধ না করে, ইহাও সে লিখিয়া দিল।

কথাটা মনের মধ্যে তোলাপাড়া করিতে করিতে সে গলির মধ্যে প্রবেশ করিল। তখনও সন্ধ্যার অন্ধকার ঘনাইয়া আসে নাই। গলির মধ্যস্থ কুস্তির আখড়ার সম্মুখে উপস্থিত হইবামাত্র সে দেখিল, একটা লোক বুক ফুলাইয়া হেলিয়া ছলিয়া খালের দিকে চলিয়াছে—সে গুপীনাথ।

তারক তাহার পথরোধ করিয়া দাঁড়াইল, বলিল, “তোমাকেই খুঁজছিলুম। আমার বাড়ীর জান্নার ধারে দাঁড়িয়ে থাকতে দেখি কেন হে তোমায়? কি ভেবেছ?” গুপীনাথ প্রথমটা বিস্মিত হইল—ক্ষুদ্র মেঘশাবক, ব্যাঘ্রকে জিজ্ঞাসা করিতেছে, সে জল ঘোলা করিল কেন? তাহার পর সে উচ্চ হাস্য করিয়া বলিল, “যদিই দাঁড়াই, তোর কোন্ বাবা কি করতে পারে?”

তারক ক্রোধে জ্ঞানহারী হইয়া এক লক্ষ্মে তাহার অঙ্গের উপর ঝাঁপাইয়া পড়িল। কিন্তু বৃথা চেষ্টা! মানুষ রুদ্ধ লৌহদ্বারের উপর ঝাঁপাইয়া পড়িলে দ্বারের যে ক্ষতি হয়, এ ক্ষেত্রেও তাহাই হইল। গুপীনাথ বজ্রের মত ভীষণ মুষ্টি উত্তোলিত করিয়া এক আঘাতে তাহাকে ভূমিশায়ী করিয়া দিল, তারকের ললাটদেশ

হইতে রক্ত ঝরিয়া পড়িল, সে মাত্র একটি আন্তনাদ করিয়া প্রায় অচৈতন্যের মত পড়িয়া রহিল।

আখড়ার মধ্য হইতে একটি লোক এই সময়ে বহির্গত হইতেছিল। ব্যাপার দেখিয়া সে থমকিয়া দাঁড়াইল; দ্রুতপদে অগ্রসর হইয়া তারকনাথকে ধরিয়া তুলিল, বলিল, “ইস্ ! রক্ত যে গড়িয়ে পড়ছে। ওরে ভবা, শীগগির্ আয় তোরা এদিকে, আহা হা, বাচ্চা ছেলে !”

তরুণের দল হৈ হৈ করিয়া আখড়া হইতে বাহির হইয়া আসিল, কাহারও দেহ নগ্ন, মুক্তিকালিপ্ত, কেহ মাত্র কোপীনধারী, কেহ বা বস্ত্র পরিধান করিতে করিতেই বাহির হইয়া আসিয়াছে। ব্যাপার বুঝিয়া অন্য লোক হইলে নিঃশব্দে সরিয়া পড়িত, কিন্তু গুপীনাথ সে ধাতুতে গঠিত নহে। সে বিক্রপের ভঙ্গীতে বলিল, “আহা হা, কচি খোকা ! একটা ঘুঘির ভর সইতে পারে না, এসেছে তেড়ে মারতে।”

তারকনাথ ততক্ষণ উঠিয়া দাঁড়াইয়াছে, আখড়ার ব্যায়াম-বীররা তাহার আঘাতস্থল তখন জল দিয়া ধুইয়া দিতেছে। তারকনাথ ভগ্নস্থরে বলিল, “ক্ষমতা নেই, নইলে তোর মুখ লাখি মেরে ভেঙ্গে দিতুম জানিস—”

গুপীনাথ বহু মহিষের মত তাহাকে আবার তাড়া করিয়া আসিল। কিন্তু এবার তাহার যাওয়াটা তত সহজ হইল না। যে লোকটি তারককে প্রথমে আসিয়া ধরিয়া তুলিয়াছিল, সে বজ্রমুষ্টিতে গুপীনাথের একখানা হাত চাপিয়া ধরিল। সে



## স্পর্শের প্রভাব

রণেন্দ্র । গুপীনাথ বাধা পাইয়া একবারে উন্নত হইয়া উঠিল, ভীষণ মুষ্টি উত্তোলন করিয়া রণেন্দ্রকে প্রহার করিতে গেল । কিন্তু সে চেষ্টাও তাহার ব্যর্থ হইল । রণেন্দ্র অতি সহজে স্পর্শের কৌশলে তাহার আর একখানা হাত ধরিয়া ফেলিয়া এমন মুচড়াইয়া ধরিল যে, তাহার অঙ্গপ্রত্যঙ্গের চলৎশক্তি রহিত হইয়া গেল । রণেন্দ্র জিজিৎসু জানিত ।

গুপীনাথ ক্রোধে জ্ঞানহারা হইয়া ইতর ভাষায় গালি পাড়িয়া রণেন্দ্রের মুষ্টি হইতে হস্ত মুক্ত করিবার চেষ্টা করিতে লাগিল, সঙ্গে সঙ্গে রণেন্দ্রকে দুই এক পদাঘাত করিতেও ক্ষান্ত হইল না, চীৎকার করিয়া বলিল, “শালা, চিনিস নি আমায় ? আমি গুপে গুণ্ডা ।”

রণেন্দ্রের বন্ধুরা তাহার ইতরামি দেখিয়া ক্রুদ্ধ হইয়া তাহাকে মারিতে গেল । রণেন্দ্র সঙ্কেতে তাহাদিগকে নিষেধ করিয়া মৃদু হাসিয়া গুপীনাথকে বলিল, “ধীরে বন্ধু, ধীরে ! তুমি গুপে গুণ্ডাই হও আর গুপে মেড়াই হও, তাতে কিছু এসে যায় না । কিন্তু তোমার গুণ্ডামী এই বালকের উপর ফলাচ্ছিলে কেন বল ত ? লড়তে চাও, চল, আখড়ার মধ্যে । এদের মধ্যে যার সঙ্গে ইচ্ছে লড়তে চাও লড়বে । কেমন হে ?”

বন্ধুরাও চীৎকার করিয়া বলিল, “আলবাৎ ।” খুব একটা হাসির গব্বা উঠিল । গুপীনাথের দেহখানা ক্রোধে ফুলিয়া উঠিতে লাগিল । তখন রণেন্দ্র তাহাকে ছাড়িয়া দিয়াছে । রণেন্দ্র সে দিকে ভ্রক্ষেপ না করিয়া তারকের অঙ্গে

হস্তাবমর্ষণ করিয়া সন্মুখে বলিল, “কেমন হে ছোকরা, ব্যথাটা কমেছে একটু ? এস, আখড়ার মধ্যে গিয়ে একটু জিরবে চা’”

রণেন্দ্র তারককে লইয়া আখড়ায় প্রবেশ করিতেছিল, বন্ধুরাও তাহার অনুসরণ করিতেছিল, এমন সময়ে ক্ষিপ্তপ্রায় গুপীনাথ বাধা দিয়া বলিল, “কোথা যাবি, শালা”—

কিন্তু কথাটা তাহাকে শেষ করিতে হইল না, রণেন্দ্রের প্রচণ্ড মুষ্টিঘাতে সে টলিয়া আখড়ার বেড়ার গায়ে পড়িল। রণেন্দ্র একবার গম্ভীর হইয়া বলিল, “ফের গাল ? সাহস থাকে, শক্তি দেখা, মুখ খারাপ করলে মুখ ভেঙ্গে দেবো।”

রণেন্দ্র কথাটা বলিয়া গাত্রাবরণ উন্মুক্ত করিয়া বন্ধুদের হস্তে অর্পণ করিয়া সংঘর্ষার্থ প্রস্তুত হইয়া দাঁড়াইল। তাহার ব্যায়াম-পুষ্ট বলিষ্ঠ স্নগঠিত দেহ গেঞ্জির আবরণসত্ত্বেও স্পষ্টই পরিলক্ষিত হইল।

গুপীনাথ একবার অগ্রসর হইয়া কি ভাবিয়া পশ্চাতে সরিয়া গেল। তাহার পর বলিল, “একদিকে এত জন, আর আমি একলা। আচ্ছা এর পর”—

রণেন্দ্র বলিল “মুখে ও সবাই ব’লে থাকে। সব বেটাকেই জানা আছে।”

পথে জনতা হইয়াছিল, তাহাদের মধ্যে একটা লোক বাজার হইতে দুইটা খুনা নারিকেল কিনিয়া লইয়া যাইতেছিল। রণেন্দ্র তাহার হস্ত হইতে একটা নারিকেল লইয়া বলিল, “আচ্ছা, কার

## স্পর্শের প্রভাব

কত জোর আছে, জানাই যাবে এতে । ভাঙ্গ ত হে গুণ্ডা, এই নারকোলটা টিপে ।”

গুপীনাথ রুষ্ট স্বরে বলিল, “তামাসা করবার যায়গা পাও নি আর ? মাল্লুষে হাতে নারকোল ভেঙ্গে থাকে না কি ?”

রণেন্দ্র হাসিয়া বলিল, “না ভাঙ্গলে তোমায় বলবো কেন ? দেখ, ভেঙ্গে দিচ্ছি ।” রণেন্দ্র একটি নারিকেল লইয়া দুই হস্তের মধ্যে ধরিয়া চাপ দিল, তাহার মুখচক্ষু রাজ্জা হইয়া উঠিল । জনতা নীরব নিথর হইয়া বিস্মিত নেত্রে চাহিয়া রহিল—সকলেরই মুখে ঔৎসুক্যের চিহ্ন ফুটিয়া উঠিল । মুহূর্ত্তমধ্যে মড়মড় শব্দে নারিকেল ভাঙ্গিয়া পড়িল ! জনতা হর্ষধ্বনি করিয়া রণেন্দ্রের প্রশংসায় মুখর হইল ।


গুপীনাথের মুখখানা কালে। আধার হইয়া গেল, সে তবুও বলিল, “নারকেলটা পচা ছিল ।”

রণেন্দ্র বলিল, “বেশ আর একটা রয়েছে, এটা না হয় তুমিই ভাঙো ।”

গুপীনাথ নারিকেলেটা লইয়া একবার প্রাণপণ শক্তিতে চাপ দিল, কিন্তু কিছুই করিতে পারিল না । সে আরও দুই তিনবার চেষ্টা করিল । কিন্তু কোন বারেই কৃতকার্য হইতে পারিল না, লজ্জায় তাহার মুখখানা রাজ্জা হইয়া উঠিল ।

রণেন্দ্র তাহার হস্ত হইতে নারিকেলেটা লইয়া বলিল, “কি হে, দেখলে, নারকোলটা ভাল, না পচা ? পচা নয় বোধ হয় ? দেখ, এটাকেও ভাঙি ।”

কথামত কার্য সম্পন্ন করিতে রণেন্দ্রের এক মিনিটের অধিক সময় লাগিল না। জনতা নির্বাক্ বিষ্ময়ে স্তব্ধ হইয়া রহিল। গুপীনাথ আর এক মুহূর্ত্তও দাঁড়াইল না, সে যাইবার সময় কেবল বলিয়া গেল, “আচ্ছা, দেখা যাবে।” রণেন্দ্র হো হো শব্দে হাসিয়া উঠিল। তাহার সেই প্রাণ-খোলা হাসি স্থানটার বিকট গাভীরা ভঙ্গ করিয়া দিল।



রাজেশ্বর বাবু কলিকাতায় গিয়াছেন। জ্যোৎস্না আর পূর্বের মত গ্রামের পথে ভ্রমণে বহির্গত হয় না। পিতার নিষেধাজ্ঞা হইতেও তাহার আরও একটা বড় ভয়ের কারণ ছিল,—যদি দেখা হয়! সেই অপরিচিত অথচ পরিচিত আগন্তুক যদি এই গ্রামেই অবস্থান করে! এ খবর সে রাখে না, রাখিবার প্রয়োজনও অনুভব করে না। যাহার সহিত ইং-কালের সম্বন্ধ সংঘটিত হইয়াও ইহ-জীবনের মত ঘুচিয়া গিয়াছে, তাহার উপস্থিতিতে কোন কিছু আসিয়া যায় না। কিন্তু তবু—তবু সেই সাক্ষাতের সম্ভাবনা মনে পড়িলে বক্ষ দুক দুক করে কেন? যদি সে গ্রামে উপস্থিত থাকে, তবে হয় ত ঘটনাক্রমে তাহার সহিত সাক্ষাৎ হইয়া যাইতে পারে। সে বিপদ স্বেচ্ছায় আহ্বান করিবার প্রয়োজন কি?

কিন্তু তাহার উপস্থিতির সংবাদ রাখিবার প্রয়োজন না হইলেনও পারিপার্শ্বিক ঘটনাবলী তাহার উপস্থিতির কথা প্রায় নিত্যই

জানাইয়া দেয়। সে দেখে, সম্মুখের উত্থান ও উত্থান-বাটিকার আকৃতি প্রকৃতির নিত্যই পরিবর্তন হইতেছে—সেই শ্মশানের বিকট নীরবতা নিত্য ভঙ্গ হইতেছে—লোক-লস্করের হাঁকডাকে উত্থান কোলাহলমুখরিত হইতেছে, নিরাভরণা বিধবা যেন সালসার হইয়া উঠিতেছে। কখনও সে শুনিতে পায়, সনাতন লোক-লস্করকে ধমক দিয়া শাসাইতেছে, “বিকেলে এসে বাবু যাদ পুকুর-পাড়ের এ ঝোপটা দেখতে পায়, তা হ’লে অনর্থ বাধাবে ব’লে দিচ্ছি।” আজ তরিতরকারির ডালি, কাল ফুল-ফলের; কিন্তু তাহাদের আলায়ে কিছুই ত গৃহীত হয় না। সুধা ছুটিয়া আসিয়া আনন্দে করতালি দিয়া বলে, “অ-দিদি, অ-দিদি! দেখবে এস না, রণেন বাবু কত বড় একটা রুই মাছ পাঠিয়ে দিয়েছে। থ্রাসা লোক, না দিদি?” কিন্তু রামধনিয়ার ত সে সওগাদ লইবার হুকুম নাই!

এক দিন এ জন্ত সনাতন তাহাকে অনুযোগ করিয়া বলিয়াছিল, “বাবুর জিনিষ বাবু দিয়েছে, নেবে না কেন, মা লক্ষ্মি?” জ্যোৎস্না মহা বিপদে পড়িল, কথার উত্তর দিতে সে গলদঘর্ষ হইয়া উঠিয়াছিল। সে অন্য কথা পাড়িয়া মিষ্ট কথায় সনাতনকে ভুলাইয়া দিয়া স্বস্তির নিঃশ্বাস ফেলিয়াছিল।

রামধনিয়া দুই তিন দিন খবর দিয়াছে, বাগানের জমীদার বাবু সাক্ষাৎ করিতে চাহেন। অমনই জ্যোৎস্নার বক্ষ দ্রুত স্পন্দিত হইয়াছে, ধমনীতে রক্তের স্রোত তীরবেগে বহিয়াছে! কিন্তু সে যথাসম্ভব কর্তৃত্বের অকম্পিত রাখিয়া জবাব

## স্পর্শের প্রভাব

দিয়াছে, পিতা এখানে নাই, কাষেই সাক্ষাৎ হইবে না।  
তবু তিনি সাক্ষাতের জন্ত পীড়াপীড়ি করিতে ছাড়েন নাই।

জ্যোৎস্নার মন রণেশ্বরের ব্যবহারে কি স্থণায় পূর্ণ হইয়া উঠিত? সে কেবল ভাবিত, পিতা এত দিন পরে এখানে বাস করিতে আসিয়া ভাল করেন নাই। কত দিন সে মনে করিয়াছে, এ বিষয়ে পিতাকে তাহার অভিমত ব্যক্ত করিবে, কিন্তু বলি বলি করিয়া বলা হয় নাই।

এক দিন অপরাহ্নে জ্যোৎস্না তাহাদের বাগানের ক্ষুদ্রায়তন জলাশয়ের সত্ত-সংস্কৃত শাণের ঘাটে বসিয়া এই সমস্ত কথাই মনে মনে তোলাপাড়া করিতেছিল। গৃহে রামাবতারের পত্নী ব্যতীত আর কেহই ছিল না। পিতা কলিকাতায়, পিসীমাতা স্বধাকে লইয়া বামুনপাড়ায় বেড়াইতে গিয়াছেন, মালী ও রামধনিয়া হাটে গিয়াছিল।

জ্যোৎস্না অতীত ও বর্তমানের কথা ভাবিতে ভাবিতে তন্ময় হইয়া গিয়াছিল। তখন অন্তগমনোন্মুখ সহস্ররশ্মির রক্তরশ্মিজাল পশ্চিমগগনপ্রান্তে সিন্দূর লেগিয়া দিয়াছিল। বাতাসের মৃদুমন্দ আন্দোলনে সরোবরের কালো জলে ক্ষুদ্র তরঙ্গের ঘাতপ্রতিঘাত হইতেছিল। ঝাউ-দেবদারু পত্ররাশি সবু সবু শব্দে খলিয়া পড়িয়া বীথিকার বন্ধে ইতস্ততঃ উড়িয়া বেড়াইতেছিল। রহিয়া রহিয়া পাখীর কুজন বকুলশাখার পত্রান্তরাল হইতে আকাশে ভাসিয়া আসিতেছিল। বায়ুতাড়িত সরোবরের কালো জলের উপর আকাশের রাজা ছবির প্রতিচ্ছায়া

পড়িয়া আন্দোলিত হইতেছিল। কতকাল—কতকাল পূর্বে এই ভদ্রাসনে তাহার উদ্বাহক্ৰিয়া সম্পন্ন হইয়াছিল—তখন সে কতটুকু—সে কথা ত তাহার বিন্দুমাত্র মনে নাই, সর্বস্বংসী কাল তাহার স্মৃতি ধুইয়া মুছিয়া কোথায় ভাসাইয়া গিয়াছে !

“ওঃ এখানে আপনি ? ফটক ভেজান ছিল, ভিতরে এসে কারও সাড়াশব্দ পেলুম না। দু’টো কথা বলতে এলুম নক্ষত্রের বাবুকে—তিনি কি বাড়ীতে নেই ?”

জ্যোৎস্না চমকিত হইয়া উঠিয়া দাঁড়াইল।

তাহার বিশ্বয়ের অবকাশে রণেন্দ্র অগ্রসর হইয়া বলিল, “দেখুন, বড় জরুরী কার্য, দু’টো কথা বলতে এসেছিলুম, বেশী না। এই চাতালটার এক পাশে বসতে পারি কি ?”

জ্যোৎস্না কোন উত্তর না দিয়া অবনত-মস্তকে স্থান ত্যাগ করিতে গেল। রণেন্দ্র নিতান্ত ক্ষুণ্ণ ও অপমানাহত স্বরে বলিল, “দেখুন, পথের ভিখারী অতিথি এলেও গেরস্ত তাকে দাঁড়াতে বলে, দু’মুঠো দেবার জন্তে। অন্ততঃ দেবে কি না দেবে, ব’লে দেয়। আমি মান-অপমানের কথা মনে না করেই আপনাদের সঙ্গে দেখা করতে এলুম, তা কথাটাও শুনে যাবেন না ?”

জ্যোৎস্না চমকিয়া দাঁড়াইল। রণেন্দ্রের কণ্ঠস্বরে এমন একটা করুণ মিনতির বিষাদপূর্ণ স্বাক্ষর উঠিল যে, তাহা তরুণীর হৃদয়তারে আঘাত করিয়া সশব্দে বাজিয়া উঠিল।

রণেন্দ্র বলিয়া চলিল, “আপনার পিতা এখানে নেই। সুখা



## স্পর্শের প্রভাব

বালক, কাষেই জরুরী একটা কথা, যা না বললেই নয়, আপনাকে ছাড়া আর কাকেই বা ব'লে যাই ? ক'দিন চেষ্টা ক'রে ফল পাই নি। ভেবেছিলুম, রাজেশ্বর বাবু ফিরে এসেছেন, তাই এসেছিলুম। তিনি আসেন নি, কিন্তু সময়ও আমার আর নেই। শীগ্গীর—বোধ হয়, আজ রাতেই—আমায় এ গ্রাম ছেড়ে চ'লে যেতে হবে। কিন্তু ফিরবো কবে জানি নে, হয় ত আর ফিরবোই না। তাই কথাটা আপনাকে না ব'লে যেতে পারছি না।”

জ্যোৎস্না ঘামিয়া উঠিল, এমন বিপদে সে কখনও পড়ে নাই। প্রতি মুহূর্তেই সে তাহার ভাতা ও পিতৃষসার আগমন প্রতীক্ষা করিতেছিল, কিন্তু দুর্ভাগ্যক্রমে আজ যেন তাঁহাদের প্রত্যাবর্তনের নামগন্ধও নাই। সে নিতান্ত নিরুপায় হইয়া অশ্রুট স্বরে বলিল, “যা বলবার, কলকাতায় বাবাকে গিয়ে ত বলতে পারেন।”

বাধ ভাঙ্গিলে রুদ্ধ জলশ্রোত যেমন উদ্গাম অপ্রতিহত গতিতে ছুটিয়া বাহির হয়, রণেশ্বরের মনের কপাট উন্মুক্ত হইবার অবসর পাইয়া কথার শ্রোত জ্যোৎস্নাকে সেই ভাবে ভাসাইয়া দিল। উচ্ছ্বসিত কণ্ঠে সে বলিল, “না, তা পারি নে, বোধ হয়, সে সময়ও পাব না। কলকাতায় কবে ফিরবো, তাও জানি নে; তাই আপনাকেই ব'লে যাচ্ছি, দয়া ক'রে শুনুন। আপনারা এখানকার বিষয় সম্পত্তির জন্তে আমার নামে নালিশ করেছেন, শুনলুম। কিন্তু আইন-আদালত করবার দরকার কি ? জাযামতে এ সব সম্পত্তিই আপনার, আমার এতে কোন অধিকার

নেই। মরবার আগে আমার ঠাকুরদাদা এ সব বিষয়-সম্পত্তি আপনার নামে দানপত্র ক’রে দিয়ে গিয়েছেন। আমাদের মধ্যে যা ঘটে গিয়েছে, যদিও তার জন্তে আমি দায়ী নই, আপনিও নন, তা হ’লেও ইহজন্মে বোধ হয় আপনাদের সঙ্গে আমাদের মিলনের কোন আশা নেই। এ কথা আপনার বাবা উকীলের চিঠি দিয়ে আমায় বুঝিয়ে দিয়েছেন।”

জ্যোৎস্না বিচলিত হইয়া উঠিল। উদ্ভিন্ন কণ্ঠে বলিল, “এ সব কথা আমাকে না ব’লে বাবাকে লিখে দেবেন।”

রণেন্দ্র পূর্বের মত দ্রুত কণ্ঠে, অধীর আবেগে বলিয়া গেল, “না, তা হবে না। আপনার বাবা বোধ হয় আমার চিঠি পড়বেন না, না পড়েই ছিঁড়ে ফেলবেন। কথাটা এমন কিছু না, এই গাঁয়ের বিষয়সম্পত্তি নিয়ে। বলেইছি ত, ঠাকুরদাদা মরবার সময়ে আপনার কৃতকর্মের জন্তে অমুশোচনা ক’রে দানপত্র ক’রে গিয়েছেন, বোধ হয় পাপের প্রায়শ্চিত্ত করবার জন্তে। ধরতে গেলে গ্রায়তঃ বিষয় এখন আপনার, সে সব কথা তাঁর দানপত্রে ভাল ক’রে বুঝিয়ে দেওয়া আছে। আমি সেই দানপত্র তাঁর মৃত্যুর পর প’ড়ে আপনাদের বিস্তর খোঁজ করেছি, কিন্তু ফল পাইনি। যে দিন থেকে জানতে পেরেছি, এই গ্রামের বিষয় আপনার, সে দিন থেকে তার উপস্থিতও ভোগ করি নি, যেমন অবস্থায় ছিল, তেমনই রেখে দিয়েছি। এই নিন দানপত্র।”

রণেন্দ্র একটা কাগজের তাড়া জ্যোৎস্নার সম্মুখে রাখিয়া দিল। কি জানি কেন, জ্যোৎস্না একটা কথা বলিবার লোভ

## স্পর্শের প্রভাব

সম্বরণ করিতে পারিল না। “যেমন অবস্থায় পেয়েছিলেন, তেমনই রেখে দিয়েছেন?”

রণেন্দ্র অপ্রতিভ হইয়া বলিল, “ঠিক! ও কথাটা বলতে পারেন বটে। তা দেখুন, আমি লেখাপড়া নিয়ে থাকতুম, বিষয়-সম্পত্তি দেখবার অবকাশ পেতুম না। ঠিক করেছিলুম, যার বিষয়, তাঁর সন্ধান পেলে তাঁর হাতে দিয়ে নিশ্চিন্ত হব। কিন্তু সন্ধানও পাই নি, নিজেরও দেখি নি। সে জন্তে এ সব নষ্ট হয়ে গেছে বটে। এর জন্তে নিশ্চয়ই আমি দায়ী। তা, এবার এসে—যে দিন আপনাদের পরিচয় পেয়েছি—সেই দিন থেকে এসে যতটা সম্ভব ক্রটি শুধরে নেবার চেষ্টা করছি। এখন একবার বাগানটা দেখে আসবেন, কতটা কি করতে পেরেছি। বাকীটা শুধরে নেবার জন্তে আপনার নামে ব্যাঙ্কে কতকটা নগদ টাকা জমা রেখে দিয়েছি, এই নিন তার চেক-বই। যারা এ সব বিষয়-আশয় দেখছিল, কায়ে তাদেরই রেখে দিয়েছি। তাদের কোন অপরাধ নেই, তারা বারবার আমার অকর্মণ্যতার জন্য অল্পযোগ করেছে। ইচ্ছে হ’লে আপনি তাদের রাখতে পারেন, না হ’লে ছাড়িয়ে আপনার নিজের পছন্দমত লোক রাখতে পারেন। তবে সোনাদা’—থাক্ গিয়ে—আমি এখন চল্লম। নমস্কার।” রণেন্দ্র প্রস্থানোচ্ছত হইল।

জ্যোৎস্না কাগজের বাণ্ডিলটার দিকে অঙ্গুলি নির্দেশ করিয়া বলিল, “এ সব কেন রেখে যাচ্ছেন! আমি ত ওসব নিতে পারব না। আপনি বাবাকে দেবেন।”

রণেন্দ্র বিস্মিত হইয়া বলিল, “কেন, এতে ত কোন গোলার কথা নেই। বিষয় আপনার, আপনি মালিক—এতে আর কারো মতামতের ত দরকার নেই।”

জ্যোৎস্না বলিল, “না, আমাদের অধিকার নেই। বিশেষ যেখান থেকে এ দান এসেছে, তা নেওয়া আমাদের উচিত কি না, তা বাবা বলতে পারেন, আমি জানি না।”

রণেন্দ্র অধিকতর বিস্মিত হইয়া বলিল, “সে কি? শুনেছি, আপনি লেখাপড়া শিখেছেন। মৃত্যুকালে যিনি অমৃত্যু ক’রে গিয়েছেন, নিজের ভুল বুঝে পাপের প্রায়শ্চিত্ত ক’রে গিয়েছেন,—তঁাকে পরলোকে তৃপ্তি দেবার জন্তেও ত অন্ততঃ আপনার এ দান নেওয়া উচিত। দেখুন, মানুষে মানুষে রাগারাগি হয়, কিন্তু মরা মানুষের উপর কি রাগ ক’রে থাকতে হয়?”

জ্যোৎস্নার মুখে কথা যোগাইল না, সে কি উত্তর দিবে? তথাপি সে দলিলগুলি রণেন্দ্রের দিকে সরাইয়া দিল।

রণেন্দ্র বিষন্ন মুখে বলিল, “তা হ’লে দয়া করবেন না? অচ্ছা, দলিলগুলো আপনি না নিলেও ক্ষতি নেই, ও সব রেজেষ্ট্রী করা আছে। তবে চেক-বইখানা? ওখানাও নেবেন না? না নিন, তবুও রইলো। জানি, যা আপনার ভ্রাতৃ প্রাপ্য, তা দিয়ে গেলুম, নিন বা না নিন, আমি আর দেখতে আসবো না।”

উত্তরের প্রতীক্ষা না করিয়া রণেন্দ্র দ্রুতপাদবিক্ষেপে প্রস্থান করিল।

## স্পর্শের প্রভাব

জ্যোৎস্না নিম্পন্দ, নির্বাক হইয়া দাঁড়াইয়া রহিল ।

সে কিছু পরে দলিলগুলি কুড়াইয়া লইয়া ভাবিতে লাগিল, সে এইগুলি লইয়া কি করিবে ? এখনই সরোবরের শীতল বারিরাশির মধ্যে কি ঐগুলির সমাধির ব্যবস্থা করিবে, না রাখিয়া দিয়া পিতার মতামতের জন্য অপেক্ষা করিবে ?

বাণ্ডিলের সাদা ধপ্পে খামের মোড়কের উপর মুক্তার অক্ষরে লেখা রহিয়াছে—“শ্রীমতী জ্যোৎস্নাময়ী দেবীর করকমলে তাঁহার পরিত্যক্ত স্বামীর শ্রদ্ধার উপহার ।

শ্রীরণেন্দ্রনাথ দত্ত চৌধুরী ।”

মুগ্ধনেত্রে জ্যোৎস্না সেই অক্ষরগুলির দিকে চাহিয়া রহিল । তাহার মনে হইল, যেন অক্ষরগুলির প্রাণস্পন্দন হইতেছে, যেন সেগুলি নাচিয়া নাচিয়া অতীতের কত কথা স্মরণ করাইয়া দিতেছে । রণেন্দ্রনাথ তাহার স্বামী ! অথচ পত্নীর অধিকার হইতে সে বঞ্চিত । বিধাতার এ কি রহস্যলীলা ?

অকস্মাৎ তাহার মোহভঙ্গ হইল—দেখিল, রণেন্দ্রনাথ আবার ফিরিয়া আসিয়াছে । রণেন্দ্র কোন ভণিতা না করিয়াই বলিল, “হাঁ দেখুন, আর একটা ভিক্ষে চাইবো ব’লে ফিরে এলুম । বোধ হয় আপত্তি হবে না ?”

জ্যোৎস্না বলিল, “ভিক্ষে ? আমার কাছে ?”

রণেন্দ্র বলিল, “হাঁ, আপনার কাছে । বাগানবাড়ীর যে দিক্‌টা একেবারে পোড়ো, মাস দুই তিনের জন্তে ঐ দিকের দুটো কুঠরী আমি ধার চাই, এর জন্তে আপনি যা ভাড়া ধার্য্য করবেন

দেবো, আপনি মাস মাস সোনাদা'র কাছেই পাবেন, দরকার হয় যদি, এখনই সব ভাড়াটাও দিয়ে দিতে পারি—”

জ্যোৎস্না ঈষৎ ক্রুদ্ধ হইয়া বলিল, “আপনার বাড়ী, আপনি থাকবেন, তাতে আমাদের কি ? আপনি দলিলপত্র নিয়ে যান, আমি নেবো না।”


রণেন্দ্র দুই হাত পশ্চাতে সবিয়া গিয়া বলিল, “বলেইছি ত, নিন বা না নিন, কিছুই এসে যায় না।”

রণেন্দ্র নমস্কাব করিয়া যাইতেছিল, জ্যোৎস্নাব মুখে চোখে হঠাৎ একটা দুষ্ট হাসি খেলিয়া গেল। সে বলিল, “এই যে বললেন, কোথায় যাবেন ঠিক নেই, তবে ঘর নিয়ে কি হবে ?”

রণেন্দ্র বলিল, “ওঃ, আপনি তা মনে ক’বে বেখেছেন ? দেখুন, আমি থাকবো না, আমার এক বন্ধু দিন কতক থাকবেন, মন হ’লে হয় ত কখনও কচিং আমিও ঘণ্টা কতকের জন্য আসতেও পারি।”

রণেন্দ্র আর দাঁড়াইল না।

সে চলিয়া গেলে কিছুক্ষণ জ্যোৎস্না চাতালের উপর বসিয়া দলিলপত্রগুলি নাড়াচাড়া করিল, কিন্তু ভিতরে কি আছে, খুলিয়া দেখিল না, উহাতে তাহার আগ্রহ ছিল কি না, সে-ই বলিতে পারে।



কালীনাথ তোফা আরামে আড্ডা গাড়িয়া বসিয়াছিল। রণেন্দ্রের কুপায় তাহার কোন অভাব ছিল না। রণেন্দ্র গ্রামে আসিয়াই তাহাকে বাগানবাড়ীতে স্থপ্রতিষ্ঠিত করিয়া দিয়াছিল। সে আসিয়াই লোক-লস্করকে হাত করিয়া লইয়াছিল। তাহাকে সকলেই ছকুমবরদার বলিয়া মানিয়া লইয়াছিল। কেবল একজন লোক তাহাকে বিশেষ আমল দেয় নাই। সে সনাতন মালী।

কালীনাথ স্চতুর এবং বিষয়বুদ্ধিতে পরিপক্ব ছিল। সে দুই চারি দিনের মধ্যেই রণেন্দ্রের বিষয়সম্পত্তির হৃদিশ আয়ত্ত করিয়া লইয়াছিল। রণেন্দ্রের বিবাহিত জীবনের অনেক কিছুই সে জানিত। তাহার পর রণেন্দ্রের নিকট যখন সে জ্যোৎস্না-ময়ীদের সম্বন্ধে সকল কথা শুনিল, তখন সে মনে মনে তাহার কর্তব্যপথ স্থির করিয়া লইল। স্বামী-স্ত্রীর মধ্যে এই মনোমালিন্যের অপার সাগর হইতে চতুর ডুবুরী হইলে অনেক মণিমুক্তা আহরণ করিতে পারে, এ কথা সে বিলক্ষণ বুঝিয়া

লইল। রণেন্দ্রকে সে ভালমামুষ অর্থাৎ ‘বোকা’ বলিয়া জানিত, এ জন্য সে প্রতি কার্যেই তাহার চক্ষুতে ধূলি নিক্ষেপ করিতে পারিবে, এ বিশ্বাস তাহার ছিল। কিন্তু গোল বাধিল সনাতনকে লইয়া। বুড়া বড় দুষ্ট, তাহাকে যে রাজা উজীর মারিয়া ভুলান যায় না, তাহা সে দুই দিনেই বুঝিয়া লইয়াছিল।

এক দিন সে বাগানের লোক-লস্করকে দিয়া বাগানবাড়ী পরিত্যক্ত করাইয়া লইবার সময় তাহাদিগকে আপনার পৈতৃক সম্পত্তির পূর্ব-পরিচয় দিতেছিল। তাহাদেরও মন্ত জমীদারী ছিল, এইরূপ এক-আধটি নহে, কত বাগানবাড়ী ছিল। জমীদারী করিয়া সে ঘুণ হইয়া গিয়াছে। সাধে কি রণেন্দ্র তাহাকে দেখাশুনা করিবার জন্য এখানে আনিয়াছে? কত সাধ্য-সাধনার পর তবে না সে সম্মত হইয়াছে। কেবল অত্যন্ত আপনার জন বলিয়া, আর তাহার মাথার উপর কেহ নাই বলিয়াই সে অনেক ক্ষতি স্বীকার করিয়া রণেন্দ্রের বিষয়সম্পত্তির তদারক করিতে আসিয়াছে। যে ভীষণ রকমের সব গলদ আছে, তাহার সংস্কারসাধন করিতে যে কত সময় ও পরিশ্রম করিতে হইবে, তাহা সে-ই জানে।

অবশ্য এ সমস্ত কথা রণেন্দ্র ও সনাতনের অসাক্ষাতেই যে হইয়াছিল, তাহা বলার বোধ হয় প্রয়োজন হইবে না। সনাতন যখন বিস্মিত লোক-লস্করের প্রমুখস্থ সকল কথা অবগত হইল, তখন কেবল ঈষৎ হাস্য করিল, কোনও মন্তব্য প্রকাশ করিল না। নির্জনে সে কালীনাথের পূর্ব-ইতিহাস স্মরণ



## স্পর্শের প্রভাব

করিল। জমীদার! জমীদারই বটে! তাহার সদাশিব বাবুর  
অঙ্গে যখন এই কালীনাথ প্রতিপালিত হইত, তখন পাণ-চুফট-  
ওয়ালা বা মণিহারী দোকানদার অথবা লেমনেড-বরফওয়ালার  
তাগাদার চোটে তাহাকে অস্থির হইতে হইত। সে তখন বাবুর  
সহিত কলিকাতায় থাকিত। সে সকল দেনা তাহাকেই অনেক  
সময় মিটাইতে হইত, আবার কখনও কখনও মোটা রকমের  
দেনা হইলে তাহার বাবুর কাণে সে কথা উঠিত, তখন হাক্কামা  
মিটিত। রণেন্দ্র এ জন্ত তাহার নামে ব্যাঙ্কে কিছু টাকা জমা  
দিয়া রাখিয়াছিল। কালীনাথ যখন শাল-আলোয়ানওয়ালা  
অথবা জামা-কাপড়ওয়ালার জন্ত চেক কাটিতে আরম্ভ করিত,  
তখন চেকের বহর যে কোথায় গিয়া পৌঁছিত, তাহা কালীনাথ  
বুঝিয়াও বুঝিত না। শেষে এমন হইত যে, পাওনাদার তাহার  
চেকের টাকা কখনও পাইত না। ছাওনোট কাটিতেও সে  
বিশেষ দক্ষ ছিল, কিন্তু তাহার ছাওনোটের টাকা কেহ কখনও  
পাইয়াছে বলিয়া সনাতন শুনে নাই। এ সকল দেনা অবশেষে  
রণেন্দ্রকেই মিটাইয়া দিতে হইয়াছিল। এমন একবার নহে,  
একাধিকবারই হইয়াছে। সেই আপদ আবার তাহার বাবুর  
স্বন্ধে ভর করিয়াছে, না জানি ইহার কি পরিণামই বা হয়!  
সনাতনের এই ভাবনাটা অজ্ঞাত চিন্তার সঙ্গে প্রবল হইয়া  
উঠিল।

কালীনাথও মনে ভাবিত, এই বৃদ্ধ পুরাতন ভৃত্যটা তাহার  
জীবনের পূর্ব-ইতিহাস অবগত আছে। উহাকে কিরূপে হাত

করা যায়, এ বিষয়ে সে নানা ফন্দী খাটাইত। সনাতনকে বশ করিতে না পারিলে সে ত নিষ্কণ্টক হইতে পারিবে না। খাতাপত্র লইয়া বসিয়া সে এই কথাই ভাবিতেছিল। হঠাৎ তাহার চিন্তাশ্রোতে বাধা দিয়া রণেন্দ্র ঝড়ের মত বেগে কক্ষে প্রবেশ করিয়া বলিল, “সমস্ত ঠিক ক’রে এলুম, তার জিনিষ তাকে বুঝিয়ে দিয়েছি। এখন তোমার সঙ্গে তাদের যা কিছু বোঝাপড়া। আমি আজই কলকাতায় যাচ্ছি। ম্যানেজার বাবু দু’চারদিনের মধ্যেই এসে পড়ছেন, তাঁর কাছে সব বুঝে শ্রুতি নিও, বুঝলে, কালীদাস।”

কালীনাথ বলিল, “আরে বোসোই না, একেবারে ঘোড়ায় জিন দিয়ে এসেছ যে দেখছি। গাড়ী ত রাত্তির ৮টার আগে নেই, এত তাড়াতাড়ি কিসের?”

রণেন্দ্র বলিল, “না দাদা, বসবার যো নেই, একবার ভট্টাচার্য্য-পাড়ায় যেতে হবে এখন, ওঁদের ওখানে একটা টিউবওয়েলের কথা পেড়েছিলেন, সেটার বন্দোবস্ত ক’রে যেতে হবে।”

কালীনাথ বলিল, “বাঃ, এ ত চমৎকার ব্যবস্থা। এই আমার উপরেই সব ভার দেওয়া হ’ল—আবার তা হ’লে—”

রণেন্দ্র বাধা দিয়া বলিল, “ওঃ, তাও ত বটে! তা হোক, তবে এটা নিজেই বন্দোবস্ত ক’রে দিয়ে যাব। আর—হাঁ দেখ কালীদাস, খাতের গাজি বলছিল, ওদের পাঠশালার চালা-ঘরখানায় আর কুলুঞ্জে না। আমি মনে করছি, ওটা ফেলে দিয়ে খানতিনেক কোঠা-ঘর তুলে দেবো, কি বল?”

## স্পর্শের প্রভাব

কালীনাথ হাসিয়া বলিল, “ডিক্রী-ডিসমিস সেরে ফেলে জিজ্ঞেস করছো, কি রায় দেবো—মন্দ নয়।”

রণেন্দ্র অপ্রতিভ হইয়া বলিল, “না, না, তা নয়! আগে থেকেই ঠিক ক’রে রেখেছিলুম ওটা, তবু তোমার মতটা একবার—”

কালীনাথ বলিল, “তোমার জিনিষ—তুমি যা ইচ্ছে করবে, এতে আবার আমার মতামত কি? হাঁ, ভাল কথা, ও গাঁয়ের বৈঠকখানা-বাড়ীর দরুণ যে ঘর ক’খানা স্থূল-ডিম্পেলারীর জন্তে দেওয়া হয়েছে, ওগুলো কি ঐথেনেই থাকবে, না ও দুটোর জন্তেও আলাদা কোঠা করতে হবে? আর লাইব্রেরীটা?”

রণেন্দ্র রিটগুয়াচের দিকে তাকাইয়া ব্যস্তসমস্ত হইয়া বলিল, “না, আর দেয়ী করলে চলবে না—চললুম, কালীদা’। যা করবার, তুমিই কোরো। ওগুলোতে সবোমাত্র ত হাত দিয়েছি আমি, এতদিন কর্তাদের আমলের ব্যবস্থাই চ’লে আসছে বৈ ত নয়।”

রণেন্দ্র আর দাঁড়াইল না, যেমন ঝড়ের বেগে কক্ষে প্রবেশ করিয়াছিল, তেমনই বাহির হইয়া গেল। কালীনাথ বদ্ধদৃষ্টিতে তাহার দিকে দৃষ্টিপাত করিয়া দীর্ঘ হাসিল মাত্র। তাহার মুখচক্ৰে তখন যে হিন্দী-কথার কঠোর ভাব আত্মপ্রকাশ করিল, তাহা মুহূর্তে উঠিয়াই মিলাইয়া গেল। বিধাতার কি অবিচার! এই হস্তিমূর্খের হস্তে তিনি কি বুঝিয়া এত বড় একটা অগাধ সম্পত্তির ভার দিয়াছেন! ইহারা কলসীর জল গড়াইয়া

খাইতেই জানে, কি করিলে কলসী অহোরাত্র শীতল স্বাহু জলে পূর্ণ থাকে, তাহা ইহাদের মাথায় আসে না ! যাউক সে কথা, বিধাতা যখন এত দিনের পর স্থবিচার করিয়াছেন, উপযুক্ত ক্ষেত্রে এত বড় সম্পত্তির তত্ত্বাবধানের ভার অর্পণ করিয়াছেন, তখন সেও সেই বিশ্বাসের সম্ভাবহার করিতে ভুলিবে না ।

প্রথমেই পথের কাঁটা কয়টাকে না সরাইলে চলিতেছে না । কে এই মালীটা ? বেতনভুক ভূত্য—তাহার এত প্রভুত্ব কেন ? এ কণ্টক উদ্ধার করিতে হইলে অগ্নি কণ্টকেরই প্রয়োজন । সে কে ? কালীনাথ আপন মনে হাসিল । সে কণ্টকটি যে কে, তাহা সে পূর্বাভাসেই স্থির করিয়া রাখিয়াছিল । এই দুই কণ্টকের উচ্ছেদ-সাধন করিতে হইলে উভয়ের সাহায্যে উভয়কেই সমূলে উৎপাটন করিতে হইবে ।

“কালী বাবু কি ডেকেছিলেন আমায় ?” সনাতন দ্বারপ্রান্তে আসিয়া দাঁড়াইল । প্রথমটা কালীনাথ যে চমকিত হয় নাই, এ কথা বলা যায় না । কিন্তু সে সংসারের খেলায় ঘুণ খেলোয়াড়, সহজে ভাবে অভিভূত হইবার পরিচয় সে দিবে না, ইহা নিশ্চিত । যাহার উচ্ছেদসাধনের সাধু কল্পনায় সে মনে মনে কত কি ফন্দী আঁটিতেছিল, হঠাৎ সে তাহার সন্মুখে দণ্ডায়মান, ইহাতে তাহার চমকিত হইবারই কথা ; কিন্তু সে অসাধারণ প্রত্যাশপন্নমতিবলে বলীয়ান । মুহূর্ত্তে আপনাকে সামলাইয়া লইয়া বলিল, “কে, সনাতন ? ই, ডেকেছিলুম তোমায় বটে । বাগানে ক’জন লোক খাটছে রোজ ? তাদের নাম, ঠিকানা আর রোজের খাতা

## স্পর্শের প্রভাব

দিও আশায় কাল—একবার দেখে ব'লে দেবো, এখন থেকে কি ভাবে কায চলবে বাগানের। আর করালীকেও কাল সকালে খাতাপত্তোর নিয়ে বাগানে আসতে ব'লে দিও। এখন থেকে রোজ সকালে বাগানেই সেরেস্টা বসবে, তাকে জানিও।”

সনাতনের মুখখানা কালো হাঁড়ীর মত আঁধার হইয়া গেল। কিন্তু মুখের কথায় সে কোনও ভাবান্তরের পরিচয় না দিয়া কেবল ছোট একটি “হাঁ, তাই হবে” বলিয়া প্রস্থানোত্তত হইল। কালীনাথ বাধা দিয়া বলিল, “হাঁ, শোন। সামনের বাড়ীর ছেলেমেয়েরা প্রায়ই বাগানে এসে দৌরাখ্য করে, ফুল তুলে নিয়ে যায়, গাছপালা ভাঙ্গে ব'লে শুনেছি। ওদের ও-সব করতে বারণ ক'রে দিও। বাগানে ঢুকতেই বা দাও কেন?”

সনাতনের মন এক্ষণে বিদ্রোহী হইয়া উঠিল। সে তেজোগর্ভদৃষ্ট কণ্ঠে বলিল, “যদিও তারা আর বাগানে আসে না, তবুও বলছি, বাবু যা বারণ করেন নি, আমি তা বারণ করতে পারবো না, কাউকে তা বারণ করতে দেবোও না। কালী বাবু, এই তোমায় ব'লে রাখলুম।”

ক্রোধে বলিষ্ঠ ভূত্যের সর্কশরীর নফীত হইয়া উঠিল।

কালীনাথ গম্ভীর কণ্ঠে বলিল, “কি বারণ করা হবে না হবে, তার হুকুম চালাবার মালিক তুমি নও। আজ থেকে আমার হুকুমমত সবাইকে চলতে হবে, এটা জেনে রেখো, সনাতন।”

সনাতনও দৃষ্টকণ্ঠে বলিল, “কারও অত্মায় হুকুম এ বয়সে কখনও তামিল করি নি, সে স্বভাবও আমার নেই। যে মালিক

সেও আমায় এমন অন্তায় হুকুম করতে সাহস করে নি কখনও, কালী বাবু।”

কালীনাথ বলিল, “রাগ দেখিও না, সনাতন, রাগে কোন ফল নেই। আমি যে ভাবে চলতে বলবো, তোমাদের সকলকেই এখন থেকে সেই ভাবে চলতে হবে।—বুঝলে? অনর্থক চোঁচা-মেঁচিতে ফল কি?” কালীনাথের ওষ্ঠের কোণে ব্যঙ্গ-মিশ্রিত মুদ্র হাস্য-রেখা খেলিয়া গেল। সে বিন্দুমাত্রও উত্তেজনার ভাব প্রকাশ করিল না।

সনাতন করযোড়ে বিনীত স্বরে বলিল, “তা হ’লে আমায় ছুটি দাও, বাবু। আমি চ’লে যাচ্ছি কাল থেকে। তুমি অল্প লোক বন্দোবস্ত করো।”

সনাতন পুনরায় প্রস্থানোত্তত হইল। হাতের পাশার ভিন্নরূপ দান পড়িল দেখিয়া কালীনাথ মুহূর্তে ভাবপরিবর্তন করিয়া হাসিমুখে বলিল, “আরে ছি সনাতন, বুড়ো বয়সেও তোমার রাগ গেল না? আমি যে পরখ করছিলুম তোমায়, তাও বুঝতে পার নি? কেন, এর আগে কতবার ত তোমায় এমনই ক’রে রাগিয়েছি। আরে ছ্যাঃ!” কালীনাথ সনাতনের পৃষ্ঠদেশে আদরের মৃদু করস্পর্শ করিয়া হাসিয়া আবার বলিল, “ওদের বাগানে আসতে মানা ক’রে লাভ কি আমার বল ত? তোমার বাবু যাদের আদর ক’রে বাগানে আসতে দিয়েছে, আমি তাদের বারণ করব? বিশেষ তুমি যখন ওদের এত আদর-বহু কর? আরে ছ্যাঃ! কাল থেকে বরং ওদের রোজ

## স্পর্শের প্রভাব

বাগানে আসতে ব'লে দিও। আর দেখ, মাঝে মাঝে ফুলের ফলের ডালি পাঠিয়ে দিও ওদের, বুঝলে?”

সনাতন একবারে আদরে গলিয়া গিয়া হাসিয়া বলিল, “তাই ত বলি বাবু, এও না কি কখনও হয়? যে বংশে বাবুর জন্ম, তার সঙ্গে তোমার রক্তের টান রয়েছে, এও কি মিথ্যে হয়? বাবু, ছেলেমেয়ে দুটি বড় ভাল। একবার যদি ওদের সঙ্গে কথা কয়ে দেখ”—

কালীনাথ আগ্রহভরে বলিল, “এর আর কি হয়েছে—কালই আমি ওদের সঙ্গে দেখা করবো। তবে ওরা ক’দিন দেখছি বড় একটা এ দিকে আসে না—ওরা কি এখানে নেই।”

সনাতন বলিল, “থাকবে না কেন, তবে হয় ত কাষ পড়েছে—”

কালীনাথ বলিল, “যাক্, এর পর না হয় এক দিন দেখাসাক্ কোরবো। তুমি তা হ’লে মালীদের দেখাওনো। মানুষের রোজগুলো ঠিকঠাক ক’রে ফেলা যাবে ছ’জনে, কি বল?”

সনাতন হঠাৎ বলিল, “সে সব ঠিক ক’রে দেবো, বাবু। একবার ইষ্টিশানটা হয়ে আসি দৌড়ে।”

সনাতন নমস্কার করিয়া প্রস্থান করিল। কালীনাথ তাহার চলন্ত মূর্তির দিকে ক্রুর বক্রদৃষ্টি নিক্ষেপ করিল। সে মুহূর্তমাত্র। তাহার পর আপন মনে মুদুমন্দ হাস্য করিল। সে হাস্যের সহিত কি বিষ মিশ্রিত ছিল! এত সহজে যে তাহার কার্যোদ্ধারের ভিত্তিপত্তন হইবে, কালীনাথ তাহা স্বপ্নেও ভাবিতে পারে নাই।

পাড়ায় ছলছুল, তারকদের বাড়ীর বৌ গত রাত্রি হইতে কোথায় গিয়াছে, তাহার কোন সন্ধান পাওয়া যাইতেছে না। আজই তারকের দাদার কলিকাতায় আসিবার দিন, তারক সেই জন্ত উদ্গ্রীব হইয়াছিল। সকাল হইতেই সে বাজার-হাটেই ব্যস্ত ছিল, সে জন্ত সে সকালে কলের কাষে যায় নাই।

বেলা ৯টার পরেও যখন তারকের মা পুত্রবধূর কোন সাড়া পাইলেন না, তখনই তাঁহার মনে সন্দেহের ছায়াপাত হইল। তারকও সেই সময়ে বাজার করিয়া ফিরিল। মা ও পুত্র যখন চারিদিকে খুঁজিয়াও তরলার কোন সন্ধান পাইলেন না, তখন হতাশ হইয়া দুই জনে বারান্দার উপর বসিয়া পড়িলেন। তাবক কাতর-কণ্ঠে বলিল, “মা, কি হবে?”

সারদাসুন্দরী মনে যাহাই ভাবুন, বাহিরে ঔদাসীত্বের ও তাচ্ছীল্য-বিরক্তির ভাব দেখাইয়া মুখ বিকৃত করিয়া বলিলেন,



## স্পর্শের প্রভাব

“কি আবার হবে ! আপদ গেছে, বালাই গেছে । মর, মর !  
গেলি ত গুণ্ঠী শুদ্ধ মুখ পুড়িয়ে গেলি কেন বল দিকি—”

তারক বাধা দিয়া বলিল, “অমন কথা বোলো না, মা,  
হয় ত রাগের মাথায় বাপের বাড়ী গেছে, একবার—”

সারদাসুন্দরী ক্রুদ্ধ স্বরে বলিলেন, “আরে থাম-বাপু তুই !  
বলে, জন্ম গেল—”

“বাবু তার হায়—” বাহির হইতে গম্ভীর স্বরে পিণ্ডনের  
আওয়াজ আসিল । তারক লাফাইয়া উঠিয়া বলিল, “তার ?  
কৈ দেখি ।” এক লক্ষ্মে দ্বারদেশে উপস্থিত হইয়া তারক লাল  
খামে মোড়া তার লইয়া ভিতরে আসিল । পিণ্ডন তার দিয়া  
সহি লইয়া চলিয়া গেল ।

তার পড়িতে পড়িতে তারক থর-থর কাঁপিয়া উঠিল—বুঝি  
অস্তরের জমাট-বাঁধা সপ্ত সমুদ্রের ক্রন্দন তাহার নয়ন ছাপাইয়া  
নাশিয়া আসিল । সে ভাবিয়াছিল, হয় ত তাহার বৌদিদি  
কোথা হইতে এই তার করিয়াছে । কিন্তু গত রাত্রিতে যে  
গৃহত্যাগ করিয়াছে, তাহার পক্ষে এই অল্পসময়ের মধ্যে যে  
তার পাঠানো সম্ভব নহে, এ কথাটা সে ভাবিয়া উঠিতে পারে  
নাই ।

কিন্তু এ কি ভীষণ সংবাদ !—“তোমার ভ্রাতার সাংঘাতিক  
কলেরার আক্রমণ হইয়াছে, এখনই চলিয়া আইস ।”

বিধাতার এ কি অভিসম্পাত ! বজ্রপাতের উপর আবার  
বজ্রাঘাত ! তারক সংসারের আঘাতসহনে একবারেই অসমর্থ—

তারকনাথের উপরে এ কি আঘাতের উপর আঘাত ! মা বলিলেন, “কি রে, কি হয়েছে ? অমন কচ্ছিস কেন ?”

তারকের মুখ দিয়া কথা বাহির হইল না, সে দুই হাতে মুখ ঢাকিয়া হাউ হাউ করিয়া কাঁদিয়া উঠিল ।

কতক পরিমাণে প্রকৃতিস্থ হইবার পর তারক যখন তারের কথা জননীকে নিবেদন করিল, তখন সারদাসুন্দরী ধৈর্য্যচ্যুত হইয়া তাহার কান্নায় যোগদান করিলেন । তারক পাড়ায় বাহির হইয়া একথানা রেলের টাইম টেবল যোগাড় করিয়া জানিয়া লইল, বেলা আড়াইটার পূর্বে গাড়ী নাই ।

সে দিন আর বাড়ীতে উনান জ্বলিল না, মাতাপুত্র জল-স্পর্শও করিল না । তারক কিছু ডালিম, বেদানা সংগ্রহ করিতে গিয়া শুনিল, পাড়ার গুপে গুপ্তাও কল্য রাত্রি হইতে বাড়ী আসে নাই । তাহার সরল মন তথাপি কু গাহিল না । কিন্তু তাহার জননী যখন সব কথা শুনিলেন, তখন তিনি শিরে করাঘাত করিয়া বলিয়া উঠিলেন, “দেখছিস কি, সর্বনাশ হয়েছে, সর্বনাশী আমাদের সর্বনাশ ক’রে গেছে, তার পাপেই আজ আমাদের সর্বনাশ হতে বসেছে ।”

ইহার পর যখন সারদাসুন্দরী পুত্রবধূর শয়নকক্ষ তন্ন তন্ন করিয়া অনুসন্ধান করিয়া তাহারই স্বহস্ত-লিখিত একখানি লিপি সংগ্রহ করিতে সমর্থ হইলেন, তখন সকল সন্দেহেরই অবসান হইল । সেই পত্রে পুত্রবধূ তাহার দেবরকে জানাইয়াছে, সে জন্মের মত তাহাদের সংসার ত্যাগ করিয়া যাইতেছে, তাহাকে

## স্পর্শের প্রভাব

পাড়ারই কোন মজলাকাজ্জী দয়া করিয়া নরক হইতে উদ্ধার করিয়া লইয়া যাইতেছে, তাহাকে যেন আর অনুসন্ধান করা না হয়। তারকের মনে হইল, যেন তাহার হস্ত-পদ অবশ হইয়া আসিতেছে, পৃথিবীটা এত বিস্তীর্ণ! সারদাসুন্দরীর মুখে কেবল উচ্চারিত হইল, অকৃতজ্ঞ! এমন যে ভাতৃজায়া-অন্ত-প্রাণ দেবর—তাহারও মুখ চাহিল না? ছি ছি!

ষ্টেশনের দিকে যাত্রাকালে তারকনাথ পাড়ার লোকদেব মধ্যে কাণাঘুসা হইতে দেখিল। এক এক স্থানে এক একটা ছোট জটলা হইয়াছে, সকলেই আগ্রহভরে কথা কহিতেছে। কিন্তু তারককে দেখিলেই সকলে নীরবতা অবলম্বন করিতেছে। তারক বুঝিতে পারিল, অনেকেই তাহার প্রতি ক্রোধ ও ক্লপার দৃষ্টিতে চাহিয়া আছে! কেন, তাহা বুঝিতে তারকের বিশেষ কষ্ট হইল না। তাহার মুখ-চক্ষু আরক্ত হইয়া উঠিল।

শিবের অসাধ্য রোগ—গিয়া কি দেখিতে পাইব,—এই চিন্তাই সারাপথ তারকনাথকে প্রায় পাগল করিয়া তুলিল।

রোগীর কক্ষে উপনীত হইয়া সে যাহা দেখিল, তাহাতে তাহার প্রাণ উড়িয়া গেল। পরিত্যক্ত কক্ষের মধ্যে ছিন্ন মলিন শয্যায় তাহার জ্যেষ্ঠাগ্রজ মন্থননাথ শয়ান রহিয়াছে। তাহার চক্ষু কোটরপ্রবিষ্ট, কণ্ঠস্বর রুদ্ধ, মুখমণ্ডল আসন্ন মৃত্যুযাতনাক্রিষ্ট। ব্যাধিপীড়িত রোগীর মলমূত্র পরিষ্কৃত করিবার লোক ত নাই-ই,—মুখে এক বিন্দু জলদান করে, এমন কেহ নাই। গ্রাম প্রায় জনশূন্য, নায়েব গোমস্তারা তাহাকে তার পাঠাইয়া পলায়ন

## স্পর্শের প্রভাব

করিয়াছে, বেলদার পেয়াদারাও অন্তর্ধান করিয়াছে, গ্রাম শ্মশানের আকার ধারণ করিয়াছে। ক্রোশ দুই দূরে এক জন ডাক্তার আছেন বটে, কিন্তু তাঁহাকে ডাকিয়া আনে কে? আশ্চর্য্য এই মানুষের প্রাণ! এই অনাদৃত পরিত্যক্ত অবস্থায় মৃত্যু-যন্ত্রণা ভোগ করিয়াও মন্থথর দেহে প্রাণ এখনও ধুক্ ধুক্ করিতেছে।

প্রথমটা তারকনাথ ভ্রাতার শয্যাপার্শ্বে বসিয়া ভ্রাতার বুকে মুখ লুকাইয়া খুব খানিকটা কাঁদিল, তাহার পর কঠোর কর্তব্য-পালনে উত্তত হইল। অভুক্ত অন্নাত অবস্থাতেই সে স্বহস্তে রোগীর কক্ষের সমস্ত আবর্জনা পরিষ্কৃত করিল। কাছারীর সম্মুখেই বৃহৎ পুষ্করিণী, কাছারীতে আসবাবপত্রেরও অভাব ছিল না। কাজেই রোগীর পরিষ্কৃত শয্যা সংগৃহীত হইল, গ্রামের একখানি মাত্র মুদীর দোকান হইতে অবশিষ্ট অভাব যথাসম্ভব দূর করা হইল। তারকনাথ ভ্রাতাকে যথাসম্ভব পরিষ্কার-পরিচ্ছন্ন অবস্থায় রাখিয়া অনানন্তে পার্শ্ববর্তী গ্রামে চলিয়া গেল—সেখানে কলেরার প্রকোপ অপেক্ষাকৃত অল্প। সেই গ্রামে সে মোদকের দোকানে যথাসম্ভব ক্ষুৎপিপাসার নিবৃত্তি করিয়া এক জন ডাক্তার ডাকিয়া আনিল। ডাক্তারবাবু হোমিওপ্যাথ, কখনও কোনও কলেজে শিক্ষালাভ করিয়াছেন কি না, কেহ জানে না। কিন্তু তথাপি তাঁহার হাতযশ ছিল। তিনি ভিজিট ও পাকীভাড়া প্রকটেশ করিবার পর বলিয়া গেলেন, যেন রোগীকে অতি অবশ্য সদরের হাসপাতালে পাকীযোগে অবিলম্বে স্থানান্তরিত করা হয়।

## স্পর্শের প্রভাব

কারণ, রোগীর নাড়ীর অবস্থা ঘেঁরুপ, তাহাতে ‘কেস্টা’ তিনি নিজের দায়িত্বে হাতে রাখিতে ভরসা করেন না। কথাটা শুনিয়া তারকের মনের অবস্থা কিরূপ হইল, তাহা সহজেই অহুমেষ।


‘কিন্তু কথাটা বলা যত সহজ, কাষে তাহা সফল করা তত সহজ নহে। ক্ষুদ্র পল্লীগ্রামে নর-যান সংগ্রহ করা দুষ্কর। ডাক্তার বাবুর বেতনভুক বাহক ছিল বলিয়াই তিনি নরযান রাখিয়াছিলেন, কিন্তু সকলের ভাগ্যে তাহা জুটিত না। গোখানে স্থানান্তরিত করা নিষেধ। একমাত্র ডুলী ভরসা, কিন্তু তাহাতে কলেরা রোগে আক্রান্ত শয্যাশায়ী রোগীকে লইয়া যাওয়া অসম্ভব। কাষেই মন্বথকে স্থানান্তরিত করা ঘটিয়া উঠিল না।

তারক সেই যে ভ্রাতাকে লইয়া যমের সহিত যুদ্ধে বসিল, প্রায় অনাহারে অনিদ্রায় সাত দিন সাত রাত্রি সেই ভাবেই কাটাইল। ডাক্তার মাঝে মাঝে আসিয়া দেখিয়া যাইতেন, বলিতেন, “তারক, এই ভাবে সেবা করিয়া আপনার জীবনকে বিপন্ন করিতেছ।” তারকের মুখের কোণে স্নান হাসি ফুটিয়া উঠিত।

কিন্তু মানুষ গড়ে, বিধাতা ভাঙে। তারক আপনার মনের মত করিয়া যাহা পরম যত্নে গড়িয়া তুলিবার চেষ্টা করিতেছিল, বিধাতার একটি নির্মম আঘাতে তাহা ভাঙিয়া পড়িল। অষ্টম দিবসে মন্বথনাথ এপারের সকল জালাযন্ত্রণা এড়াইয়া ওপারের অজানা দেশে চলিয়া গেল।

## স্পর্শের প্রভাব

তারকের সৌভাগ্য যে, এই দারুণ আঘাত তাকে স্পর্শ করিতে পারে নাই। অগ্রজের সংকারের পর সে বাসায় ফিরিয়া সেই যে অসুস্থ-অজ্ঞান হইয়া পড়িয়াছিল, তাহা হইতে সে দুই তিন দিন আর উঠিয়া বসিতে পারে নাই, তাহার চৈতন্যও ফিরিয়া পায় নাই, সংকারের সময় সে কাহারও সাহায্য পায় নাই, একাকী অতিরিক্ত পরিশ্রমে তাহার স্বাস্থ্যভঙ্গ হইয়াছিল। জ্ঞানসঞ্চার হইলে সে নয়ন মেলিয়া দেখিয়াছিল, কে তাহার শয্যাপার্শ্বে বসিয়া তাহার সেবা করিতেছে। কে সে? সে কি তাহারই পাড়ার রণেন বাবু?



দেহের খাওয়া যেমন অন্ন-জল, মনের খাওয়া তেমনই সৌন্দর্য্য ।  
সৌন্দর্য্যে মনের পুষ্টি, আত্মার তৃপ্তি । যিনি চিরসুন্দর, তাঁহারই  
ত এই বিচিত্র সৃষ্টি !

কিন্তু এমন এক একটা মানুষ থাকে, যাহাকে সৌন্দর্য্য  
আকর্ষণ করিতে পারে না । এই ভোগায়তন দেহের তৃপ্তিতে  
তাহার আত্মা তৃপ্ত হয়—টাকা আনা পাই নাড়াচাড়ায় সে যত  
আনন্দ পায়, অথবা রসনাতৃপ্তিকর লোভনীয় খাদ্যদ্রব্যের  
আস্বাদনে সে যত তৃপ্তি অনুভব করে, প্রকৃতির অকুরন্ত সৌন্দর্য্যের  
ভাঙারে যে সকল অমূল্য রত্ন নিহিত রহিয়াছে, তাহা তাহাকে  
তত আনন্দ দিতে পারে না ।

কালীনাথ চাঁপাপুকুরে আসিবার পর একাধিকবার জ্যোৎস্না ও  
সুধাংশুকে দেখিয়াছে । রূপে কে না মুগ্ধ হয়, আকৃষ্ট হয় ?  
সুন্দর প্রস্তুতিত পদ্য হইতে কেহ সহজে মন বা নয়ন ফিরাইতে  
পারে না । সে পুষ্প চয়ন করিয়া ভোগের ইচ্ছা মনে উদয় হইতে

না পারে, কিন্তু বিধাতার অপূর্ব সৌন্দর্য্যসৃষ্টির নিদর্শন বলিয়া—  
দেবতার পূজার অর্ঘ্য বলিয়া তাহার প্রতি মন আকৃষ্ট হওয়ায়  
ত কোন বাধা নাই। কিন্তু কালীনাথ সে দৃষ্টিতে কখনও কোন  
প্রাণীকে বা উদ্ভিদকে দেখে নাই। সৃষ্টির তাবৎ পদার্থকেই সে  
দেখিয়া আসিয়াছে টাকা আনা পাইয়ের হিসাবে—কিসে সেই  
পদার্থ হইতে তাহার লাভের সুবিধা বা সুযোগ হইতে পারে,  
তাহাই তাহার লক্ষ্যের বিষয় ছিল। সে ভ্রাতাভগিনীর অতীত  
ইতিহাসের বিষয় অবগত ছিল। কিসে ইহাকে মূলধনরূপে  
খাটাইয়া সে দুই পয়সা সুদ আদায় করিয়া আপনার লাভের  
খাতায় জমা দিতে পারে, সে তাহারই চেষ্টায় অবহিত হইয়াছিল।

এই সাধু উদ্দেশ্য লইয়া সে একাধিকবার জ্যোৎস্না ও সুধাংশুর  
সহিত আলাপ করিবার সুযোগ অন্বেষণ করিয়াছিল। সুধাংশুর  
সহিত আলাপ জমাইতে পারিলেও এই স্বল্পভাষিনী তরুণীর  
সহিত আলাপ করিবার সুযোগ পায় নাই। বাঙ্গালী হিন্দুর  
ঘরের তরুণীর সহিত আলাপ করার অসুবিধা অপরিহার্য্য। তাহা  
ছাড়া জ্যোৎস্না সর্ব্বপ্রযত্নে কালীনাথকে পরিহার করিয়াই চলিত।  
ইহাতে কালীনাথ মনে মনে তাহার প্রতি আদৌ প্রসন্ন হইতে  
পারে নাই। সে যে বাঙ্গালী হিন্দুঘরের প্রচলিত অবরোধ-প্রথা  
তেমন ভাবে মানিয়া চলিত না, তাহা কালীনাথের তীক্ষ্ণ দৃষ্টি  
এড়ায় নাই। প্রয়োজন হইলেই প্রকাশ্যে সে পথে বাহির হইত  
এবং অপরের সহিত কথাও কহিত। সোনা মালীর সহিত  
তাহার আলাপটা সকলের অপেক্ষা অধিক। তবে? এই



## স্পর্শের প্রভাব

গর্জিতার এত দর্প-দম্ভ কিসের জন্ত ? কে সে ? তাহার পিতা ত গ্রামের একটা সামান্য লোক ! হিংসা ও ঈর্ষায় কালীনাথের সর্বস্বরীর জলিয়া উঠিত। ইহার সমুচিত প্রতিফল না দিলে কালীনাথের প্রাণ তৃপ্ত হইতে পারে না। কালীনাথ উপায় অন্বেষণ করিতে লাগিল। কোথায় আঘাত দিলে এ দর্প চূর্ণ হইবে, তাহাই সে বুঝিবার চেষ্টা করিতে লাগিল। তবে প্রকাশ্যে বিশেষ সম্ভাব রাখিতে হইবে, এমন ভাবে না চলিলে যে উদ্দেশ্য সিদ্ধ হয় না, তাহা কালীনাথ বহুবার অতীত জীবনে বুঝিয়াছে।

এক দিন সে রাজেশ্বর বাবুর সহিত সাক্ষাৎ করিয়া আলাপ-পরিচয় করিল। রাজেশ্বর বাবু তাহাকে রণেন্দ্রের আত্মীয় বলিয়া জানিতেন, কাষেই প্রথমে আলাপে সম্মত হন নাই। কিন্তু সে যখন রণেন্দ্রের ও রণেন্দ্রের বংশের অশেষ নিন্দাবাদ করিয়া তাহার নিজের বংশের সহিত রাজেশ্বর বাবুর নিকট-সম্বন্ধ খুঁজিয়া বাহির করিল, তখন রাজেশ্বর বাবু তাহার প্রতি অপেক্ষাকৃত আকৃষ্ট হইলেন। শেষে আলাপ ঘনিষ্ঠ ও নিবিড় হইয়াছিল, কথার কৌশলে অপরের উপর প্রভাব বিস্তার করিবার কালীনাথের ক্ষমতা ছিল অসাধারণ। সুধাংশু ইহার পূর্বে কত দিন দিদির নিকট তাহার কত গুণগান করিয়াছে এবং তাহার সহিত বন্ধুত্ব প্রতিষ্ঠা করিতে অসুযোগ করিয়াছে, কিন্তু জ্যোৎস্না কোনও দিন এ বিষয়ে উৎসাহ অসুভব করে নাই। কেন যে দেখিলেই কালীনাথের প্রতি তাহার মন বিরূপ হইয়া উঠিত, তাহা জ্যোৎস্না নিজেই বুঝিতে পারিত না। ঘনিষ্ঠতা দুই তিন মাসের মধ্যে এতই

জমিয়া উঠিল যে, রাজেশ্বর বাবু কালীনাথের ‘রাজু কাকা’র এবং কালীনাথ ভ্রাতা-ভগিনীর কাছে ‘কালী দাদা’র পরিণত হইল।

কিন্তু এক বিষয়ে কালীনাথ রাজেশ্বর বাবুকে কিছুতেই সম্মত করাইতে পারে নাই। বাগানের ফলমূল তরিতরকারী বা পুষ্করিণীর মাছ সে একদিনও তাঁহাকে উপহার দিয়া গ্রহণ করাইতে পারে নাই। এ বিষয়ে রাজুবাবু তাহাকে তীব্র কণ্ঠে নিষেধাজ্ঞা প্রদান করিয়াছিলেন। একদিন বালক সুধা কালীদা’র কাছে একটা ফুলের তোড়া লইয়া পিতাব নিকট যে ভৎসনা প্রাপ্ত হইয়াছিল, তাহার জীবনে বোধ হয় তেমন আর কখনও পায় নাই। বালক বিস্মিত হইয়া ভাবিত, কেন এমন হয়? এ বিষয়ে তাহার পিতাও যেমন কঠিন, তাহার সহোদরাও তেমনই কঠিন—কেন এই বিবাগ?

রণেন্দ্র ছয়মাস গ্রামত্যাগ করিবার পর এক দিন বৃদ্ধ সনাতন জ্যোৎস্নাময়ীকে সঙ্গেপনে একখানি পত্র দিয়া সকাতরে বলিল, “দিদিমনি, এই বুড়োর অহুরোধ, এ চিঠিখানা একবার পড়ো। আমার অহুরোধ—জান না, এ চিঠিখানা পড়লে একটা মহাপ্রাণী বাঁচলেও বাঁচতে পারে।” সনাতন দাড়াইল না, কাষে চলিয়া গেল।

জ্যোৎস্নার হৃৎস্পন্দন অকারণে দ্রুত হইয়া উঠিল। উপরের নাম ঠিকানা—“কল্যাণীয়া শ্রীমতী জ্যোৎস্নাময়ী দেবী, সাং চাঁপাপুকুর।”—হস্তাক্ষর পরিচিত—মুক্তাপাতির স্রায় একটির পর একটি স্তম্ভিত! ইহার পূর্বে ডাকঘোণে এমন ত একাধিক

## স্পর্শের প্রভাব

পত্র তাহার নাম-ঠিকানায় আসিয়াছে, কিন্তু সে না পড়িয়াই সেগুলি ছিন্ন অথবা অগ্নিসাৎ করিয়াছে। তবে আবার কেন? সনাতন এমন অহুরোধ কেন করিল? ইহা তাহার অত্যন্ত অন্তায়!

জ্যোৎস্না একবার পত্রখানি শতখণ্ডে ছিন্ন করিয়া ফেলিয়া দিবার জন্ত প্রস্তুত হইল, তখন সনাতনের উপর—ততোধিক পত্র-লেখকের উপর—তাহার সমস্ত মনটা ক্রোধে ভরিয়া উঠিয়াছিল। কিন্তু পর মুহূর্ত্তে নথাগ্রে দৃঢ়ভাবে ধৃত পত্রখানি যেন আপনিই তাহার মুষ্টিবদ্ধ হইল, সে কি ভাবিয়া আপনার শয়নকক্ষে প্রবেশ করিয়া দ্বাররুদ্ধ করিল। গবাক্ষসান্নিধ্যে একখানি জলচৌকী ছিল, জ্যোৎস্না প্রায়ই তাহার উপর আসন পাতিয়া বসিয়া বাহিরের গাছপালা দেখিত, মুক্ত আকাশে পাখী উড়িয়া যাইতে দেখিত; বৃষ্টিধারায় স্নাত বৃক্ষশাখায় পক্ষীর পক্ষ-বিধুনন অথবা আকাশে বিচিত্র রামধনুর শোভা দেখিয়া তাহার চিত্ত আনন্দরসে অভিষিক্ত হইত। মুষ্টিবদ্ধ পত্রখানি লইয়া জ্যোৎস্না আসন গ্রহণ করিল। তাহার মনের স্বন্দ তখনও অমীমাংসিত রহিয়াছে—পত্র দূরে নিক্ষেপ করি কি না! তাহার মনে হইল, যেন অতীতে, কত যুগযুগান্তের অন্তরালে, তাহার সংশয়াকুল মনের মাঝারে এই স্বন্দই চলিয়াছিল, যেন এই প্রশ্নই জিজ্ঞাসিত হইয়াছিল, অথচ তাহার মীমাংসা হয় নাই!

মুষ্টি হইতে পত্র মুক্ত হইল—একবার পত্র পাঠ করিবার ইচ্ছা ক্ষণেকের জন্ত জাগরিত হইল, তখনই আবার পত্র

মুষ্টিবদ্ধ হইল। একাধিকবার এইরূপে ইতস্ততঃ করিবার পর জ্যোৎস্না পত্রাবরণ উন্মোচন করিল,—সে সময়ে তাহার চম্পকাজলৌণ্ডলি কম্পিত হইতেছিল, বক্ষ স্পন্দিত হইতেছিল।

ভিতরে সেই সজ্জিত মুক্তাক্ষরশ্রেণী—দৃষ্টিপাতমাত্র জ্যোৎস্নার মুখখানি কুঙ্কুমরাগ-রঞ্জিত হইয়া উঠিল, সলাজ চকিত দৃষ্টি কক্ষের চারি দিকে নিপতিত হইল। বক্ষের দ্রুতস্পন্দন কথঞ্চিৎ নিবৃত্ত হইলে জ্যোৎস্না পাঠ করিল :—

“জ্যোৎস্না !

ক্ষমা ! যদিও অপরাধ আমার স্বকৃত নয়, তবুও পূর্ব-পুরুষদের হ’য়ে ক্ষমা চাইছি। অপরাধের কি ক্ষমা নেই ? পরের পাপে আমার জীবনে ব্যর্থতা এনে দিচ্ছ, এ কেমন বিচার ?

ছ’মাস চেষ্টা করেছি, ভুলতে পারি নি। কেন আবার দেখা দিয়েছিলে ? বালা ও কৈশোরে যে বন্ধন বিধাতার বিধানে দৃঢ় হয়েছিল, মাহুষের চেষ্টায় সে বন্ধনকে শিথিল করবার আয়োজন কম ছিল না। কালের প্রভাবে কৈশোরের স্মৃতি একরকম ক’রে হয় ত চাপা প’ড়ে গিয়েছিল, কিন্তু পুষ্পিত যৌবনে আবার কেন দেখা হ’ল ? সে দেখার স্মৃতি—যাক্। একটা ভিক্ষে চাইছি ; ক্ষমা। যদি সে ভিক্ষা দাও, তা হ’লে একটা ছত্র—সামান্য ক’টা অক্ষর লিখে জানিও। এই আমার শেষ লেখা ! জানি না, উত্তর পাব কি না। আগে যত কিছু লিখেছি, জবাব পাই নি, তাই ডাকে না দিয়ে সোনাদার হাতে

## স্পর্শের প্রভাব

দিয়ে পাঠালুম। একটা কথা ভেবে দেখো,—গুনেছি, তুমি শিক্ষিতা—স্বামী ব'লে কি আমার কোন অধিকার নেই? স্বামী-স্ত্রীর সম্বন্ধ এ জগতে কেউ ভেঙ্গে দিতে পারে কি?—ইতি

রণেন্দ্র।”

পত্র দৃঢ়মুষ্টিবদ্ধ করিয়া জ্যোৎস্না বাহিরে শূণ্যাকাশের দিকে অপলক-নেত্রে চাহিয়া রহিল—সে দৃষ্টি কোনও দূরদূরান্তরের অতীতের অন্তস্তলে গিয়া স্পর্শ করিল, কি সম্মুখের অনন্ত অন্ধকারের পাতালগর্ভের তলদেশ অন্বেষণ করিল, তাহা সে-ই বলিতে পারে। তাহার হৃদয়ে তখন মহাসমুদ্রের তরঙ্গোচ্ছ্বাস হইতেছিল কি?


পত্রখানি আবার মুষ্টিমুক্ত করিয়া সে একবার পাঠ করিল। পড়িতে পড়িতে তাহার দীর্ঘায়ত নয়ন দুইটি নিমিলিতপ্রায় হইয়া আসিল। হঠাৎ মাথার মধ্যে আগুন জ্বলিয়া উঠিল। আসন ছাড়িয়া সে কক্ষমধ্যে দ্রুত পাদচারণা করিয়া বেড়াইতে লাগিল, পত্র মুষ্টিবদ্ধ হইয়া পিষ্ট হইয়া যাইবার উপক্রম করিল। কিন্তু সে মুহূর্তমাত্র। জ্যোৎস্না গবাক্ষপার্শ্বস্থ কাষ্ঠাসনের উপর বসিয়া পড়িয়া মুখ গুঁজিয়া খুব খানিকটা কাঁদিল, তাহার পর দ্বার অর্গলমুক্ত করিয়া বাপীতটের অভিমুখে চলিয়া গেল। কক্ষমধ্যে যে তাহার স্বামীর পত্র পড়িয়া ধূলায় লুটাইতে লাগিল, তাহা তাহার মনেই রহিল না। ক্ষণপরে চোরের মত সজোপনে পা টিপিয়া একটি উকী-বিভূষিতা নারী ঘরের মধ্যে প্রবেশ করিল। সতর্কভাবে চারিদিকে চাহিয়া সে ক্ষিপ্ৰহস্তে পত্রখানি লইয়া

## স্পর্শের প্রভাব

অঞ্চলে লুকাইয়া তেমনই চোরের মত কক্ষত্যাগ করিল। সে জ্যোৎস্নাদের নূতন ঝি।


পত্রবাহিকা অপরের অলক্ষ্যে নিঃশব্দপদসঞ্চারে গৃহত্যাগ করিল। সম্মুখের বাবুদের বাগানের অপর পার্শ্বস্থ ভগ্ন প্রাচীরের ক্ষুদ্র দ্বার দিয়া বাগানের মধ্যে প্রবেশ করিল। সরোবরের সোপানে বসিয়া যখন জ্যোৎস্না বায়ুতাড়িত ক্ষুদ্র বীচিমালার দিকে স্থির দৃষ্টি রক্ষা করিয়াও সেদিকে দেখিতেছিল না, তখন তাহার অলক্ষ্যে যে ষড়যন্ত্রের জাল রচিত হইতেছিল, তাহা ত তাহার ঘৃণাক্ষরেও জানিবার সম্ভাবনা ছিল না।

---



শ্রামবাজারে রণেন্দ্রের বাসাবাড়ীতে তেমন আর মজলিস বসে না। গৃহস্থামী অল্পপস্থিত, কাষেই বন্ধুবান্ধবের তেমন সমাগমও আর নাই। পাড়ার আখড়াও যাহার যত্নে বড় হইয়াছিল, তাহার অভাবে ক্রমে উঠিয়া যাইবার দশায় উপনীত হইয়াছে। রণেন্দ্রের ভৃত্য-পরিজন বাসাবাড়ীতে সবই আছে, কিন্তু হুকুম করিবার কেহ নাই। কচিং কখনও দুই এক জন বন্ধুবান্ধব গৃহস্থামীর সন্ধানে আসিলে বৈঠকখানার ঘরের দ্বার, গবাক্ষ উন্মুক্ত হয়, হয় ত আলো জলে, পাখা চলে—কিন্তু ঐ পর্য্যন্ত। যেমন প্রাণ ছাড়িয়া দেল দেহ সাড়া দেয় না, তেমনই রণেন্দ্রের অল্পপস্থিতিতে গৃহখানি যেন লোকের ডাকে সাড়া দিত না। আখড়ার দ্বার বন্ধই থাকে, তবে রণেন্দ্র একবারে জমীর এক বৎসরের অগ্রিম ভাড়া দিয়া রাখিয়াছিল বলিয়া উহা আখড়ারই অধিকারে ছিল।

এক দিন সন্ধ্যার পূর্বে ভবেন্দ্র রণেন্দ্রের সন্ধানে আসিয়া



প্রভাব

তাহার বাসায় গিয়েছিল, কিন্তু সেখানে গিয়েছিল, এমন সময়ে দেখিল, খালেসে কিছু হইতে-কাজনাথ বাসায় ফিরিতেছে। সে তাহাকে দেখিয়া বলিল, “কি হে ছোকরা, তোমায় যে আর দেখতেই পাই না হে, একবারে ডুমুরের ফুল—”

তারক ঈষৎ বিরক্তিভরে বলিল, “আমরা গরীব-গুরবো লোক মশাই, আপনারা আমাদের না দেখলেই ভাল।” সে পাশ কাটাইয়া চলিয়া যাইতেছিল, কিন্তু ভবেন তাহাকে ধরিয়া ফেলিয়া বলিল, “বল কি, তারক ? তুমি ত এমন মেজাজের ছিলে না— বলি, হ’ল কি ? রণা তোমায় বাসায় এনে চিকিৎসা-সেবা ক’রে বাঁচিয়ে দিলে। তুমি আবার বড়লোকের নিন্দে করছ ? ছি !”

তারকের মুখখানা ব্লান হইয়া গেল। সে কাতরস্বরে বলিল, “সে কথা ত কখনও অস্বীকার করি নি। রণেন বাবু যে আমার প্রাণ বাঁচিয়েছিলেন, তাতে সন্দেহ নেই। কিন্তু—”

ভবেন বলিল, “কিন্তু কি ? ওঃ, তখন তোমাতে আর ওতে কি গলাগলি ভাব—সে ত কম দিনের কথা নয়, বছর ঘুরে যেতে চললো। তার পর কি যে হ’ল—তুমিও আখড়া ছাড়লে, সেও বাড়ীঘর ছাড়লে—কোথা দিয়ে কি যেন হয়ে গেল !”

তারক অশান্তি বোধ করিয়া বলিল, “সকল মশাই, রাত হয়ে গেল, যা একলা রয়েছে ঘরে।”

ভবেন বাধা দিয়া বলিল, “হাঁ, হাঁ, ভাল কথা, তোমাদের বাড়ীর সে ব্যাপারটার কি হ’ল ? কোন খোঁজ-টোঁজ পেলো ?”

তারক মুখ-চক্কু আগুন করিয়া বলিল, “আপনারাই ত বেশী



## স্পর্শের প্রভাব

জানেন সে কথা। সেই জন্তেই এ পাড়ায় এখনও আছি, নইলে—”

ভবেন বিন্মিত হইয়া বলিল, “আমরা বেশী জানি ? তার মানে ? ভাই মারা গিয়ে মাথা খারাপ হ’য়ে গেছে দেখছি। সেই গুপে গুণ্ডাটাও ত বেশ ছাতি ফুলিয়ে যাওয়া আসা করেছে এখনও। অথচ—অথচ—”

তারক বলিল, “অথচ—অথচ কি ? গুপীনাথ কাযটা করেছে—এটা ঠিক, কিন্তু কার জন্তে, সেটা জানেন কি ?”

ভবেন বলিল, “কি বলছ, তারক, কিছুই ত বুঝতে পারছি না ! এ সব হেঁয়ালি রেখে সোজা কথা বল দিকি। এ পাড়ায় রয়েছ কার উপর রাগ দেখাতে বল ত ?”

উভয়ে পায়ে পায়ে অগ্রসর হইয়া তখন তারকদের বাসার সম্মুখে উপস্থিত হইয়াছে। হঠাৎ তারক বলিল, “আম্নন বাড়ীর ভেতরে, সব দেখাচ্ছি আপনাকে।”

উভয়ে তারকের বাসায় প্রবেশ করিল। তারক ভবেনকে লইয়া তাহার শয়নকক্ষে প্রবেশ করিয়া দ্বার রুদ্ধ করিয়া দিল। ভবেন সত্যই অত্যন্ত বিন্ময় অনুভব করিল। ব্যাপার কি ? টিনের তোরঙ্গ খুলিয়া তারক একখানা পত্র বাহির করিল। ভবেনের হস্তে পত্রখানি দিয়া বলিল, “পড়ুন।”

ভবেন পত্র পাঠ করিয়া কিংকর্তব্যবিমূঢ় হইয়া বসিয়া রহিল। পত্রের হস্তাক্ষর রণেন্দ্রের, তাহা মাত্র একটি ছত্র দেখিয়াই বুঝিল। পত্রের ছাপ কানীর বাঙ্গালীটোলার। কিন্তু ঐ পর্য্যন্ত—ঠিকানা কিছুই নাই। পত্রের কথা এই :—

## স্পর্শের প্রভাব

“অনেক কষ্টে খুঁজে বার করেছি কাল। কার সঙ্গে এসেছে, কবে এসেছে এখানে, কোথায় ছিল তার আগে, কিছুই বলতে চায় না। বাড়ী ফিরিয়ে নিয়ে যেতে চাইলেও বলে, যাবে না। জোর ক’রে নিয়ে গেলে আবার পালিয়ে আসবে। আগের চিঠিতে তোমায় জানিয়েছিলুম, গুপীনাথকে হঠাৎ দশাশ্বমেধের বাজারে ধরে ফেলে ভয় দেখিয়ে টাকা খাইয়ে পেটের কথা বার ক’রে নিয়েছিলুম। সে বলেছিল, তোমার বৌদি তাকে কাশী পৌছে দেবার কথা ব’লে অনেক দিন ধ’রে অস্থির হয়ে রয়েছেন, টাকাও দিয়েছিল। একদিন সে নেশার ঝোঁকে তাকে নিয়ে কাশীতে এসে পাণ্ডার বাড়ী উঠেছিল। সে দিন রাতেই সে আরতি দেখতে গিয়ে আর ফিরে আসে নি। গুপে ঢের খুঁজেছিল তাকে, কিন্তু সন্ধান পায় নি। সে শপথ ক’রে বলেছে এ ছাড়া সে কিছুই জানে না। হাতে যা সামান্য পুঁজি ছিল, তাইতেই কয়দিন কাটিয়েছে, পরে জয়নারায়ণ স্কুলে সামান্য ১০৮ টাকা মাইনের ড্রিল মাষ্টারী করে। আমার পায় ধ’রে কঁাদতে লাগলো—তাকে খরচা দিয়ে কলকাতায় পাঠিয়ে দিয়েছি। কিন্তু তার সব কথা সত্য নয়। তা হ’লে কাশী আসবার আগে এত দিন কোথায় ছিল, তা বলে না কেন? যা হোক, কলকাতায় ফিরে এর কিনারা করবো। তার পর প্রায় মাসখানেকের ওপর তোলপাড় ক’রে খোঁজবার পর তার পাত্তা পেয়েছি। কিন্তু কিছুতেই ফিরে যেতে চাইছে না। পুলিশের গোলমালে যেতে চাইনে, তাই কিছু করতে পারছি নে। নিয়ে কিন্তু যাবই।

## স্পর্শের প্রভাব

তুমি ছ' চার দিন কলে ছুটি পাও না ? তুমি এলে ভাল হ'ত ।  
আশা করি, তোমরা ভাল আছ । ইতি রণেন্দ্র ।”

ভবেন পাঠান্তে বলিল, “ওঃ, তাই এত দিন উধাও ! তা, এ ত  
ভাল করেছে। রণা তোমাদের অনিষ্ট করেছে, এই ভাবের ইঙ্গিতই  
যেন করছিলে তুমি ; কিন্তু এতে অনিষ্টের কোন কথা ত নাই ।”

তারক আর একখানি পত্র বাহির করিয়া ভবেনকে পড়িতে  
দিল । হস্তাক্ষর অপরিচিত, অতি কদর্য, বর্ণাশুদ্ধিতে পূর্ণ ।  
স্বাক্ষর রহিয়াছে গুপীনাথ শাহা—সাং বাঙ্গালীটোলা, কাশী । পত্র  
বহুদিন পূর্বের । পত্রের মর্ম্ম এই যে,—তারকের বউদিদি  
স্বাস্থ্যভীর উপর রাগ করিয়া বাড়ীর বাহির হইয়া যাইবার জন্য  
পূর্ব হইতেই বন্দোবস্ত করিয়াছিল । পাড়ারই কোন স্ত্রীলোক—  
নাপিতানী বা ধোপানী এই রকম কিছু হইবে—এ জন্য পাড়ার  
কোন বড়লোকের বাড়ী হাঁটাইটি করিত । সে রণেন বাবু ।  
সবই ঠিকঠাক ছিল, কেবল সে অর্থাৎ গুপীনাথ নিমিত্ত মাত্র ।  
সে কাশী পৌছাইয়া দিবার দিনই তাহার বৌদি পলাইয়া রণেন  
বাবুর কাছে যায় । সেখান হইতে রণেনবাবু তাহাকে লইয়া  
হিল্লী-দিল্লী ঘুরিয়া বেড়াইয়া কাশী ফিরিয়াছে । কিন্তু কিছুই  
স্বীকার করে না । বলে, কিছুই জানে না, আবার তাহার উপর  
উল্টা চাপ দেয় । অথচ সে বিশ্বনাথের শপথ করিয়া বলিতেছে,  
কাশী পৌছানর পরদিন হইতে সে তাহার বৌদির কোন খবর  
রাখে না । মিথ্যা কি সত্য, তাহা সে কাশীর বটক পাণ্ডাকে  
জিজ্ঞাসা করিলেই জানিতে পারিবে ।

ভবেন চিঠিখানা পাঠ করিয়া ক্ষণেক নাড়াচাড়া করিল, তাহার পর মৃদু হাসিয়া বলিল, “তারক তোমার মা কি করছেন ? তাঁর সঙ্গে দুটো কথা বলবো।”

তারক বিস্মিত হইয়া বলিল, “কেন বাবু, মা বোধ হয় জপে বসেছে। মা, ও মা ! হাঁ, তাই, তা এখুনি আমায় ভাত দিতে আসবে’খন। কেন, কি দরকার ?”

ভবেন বলিল, “থাক, আর এক দিন এসে তখন দেখা করবো। তারক, তুমি একেবারে ছেলেমানুষ, ধূর্ত ধড়িবাজ লোকের বদমাইসি বোঝবার তোমার এখন ঢের দেরী। এসব কথা তোমার মাকেই বলবো এসে কাল।”

ভবেন উঠিয়া পড়িল। কিন্তু তারক বাধা দিয়া বলিল, “বিশ্বাসহীন না, বাবু ? ভাবছেন, ছোঁড়াটা কলে দিন-মজুরী করে, আকাট মুখ্যা, ওকে ঐ গুপে গুণ্ডা দমপটি দিয়েছে ? না বাবু, তা নয়। বসুন এইখানে আর একটু, আর একখানা চিঠি দেখাচ্ছি।”

কথাটা বলিতে বলিতে তারক আর একখানা পত্র বাহির করিয়া ভবেনের হস্তে দিল। সঙ্গে সঙ্গে বলিয়া যাইতে লাগিল, —“নইলে যে-রগেন বাবু আমায় যমের মুখ থেকে ফিরিয়ে এনেছেন, তাঁর উপর সন্দেহ করি ? দেখুন না প’ড়ে। ছোট ভাইয়ের মত কোলে তুলে রোগে সেবা করেছেন, মুঠো মুঠো টাকা খরচ করেছেন। কিন্তু তাঁর যে বাইরেটা ভাল, ভেতরটা বিষ, তা কি ভুলেও কখন মনে করেছি ?”

## স্পর্শের প্রভাব

ভবেন পত্র পাঠ করিয়া স্তম্ভিত হইল। পত্র লিখিতেছে তারকের ভ্রাতৃজায়া গুপীনাথকে বটুক পাণ্ডার কাল-ভৈরবের গলির ঠিকানায়। তাহা এই :—“অনর্থক আমার খোঁজ ক’রে কাশী ব’সে থেকে না, আমায় খুঁজে পাবে না। আমি যার আশ্রয়ে আছি, তিনি বড় লোক, আমাদের পাড়াতেই থাকতেন, যার সঙ্গে তোমার ঝগড়া হয়েছিল, যে তোমায় অপমান করেছিল বলেছিল। আগে থাকতে আমাদের বন্দোবস্ত হয়েছিল—তোমায় কেবল উপলক্ষ ক’রে কাশী এসেছিলাম। কিছু টাকা মণি-অর্ডারে তোমার ঠিকানায় পাঠাচ্ছি, পেলেন কলকাতায় ফিরে যেও। ইতি, তরলা।”

তারকনাথ কি বলিতেছিল, সে দিকে ভবেনের আদৌ দৃষ্টি ছিল না, সে তখন ভাবিতেছিল, জগতে মানুষ চিনিয়া লওয়ার মত কঠিন কায আর কিছু আছে কি না ?

সেই দিন ভবেন বাসায় ফিরিয়া চাঁপাপুকুরে কালীনাথকে লিখিল, “কালীদা, রণেনের সন্ধান পেয়েছি, সে কাশীতে আছে। কাশীতে কোথায় থাকে, তোমরা নিশ্চয় জানো। তুমি, কালী-চরণ, ম্যানেজার বাবু বা সনাতন, কেউ না কেউ কাশীর বাড়ীর ঠিকানা জান না, এ হতেই পারে না। তাই বলছি, যে অবস্থায় থাক, তোমরা যে কেউ কাশী চ’লে গিয়ে তাকে ফিরিয়ে আন। আনতেই হবে, বিশেষ দরকার।”

এই পত্র কালীনাথের উন্নতির পথে বিরূপ সহায়ক হইয়াছিল, পরে জানা যাইবে।

“এঁয়া, বলেন কি ? রণেন বাবু ?” সেক্রেটারী বিনয় বাবু প্রশ্ন করিয়া বিস্ময়বিষ্ফারিতনেত্রে আগ্রহভরে বাবু শীতলপ্রসাদের মুখের দিকে উদ্গ্রীব হইয়া চাহিয়া রহিলেন। বিনয় বাবু বেনারস বাঙ্গালীটোলা কংগ্রেস কমিটির সেক্রেটারী বা সম্পাদক, বাবু শীতলপ্রসাদ রাজঘাটের কংগ্রেস কমিটির অগ্রতম সদস্য। শীতলপ্রসাদ বলিলেন, “কলকাতার বাগবাজার থেকে যে বাবু এসেছেন, তিনিই ত বলছেন এ কথা।”

“তঁার কথা যে সত্য, তার প্রমাণ কি ? ঘর ভাঙ্গাবার চতুর লোকের অভাব আজকাল নেই, তা জানেন কি ?”

“এঁর কাছে যে উত্তর-কলকাতা কংগ্রেসের মার্ক দেওয়া পরিচয়পত্র আছে।”

“বটে ? তা ইনি কি খবর এনেছেন ?”

“ইনি বলেছেন, রণেন বাবুর স্বভাব-চরিত্র ভাল নয়। উনি না কি কলকাতা থেকে একটি গেরস্তর বউকে বার ক’রে

## স্পর্শের প্রভাব

নিয়ে এসেছেন। তা ছাড়া উনি অল্প মতলব নিয়েও আমাদের এখানে মিশতে পারেন। সে মতলব ভাল নয়।”

“কিন্তু তাঁর ত পয়সার অভাব নেই, বড় লোক শুনেছি। তিনি হীন কাষে ঢুকবেন কেন? ধরণ না, আমাদের কমিটিতে ত হাত লাগাত পাঁচ ছ’শ’ টাকা দিয়েছেন, তা ছাড়া আমাদের অফিসের জন্তে পাকাপাকি একখানা বাড়ীই দেবেন বলেছেন। উনি কি দুঃখে—”

শীতলপ্রসাদ তাঁহার কথা শেষ হইতে না দিয়াই বলিলেন, “আমরাও ত তাই বলছি, ওঁর অভাব কিসের? সে দিন রামকৃষ্ণ সেবাশ্রমে হাজার টাকা দান করেছেন, আমাদের কোয়ার্টারের হাঁসপাতালের কলেরা ওয়ার্ডের চাঁদার খাতায় ওঁর নামে দেখলুম হাজার টাকা ফেলা রয়েছে।”

“তবে? তবে কি ক’রে বলা যায়, তিনি আর কিছু। রাম! ও আপনারা ভুল সংবাদ পেয়েছেন।”

“তাই হোক, সংবাদ ভুল হ’লে আমরা যত স্থখী হব, বোধ হয়, এত আর কেউ হবে না। রণেন্দ্র বাবু যথার্থই আমাদের মধ্যে নূতন জীবন সঞ্চার করেছেন। গঠন মূলক কাজ,—কি করে দেশের লোকের দুঃখ দুর্দশা ঘোচে, তার ব্যবস্থা ও উপায় ক’রে দিতে উনি কম উৎসাহ প্রকাশ করেন নি। আবার যেমন বলতে কইতে, তেমনি লিখতে পড়তে, তার পর দরকার হ’লে এমন ক’রে দরাজ হাতে কে দান করে বলুন ত? তবে কি জানেন কলকাতার লোকটি বলছেন, টাকাটা কিন্তু অল্প জায়গা থেকে আসছে।”

বিনয় বাবু তাচ্ছল্যভরে বলিলেন, “হ্যাঁ, তুমিও যেমন—  
—ও সব বাজে কথা। যে নিজে মস্ত ধনী, জমাদার, সে উদ্ধৃতি  
করবে না।”

শীতলপ্রসাদ দাঁড়াইয়া উঠিয়া বিদায় গ্রহণের সময় বলিলেন,  
“তাই যেন হয়। এমন বন্ধু কিন্তু বেনারস কংগ্রেস কখনও পাবে  
না। কি বলেন? বাঙ্গালা, ইংরাজী, হিন্দী সব তাতেই অনর্গল  
বক্তৃতা ক’রে যেতে পারেন—এমন ক’জন? থাক, চললুম,  
আমাদের সেক্রেটারী মশাই জানাতে বলেছেন, তাই এসেছিলুম,  
যা ভাল বোঝেন, করবেন।”

শীতলপ্রসাদ বিদায় গ্রহণ করিবার পর বিনয় বাবু  
কিছুক্ষণ গভীর চিন্তায় মগ্ন হইলেন। ইতিমধ্যে কমিটির  
কয় জন সদস্য কক্ষমধ্যে প্রবেশ করিয়াছিলেন। প্রথমটা  
বিনয় বাবুর সেদিকে দৃষ্টি ছিল না। হঠাৎ তিনি শুনিলেন,  
তাহারই সহকারী রমানাথ বলিতেছেন, “দেখে আমি অবাক হয়ে  
গেলুম! রণেন বাবু! আমার চোথকেই আমি বিশ্বাস করতে  
পারলুম না।”

বিনয় বাবু বিস্মিত হইয়া জিজ্ঞাসা করিলেন, “রণেন বাবু?  
কি করেছেন তিনি?”

রমানাথের সঙ্গে আরও দুই চারি জন সমন্বরে বলিয়া উঠিল,  
“কাজ যা করেছেন, তা খুব নোংরা বলেই মনে হচ্ছে—তবে—”

বিনয় বাবু বাধা দিয়া বলিলেন, “রমানাথই একলা বলুক  
ব্যাপারখানা কি?”



## স্পর্শের প্রভাব

রমানাথ যাহা বলিল, তাহার ভাবটা এই যে, সে একাধিক দিন রণেন বাবুকে এযোর বটতলার একটা বাড়ীতে যাতায়াত করিতে দেখিয়াছে—বাড়ীটার স্তন্যম নেই, পাড়ার কক্ষ ময়রা একথা বলিয়াছে! তাহা ছাড়া নিবারণ ভট্টাচার্য্যও বলিয়াছে, ভিতরে কিছু গোলমাল আছে, না হইলে অল্প বয়সের একটি মেয়েমানুষ একলা ঐ বাড়ীটাতে থাকে, অভিভাবক কেহই নাই। রণেন বাবুর ওখানে যাওয়া-আসা যেন কেমন কেমন মনে হয়!

বিনয় বাবু জিজ্ঞাসা করিলেন, “তুমি নিজে দেখেছো ঐ বাড়ীতে যাওয়া-আসা করতে—রণেন বাবুকে?”

“কোথায় আমাকে কে যেতে দেখেছে, বিনয় বাবু?” যাহাকে উদ্দেশ্য করিয়া কথা হইতেছিল, সেই রণেন্দ্রনাথ স্বয়ংই কক্ষমধ্যে প্রবেশ করিয়া জিজ্ঞাসু নেত্রে সকলের দিকে চাহিয়া রহিল। কক্ষমধ্যে যে একটা অস্বস্তির ভাব দেখা দিল, তাহা বলাই বাহুল্য।

কক্ষের বিকট নীরবতা ভঙ্গ করিয়া রণেন্দ্র পুনরায় জিজ্ঞাসা করিল, “আপনারা এই মুহূর্ত্তে আমার কথাই কইছিলেন বোধ হলো। জিজ্ঞাসা করতে পারি কি বিনয় বাবু, আমার অসাক্ষাতে আমার সম্বন্ধে কোন অপ্রীতিকর প্রসঙ্গের আলোচনা হচ্ছিল কি না?”

বিনয় বাবু গম্ভীরভাবে বলিলেন, “অপ্রীতিকর কাষ করলে অবশ্যই সে সম্বন্ধে অপ্রীতিকর আলোচনা হ’তে পারে।”

রণেন্দ্র গম্ভীরভাবে বলিল, “কিন্তু সে আলোচনা অপরাধীর সামনে হলেই ভাল হয় না ? অন্ততঃ ভদ্রতার খাতিরে ?”

বিনয় বাবু বলিলেন, “এর ভেতর লুকোচুরির কিছুই নেই। আজ না হোক, কাল বা দু’দিন পরে আপনার সামনেই এ বিষয়ে আলোচনা হ’ত। যাক, ভালই হয়েছে, আপনি ঠিক সময়ে এসে পড়েছেন। আপনার সঙ্গে উত্তর-কলিকাতা কংগ্রেসের সম্পর্ক কি ?”

রণেন্দ্র আ কুণ্ঠিত করিয়া কহিল, “সে বিষয় কাউকে কৈফিয়ৎ দিতে আমি বাধ্য, এ কথা আমি মনে করি নে। তবে আপনি যদি ভদ্রভাবে, বন্ধুভাবে জিজ্ঞাসা করেন, তা হ’ল বলি, এখানে আপনাদের সঙ্গে আমার যে সম্পর্ক, সেখানেও তাই ছিল, তবে সেখানকার চেয়ে এখানে কাজ একটু বেড়েছে— এখানে আপনাদের তরফ থেকে প্রচার ক’রে বেড়াতে হচ্ছে।”

“সেখান থেকে আপনার বিশিষ্ট পরিচয় পত্র কিছু আনাতে পারেন ?”

“এত দিন যা দরকার হয় নি, আজ হঠাৎ তা হচ্ছে কেন ?”

“কারণ উপস্থিত হয়েছে বলেই বলছি। থাক, এয়ার বটতলার একটা বাড়ীর সঙ্গে আপনার কি সম্পর্ক ?”

রণেন্দ্রের মুখমণ্ডল আরক্ত হইয়া উঠিল, ক্ষণকাল নীরব থাকিবার পর সে দৃঢ় স্বরে বলিল, “আমার ব্যক্তিগত জীবনের সঙ্গে আপনাদের কোন সম্বন্ধ নেই, ও বিষয়ে আমি কোন পরিচয় দিতে চাই নি। আর কিছু জিজ্ঞাসা করবার আছে ?”

## স্পর্শের প্রভাব

বিনয় বাবু কিঞ্চিৎ নরম স্বরে বলিলেন, “দেখুন রণেন বাবু, আপনার উপর আমাদের শ্রদ্ধা আছে বলেই এ সব কথা জিজ্ঞাসা করতে বাধ্য হচ্ছি। জানি, আপনি নির্দোষ। তবুও সন্দেহের কথা যখন উঠেছে, তখন এ বিষয়ে একটা পরিষ্কার মীমাংসা হয়ে যাওয়া ভাল। মহাত্মার উপদেশ জানেন ত, সত্য্যগ্রহীদের নির্মল নিষ্কলঙ্ক চরিত্র হওয়া প্রথম ও প্রধান প্রয়োজন।”

রণেন্দ্রও নরম হইয়া বলিল, “যখন এ ভাবে জিজ্ঞাসা করছেন, তখন আমার কথায় বিশ্বাস করুন, কোন বিশেষ উদ্দেশ্যসাধনের জন্ত আমি কাশীতে আছি, সেই জন্ত ঐ বাড়ীতে আমায় যাতায়াত করতে হয়। এর বেশী আপনাকে কিছু বলতে পারবো না।”

বিনয় বাবু বলিলেন, “দেখুন, শুনেছি, একটি তরুণী একলা ঐ বাড়ীতে থাকেন—”

রণেন্দ্র অধীর হইয়া বলিল, “বস, ঐ পর্য্যন্ত। এ সম্বন্ধে আর একটি কথাও বলবো না। বলইছি ত, এতে আপনারা আমায় যে ভাবে বুঝতে ইচ্ছে করেন, বুঝুন। অবশ্য আপনাদের সঙ্গে সম্বন্ধ বিচ্ছিন্ন হ’লে খুবই দুঃখিত হব, কিন্তু উপায় নেই। আপনারা যে লোকের ব্যক্তিগত ব্যাপারে হস্তক্ষেপ করেন, তা জানা ছিল না। বোধ হয় এর পর থেকে আমার উপস্থিতি আপনাদের পক্ষে কষ্টদায়ক হবে। তার দরকার নেই, আমি আপনিই এ বিষয়ে সতর্ক হয়ে চলব।”

রণেন্দ্র গৃহত্যাগের জন্ত দুই পদ অগ্রসর হইল। বিনয় বাবু বাধা দিয়া বলিলেন, “রণেন বাবু, আপনি আমাদের ভুল

বুঝছেন। আমাদের দোষ কি বলুন? আপনার উপর আমাদের এত বিশ্বাস আছে বলেই ত এ অপবাদের প্রতিবাদ আপনার মুখ থেকে শুনতে চাইছি।”

রণেন্দ্র ঈষৎ হাসিয়া বলিল, “এত দিন আমার সঙ্গে ব্যবহার করেও যখন আমার কথায় বিশ্বাস রাখতে পারলেন না আপনারা, তখন সাক্ষ্য প্রমাণ দিলেও যে রাখতে পারবেন, তা ত মনে হচ্ছে না।” সে আর দাঁড়াইল না, দ্রুতপাদবিক্ষেপে চলিয়া গেল।

সকলে ক্ষণকাল নীরবে তাহার যাত্রাপথের দিকে সন্নিবন্ধ-দৃষ্টি হইয়া রহিলেন। তাহার পর বিনয় বাবু বলিলেন, “আমি এখনও বিশ্বাস করতে পারছি না যে, রণেন্দ্র বাবু অপরাধী। যা হোক, এ বিষয় নিয়ে আর মাথা ঘামাবার দরকার নেই। হুঃখ এই, বেনারস কমিটী থেকে একটা উজ্জ্বল রত্ন চ’লে গেল। কিন্তু কি করবো, আমরা নিরুপায়, জেনে-শুনে ত অগ্নায়ের প্রশ্রয় আমরা দিতে পারি না।”

রমানাথ বলিলেন, “একবার খোঁজ করে দেখলে হতো না?”

বিনয় বাবু বলিলেন, “তুমিই ত বলছো, নিজে দেখে এসেছ—তবে—”

রমানাথ বলিলেন, “আমার ত ভুল হ’তে পারে।”

বিনয় বাবু বলিলেন, “আচ্ছা, সে তখন করা যাবে, এখন চলুন বাড়ী যাওয়া যাক।”

তাহারা স্থান ত্যাগ করিলেন, কিন্তু সকলেরই মনটা অসন্তুষ্ট ভারী হইয়া রহিল।

জ্যোৎস্না কি করিবে ? অন্ধকারে সে ত পথ খুঁজিয়া পাইতেছে না। এমন জটিল সমস্যা কাহার জীবনে উপস্থিত হইয়াছে, বিশেষতঃ তাহার মত বয়সে ? সমস্ত পৃথিবীই কি যোগাযোগ করিয়া তাহাকে কর্তব্যের পথ নির্দ্ধারণে বাধা দিতে উত্তত হইয়াছে ? সে পিতৃ-আজ্ঞা কখনও লঙ্ঘন করে নাই, অবিচারিতচিত্তে সে সেই আদেশ পালন করিয়া আসিয়াছে। তবে এবার তাহার বিবেক তাহার মনের মধ্যে সংশয়ের ছায়াপাত করিতেছে কেন ?

মুষ্টিবদ্ধ নূতন পত্রখানির কথাই সে ভাবিতেছিল। আর একখানি পত্রের সহিত ইহার কত প্রভেদ ? কোন্টো সত্য ? মানুষ কি এত বিলী ? এত খল, এত কপট ? স্বপ্নরকুল যত অশ্রায় আচরণ করুক, কিন্তু ব্যক্তিগতভাবে স্বামী কোন অপরাধ করিয়াছে,—এমন প্রশ্ন এত দিন কেহ ত দিতে পারে নাই। কিন্তু, কিন্তু এই পত্র ?

## স্পর্শের প্রভাব

জ্যোৎস্না চঞ্চলচরণে কক্ষমধ্যে দুই চারিবার পাদচারণা করিয়া বেড়াইল। এ পত্রে যাহা আছে, তাহা কি সত্য? পূর্বরাত্রিতে যে তাহার মনের দ্বার উন্মুক্ত করিয়া দিয়া সমস্ত অন্তরটা দেখাইয়া দিয়াছিল, যে তাহার পত্নীত্বের দায়িত্বের নিকটে আপনাকে পরিপূর্ণ বিলাইয়া দিয়া দয়াভিক্ষা করিয়াছিল,—না দয়া নহে, ত্রায়বিচার চাহিয়াছিল, সে কি এই পত্রে বর্ণিত বিশ্বাসহস্তা চরিত্র-হীনের পর্যায়ভুক্ত হইতে পারে?

জ্যোৎস্না অস্থির হইয়া দ্রুতপাদবিক্ষেপে সমস্ত কক্ষটার মধ্যে উদ্ভ্রাস্তের মত বেড়াইতে লাগিল। বাহিরে দ্বিপ্রহরের কঠোর রৌদ্রতাপে সমস্ত পৃথিবীটা যেন কাতর, অবসন্ন হইয়া এলাইয়া পড়িয়াছিল। আশ্রয়শাখায় উপবিষ্ট একটা বায়ল পত্রাস্তরাল হইতে কর্কশস্বরে মধ্যাহ্নের বিরাট অপরিমেয় স্তব্ধতা ভঙ্গ করিতেছিল। একটা পল্লী-কুকুর আবর্জ্যনাস্তূপের ভস্মরাশির মধ্যে অর্দ্ধশায়িত হইয়া হাঁপাইতেছিল।

জ্যোৎস্না সূর্য্যকরোজ্জ্বল পৃথিবীর দিকে চাহিয়া চমকিয়া গবাঙ্কপার্শ্বে দণ্ডায়মান হইল। এত আলো—এত বাতাস ত তাহার দেহে ভাল লাগিতেছিল না। কক্ষ নির্জন, কিন্তু বাহিরের জগৎ চক্ষু বিস্ফারিত করিয়া চাহিয়া হাসিতেছিল। জ্যোৎস্না দুই হস্তে চক্ষু আচ্ছাদিত করিয়া সমীপস্থ আসনের উপর বসিয়া পড়িল। কিছুক্ষণ নীরবে থাকিয়া সে পত্রখানি মুষ্টিমধ্য হইতে উন্মুক্ত করিয়া পাঠ করিতে লাগিল। পত্রখানি এইরূপ :—

গুপীনাথ বাবু,

~~তোমার~~ না জানিয়ে ত চলে এসেছি। আগেই তা ঠিক ~~করে~~ রেখেছিলুম। তুমি উপলক্ষ, একটা আশ্রয় না পেলে কুলের বার হতে পারতুম না। আমাদের পাড়ার যিনি রাজা, তাঁর সঙ্গে আগে হতেই সমস্ত ঠিকঠাক ছিল। কে তিনি, তুমিও জান। আমাদের বাসার কাছেই তাঁর কুস্তীর আখড়া ছিল, আর বাসার ঠিক দক্ষিণ গায়েই তাঁর আন্তাবলও তুমি দেখেছ। নামটা নাই করলুম। আমি কাশী পৌঁছেই তার বন্দোবস্তমত পাণ্ডার ওখান থেকে এখানে এসে উঠেছি। কোথায়, তা তোমার জেনে কায নেই। আমার খোঁজ কোরো না, যে পাণ্ডার বাড়ীতে এসে আমরা উঠেছিলুম, সে বেচারীকে পীড়াপীড়ি কোরো না, সেও কিছু জানে না। সেই যে তুমি পাণ্ডার সঙ্গে আলাদা ভাষা খুঁজতে বেরুলে, আমিও সেই স্নযোগে বিশ্বনাথ দেখতে বেরলুম। পথে বেরিয়েই গাড়ী ভাড়া ক'রে সটান এখানে এসে উঠেছি। লোকজন সব ঠিক আছে। তিনি ছ'চার দিনের মধ্যেই এখানে এসে উঠবেন, একটু গোলমাল থেমে গেলেই তিনি পশ্চিম বেড়াবার নাম ক'রে বেরবেন।

কলকাতা ছাড়বার দিন যে টাকা তোমার হাতে দিয়েছি, তার মধ্যে বড় জোর না হয় পঞ্চাশ ঘাট টাকা খরচ করেছে।

বাকী দেড়শো টাকা তোমার কাছে এখনও আছে। আরও যা দরকার হয়, দেবো। কলকাতায় ফিরে যাও, সেখানকার ঠিকানায় পাঠিয়ে দেবো। যে পাণ্ডার বাড়ী উঠেছিলুম, তাকে চিঠিতে কলকাতা পৌছাবার খবর দিও, আমার লোক গিয়ে জেনে আসবে। টাকা যা চাও, তার জন্তে ভেবো না, তবে বুঝে-বুঝে মাঝে মাঝে চেয়ো। বাবুর টাকার মায়া নেই।

তুমি আমার যে উপকার করেছ, তা ভুলবো না। তার জন্তে তোমায় সম্বলিত করবো। কিন্তু তার বেশী না। যদি আমার খোঁজ করতে চেষ্টা করো, তা হ'লে তোমার এ কুল ও-কুল দু'কুল যাবে বলে রাখলুম। ইতি—

শ্রীমতী তরলা দাসী।

এই তরলাই ত শ্রামবাজারের তারকনাথের ভ্রাতৃজায়া। গুপীনাথ এই তারকনাথকে লইয়া তাহার পিতার নিকট আসিয়াছিল। তাহারা দুই জনেই ত তাহার পিতাকে শ্রামপুকুর ও কাশীর ঘটনা শুনাইয়াছিল। আবার এই তারকনাথই তাহার চরিত্রে কলঙ্কারোপ করিতেছে, তাহার নিঃস্বার্থ সেবার কথা সে-ই অগ্নান-বদনে কৃতজ্ঞ-হৃদয়ে স্বীকারও করিয়াছে। সে স্বয়ং অন্তরাল হইতে দেখিয়াছে, তখন তারকনাথের কণ্ঠ বাষ্পরুদ্ধ হইয়াছে, নয়ন অশ্রুসিক্ত হইয়াছে। সে সেবায় সেবাকারীর জীবনের আশঙ্কারও কারণ ছিল, কেন না, তারকনাথ বিম্বচিকা রোগে আক্রান্ত হইয়াছিল—



## স্পর্শের প্রভাব

সংক্রামক রোগাক্রান্ত তারকনাথকে সকলেই ত্যাগ করিয়া পলায়ন করিয়াছিল, কেবল—

যাউক সে কথা। যে আত্মদেহদানে পরের সেবা করিয়া তাহাকে যমের মুখ হইতে ফিরাইয়া আনে, তাহারই সম্বন্ধে দুঃচরিত্রা নারীর এই পত্র ! এ কি প্রহেলিকা !

জ্যোৎস্নার ভ্রমুগল কুঞ্চিত হইল, হস্ত আবার দৃঢ় মুষ্টিবদ্ধ হইল, একটি দীর্ঘশ্বাস অজ্ঞাতসারে নির্গত হইয়া গেল। রক্ত-কমলতুল্য ওষ্ঠে অধর সংগ্রস্ত করিয়া সে কিছুক্ষণ তন্ময় হইয়া বাহিরের সূর্যালোকিত শূণ্যাকাশের দিকে নিবদ্ধদৃষ্টি হইয়া রহিল।

আবার চিন্তাধারা পরিবর্তিত হইল। আশ্চর্য্য এ যোগা-যোগ ! তরলার সহিত গুপীনাথের মিলন, উভয়ের গৃহত্যাগ, গুপীনাথ ও তারকনাথ পরস্পর পূর্ব্বশত্রু, অকস্মাৎ উভয়ের মিলন, যিনি তাহাদের কথা বিন্দু-বিসর্গও অবগত নহেন, সেই তাহার পিতা রাজেশ্বর বাবুর সকাশে তাহাদের আগমন ও পত্র দান— এই যোগাযোগ বিস্ময়কর বটে ! তবে জগতে সকলই সম্ভব, ইহাও সম্ভব হইতে পারে না, তাহাই বা কে বলিল ?

“দিদিমণি, এক বাবু দেখা করতে চান—” রামাবতারের কণ্ঠস্বরে জ্যোৎস্না চমকিয়া উঠিল, দ্বারপ্রান্তে দৃষ্টিপাত করিয়া বলিল, “কি বলছো, রামাবতার ?”

“এক বাবু দেখা করতে চান।”

“আমার সঙ্গে ? বললে না কেন, কর্তা বাড়ী নেই।”

“বলেছিলাম, বাবু খোকা বাবুকে নিয়ে সদরে গেছে কামমে, দোসরা সময়ে আসবে।”

“তবে ?”

“বল্লে, বাবুর কাছে কাম নেহি আছে, দিদিবাবুকা সাথ কাম আছে। এই লিখা দিয়েছে।”

জ্যোৎস্নার বিস্ময়ের সীমা রহিল না। অপরিচিত আগন্তুক—  
অন্তপুরের মহিলার সহিত দেখা করিতে চাহে, ইহার অর্থ কি ?  
কম্পিতহৃদয়ে পত্রখানি পাঠ করিতে করিতে তাহার বিস্ময়  
শতগুণে বর্দ্ধিত হইল। কি সাহস এই মানুষটার ! তাহাতে  
লেখা ছিল,—

“জ্যোৎস্না !

মাত্র একবার দর্শনপ্রার্থী। কেবলমাত্র দুই চারিটি জিজ্ঞাসা,  
তার পর আর বিরক্ত করতে আসব না। কাশী হ’তে  
একটানা এসেছি, বড় আশা করেই এসেছি, বোধ হয়, নিরাশ  
হবো না।

রণেন্দ্র।”

বিস্ময় অকস্মাৎ দারুণ ক্রোধে পরিণত হইল,—এই মানুষটা  
নিজেরই নির্লজ্জের মত স্বীকার করিতেছে, সে পাপের স্থান হইতে  
সত্ত্ব এখানে আসিতেছে, আসিয়াই ভদ্রকুলবধুর সাক্ষাৎ প্রার্থনা  
করিতেছে ! জ্যোৎস্না ক্রোধকম্পিতস্বরে বলিল, “বল গে যাও,  
আমার কাছে বলবার তাঁর কিছু নেই, কর্তাবাবু বাড়ী  
ফিরে এলে দেখা করতে পারেন।” রামাবতার, “জী” বলিয়া

## স্পর্শের প্রভাব

মস্তকে হস্তস্পর্শ করিয়া বহির্কোণীতে চলিয়া যাইতেছিল, দুই তিনটি সোপানও অবতরণ করিয়াছিল, এমন সময়ে তাহার ডাক পড়িল।

জ্যোৎস্না পরিষ্কার কণ্ঠে বলিল, “না, দেখ, তাঁকে বৈঠকখানায় অপেক্ষা করতে বল, আমি যাচ্ছি।” রামাবতার নমস্কার করিয়া নামিয়া গেল। কি ভাবিয়া জ্যোৎস্না হঠাৎ এমন সিদ্ধান্তে উপনীত হইল, তাহা সে-ই বলিতে পারে। হয় ত, সে এই অশিষ্ট আগন্তকের ধুষ্টতার সরাসরি সমুচিত উত্তর দিবার জ্ঞান কৃতসঙ্কল্প হইয়াছিল।

বাহিরের কক্ষে রণেন্দ্র অস্থির অধীরের মত পাদচারণা করিতেছিল। হঠাৎ অলঙ্কারের শব্দ শুনিয়া উদ্গ্রীব হইয়া কক্ষদ্বারাভিমুখে দৃষ্টিপাত করিল। তাহার বক্ষের স্পন্দন দ্রুততর হইল।

“জ্যোৎস্না!” দুই হস্ত প্রসারিত করিয়া দ্বারের দিকে দুই পদ অগ্রসর হইয়া রণেন্দ্র থমকিয়া দাঁড়াইল। জ্যোৎস্নার মুখ-চক্ষুতে সে যে ভাবাভিব্যক্তি হইতে দেখিল, তাহাতে তাহার আর অগ্রসর হইতে সাহসে কুলাইল না, অবাক্ বিস্ময়ে সে কেবল তাহার দিকে চাহিয়া রহিল। জ্যোৎস্নার হৃদয়ে তখন কি ভাবতরঙ্গের উচ্ছ্বাস হইতেছিল, তাহা সে-ই বলিতে পারে।

কক্ষে পদার্পণ করিয়াই সে স্পষ্টকণ্ঠে গম্ভীরস্বরে জিজ্ঞাসা করিল, “কি চান আপনি আমাদের কাছে? বাবা এখানে নেই জানেন বোধ হয়?”

## স্পর্শের প্রভাব

তখনও রণেন্দ্রের বিস্ময় অপনোদিত হয় নাই, তখনও সে নির্বাক নিম্পন্দভাবে দাঁড়াইয়া রহিয়াছে।

জ্যোৎস্না পুনরায় গভীরকণ্ঠে বলিল, “বাবার কাছে কি দরকারে এসেছেন, ব’লে যান।”

রণেন্দ্রের মোহ অপসারিত হইল, সে ক্ষুণ্ণস্বরে বলিল, “ব’লে ত দিয়েইছিলুম, তোমার কাছেই আমার দরকার, জ্যোৎস্না!—”

রণেন্দ্রের স্বর কম্পিত হইল, সে দুই পদ অগ্রসর হইবার চেষ্টা করিল, কিন্তু তাহার চরণ ছকুম গুলিল না, কম্পিত চরণে সে একই স্থানে দাঁড়াইয়া রহিল।

জ্যোৎস্না পরুষকণ্ঠে বলিল, “তা হ’লে আপনার কোন দরকারই নেই—মিছে কষ্ট দিলেন কেন?”

জ্যোৎস্না কক্ষত্যাগ করিতেছিল। রণেন্দ্র যেন চেষ্টা করিয়া হৃদয়ে মন্তমাতঙ্গের বল ধরিয়া অগ্রসর হইয়া জ্যোৎস্নার হস্তধারণ করিবার জন্ত কম্পিতহস্ত প্রসারণ করিয়া প্রত্যাখ্যাত হইল। ব্যথিত অভিমানাহত স্বরে বলিল, “চ’লে যাচ্ছ? আমি তোমারি, জন্তে কাশী থেকে অনাহারে অনিদ্রায় চ’লে আসছি—নিষ্ঠুর! চিঠিখানার জবাব পর্য্যন্ত দিলে না?”

একবার—মূহূর্ত্তের জন্ত জ্যোৎস্নার বুক বোধ হয় কাঁপিয়া উঠিল। কিন্তু সঙ্গে সঙ্গে যেন দুটা সরস্বতী তাহার রসনাগ্রে ক্ষুরধার বিবাক্ত শরাগ্ৰের মত আবির্ভূত হইল। কঠোর ব্যক্তির স্বরে সে বলিয়া উঠিল, “কাশীই ত আপনার যোগ্যস্থান—যেখানে আপনার মনের কথা স্বচ্ছন্দে খুলে বলতে পারেন—”

## স্পর্শের প্রভাব

আঘাতের উপর তীব্রতর আঘাত ! রণেন্দ্রের মন বিদ্রোহী হইয়া উঠিল—দারুণ ক্রোধ ও অভিমান তাহার সমস্ত মনটাকে অভিভূত করিয়া ফেলিল । সেও কঠোর-স্বরে বলিল, “ঠিক কথা । আপনাদের পিতা-পুত্রীর মত ষড়যন্ত্রী মিথ্যা প্রচারকের সংস্রব হ’তে নরকে বাসও ভাল বটে ! এ যুগে আস্তরিকতা বা অকপটতার ত স্থান নেই ।”

জ্যোৎস্না সমান ওজনে বলিল, “মিথ্যাবাদী কপট ভণ্ডযন্ত্রীর ত কাউকে ডেকে পাঠায় নি বাড়ী ব’য়ে এসে ঝগড়া করতে ।”

রণেন্দ্রের মুখখানা পাংশুবর্ণ ধারণ করিল । সে গর্বভরে প্রস্থানোত্তর জ্যোৎস্নার পথরোধ করিয়া প্রায় নতজানু হইয়া কাতর করুণকণ্ঠে বলিল, “ক্ষমা কর জ্যোৎস্না, আমায় ক্ষমা কর । আমার মাথার ঠিক নেই । চারিদিক্ হ’তে পৃথিবীটা যেন আমায় পিষে মারতে উঠেছে । এ সময়ে সবার চেয়ে আপনার জনের কাছে সাহসনা সহানুভূতি পেতে ছুটে এসেছিলুম । আমায় বাঁচাও জ্যোৎস্না—তোমার কাছে আশা পেলো আমি সারা জগতের জ্রুটিকে গ্রাহ করি না । আমার অজ্ঞাতে যদি কোনও অপরাধ ক’রে থাকি, তা আমি জানি না, তুমি ক্ষমা করো, তুমি আমায় হাত ধ’রে তোমার কাছে টেনে নাও, আমার আর কে আছে, জ্যোৎস্না ?”

জ্যোৎস্নার সমস্ত শরীরটাই যে কাঁপিতেছিল, তাহা নহে, তাহার সমগ্র অন্তরও ভীষণভাবে স্পন্দিত—আন্দোলিত হইতেছিল । কিন্তু তথাপি সে নীরবে দাঁড়াইয়া রহিল ।

## স্পর্শের প্রভাব

রণেন্দ্র হঠাৎ জ্যোৎস্নার কুসুম-পেলব করাজুলি ধারণ করিয়া কাতরকণ্ঠে বলিল, “তা হ’লে দয়া করবে না? গ্রাম-বিচার করবে না? পূর্বের স্মৃতির আগুন জ্বলে রেখে দু’জনের মধ্যে ব্যবধান জাগিয়েই রাখবে? বেশ, তবে তাই হোক। আর আসবো না; এই শেষ! ভবিষ্যতে যখন নিজের ভ্রম বুঝতে পারবে, তখন হয় ত খোঁজ করলে স্বর্গে মর্ত্তে আমার দেখা পাবে না—তখন কোথায় নরকের কোন্ স্তরে নেমে যাব, তা বলতে পারিনে।”

রণেন্দ্র ঝড়ের বেগে কক্ষ হইতে নিজ্জাস্ত হইল। জ্যোৎস্নার সমগ্র অন্তর কি এই প্রচণ্ড বাতায় অবিচলিতই রহিল? একটা কুকুর-বিড়ালও জন্মের মত ত্যাগ করিয়া গেলে—না, সে ত গ্রাম-বিচারই চাহিয়াছে। তবে? তাহার অপরাধের ইহজগতে ক্ষমা কোথায়?

জ্যোৎস্নার করাজুলিগুলি আগুনের মত জ্বলিতেছিল। এ কি স্পর্শের প্রভাব? দূর হউক দুর্ভাবনা। কিসের অশুশোচনা? কর্তব্য—কর্তব্য—যতই কঠোর হউক, তবু কর্তব্য। জ্যোৎস্না তখন পিতৃদত্ত পত্রখানার কথা স্মরণ করিয়া আহত মনের ক্ষতে প্রলেপ দিয়া সাস্থনা অশুভব করিবার চেষ্টা করিল। সত্যই কি তাহা সাস্থনা?

মাতালের মত টলিতে টলিতে পদব্রজে দীর্ঘ পথ অতিক্রম করিয়া রণেন্দ্র ষ্টেশনে আসিয়াছিল। কোনও মতে প্রথম শ্রেণীর নির্জন কামরায় প্রবেশ করিয়া সে আসনের উপর আপনাকে নিক্ষিপ্ত করিয়াছিল।

পৃথিবী, সংসার, সমাজ সবই কি আজ তাহার মানস-দৃষ্টির সম্মুখ হইতে বিলুপ্তপ্রায় হইয়া যায় নাই? মানুষের সহিত মানুষের মধুর, পবিত্র সম্বন্ধ? বাজে কথা, মিথ্যার গ্রহসন! ভালবাসা, প্রেম, ভক্তি?—কবির উদ্ভট কল্পনা!

কিছু নাই, কেহ নাই! আছে শুধু মানুষ, তাহার উৎকৃষ্ট দম্ভ, স্বার্থপরতা, ভোগবিলাস লইয়া। উহাই সত্য, নিছক সত্য। আর সব মিথ্যা—সম্পূর্ণ অলীক কল্পনা, মায়া মাত্র।

চরিত্রের পবিত্রতা, মানুষের প্রতি মানুষের করুণা, দয়া-মায়া—ব্যথিতের বেদনায় হৃদয়ে অসহ্য বেদনা বোধ? বোকামী, নির্বুদ্ধিতা, প্রকাণ্ড অর্কাটীনতা!

## স্পর্শের প্রভাব

সারা জীবন ধরিয়া, জ্ঞানসঞ্চারের পর পঞ্চবিংশতি বৎসর বয়স পর্য্যন্ত সে যে আদর্শকে বরণ করিয়া লইয়াছিল, চিন্তায়, কার্যে বাহা সার্থক করিয়া তুলিবার সাধনপথে অগ্রসর হইয়াছিল, তাহা প্রকাণ্ড ভাস্করিপূর্ণ। বৃথা সে পবিত্র জীবনযাপনে প্রয়াস পাইয়া আসিয়াছে। বৃথাই সে এত কাল সংযমের পথে চলিয়া তাহার বৃত্তক্ষু আত্মাকে কষ্ট দিয়াছে।

কেন ? কাহার জন্ত, কিসের জন্ত ?—

কামরার বাতায়নপথে শ্রান্ত মস্তক রক্ষা করিয়া রণেন্দ্র হাসিয়া উঠিল।

চলমান, শঙ্কায়মান ট্রেনের প্রচণ্ড শব্দকেও যেন অতিক্রম করিয়া তাহার অস্বাভাবিক হাস্যরস তাহার শ্রবণেন্দ্রিয়কে প্রচণ্ডভাবে আঘাত করিল।

সেই বিকৃত হাস্যরবের শ্রোতা সে শুধু নিজে। কিন্তু মুহূর্ত্তের জন্ত সেই হাস্যরবে সে চমকিয়া উঠিল। এ কি তাহারই কণ্ঠস্বর ? না, পাপ, শয়তান, তাহার অন্তর-রাজ্যে প্রবেশ করিয়া দুর্গ-জয়ের আনন্দবার্তা বিভীষণ রবে ঘোষণা করিতেছে ?

নিমেষ মাত্র। পর-মুহূর্ত্তেই সে অমুভূতির রূপান্তর ঘটিয়া গেল।

মানস-দৃষ্টির সম্মুখে প্রত্যাখ্যানের নিষ্ঠুর দৃশ্য ভাসিয়া উঠিল। তাহার হৃদয়ের দ্বার কঠিনরূপে, অটলভাবে রুদ্ধ হইয়া যেন সর্ব-প্রকার কোমল ভাবধারার প্রবাহ-বেগকে প্রতিহত করিয়া দিল।

সুন্দরী বালিকা পত্নীর সহিত তাহার কৈশোর-বয়সের



## স্পর্শের প্রভাব

পরিচয়ের অতি অল্পমাত্র নিদর্শনকে সে কোনও দিন বিস্মৃত হইতে পারিয়াছিল কি? অভিভাবকদিগের বাদ-বিসম্বাদ, মনান্তরের ফলে, মুকুলিত প্রেমপদ্ম সহস্রদলে বিকশিত হইয়া চরিতার্থতার স্বেযোগ পায় নাই সত্য, কিন্তু বালিকা পত্নীর স্মৃতি তাহার কিশোর-চিত্তে যে চিহ্ন রাখিয়া দিয়াছিল, তাহার পবিত্রতার কথা সে যৌবনেও এক মুহূর্তের জন্ত অস্বীকার করিয়াছিল কি? অন্তর্হিতা পত্নীর কথা মনে করিয়াই সে অল্পকাল হইয়াও দ্বিতীয়বার বিবাহের প্রস্তাব হাসিয়া উড়াইয়া দিয়াছিল। তাহার সত্যনিষ্ঠ অন্তর শুধু বালিকা জ্যোৎস্নাকে প্রিয়তমার আসনে বসাইয়া অন্তর অগোচরে নিভূতে প্রেম-অর্ঘ্য নিবেদন করিয়াই চরিতার্থ হইত।

কিন্তু তাহার ইতিহাস কে জানে? কে জানে, প্রতিদিন প্রতি মুহূর্ত সে তাহারই ধ্যানে মগ্ন থাকিতে ভালবাসিত? এতকাল পরে তাহার দেখা পাইয়া, তাকে পাইবার জন্ত আবেদন করিয়া সে নিষ্ঠুরভাবে প্রত্যাখ্যাত হইয়াছে—তাহার হৃদয়ের যাবতীয় কোমল প্রবৃত্তিকে পাষণচাপে নিষ্পেষিত করিয়া, তাহার বিবাহিতা পত্নী তাকে নিদারুণ উপহাসের সহিত তাড়াইয়া দিয়াছে।

ইহার পর সংসার, সমাজ, ধর্মের সহিত তাহার কি সম্বন্ধ থাকিতে পারে? থাকিবার প্রয়োজনই বা কি? ইহকাল? পরকাল?—সে বিষয়ের সার্থকতা কোথায়? যাহার ইহকাল এমনই ভাবে উপেক্ষিত, অনাদৃত, লাহিত, পরকাল আছে কি না, তাহা ভাবিয়া লাভ?

অসহ ! অসহ !—

রণেন্দ্র অকস্মাৎ উঠিয়া দাঁড়াইল। শত বৃশ্চিক-দংশনের যন্ত্রণা তাহাকে অধীর করিয়া তুলিল। প্রভূত অর্থ, দেহে পরিপূর্ণ শক্তি, অটুট স্বাস্থ্য, উচ্ছল যৌবন—কিন্তু মূহূর্তের জ্ঞাপ্ত কি সে যৌবনের উন্মাদনায় গা ভাসাইয়া দিয়াছে ? তথাপি, তথাপি, তাহারই পত্নীর নিকট হইতে তাহার চরিত্র সম্বন্ধে কি কুংসিত ইঙ্গিতই না আসিয়াছে !

পৃথিবীর সকলেই যদি স্বার্থ লইয়াই তৃপ্তি লাভ করে, বস্তু-তাত্ত্বিক জগতের রূপ, রস ভোগ করিয়া জীবনকে চরিতার্থ করাই যদি বিংশ শতাব্দীর ধর্ম হয়, তাহা হইলে সেও কি নির্বোধের মত তাহা হইতে বঞ্চিত হইয়া শুধু অভিশাপই কুড়াইতে থাকিবে ?

আসনে বসিয়া পড়িয়া সে দুই হস্তে বক্ষোদেশ চাপিয়া ধরিল। এ কি দুর্দ্দমনীয় চিত্তবৃত্তির বিক্ষোভ তাহার চঞ্চল অন্তররাজ্যে হুঙ্কার দিয়া উঠিতেছে ! এত দিনের সাধনা, এত দিনের সংযমকে ধূলিসাৎ করিয়া উন্মত্ত জয়োল্লাসে কাহারো বাহিরে আসিতে চাহিতেছে ?

অতি অমান, অতি অশুট আর এক জনের কণ্ঠস্বর মিনতি করিয়া কি যেন বলিতে চাহিতেছে। রণেন্দ্র চমকিয়া উঠিল।

এক দিকে উন্মত্ত জয়োল্লাস—অন্য দিকে ক্ষীণ মিনতির কাতরতা ! রণেন্দ্র অধীরভাবে গাড়ীর জানালায় শ্রান্ত মস্তক রক্ষা করিয়া নিষ্কর্জীবের মত পড়িয়া রহিল।

“তার পর?” কালীনাথ জিজ্ঞাস্থনেত্রে গুপীনাথের দিকে তাকাইয়া রহিল। রণেশ্বরের শ্রামপুকুরের বাসায় বসিবার কক্ষে কথা হইতেছিল।

গুপীনাথ টেবলের উপরে অবস্থিত বোতল হইতে গেলাসে সরস রক্ত মদিরা ঢালিয়া লইয়া এক নিশ্বাসে গলাধঃকরণ করিয়া বলিল, “তার পর আর কি? কাশীর আর্টঘাট ঠিক ক’রে ফেলেছি—বাছাধনের সে দিকে আর চালাকিটি চলবে না। গুপীনাথ যে কাষে হাত দিয়েছে—”

কালীনাথ এবার গুপীনাথের হাতের গেলাস ধরিয়া ফেলিয়া বলিল, “না, না, আর খায় না, যথেষ্ট হয়েছে। কাশীর ব্যাপার সবই কি সামলে নেওয়া গেল? আর এ দিকে? এই ছোঁড়াটা—তারকটা? সেটা কি এখনও তার বৌদির অপমানে—বংশের অপমানে হস্তে কুকুর হয়ে তার সন্ধানে ঘুরছে?”

গুপীনাথ হঠাৎ গম্ভীর হইয়া বলিল, “টাকা ছাড়ো বাবা—

টাকা ছাড়ো। আর কেবল মুখের কথায় গুপেগুপা ভিজছে না। সেই বাবা, সেই বাবা—ছুঁড়ীটাকে নিয়ে কাশী স'রে পড়বার আগে যা ঝেড়েছিলে কিছু—”

কালীনাথ পুনরায় বাধা দিয়া বলিল, “বটে রে নেমকহারাম ? তার পর তারকা ছোঁড়াকে লেলিয়ে দেবার আগে কাশীর কমিটীতে চর পাঠাবার সময় ?”

গুপীনাথ মুখভঙ্গী সহকারে বলিল, “বাঃ বাঃ, সে সব ত বখরা হয়েই গেল, শর্মা পেলেন কি বাবা বল ত ? ও সব হবে না, নগদ পাঁচশোথানি ঝাড় ত এতে আছি, নইলে—উঃ তারকা ছোঁড়াকে বাগ মানাতে যা ফিকির করতে হয়েছিলো ! না বাবা, পাঁচশোতেও শানাবে না—”

“আচ্ছা, আচ্ছা, তাই হবে। এখন গেলাস রাখ, সন্ধ্যা থেকেই ত গিলছিস—”

“কৈ বাবা, সেবে ত আধ বোতল দিয়েছ, এতেই বদনাম ?”

“আচ্ছা রে বেটাচ্ছেলে, যত চান্স পাবি, আগে আসল কাযটা হাঁসিল কর দিকি।”

গুপীনাথ হঠাৎ বিজ্ঞের মত ঘাড় নাড়িয়া বলিল, “রোখো রোখো ! একবারে অত কথা না, সব গুলিয়ে দিচ্ছ, বাবা। কি কি করতে হবে, সাফ ব'লে যাও ত, শর্মা কিছুতে পেছপা হবে না।” গুপীনাথ দস্তে দস্ত নিস্পীড়ন করিয়া বলিল, “শালা, পাড়ার মধ্যে দশ জনের সামনে অপমান করেছে—গুপে গুপা তা ভুলবে ? মনেও ভেবো না তা। হুঁ !”

## স্পর্শের প্রভাব

কালীনাথ এইবার নিজেই মদের গেলাস আগাইয়া দিয়া বলিল, “তারকটা কি কাশীর সন্ধান পেয়েছে?”

“কোথায় আছে তা কি জানতে দিয়েছি! সে জানে, রণেন ব্যাটা তার বৌদিকে নিয়ে হিল্লী-দিল্লী হাওয়া খেয়ে বেড়াচ্ছে। হাঃ হাঃ হাঃ! কিন্তু এবার সন্ধান দিতেই হবে বাবা, না হ’লে চলছে না, বেটা সন্ধানের জন্তে সত্যিই এবার ক্ষেপে উঠেছে”—

“না, না, বলি শোন না। ওসব গোঁয়ারতুমি চালের চেয়ে বুদ্ধির মার-পেচ খেলে দেখ দিকি, বেটাকে ঘাল করতে কতক্ষণ?”—

হঠাৎ গুপীনাথ মদের ঝাঁক সামলাইয়া লইয়া জিজ্ঞাসা করিল, “আচ্ছা বাবু, ও শালার ওপর তোমার এত আখোচ্ কেন বল দিকি? এ দিকে ত বল তোমার ভাই।”

কালীনাথের মুখখানি এতটুকু হইয়া গেল। সে তাড়াতাড়ি উপেক্ষার ভাব দেখাইয়া বলিল, “যা, যা, নিজের চরকায় তেল দিগে যা। আমার কি? আমি আজ আছি, কাল নেই। বলেছি ত, বুড়োর জন্তেই সব করা যাচ্ছে—বুড়োদের কি কম শাস্তি দিয়েছে। আহা, বুড়োর মেয়েটা!”

“তা যা বল বাবু, ও মেয়েটাকে দেখলে কি জানি কেন বুকখানা কঁপে ওঠে। তোমার সঙ্গে যা দুচারবার ওদের গাঁয়ে গিয়েছি, তাতে ওকে দেখে—এত বড় হৃদ্যন্ত যে গুপে গুপ্তা, তারও মুখ দিয়ে রা সরে নি।”

“নে, নে বেটা, তোর সবই বাড়াবাড়ি। গলা টিপলে দুখ”

বেরোয়, সেদিনকার মেয়ে—তবে যা বলেছিল, ওর বাপটা এমন ভাল লোক ! ওটা কিন্তু ভিন্ন রকমের, গুমরে মটমট করছে যেন ! তা হোক গে, ওর সঙ্গে আমাদের সম্পর্ক কি ? হচ্ছে বুড়োকে নিয়ে কথা । আহা, মা-মরা মেয়ে—জামাইটা বয়ে যাচ্ছে, মেয়েটা ভেসে ভেসে বেড়াবে । দেখ, চেষ্টা ক’রে যদি জন্ম-মন্ম ক’রে ছোঁড়াটাকে ফেরাতে পারা যায়—তা হ’লে বুড়োর ঘরটা বজায় থাকে ।”

গুপীনাথ হঠাৎ মুখ বিকৃত করিয়া বলিল, “বটে ! ও শালা জাহান্নামে যাক না কেন, আমার কি বয়ে গেল তাতে ? ও সব আমি নেই । শালাকে জেল খাটাবো, তবে ছাড়বো । গোড়ায় সর্ভ ক’রে এখন পেছুনো, বাবা ? দাও বাবা মজুরী ফেলে, ঘরের ছেলে ঘরে যাই, আর ওতে থাকছি নি, বাবা ।”

কালীনাথ এবার এক গেলাস ঢালিয়া বলিল, “আহা, ছেলেমানষি করিস কেন বল ত ? নে ধর, এই নোটের তাড়া । মোদ্দা তারকা ছোঁড়াটাকে শীগ্গির কাশীর সন্ধান দিস নি—কি জানি, যদি রাগের মাথায় খুন-খারাপি ক’রে বসে !”

গুপীনাথ নোটের তাড়া বাগাইয়া লইয়া গণিয়া দেখিল, তাহার পর গুন্ফে হাত বুলাইয়া কহিল, “পড় বাবা আত্মারাম ! কত কেরামতই জান রে বাবা, কত কেরামতই জান । সেই ভয়ে ত ঘুম হচ্ছে না তোমার ! বল বাবা, কি মতলব ঠাওরেছ নতুন ?”

কালীনাথ বিস্মিত হইবার ভাব দেখাইয়া বলিল, “মতলব ?

## স্পর্শের প্রভাব

আমি ? সাতেও নেই, পাঁচেও নেই বাবা ! ছোঁড়াটা উচ্ছরে যাচ্ছে—বিষয়টা যাতে রক্ষা হয়, তারই জন্তে ।”

গুপীনাথ ব্যঙ্গের হাসি হাসিয়া বলিল, “তাই বুঝি ওকে ফাঁদে ফেলবার জন্তে গুপে গুপে হাত করেছ ? যাক গে বাবা, কে থাকে রাজা-রাজড়ার কথায়—আমার পাওনা গণ্ডা যা হয় বাবা, মিটিয়ে দেও—বস !”

কালীনাথ হঠাৎ চমকিত হইয়া বলিল, “চুপ ! সিঁড়িতে জুতোর আওয়াজ পাচ্ছি । ঐ ভবেশ বেটা বুঝি ! মার চেয়ে আপনার জন, তাকে বলি ডান । যা, পালা, বারান্দার ও-পাশের ঝাঁক সিঁড়িতে দিয়ে স’রে পড়, যেন না দেখতে পায় ।”

আগন্তুক ততক্ষণ কক্ষদ্বারে উপনীত হইয়াছে । তাহার মুখের উপর বৈদ্যুতিক আলোকরশ্মিপাত হইবা মাত্র কালীনাথ চমকিত হইয়া ন যযৌ ন তন্তৌ অবস্থায় কিছুক্ষণ নীরবে দাঁড়াইয়া রহিল । আগন্তুক ইত্যবসরে কক্ষমধ্যে প্রবেশ করিয়া একখানা চেয়ারে দেহ এলাইয়া দিয়া নীরবে ঘন ঘন শ্বাস ত্যাগ করিতে লাগিল । সে রণেন্দ্রনাথ । কালীনাথ তাহাকে অতিমাত্র পরিশ্রান্ত ও অবসন্ন দেখিল ।

কালীনাথ মূহূর্ত্তে প্রকৃতিস্থ হইয়া আগ্রহ প্রকাশ করিয়া বলিল, “আরে, রণেন ঘে, তুমি কোথেকে হে ? কাশী থেকে রওনা হয়েছ কবে, কৈ, কিছুই জানাও নি ত !”

রণেন্দ্র ক্ষীণ অবসন্ন বিরক্তিপূর্ণ স্বরে বলিল, “না, জানান হয় নি ।”

ভাবগতি দেখিয়া কালীনাথ সতর্ক হইল। সমবেদনায় কণ্ঠস্বরকে কোমলতর করিয়া সে বলিল, “ইস! মুখ-চোখ যে ঠিকরে বেরিয়ে আসছে, চুল রুক্ষ,—ব্যাপারখানা কি? খাওয়া-দাওয়া হয় নি না কি, রাতে ঘুমোও নি না কি?”

রণেন্দ্র কেবল একটি ছোট ‘হু’ দিয়া দুই হাতের মধ্যে মুখ গুঁজিয়া টেবলের উপর মাথা রাখিল।

কালীনাথ সত্যিই এবার শঙ্কিত ও চিন্তান্বিত হইয়া, কাছে আসিয়া মাথায় হাত রাখিয়া বলিল, “সত্যি কি হয়েছে, রণেন? তুমি ত সহজে এমন হও না। চান করবে? আমি বলি, আগে এক কাপ চা—”

হস্তসঙ্কেতে নিষেধ করিয়া রণেন্দ্র তদবস্থায় থাকিয়া বলিল, “কিছু দরকার নেই।”

“একটু সরবৎ? তাও না? ওহো হো, তৈরীই ত রয়েছে, খুব ঠাণ্ডা—এটা বিয়ারের পঞ্চ—থেয়ে ফেল দিকি ঢক ক’রে এক গেলাস—একে মদ বলে না, অথচ শরীরটাও জুড়িয়ে যাবে’খন।” কালীনাথ রণেন্দ্রের হস্তে সুরাপাত্র দিয়া তাহার মাথায় হাত বুলাইতে বুলাইতে বলিল, “বড় ঠাণ্ডা, ভারী স্নিগ্ধকর—ওতে নেশাও হয় না, অথচ সব অবসাদ কষ্ট দূর হয়ে যায়, আমরা প্রায়ই ত খাই”—

রণেন্দ্র যন্ত্রচালিতবৎ আধারের পানীয় গলাধঃকরণ করিল। মুহূর্তকাল মুখ বিকৃত করিয়া সে পূর্ববৎ আবার মুখ গুঁজিয়া



## স্পর্শের প্রভাব

পড়িয়া রহিল। কিছুক্ষণ পরে মাথা তুলিয়া বলিল, “আর এক গ্লাস, কালীদা’! বরফটা বেশী ক’রে দিয়ো।”—

কালীনাথ আগ্রহভরে গ্লাস তুলিয়া দিল, রণেন্দ্র নিমিষে তাহা মুখে ঢালিয়া ফেলিল। এবার আর সে মাথা গুঁজিল না, তাহার অবসাদের ভাবটা যেন হঠাৎ অন্তর্হিত হইল, নয়ন হইতে একটা তীব্র জ্যোতি নির্গত হইল, সে আনন্দ-ভরে বলিল, “বাঃ বাঃ কালীদা’—ভারী সুন্দর ত! দাও, দাও।” সে সাগ্রহে হাত বাড়াইয়া দিল। এই ভাবে আরও দুই একবার চলিল।

ইত্যবসরে কালীনাথের আদেশে কিছু আহাৰ্য্যও আনীত হইল। রণেন্দ্রের তখন আর আহাৰের আপত্তি ছিল না। স্নিগ্ধ বাতাসে তখন তাহার মনের মধ্যে কেমন একটা অপ্রত্যাশিত স্ফূর্তি দেখা দিয়াছিল। সে উৎসাহে উঠিয়া বসিয়া মনের আনন্দে একটা অভ্যস্ত গানের সুর ভাঁজিতেছিল।

আহাৰ্য্য মুখে দিয়া সে বলিল, “কালীদা’ মস্তর জান তুমি নিশ্চয়! আঃ, প্রাণটা বাঁচালে তুমি! দাও, দাও,—ঐ সরবৎ এক গেলাস।”

কালীনাথ এক গাল হাসিয়া বলিল “কি আর আমি করতে পারলুম তোরা বল! বাপ-পিতামহের জমীদারীটা, তাও দেখলিনি, কেবল হো-হো-টো-টো ক’রে—”

রণেন্দ্র বিরক্তির ভাব প্রকাশ করিয়া বলিল, “আঃ! আবার কি কথা নিয়ে এসে ফেল্লে—ও সব ত তোমার উপর ভার দেওয়াই রয়েছে, কালীদা’। নাও, তুমি এ গেলাসটা খাও।”

## স্পর্শের প্রভাব

কালীনাথ গেলাসটি হাতে লইয়া সোড়া ঢালিতে ঢালিতে বলিল, “সে ত তুমি ব’লে খালাস, কিন্তু কাষের সময় আমায় মানে কে? এ সব কাষে মুখের ছকুমে ত ফল হয় না, ভাই।” কালীনাথ স্বয়ং গেলাস নিঃশেষ করিয়া রণেন্দ্রের হস্তে পুনরায় পূর্ণমাত্রা প্রদান করিল।

রণেন্দ্র স্তরাবিজড়িত কণ্ঠে বলিল, “আরে বাস রে, এই কথা? কি চাই তোমার বল না, কালীদা’ সব তোমায় দিয়ে দিচ্ছি। ওঃ, কি আরাম!”

কালীনাথ টানার মধ্য হইতে একখানা কাগজ বাহির করিয়া টেবলের উপর পাতিয়া বলিল, “দাও দিকি একটা সই ক’রে। ভাবছ আমার নামে দান-পত্তর? তোমার কালীদা’ তেমন হ’লে এতদিন অনেক কিছু করতে পারতো, ওটা আমমোক্তারনামা— এতে আমায় ক্ষমতা না দিলে তোমারই লোকজন মানে না— কায করবো কোথেকে?”

রণেন্দ্র বলিল, “দাও”। কাগজে সে কল্পিত হস্তে নির্দিষ্ট স্থানে কোনরূপে সহি করিল। সে যদি প্রকৃতিস্থ থাকিত, তাহা হইলে সে-সময়ে সে কালীনাথের মুখে যুগপৎ আনন্দ, তৃপ্তি ও হিংসা-ঘৃণার অভিব্যক্তি দেখিতে পাইত। যতক্ষণ সহি চলিল, ততক্ষণ কালীনাথের হৃদয়ের দ্রুত স্পন্দনের শব্দ বোধ হয় কালীনাথ স্পষ্টই শুনিতে পাইতেছিল।

কলমটা রণেন্দ্রের হাত হইতে খসিয়া পড়িল, রণেন্দ্র যেন তন্দ্রাঘোরে টেবলের উপর এলাইয়া পড়িল। কালীনাথ তৎক্ষণাৎ

## স্পর্শের প্রভাব

ভৃত্য-পরিজনকে আহ্বান করিয়া রণেন্দ্রকে ধরাধরি করিয়া সোফার উপর শয়ন করাইয়া দিল, তাহার হিংসা-পরিপূরিত কুটিল দৃষ্টি তখনও রণেন্দ্রকে অনুসরণ করিতেছিল।

বুভুক্ষু বহুদিন পরে সম্মুখে আহাৰ্য্য দেখিলে যেৰূপ ভাবে সেই দিকে অপলক-নেত্রে একদৃষ্টে তাকাইয়া থাকে, কালীনাথ কিছুক্ষণ সহি-করা আম-মোক্তারনামা খানা ঠিক সেই ভাবে দেখিতে লাগিল। তৃপ্তি আর হয় না! একবার এদিক, আরবার ওদিক, নানারূপে নাড়িয়া চাড়িয়া সে স্বাক্ষরটি পরীক্ষা করিতে লাগিল। তখন কক্ষে সে ও রণেন্দ্র ব্যতীত আর কেহ ছিল না।

পরীক্ষা সাক্ষ হইলে তাহার মুখমণ্ডল বিদ্যুতের আলোকে বিদ্যুতেরই মত হাসিয়া উঠিল। এ আনন্দ অংশ করিয়া ভোগ করিবার কেহ নাই, ইহাই তাহার স্বথ!

একটা লোক রাজপথ দিয়া ভাঙ্গা ভাঙ্গা স্বরে গাহিয়া যাইতেছিল,—“মন তোর এ ভ্রম গেল না”—রণেন্দ্র তন্দ্রাজড়িত স্বরে বলিল, ‘ভ্রম? ভ্রম, না সত্য? ও কে গেল, কালীদা?’

কালীনাথ বলিল, “ঘুমো, ঘুমো, মিছে বকিস্ না।”

রণেন্দ্র সোফায় হঠাৎ অধোস্থিত হইয়া বলিল, “বলবে না কে গেল? আচ্ছা, আচ্ছা!” রণেন্দ্র আবার শুইয়া পড়িল, সঙ্গে সঙ্গে দুই তিনটি হেঁচকী উঠিল।

কালীনাথ ঈষৎ উৎস্বরে বলিল, “কি মিছিমিছি জ্বালাতন করছ? বলছি ত চুপচাপ শুয়ে থাক, কাল তখন কথা হবে।”

কালীনাথ বৈঠকখানার দ্বাৰ ৰুদ্ধ কৰিয়া চলিয়া যাইতেছিল।  
হঠাৎ দ্বাৰপ্ৰান্ত হইতে চমকিত হইয়া ফিৰিয়া দাঁড়াইল। সে  
স্পষ্ট শুনিল, যাহাকে সে সংজ্ঞাহীন বলিয়া মনে কৰিয়াছিল,  
সে বলিতেছে,—“গুপে গুপ্তা—আমাৰ এখানে কেন?”

কালীনাথ স্তম্ভিত হইয়া দ্বাৰপথে দাঁড়াইয়া ৰহিল।

রাজেশ্বর বাবু কথাটা কিছুতেই বিশ্বাস করিতে পারিতেছিলেন না। তাঁহার কন্ঠার শব্দরকলের অগ্নি যে দোষই থাকুক না কেন, তাহারা যে বিপ্লবী দলে যোগ দিতে পারে, ইহা সম্ভবপরই নহে। বিশেষতঃ রণেন্দ্র পিতৃপিতামহের ধারা যতই অনুকরণ করুক, সে যে রাজনীতিক ডাকাতিতে লিপ্ত, ইহা কিরূপে বিশ্বাসযোগ্য হইতে পারে? তারকনাথ তাহার বিপক্ষে এই যে অভিযোগ করিতেছে, ইহা কি সত্য? তিনি অনারারী ম্যাজিষ্ট্রেট, কাজেই সে তাঁহাকে একবার রণেন্দ্রের বাগানবাড়ীটা সার্চ করিতে বলিতেছে, অন্ততঃ মহকুমার ম্যাজিষ্ট্রেটকে এ কথা জানানাইতে বলিতেছে যে, বাগানবাড়ীতে বোমার আড্ডা ছিল, কলিকাতা গ্রামপুকুরের বাড়ীতেও তাই। এখানে সার্চ হইবার পর কলিকাতার ব্যবস্থা পরে করা যাইতে পারে। রণেন্দ্র মাঝে মাঝে কলিকাতার বয়স্কদের লইয়া এই বাগানবাড়ীর ভাঙ্গা কুঠুরীতে আসিয়া দুই চারিদিন অবস্থান করিত, সে অঞ্চলে

## স্পর্শের প্রভাব

ভৃত্য-পরিজন কাহারও প্রবেশ নিষিদ্ধ ছিল। জ্যোৎস্নাও তাঁহাকে বলিয়াছে যে, রণেন্দ্র জ্যোৎস্নাকে বাগানবাড়ী দান করিবার কথা পাড়িয়াও মাঝে মাঝে ঐ ভাঙ্গা দিকটায় দুই এক দিনের জ্ঞান আসিয়া বাস করিবার অনুমতি প্রার্থনা করিয়াছিল। ইহার অর্থ কি ?

আরও এক সমস্যা ছিল। কালীনাথ দুঃখ করিতেছিল, এত দিন রণেন্দ্রকে যে-রোগে ধরে নাই, এবার কাশী হইতে ফিরিবার পর সে তাহার সেই রোগ দেখিয়াছিল। সে মৃত্যুপ হইয়াছে, গেলাসের উপর গেলাসেও তাহার তৃপ্তি হয় না। পূর্বে সে জানিত, রণেন্দ্র মাঝে মাঝে পরিমিত সুরাপান করিত, কিন্তু এমন সাংঘাতিক মাতাল হইতে সে তাহাকে কখনও দেখে নাই। কথাটা বলিতে বলিতে কালীনাথ প্রায় কাঁদিয়া ফেলিয়াছিল। আহা, সে যে তাহার জগতে আত্মীয় বন্ধু বলিতে মাত্র একজন ! কিন্তু স্বদেশীওয়ালারা যে অপরাধই করুক, তাহারা চরিত্রহীন বা মৃত্যুপ, এমন কথা এ পর্য্যন্ত শুনা যায় নাই। তবে রণেন্দ্রে ইহা সম্ভব হইল কিরূপে ? কিন্তু একটা কথা, আমড়াগাছে কি আম ফলিয়া থাকে ?—আমড়াই পাওয়া যায়। শয়তানের বংশে শয়তানই জন্মিয়া থাকে।

কথাগুলি মনের মধ্যে তোলাপাড়া করিতে করিতে রাজেন্দ্রর বাবুর মস্তিষ্ক উত্তপ্ত হইয়া উঠিল, সঙ্গে সঙ্গে তাঁহার নাসাপথে একটা স্বস্তির নিশ্বাসও নির্গত হইয়া গেল। উঃ, ভগবান রক্ষা করিয়াছেন, না হইলে, আজ যদি তাঁহার প্রাণসমা

## স্পর্শের প্রভাব

কন্যাকে উহার গৃহে বাস করিতে হইত, তাহা হইলে কি হইত !

সত্যই সে রণেশ্বরের বিবাহিতা পত্নী। কিন্তু দাম্পত্যজীবন যাপন করিবার সুযোগ না হওয়াতে স্বামীর প্রতি পত্নীর যে স্বাভাবিক আকর্ষণ, তাহা তাহার মনে প্রভাব বিস্তার করিতে পারে নাই। সুতরাং রণেশ্বরের অধোগতির সংবাদ পাইয়া তাঁহার প্রাণসমা দুহিতার মনে বেদনার জ্বালা ধূমায়িত বহির হ্রাস জ্বলিতে থাকিবে না। পিতার এই সাবধানতা ও বিজ্ঞতার জ্ঞাত উত্তরকালে কন্যা কি এতটুকু কৃতজ্ঞতা প্রকাশ করিবে না ?

“বাবা!” কন্যার কণ্ঠস্বরে রাজেশ্বর বাবু চমকিত হইয়া উঠিলেন, কিন্তু পরমুহূর্ত্তেই আগ্রহভরা স্নিগ্ধ শাস্ত স্বরে বলিলেন, “এস মা, এস, আমি তোমাকেই খুঁজছিলাম। আমায় কিছু বলবে ব’লে এসেছ কি ?”

জ্যোৎস্না বলিল, “হ্যাঁ বাবা, কথাটা তোমায় বলতেই এলুম। সনাতন বলছিল, কালী বাবু নাকি খুবই বাড়াবাড়ি ক’রে তুলেছেন।”

“তার মানে ?”

“লোকজনের সঙ্গে যা ইচ্ছা তাই ব্যবহার করছেন, জমীজমা ইচ্ছামত বিলিবন্দেজ করছেন—”

রাজেশ্বর বাবুর প্রসন্ন মুখ হঠাৎ অপ্রসন্ন ভাব ধারণ করিল। তিনি গম্ভীরকণ্ঠে বলিলেন, “তাতে আমাদের কি এলো গেল ?”

জ্যোৎস্নার মুখখানি এতটুকু হইয়া গেল, সে নতমস্তকে নীরবে দাঁড়াইয়া রহিল।

রাজেশ্বর বাবু যে স্বযোগ অব্বেষণ করিতেছিলেন, বিধির ইচ্ছায় তাহাই জুটিয়া গেল। তিনি গম্ভীর মুখমণ্ডল আরও গম্ভীর করিয়া বলিলেন, “দেখ মা, ওদের গুণের কথা ক্রমে একটির পর একটি প্রকাশ পাচ্ছে। কালী ছোকরা ভাল, ও আছে ব’লে বিষয়টা ওদের রক্ষে পাচ্ছে, নইলে ও বিষয় ত উড়েই গিয়েছিল। এখন ও কড়া হয়েছে বলেই চাকর-গোমস্তারা চেষ্টামেচি করছে। যাক্ গে, মরুক গে, ওদের ও-বিষয় থাকলো, কি গেল, তাতে আমাদের কিছুই এসে যায় না। যা গুণ সব বেঞ্চে—ভগবান্ রক্ষে করেছেন, ওর সঙ্গে আমাদের সম্বন্ধের আপদবালাই ঘুচে গেছে।”

জ্যোৎস্না কোন কথার উত্তর না দিয়া নীরবে কক্ষ ত্যাগ করিতেছিল; রাজেশ্বর বাবু বাধা দিয়া বলিলেন, “চলে যেয়ো না, সবটা শুনে যাও। শোন নি বোধ হয়, এখন একেবারে চরিত্রহীন মাতাল হ’য়ে দাঁড়িয়েছে। কেবল তাই নয়, কালীর কেলেকারীর পর এখানে ফিরে এসে মুখ দেখাতে লজ্জা বোধ করে নি! অধঃপাতের শেষ ধাপে না নামলে এমন প্রবৃত্তি ভদ্রসন্তানের হয় না। এখানে এসে শুনলুম, গ্রামপুকুরের বাসায় সাত দিন ধ’রে না কি মদেই ডুবে রয়েছে। তার উপর—থাক্ গে, সে আর তোমার শুনে কাষ নেই, সে—”



## স্পর্শের প্রভাব

সেই মুহূর্তে দ্বার সান্নিধ্যে একটা লোক আন্তর্নাদ করিয়া উঠিল, “দিদিমণি, সর্বনাশ হয়েছে, শীগ্গির আসুন—”

রাজেশ্বরবাবু ও জ্যোৎস্না বিস্ময়ে প্রায় নির্বাক হইয়া গিয়াছিলেন; মুহূর্তে আত্মস্থ হইয়া জ্যোৎস্না ব্যাকুল আগ্রহ ও উৎকর্ষাভরে জিজ্ঞাসা করিল, “কি হয়েছে পঞ্চানন? কার সর্বনাশ হয়েছে?”

পঞ্চানন গণ্ড বহিয়া অশ্রুধারা নামিয়াছিল, সে প্রায় বাষ্পক্ল-কণ্ঠে বলিল, “আর কি হবে মা, যা বলেছিল কালী বাবু, তাই করুলে—সোনা দাদাকে আজ মেরেছে, মেরে আবার পুলিশে ধরিয়ে দিয়েছে—”

লোকটা হাউ হাউ করিয়া কাঁদিয়া উঠিল। সে দিন-মজুর, সনাতনের সহকারিরূপে বাগানবাড়ীতে কার্য্য করে।

রাজেশ্বর বাবু ভ্রু কুঞ্চিত করিয়া কহিলেন, “তা, আমরা তার কি করবো?”

জ্যোৎস্না সে কথায় মনোযোগ না দিয়া অগ্রসর হইয়া বলিল, “সোনাদা’কে মেরে পুলিশে ধরিয়ে দিয়েছে, কালী বাবু? কেন? সে কি করেছে?”

পঞ্চানন দুই হাতে চোখ মুছিতে মুছিতে বলিল, “কি জানি দিদিমণি, ক’দিন থেকে দু’জনে ঝগড়া-বিবাদ খুবই চলছিল, কি সব জমীবিলির বন্দোবস্ত নিয়ে—বিশেষ এবারে কলকাতা থেকে ফিরে অবধি কালী বাবু একেবারে আঙুনের মূর্ত্তি ধরেছে, কালও ঝগড়া বেধেছিলো, বচসা হতে হতে কালী বাবু সোনাদা’কে বললে,—

বেরো হারামজাদা আমার বাড়ী থেকে। শুনেই সোনাদা' বুনো মোষের মত ছুটে গিয়ে বললে, 'হারামজাদা? মুখ সামলে কথা কোয়ো বলে দিচ্ছি! ওঃ, লাট সাহেব এলেন যেন, তবু যদি বাড়ী-বাগানের মালিক হতো!' এই আর যায় কোথা! কালী বাবু রেগে বললে, 'যত বড় মুখ তত বড় কথা—ছুঁচো বেটা কোথাকার, জুতিয়ে লাট ক'রে দেবো জানিস!' সোনাদা'ও সামলাতে পারলে না, যা মুখে এলো, তাই ব'লে ফিরিয়ে গাল দিলে, কালী বাবুও জুতো ছুঁড়ে মারলে, সোনাদা' ফিরিয়ে মারতে গেল, সবাই মিলে আমরা ধ'রে ফেললুম—”

রাজেশ্বর বাবু বলিলেন, “তা ঠিকই ত করেছে কালীনাথ। চাকরের এত বড় স্পর্ধা—”

বাধা দিয়া জ্যোৎস্না জিজ্ঞাসা করিল, “তা এতে পুলিশ এল কেন?”

পঞ্চানন বলিল, “ঐ যে গো দিদিমণি, আজ ভোর হতেই কালী বাবু গোল তুললে, টাকা-কড়ি আর দলিল-পত্দের খোয়া গেছে। পুলিশ এলো, দারোগা-চৌকীদার এলো, ঘর-দুয়ার খোঁজা-খুঁজি হলো,—তাই ছুটে এলুম দিদিমণি। এতক্ষণে কি হলো কে জানে বাবু।”

জ্যোৎস্না পিতার মুখের উপর কাতর দৃষ্টি নিক্ষেপ করিয়া বলিল, “কি হবে বাবা? তুমি একবার যাও না—সোনাদা'—”

এই সময়ে বহির্দ্বারে একটা কলরব উঠিল, অনেক লোক যেন একসঙ্গে কথা কহিতেছে। কক্ষস্থ সকলে সবিস্ময়ে

## স্পর্শের প্রভাব

বহির্দৈশের দিকে চাহিয়া রহিল, রাজেশ্বর বাবু আসন ত্যাগ করিয়া বাহিরের বারান্দায় আসিয়া দাঁড়াইলেন।

“নমস্কার, আপনার কাছেই আসছিলুম আমরা, কেস্টা ত খারাপই দাঁড়াচ্ছে—যাকে বলে, কেঁচো খুঁড়তে সাপ বেকুনো। জানলেন, মশাই—” দারোগা বাবু কথাগুলি বলিতে বলিতে বারান্দার উপরে আসিয়া দাঁড়াইলেন। কয় জন গোমস্তা ও পল্লীবাসীর সঙ্গে কালীনাথও তাহাদের পশ্চাতে ছিল।

দারোগা বাবু আসন পরিগ্রহ করিলে পর রাজেশ্বর বাবু জিজ্ঞাসা করিলেন, “ব্যাপার কি, দারোগা বাবু?”

দারোগা বাবু হাতের ছড়িটার উপর দক্ষিণ হস্তটি রক্ষা করিয়া বলিলেন, “আজ দুপুরের পর কালী বাবু থানায় খবর পাঠান যে, বাগানবাড়ীতে খুব বড় রকমের একটা চুরি হয়েছে—কেমন, না কালী বাবু?”

কালীনাথের দৃষ্টি তখন কক্ষমধ্যে আবদ্ধ ছিল। সে কি ভয়চকিত দৃষ্টিতে খুঁজিতেছিল, তাহার ভয়ের মাহুঘটি সেই স্থানে অবস্থান করিতেছে কি না? সে দারোগা বাবুর অতর্কিত প্রশ্নে চমকিত হইয়া বলিল, “এঁ্যা, কি বলছেন?”

দারোগা বাবু সে কথার কোনও জবাব না দিয়া বলিয়া যাইতে লাগিলেন,—“এসে কালী বাবুর কাছে শুনলুম, কি কি জিনিষ চুরি গেছে, তার লিষ্টিও তৈরী ক’রে রেখেছি, এই দেখুন। বাড়ী আর বাগানে তন্ন তন্ন ক’রে খুঁজে যখন কিছু পাওয়া গেল না, তখন কালী বাবু বললেন, বাগানবাড়ীর পোড়ো

দিক্‌টায় তালাবন্ধ থাকে, হয় ত সেই দিকেই চোরাই মাল থাকতে পারে। সে দিক্‌টার চাবী সোনা মালীর কাছেই ছিল। সার্চ ক'রে সেখানে কেবল যে চোরাই মাল পাওয়া গেল, তা নয়, তার সঙ্গে মস্ত একটা বোমার কারখানাও বেরিয়ে পড়লো!”

রাজেশ্বর বাবু বলিয়া উঠিলেন “বোমার কারখানা? সত্যি?”

দারোগা বাবু বলিলেন, “হঁ। তাই। জীবন্ত বোমা, বোমার মাল-মশলা আর কতকগুলো তরোয়াল আর রিভলভার টোটা!”

রাজেশ্বর বাবুর বিশ্বয় উত্তরোত্তর বৃদ্ধি পাইতে লাগিল। দারোগা বাবু তাঁহার আবিষ্কারের গুরুত্ব বর্দ্ধিত করিয়াই যেন বলিতে লাগিলেন “এ অবস্থায় ঐ লোকটাকে গ্রেফতার করা ছাড়া অগ্র উপায় দেখতে পাই না। সে বলছে কিছুই জানে না, ও দিক্‌টা তালাবন্ধই থাকত, কখনও কখনও ওর মনিব ছ'চারজন বন্ধুবান্ধব নিয়ে ও দিক্‌টায় থাকত। ছ'চারজন পাড়ার ভদ্র লোককে সাক্ষী রেখে সার্চ ক'রে এসেছি, যেমন অবস্থায় ছিল, ঘর দুয়ের তেমনই অবস্থায় রেখে তালা দিয়ে পাহারা রেখে এসেছি। এখন আপনি গিয়ে একবার দেখে এই লিফ্টিটা সই ক'রে দিলেই হয়। আর সোনা মালীর সম্বন্ধে কি করা যায়, তাও ঠিক ক'রে আসতে হবে আপনাকে।”

রাজেশ্বর বাবুর বিশ্বয় তখনও অপনোদিত হয় নাই। তিনি বলিলেন, “গাঁয়ের ভিতর এত বড় একটা কাণ্ড হ'চ্ছে, কেউ তা এতদিন জানতে পারলে না—”

## স্পর্শের প্রভাব

এই সময়ে কালীনাথ বলিল, “আমি ঘরে থেকেই কিছু জানতে পারি নি, বাইরের লোক কি করে জানবে?”

রাজেশ্বর বাবু বলিলেন, “তাই ত !”

দারোগা বাবু বলিলেন “চলুন, বাগানবাড়ীর দিকে যাওয়া যাক । আপনি—”

রাজেশ্বর বাবু বলিলেন, “দেখুন, আমি গিয়ে ত কিছু করতে পারবো না, আমি সবে এই পদ পেয়েছি, তার উপর প্রথম শ্রেণীর নই ।”

দারোগা বাবু বাহিরের ফটক পার হইতে হইতে বলিলেন, “তাতে কি হয়েছে ? লিফ্টি আপনি সই করলে ওর আর মার নেই । আপাততঃ ঐ লোকটাকে পুলিশ হেপাজতে রাখতেই হবে, তারপর ২৪ ঘণ্টার মধ্যে ডেপুটি বাবুর কাছে হাজির করলেই হবে ।”

রাজেশ্বর বাবু তখনও আপনার বাগানের ফটক পার হইতে ইতস্ততঃ করিতেছেন । দারোগা বাবু তাঁহার দিকে ফিরিয়া চাহিতে বলিলেন, ‘দেখুন দারোগা বাবু, আমার যেতে অল্প বাধা নেই, কিন্তু আমাদের মধ্যে কোন একটা পারিবারিক ব্যাপার নিয়ে—”


দারোগা বাবু বাধা দিয়া গম্ভীরভাবে বলিলেন, “এ সব সরকারী কাষে পারিবারিক প্রশ্ন আসতেই পারে না । আহুন, বেলাও প’ড়ে এলো ।” রাজেশ্বর বাবু আর স্বিকৃতি না করিয়া ক্ষুণ্ণমনে অগ্রসর হইলেন ।

## স্পর্শের প্রভাব

সকলেই স্থানত্যাগ করিয়াছে। কক্ষমধ্যে জ্যোৎস্না কেবল একা। সে কক্ষমধ্যে থাকিয়া পূর্বাপর সমস্ত কথাই শুনিয়াছিল। সে বিশ্বয়-স্তিমিত-হৃদয়ে ভাবিতেছিল, এই ব্যাপারের মধ্যে কি রহস্য নিহিত আছে। ইহার কতটুকু সম্ভব? যাহাই হউক, অপরাধী যিনিই হউন, তাহার সনাতন দাদা নির্দোষ। যদি জগতের আর সকলে বলে সে দোষী, তাহা হইলেও সে তাহা বিশ্বাস করিবে না—সোনা দাদাকে রক্ষা করিতেই হইবে!

কিন্তু জ্যোৎস্না বিমূঢ় হইয়া বসিয়া রহিল।

---



“যাও, মিছরি পোখরা।—”

ক্যান্টনমেন্ট স্টেশন হইতে ট্যাক্সী যাত্রীবহন করিয়া ছুটিল।

আরোহী রণেন্দ্রনাথ। কিন্তু কয়দিনে তাহার সে কাস্তুরী কে যেন হরণ করিয়া লইয়াছিল। কালীনাথের রূপায় বিশ্বাসিত-রাজ্যে আপনাকে নির্বাসিত রাখিবার পর, আজ সে কাশীতে ছুটিয়া আসিয়াছে। তাহার একমাত্র আপনার জন,—দেবতা, অগ্নি সাক্ষী রাখিয়া যাহাকে বিবাহ করিয়াছিল, দীর্ঘকাল পরে তাহার সাক্ষাৎ পাইয়াও, যখন বিনা অপরাধে তাহাকে সে প্রত্যাখ্যান করিয়াছে—ইহজন্মে মিলনের কোন সম্ভাবনা নাই, তখন কাহার জন্ত সে আপনাকে ঐহিক সুখভোগ হইতে বঞ্চিত রাখিবে? পবিত্র, সংযত জীবন যাপনের মূল্য যদি অপমান, লাঞ্ছনা, মিথ্যা অপবাদ, তবে সে-জীবনকেই বা কেন সে বরণ করিয়া লইবে?

## স্পর্শের প্রভাব

কালীদাস তাহাকে যে অমৃত-সেবনের পথ দেখাইয়া দিয়াছে, কয় দিন তাহারই প্রভাবে সে হৃদয়ের সর্বপ্রকার তীব্রজ্বালা বিন্মত হইতে পারিয়াছিল। এমন বিশল্যকরণী আর নাই। গাড়ীর মধ্যে সে সহযাত্রীদের উপস্থিতিবশতঃ অমৃতধারা পানের স্বযোগ পায় নাই। সারা রাত্রি তাহাকে সেজন্ত দুঃসহ যন্ত্রণা সহ করিতে হইয়াছিল। এখন কেহ কাছে নাই। ট্যাক্সী দ্রুতবেগে ঈপ্সিত রাজ্যের অভিমুখে চলিয়াছে।

রণেন্দ্র পকেট হইতে তার দ্বারা সুরক্ষিত বোতলটি বাহির করিয়া তরল অমৃতধারার কিয়দংশ গলাধঃকরণ করিল।

আঃ !—

রণেন্দ্র একবার বাহিরের চারিদিকে চাহিয়া দেখিল। বাতাসে তাহার রুক্ষ কেশগুলি আন্দোলিত হইতে লাগিল। বোতলবাহিনীর ঐন্দ্রজালিক শক্তির ক্রিয়া আরম্ভ হইয়াছিল।

না—এতদিন সে ব্যর্থ জীবনই যাপন করিয়া আসিয়াছে।  
ভুল—প্রকাণ্ড ভ্রান্তি !

কেন সে জীবনকে উপভোগ করিবে না ? এই সূর্যালোক-সমুজ্জল ধরণীর বিচিত্র শোভা, বস্তুতাত্ত্বিক জগতের বহুবিধ ভোগ্য বস্তুকে সমস্ত ইন্দ্রিয়ের সাহায্যে আনন্দন না করিয়া, সে নির্কোণের ত্রায় যৌবনের মূল্যবান দিনগুলির অপব্যয় করিয়াছে।

“যাবৎ জীবৎ সুখং জীবৎ।”—অতি চমৎকার বাণী।  
যে ঋষি এ তত্ত্ব উদ্ঘাটিত করিয়া, গিয়াছেন, এ যুগে তাঁহার



## স্পর্শের প্রভাব

দার্শনিক তত্ত্ব উপেক্ষিত সত্য; কিন্তু তিনিই যথার্থ তত্ত্ব উদ্ভাবিত করিয়া গিয়াছেন। জীবনকে উপভোগ করিবার জন্তই মানুষ পৃথিবীতে জন্মগ্রহণ করে, ইহা কিসে মিথ্যা, কেন ভ্রান্ত ধারণা ?

মৃত্যুর পর আবার জন্ম হইবে কি না, তাহার নিশ্চয়তা কি ? ষাঁহারা আত্মার অবিনশ্বরত্ব ঘোষণা করেন, তাঁহারা ইহা যে অভ্রান্ত, ইহার প্রত্যক্ষ প্রমাণ কোথায় ? সবই ত অনুমান।

তবে সেই অনুমানের পশ্চাতে ধাবিত হইয়া ঐহিক ভোগ-স্বখে বঞ্চিত থাকার কতটুকু মূল্য আছে ?

কিছু না কিছু না।—

তরলা!—এই তরুণী সর্বস্ব ত্যাগ করিয়া আসিয়াছে। কেন ? স্বামিগৃহে তাহার সুখ ছিল না। শাস্ত্রভীর গঞ্জনায তাহার জীবন অতিষ্ঠ হইয়াছিল বলিয়াই কি সে স্বামিগৃহ ত্যাগ করিয়াছে ? না, আরও কিছু ?

রণেন্দ্র আপন মনে হাসিয়া উঠিল। চক্রনির্বোধশব্দে চালক সম্ভবতঃ তাহার হস্তধ্বনি শুনিতে পায় নাই।

এই নারী নিশ্চয়ই ‘যাবৎ জীবৎ সুখং জীবৎ’ নীতির ভক্ত। তাই বিবাহিত স্বামীকে—স্নেহময় দেবরকে ত্যাগ করিয়া সুখের সন্ধানে আসিয়াছে। তাহার কুলত্যাগের সঙ্গত হেতু থাকুক বা নাই থাকুক, তাহার আচরণ সমর্থনের যোগ্য হউক বা নাই হউক, তাহাতে কি আসে যায় ? সে যখন একান্ত ভাবে রণেন্দ্রের উপর নির্ভর করিয়া রহিয়াছে, তাহার দেহ ও মন,

জীবন ও যৌবন তাহারই সেবার জন্ত উৎসর্গ করিতে বদ্ধপরিকর, তখন কেনই বা সে তাহা প্রত্যাখ্যান করিবে ?

এতদিনের সংযত জীবনযাত্রার ফলে যখন খালি নৈরাশ্র, তিরস্কার, অপমান, লাঞ্ছনাই পুরস্কার মিলিয়াছে, তখন অসংযত জীবনযাত্রার প্রবাহে দেহ ও মনকে ভাসাইয়া দিবে না কেন ? বরং তাহাতে লাভের আশাই আছে ।

প্রাণ ও মন দিয়া একজন তাহাকে চাহিতেছে, হউক তাহা অন্মায়, হউক তাহা পাপ, সে এখন পাপ-পুণ্যের হিসাব নিকাশ করিয়া চলিতে চাহে না । সে তাহার একান্ত উপাসিকা, একান্ত অল্পগতা, তাহাকে সে কখনই পরিত্যাগ করিতে পারে না ।

গাড়ী মোড় বাঁকিয়া মিছরি পোখরার দিকে চলিল ।

রণেন্দ্র অকস্মাৎ সোজা হইয়া আসনের উপর বসিল । কিছু দূর যাইবার পর সে নির্দিষ্ট স্থানে গাড়ী হইতে নামিল । ভাড়া চুকাইয়া দিয়া সে অগ্রসর হইল । এক বস্ত্রে সে কলিকাতায় গিয়াছিল, একবস্ত্রেই সে কাশীতে ফিরিয়া আসিয়াছে ।

নির্দিষ্ট অট্টালিকার মধ্যে প্রবেশ করিয়া প্রথমেই প্রাঙ্গণতলে তরলাকে দেখিয়া সে থমকিয়া দাঁড়াইল ।

জ্ঞান-অবসানে, আলুলায়িতকুন্তলা তরলার স্নিগ্ধদেহজ্যোতি তাহাকে মুগ্ধ করিল । শ্রামা তরুণীর দেহে যৌবনের জোয়ার কূলে কূলে পূর্ণ হইয়া চলিয়াছে, তাহার আয়ত রুক্ষতার নেত্রযুগলে কি মদির দৃষ্টি !

## স্পর্শের প্রভাব

তরলা রণেন্দ্রকে অকস্মাৎ প্রবেশ করিতে দেখিয়া সবিস্ময়ে বলিয়া উঠিল, “আপনি ? কি হয়েছে আপনার ?”


দ্রুত চরণে তরুণী রণেন্দ্রের দিকে অগ্রসর হইল ।

রণেন্দ্রের মুখে হাসির রেখা দেখা গেল । সে বলিয়া উঠিল, “তোমার আস্থান প্রত্যাখ্যান করতে পারলাম না । তাই ফিরে এলাম । চল, আমায় নিয়ে চল ।”

বোধ হয় রণেন্দ্রের দেহ দুই একবার টলিয়া উঠিয়াছিল । তরলা তাহার হাত ধরিয়া সোপান বহিয়া দ্বিতলে উঠিতে লাগিল ।

রণেন্দ্র গাঢ়কণ্ঠে বলিল, “এখানেই থাকব । তুমি আমায় ছেড়ে যেয়ো না, তরলা ।”

বেপথুমতী তরলা কোন কথা বলিল না । শুধু বলিষ্ঠ ও দীর্ঘাকার রণেন্দ্রের আকৃতি কয় দিনে এমন অসম্ভবরূপে পরিবর্তিত হইল কিরূপে, বোধ হয় তাহাই সে চিন্তা করিতেছিল ।



“আর খেয়ো না—দেখ চেয়ে, চোখ দুটো কি হয়েছে।”

তরলা রণেন্দ্রের হস্ত হইতে সুরাপাত্রটি কাড়িয়া লইয়া সরাইয়া রাখিল। রণেন্দ্র বিরক্তিভরে বলিল, “আঃ, কর কি, দাও।” কিন্তু তাহার কম্পিত হস্ত উত্তোলিত হইয়া আপনিই অবনত হইয়া পড়িল।

তরলা অহুযোগের সুরে বলিল, “দেখ দিকি, কি চেহারা হয়েছে! খাওয়ার সঙ্গে খোজ নেই,—খালি মদ, রাতদিনই মদ।” রণেন্দ্র পুনরায় কম্পিত হস্ত উত্তোলন করিয়া বলিল, “দাও, মদ দাও।”

তরলা দৃঢ়কণ্ঠে বলিল, “না, আর দেব না। চল, চান করবে চল। বিশেষ বিশেষ—”

“মাই মা,” বিশ্বস্তর নিয়তল হইতে সাড়া দিল।

রণেন্দ্র ক্ষীণকণ্ঠে যথাসম্ভব চীৎকার করিয়া বলিল, “ড্যাম ইওর বিশেষ। এইও বিশেষ, মদ লাও!”

## স্পর্শের প্রভাব

বিশ্বস্তর সাবানের বাস্ন ও গামছা-তৈল লইয়া দ্বারপ্রান্তে দেখা দিল। রণেন্দ্র তীরের ত্রায় শয্যায় উঠিয়া বসিবার চেষ্টা করিয়া আশার শুইয়া পড়িল, সঙ্গে সঙ্গে চীৎকার করিয়া বলিল, “এই বিশেষ, মদ আনলি নি? মেরে হাড় গুঁড়িয়ে দেবো, নিয়ে আয় বলছি, হারামজাদা!”

বিশ্বস্তর কিছু না বলিয়া একটু হাসিয়া সরিয়া দাঁড়াইল। তাহার বাবুর এ মেজাজ যে কৃত্রিম, তাহা সে জানিত। বিশ্বস্তর ইহাও জানিত যে, গালি-গালাজের পর বাবুর হাতে বকসিস্টা খুবই মিষ্ট।

তরলা স্নেহপূর্ণ ভৎসনার স্বরে বলিল, “ছি, ছি, কি করছ বল ত? নাও ওঠ, একটু তেলজল মাথায় দিয়ে ছুটো ভাতে বসবে চল। কি ছিলে, কি হয়েছ, তা জান?”

“কি ছিলাম, আর কি হয়েছি” বলিয়া রণেন্দ্র বিকট হাস্ত করিয়া নিজেই চমকিত হইল। এবার সত্যই চেষ্টা করিয়া সে শয্যার উপর উঠিয়া বসিল। হঠাৎ হস্তপ্রসারণ করিয়া তরলার একখানি হস্ত ধারণ করিল, পরে তাহার হস্ত কম্পিত করিয়া বলিল, “ব্র্যাভো মাই ডিয়ার! উঃ, কে বলে এ্যাকটিং মানুষকে শেখাতে হয়! হোঃ হোঃ!”

তরলা সবলে হাতখানা ছিনাইয়া লইয়া ক্রোধকম্পিত অভিমান-বিজড়িত স্বরে বলিল, “এ্যাকটিং কি? সত্য কথা বললেই বুঝি দোষ হয়? না হয় কথা বলবোই না। যা বিশেষ, চ’লে যা, বাবুর যখন ইচ্ছে হবে নাইবে।”

ততক্ষণ বিশ্বস্তর দ্বিতল হইতে অবতরণ করিয়াছে। রণেন্দ্র শয্যা হইতে নামিয়া ঈষৎ টলিবার ভান করিয়া ক্রোধক্ষুরিতাধরা প্রস্থানোচ্চতা তরুণীর পথরোধ করিতে অগ্রসর হইল। কিন্তু তরলা তাহার হাত সরাইয়া দিয়া বলিল, “যাও, যাও, আর জুতো মেরে গরু দান করতে হবে না।”

রণেন্দ্র তাহার কাঁধের উপর হাত রাখিয়া আদরের স্বরে বলিল, “সে কি তরু? কোথায় ফেলে যাচ্ছ? এস না, একটু বসি দু’জনে, নাওয়া-খাওয়া ত আছেই—”

রণেন্দ্র শয্যায় উপবেশন করিলে পর তরলা বাষ্পরুদ্ধ কণ্ঠে বলিল, “হাঁ, তা ত আছেই। শরীরের প্রতি যদি একটু দৃষ্টি থাকে!” সত্যই তাহার নয়নপ্রাস্তে অশ্রু বরিয়া পড়িল।

রণেন্দ্র উচ্চহাস্ত করিয়া বলিল, “আরে, সত্যিই কেঁদে ফেল্লে, তরু? না না, ছিঃ ছিঃ, কাঁদে না—এটে—এটে—এটে কিছুতেই সইতে পারি না, বাবা। চল, নাইতেই যাওয়া যাক।” রণেন্দ্র শয্যা ছাড়িয়া দুই পদ অগ্রসর হইল। ঈষৎ টলিয়া বলিল, “ভাবছ মাতাল হয়েছি? আরে রাম! মাতাল আমার চোদ্দপুরুষ হয় নি। কি জান, কলকাতা থেকে ফিরে এসে ভারী ব্যায়ামটা হলো—ডাক্তারে একটু একটু খেতে বল্লে—”

“তাই বুঝি এখন গেলাস থেকে বোতলে উঠেছে? ছিঃ ছিঃ, ও পাপ আর মুখে দিয়ে না বলছি। শরীরের যে আধখানাও নেই এই দু’মাসে।”

## স্পর্শের প্রভাব

রণেন্দ্র ধীরে ধীরে বলিল, “শরীর? শরীর? হুঁ!” নিম্নতলে এই সময়ে কুকুর চীৎকার করিয়া উঠিল। রণেন্দ্র উপর হইতেই বলিল, “প্রতাপ! এই ও প্রতাপ—চুপ? বিশ্বস্তর, প্রতাপকে ছেড়ে দাও।”

মুক্তি পাইবামাত্র প্রতাপ লক্ষের পর লক্ষ দিয়া সোপানারোহণ করিয়া প্রভুর পদতলে মুখরক্ষা করিয়া আনন্দভরে লাজুল নাড়িতে লাগিল, কখনও বা সম্মুখের পদদ্বয় উত্তোলন করিয়া প্রভুর বক্ষোপরি রক্ষা করিয়া প্রভুর মুখমণ্ডলের সান্নিধ্যে আপন মুখ রক্ষা করিয়া মৃদুস্বরে যেন প্রীতির সম্ভাষণ জানাইল। রণেন্দ্র তাহার মাথা চাপড়াইতে চাপড়াইতে আদরের স্বরে বলিল, “দেখতে পাস নি, না? কি করবো বল, ব্যায়রাম—উঠি নি কতদিন বিছানা থেকে”—

তরলা বলিল, “ঐ জগ্নেই ত বলি, ও ছাই-পাশ খেয়ো না। মা গো, সে কি কম্প দিয়ে জ্বর! রাত যেন কাটে না! এমনই দিনের পর দিন। ভাগ্যে সেই সময়ে মোক্ষদা দিদিকে পেয়ে-ছিলুম, ও বাড়ীর ভূতো দিদির চেষ্টায়, না হ’লে কি যে করতুম, একলা মেয়েমানুষ—”

রণেন্দ্র হঠাৎ তরলার একখানি হাত ধরিয়া আত্মকণ্ঠে বলিল, “তরলা, সে ঋণ তোমার শুধতে পারবে না। যখন যমে-মানুষে আমায় নিয়ে টানাটানি করছিল, তখন তুমি —”

তরলা ঈষৎ কোপের সহিত বলিল, “যাও। ও সব বলো গিয়ে ভূতো দিদিকে, যে তোমার রাঁধুনী-চাকর এনে দিলে,

ডাক্তার-কবিরাজ ডাকালে!—বাসিন্দে কি না, কাশীবাস করেছে যে। এমন লোক কি আর হয়!”

ততক্ষণ বাহিরের বারান্দায় জলচৌকীর উপর রণেন্দ্র আসন গ্রহণ করিয়াছিল, বিশ্বস্তর তাহাকে তৈল-মর্দন করিয়া দিতেছিল। রণেন্দ্র শয্যাভ্যাগ করিবার পর হইতে প্রকৃতিস্থ হইয়াছিল। তাই সহজ স্বরে রসিকতা করিয়া বলিল, “দাতা দানই করে, আত্মপ্রসাদই তার পুরস্কার, তোমার কি তাতেও বঞ্চিত থাকতে হবে? এ কেমন কথা?” তরলা কোন উত্তর দিল না।

নিম্নতলে বাহিরের দ্বারে কড়া নড়িয়া উঠিল, প্রতাপ চীৎকার করিয়া উঠিল। ক্ষণপরেই মোক্ষদা দিদি মিহি-স্বরে জানাইলেন, এক জন কলিকাতা হইতে চিঠি লইয়া আসিয়াছে, বাবুর হাতে দিতে চাহিতেছে।

রণেন্দ্র বলিল, “আসতে বল এখানে।” তরলা কক্ষ-মধ্যে সরিয়া গেল।

আগন্তুক উপরে উঠিয়া রণেন্দ্রকে মুহূর্তকাল ভাল করিয়া দেখিয়া লইল, তাহার পর বস্ত্রাভ্যস্তর হইতে একখানি পত্র বাহির করিয়া বলিল, “ভবেন বাবু পত্র দিয়েছেন। বড় জরুরী, আপনার হাতে দিতে বলেছেন। আমি কাশীতেই বাস করি, দশাশ্বমেধে আমার মণিহারীর দোকান আছে। ভবেন বাবু আমার আত্মীয়।”

রণেন্দ্র বলিল, “জরুরী চিঠি? কেন? আপনি আমার ঠিকানা জানলেন কি করে?”



“আচ্ছা, বেটা টাকা পেলে কোথা ? এ সব কেসে পুলিশ ত ছেড়ে দেয় না।” কথাটা বলিয়া কালীনাথ জিজ্ঞাস্ননেত্রে গুপীনাথের দিকে তাকাইয়া রহিল।

গুপীনাথ হাসিয়া বলিল, “ও বেটাকে ছাড়লেই বা কি, ধরলেই বা কি ! বেটা চাকর বৈ ত নয়।”

তারক বলিল, “দেখুন কালীবাবু, ওকে ধরিয়ে দেওয়াটাই অন্তায় হয়েছে। আহা, ও বেচারী কিছুই জানে না। সকল নষ্টের গোড়া যে, তাকে শাস্তি দিন, তাকে ফাঁসি-কাঠে ঝুলিয়ে দিন, তবেই ত’ ন্যায়-বিচার হবে !” বলিতে বলিতে তারকের চক্ষু ধক্-ধক্ জলিয়া উঠিল। তাহার নয়নে হিংসার যে আগুন প্রদীপ্ত হইয়া উঠিল, তাহা এত কোমল বয়সে সম্ভব হইতে পারে, কালীনাথ এ ধারণাই করিতে পারিতেছিল না। গুপীনাথ তাড়াতাড়ি বলিল, “ভাবিস কেন, তারক। শালাকে জেলে পুরেছি এই দেখ না। এখন কালীবাবু আর কিছু ছাড়লেই হয়।”

কালীনাথ ঈষৎ উচ্চস্বরে বলিল, “আবার কি ? আমায় টাকার গাছ পেয়েছিস না কি ? আবার কিসের টাকা !”

গুপীনাথ বলিল, “বটে না কি ? টাকা কিসের জান না তুমি, না ? বাবা ফাঁকীতে এ সব চলে না—তোমার কেস একটা মুখের কথায় ফাঁস ক’রে দিতে পারি জান ত !”

কালীনাথ ইঙ্গিতে গুপীনাথকে নীরব হইতে বলিয়া তারককে লক্ষ্য করিয়া বলিল, “কি হে ছোকরা, কাশীতে কি ক’রে এলে, তা ত বল্লে না ।”

তারক বলিল, “কেন, গুপীনাথকে ত সব বলেছি ।”

গুপীনাথ বলিল, “হাঁ, হাঁ বলেছে বটে । তা তুমি ঐ সোনা বেটার কথা তুল্লে—কাষ গুছিয়ে এসেছে ছোকরা । এখন বেড়াজাল ফেলা তোমার হাত । তাই ত বলছি, কিছু টাকা ছাড় বাবা, ওকে কাশী পাঠাতে পয়সাকড়ি যা ছিল—গিয়েছে—”

কালীনাথ তাড়াতাড়ি বলিল, “হাঁ, হাঁ, সে সব দিচ্ছি ঠিক ক’রে, গুপীনাথ । ওর জন্তে ভাবনা কি ? বাড়ী চিনে এসেছো, তারকনাথ ? কাশীর বাড়ী ?”

গুপীনাথ তারককে জবাব দিবার অবসর প্রদান না করিয়া তাড়াতাড়ি বলিল, “ঠিক যে ক’রে এসেছে, এমন কথা বলতে পারি নে, তবে লোক লাগিয়ে এসেছে ছোকরা ।”

কালীনাথ ভ্রূ কুঞ্চিত করিয়া জিজ্ঞাসা করিল, “তার মানে ? মুঠো মুঠো টাকা খরচ ক’রে এলে—আর বাড়ী ঠিক করতে পার নি ?—বাঃ, খুব কাষের ছেলে ত ! বাঃ !”

## স্পর্শের প্রভাব

কালীনাথের মুখমণ্ডল বিরক্তিতে ভরিয়া উঠিল। সে বলিল, “আর আমি ত এখানে কেমন ছুদিনে ঐ ভবেন বেটাকে ওর হুগলীর মামার বাড়ী থেকে টেনে বার করলুম। কায চাই, জানলে—কায চাই, কথায় শুধু কায হয় না।”

শুপীনাথও তাহার অনুকরণ করিয়া মৃদু হাসিয়া বলিল, “ঠিক, ঠিক, শুধু কথায় কায হয় না, কথা ছাড়া আরও কিছু ছাড়তে হয়, বাবা। হুগলীর কাযটাও মশাই করলে ত ঐ ছোকরা।’

কালীনাথ বিরক্তিভরে বলিল, “আঃ! বলছি ত হবে’খন। ই! বল ত ছোকরা, কাশী গিয়ে কি ক’রে এলে—”

এবার আর শুপীনাথ বাধা দিল না, তারক বলিতে লাগিল, “শুপীদা’র কথামত ওদের পেছু নিয়ে হাওড়ার ষ্টেশনে গিয়ে ওদেরই পাশের কামরায় চেপে বসলুম—”

কালীনাথ অধীরভাবে বলিল, “আহা, ও সব ত জানি—হুগলীতে পৌঁছে ওর বন্ধু ঐ ভবেনবাবু নেমে গেল, তুমি ওর সঙ্গে কাশীতে গিয়ে নামলে পরের দিন সকালে—”

তারক বলিল, “ওর সঙ্গে? ওর পাশের গাড়ীতে বলুন।”

“ই, ই, তাই হলো। তার পর?”

শুপীনাথ এতক্ষণে বাধা দিয়া বলিল, “ই, তুমিও যেমন! সাতকাণ্ড রামায়ণ গাইতে বসলো, নাও আমি ব’লে যাচ্ছি। এই তার পর হোঁড়া ওর ট্যাক্সীর পেছনে আর একটা ট্যাক্সীতে চ’ড়ে চললো। মিছরি-পোথরার কাছে নেমে বাবু ত চললেন।

বেশ যাচ্ছিল বরাবর, হঠাৎ মাঝে পড়ল এক কেতনের দল—  
তা'রা মড়া নিয়ে যাচ্ছিল—কেমন না, তারক ?”

তারক ঘাড় নাড়িয়া বলিল, “হাঁ, তাই বটে। দল ছাড়িয়ে  
ঐ বেটার পেছনে গিয়ে উঠবো, অমনই দেখি আর মানুষ নেই—  
একেবারে অস্ত্রধান ! যা ! এত কষ্ট—এত পরিশ্রম—”

শুগীনাথ বলিল, “বাঃ, শুধু পরিশ্রম ? তার সঙ্গে ঋদ্ধির—  
রূপেয়া ?”

কালীনাথ তাহাকে বাধা দিয়া বলিল, “যাক গে। তার পর  
কি করলে ?”

তারক বলিল, “তার পর পাগলের মত কেদারঘাটের দিকে  
ছুটলুম। কোথায় বা সে, আর কোথায় বা তার চুলের টিকি !  
ইন্তে হয়ে এখার ওখার চারিধারে ছুটোছুটি ক'রে ঘামে ভিজে  
গেলুম; এ গলি, সে গলি, কত গলি খোঁজ ক'রে বেড়ালুম,  
হু'চারটে লোককে ধাক্কা মেরে ফেলেই দিয়ে গেলুম, কেউ গাল  
দিলে, কেউ মারতে এল তেড়ে, কিন্তু সে সব গ্রাহ্যের মধ্যেই  
এলো না। বুনো মোষের মত—”

শুগীনাথ মুখে চুম্‌কুড়ি দিয়া ব্যঙ্গের স্বরে বলিল,—‘ভালা  
মোর বাপধন রে ! বেঁচে থাক, বাবা !”

কালীনাথ বিরক্তিভরে বলিল, “আঃ, থাম তুমি।  
তার পর ?”

তারক পুনরায় বলিল, “কেঁদে ফেললুম। তখন এক জন  
বান্ধালী ময়রা ডেকে বললে, ‘কি হয়েছে ছোকরা, কাউকে

## স্পর্শের প্রভাব

খুঁজছো?’ আমি হাউ হাউ করে কেঁদে বললাম, ‘হাঁ মশাই, বাবুর সঙ্গে আসছিলুম, এই বরাবর এসে কেতনের দল মাঝখানে পড়লো, আর খুঁজে পেলুম না তাঁকে—কোথায় যাব জানি নি।’ দোকানদার বললে, ‘ওঃ, তুমি বুঝি নতুন এসেছ? দেখ ছুটোছুটি ক’রে কাশীর গলিতে হারাণো মানুষ ফিরে পাবে না। বরং এইখানে দাঁড়িয়ে থাক, হয়ত তোমার বাবু তোমায় না পেয়ে এদিকে ফিরে আসবেন। আচ্ছা, কি রকম দেখতে তোমার বাবু বল দিকি?’ আমি বললুম, ‘খুব লম্বা দোহারা মানুষ—’ দোকানদার বললে, ‘হাতে একটা চামড়ার ব্যাগ ছিল?’ আমি আশার আলো দেখতে পেয়ে বললুম, ‘হাঁ, হাঁ ব্যাগ আছে’— দোকানদার বললে ‘তবে হয়েছে। ঐ যে আগে লণ্ঠনটা, ওরই পাশ দিয়ে গলি গেছে, ঐখানে গিয়ে খোঁজ করো, পাত্তা মিলে যাবে।’ তারই কথামত গলিটায় ঢুকলুম। কি বিস্তী নোংরা সরু গলি! অনেক বার যাওয়া আসা করেও কোন খোঁজ পেলুম না। ফিরে এলুম দোকানদারের কাছে। দোকানদার বললে, ‘দেখ একটু জিরিয়ে নাও। চানটান করে জল খেয়ে না হয় খোঁজ করো।’ তাই হ’ল। দোকানী হোটেল চিনিয়ে দিলে। সেই দিন থেকেই গলিটায় পায়চারী করতে লাগলুম, রাতে হোটেলেই শুতুম। কিন্তু সে যেন ভোজবাজীর তাসের মত উপে গেল। দোকানদারের পরামর্শে দশাশ্বমেধ-ঘাটে সন্ধ্যার সময় খোঁজ করলুম। সাত দিন কাটলে, কোন ফলই হ’ল না। সেই সময়ে গুপীদা’র চিঠি পেলুম এখানে ফিরে আসতে।’

গুণীনাথ বলিল, “তা কি ক’ব, কালীবাবুর জরুরী হকুম, হুগলীর কাষটার জন্তে—ঐ যে ভবা বেটার শ্রাদ্ধের যোগাড়—”

কালীনাথ অধীর হইয়া বলিল, “আঃ, ও সব কথা পরে হবে। বলতে দাও না, শেষটা কি হ’ল?”

তারকনাথ বলিল, “তার পর আর কি হবে? আসবার আগে কেষ্টোকে ব’লে এলুম নজর রাখতে গলিটার উপর। ব’লে দিলুম, তা’রা দু’জন, বাবু আর—”

তারকের মুখচক্ষু রাজা হইয়া উঠিল—সে মুষ্টি বন্ধ করিয়া নীরব হইল।

কালীনাথ তাহাকে উৎসাহিত করিবার অভিপ্রায়ে বলিল, “হাঁ হাঁ, বেশ বুদ্ধি খাটিয়েছিলে, ছোকরা। কিছু দিয়েছিলে তাকে?”

তারক বলিল, “কা’কে? কেষ্টোকে? হাঁ, সে আমার মত তিনটে তারকে কিন্তে পারে। তবে তার ছোঁড়া চাকর আছে একটা, ঝাঁটপাট দেয়, উতুন ধরায়, রস জাল দেয়, তাকে ঐ কায়ে লাগিয়ে দিয়ে এলুম ছুটো টাকা হাতে দিয়ে, আর খবর নিতে পারলে, আরও পাঁচ টাকা দেবো ব’লে এলুম। কেষ্টোকে ঠিকানাটাও আমার দিয়ে এলুম—”

কালীনাথ বলিল, “বাঃ, ছোকরা, বেশ করেছ তুমি। তা, কিছু খবর পাওনি তার পরে?”

তারক বিষণ্ণমুখে বলিল, “ঐ যা কিছু যৎসামান্য—কেষ্টো লিখেছে ফিরে যেতে—”

## স্পর্শের প্রভাব

কালীনাথ ব্যগ্রভাবে জিজ্ঞাসা করিল, “কৈ, কি লিখেছে দেখি ! কিছু ত বল নি ?”

গুপীনাথ এতক্ষণ তারকনাথকে চক্ষুর সঙ্কেতে কত কি বলিতেছিল, নির্বোধ তারকনাথ তাহা বুঝিতে পারে নাই। এইবার গুপীনাথ তারকের উত্তরের প্রতীক্ষা না রাখিয়াই বলিল, “ওঃ, খবর ত ভারি ! দেখেছে ঘাটে এক দিন, কিন্তু বাড়ী ঠিক করতে পারে নি—”

এই সময়ে বেহারা আসিয়া একখানা পত্র দিল। পত্র আসিয়াছে, রেজেস্ট্রি ডাকে। পত্র পাঠ করিতে করিতে কালীনাথের মুখ গম্ভীর হইল, সে-মুখে ক্রোধ ও বিরক্তির চিহ্ন স্পষ্ট প্রকটিত হইয়া উঠিল। গুপীনাথ বলিল, “কি ওখানা ?”

কালীনাথ বলিল, “উকীলের চিঠি। তোমরা এখন যাও।”

গুপীনাথ হাত পাতিয়া তারকের দিকে নজর রাখিয়া নিম্নস্বরে কালীনাথকে বলিল, “টাকা ?”

কালীনাথ বিরক্ত হইয়া বলিল, “আমি ত পালাচ্ছি না, টাকাও না, যাও এখন। কালী ফিরে যাচ্ছ ত আজই, ছোকরা ? খরচের টাকাকড়ি হাওড়ার স্টেশনে গিয়ে দিয়ে আসবো।”

গুপীনাথ তারককে লইয়া নিম্নতলে নামিয়া গেল। কালীনাথ পত্রখানা আবার পাঠ করিল। ক্ষণপরে তাহার অধর হাস্য-রেখাঙ্কিত হইল। আপন মনে বলিল, “উঃ, ভয়ে ত ম’রে গেলুম। বাবা, কালীনাথ সে ছেলে নয় যে, কাঁচা কাষ করবে। এমন কত

ঝই-কাতলা খেলিয়ে এলুম, এ ত একটা বাচ্ছা, গলা টিপিলে দুধ বেরোয় !”

চিঠিখানা মুষ্টিবদ্ধ করিয়া কালীনাথ কিছুক্ষণ কক্ষমধ্যে পাদ-চারুণা করিয়া বেড়াইল ; কখনও দ্রুত, কখনও মন্থর । সঙ্গে সঙ্গে তাহার মুখমণ্ডল নানা রেখায় অঙ্কিত হইয়া উঠিতে লাগিল । তাহার মনোমধ্যে নানা চিন্তার ধারা বহিয়া যাইতে লাগিল । সে তাহাকে উকীলের চিঠি দিবার কে ? যাহার বিষয়—সে তাহাকে আম-মোক্তারনামা দিয়া ভার দিয়াছে ! সে তাহার স্ত্রী ! স্ত্রী—কিসের স্ত্রী ? যাহাকে মালিক স্ত্রী বলিয়া স্বীকার করে না, যে স্ত্রী বলিয়া সমাজে গণ্য নহে, সে কিসের স্ত্রী ? ওঃ, গোখরোর মত ফণা ! বিষ নাই, তার কুলার মত চক্র !

আচ্ছা, জ্যোৎস্নাময়ী বিষয়ের দাবী করে কি হিসাবে ? উহার পিতা ত ঐ বিষয় বিষ বলিয়া ত্যাগ করিয়াছে, কন্যাকেও করাইয়াছে—তবে ? তবে কি সে অন্তরে বাপের মতের বিরুদ্ধভাব পোষণ করে ? কিন্তু না, সে ত যতদূর সম্ভব মিশিয়াছে, যতদূর সম্ভব উহাদিগকে মিষ্ট কথায় বশ করিয়াছে, নানা ভাবের কথার আলোচনায় বুঝিয়াছে, কন্যা পিতারই ইচ্ছিত মানিয়া চলে । তবে ? হঠাৎ এ বিদ্রোহ কেন ? এ উকীলের চিঠি সে কাহার পরামর্শে দিয়াছে ? রাজেশ্বর বাবুর পরামর্শে যে নহে, তাহা সে শপথ করিয়া বলিতে পারে । তবে ?

কালীনাথ আবার চেয়ারে আসিয়া আসন গ্রহণ করিল, আলোকের সম্মুখে পত্রখানি খুলিয়া আবার মনোযোগ সহকারে



## স্পর্শের প্রভাব

পাঠ করিল। পত্র খানিতে এই ভাবের কথা লেখা ছিল :—“আমি আমার মক্কেল চাঁপাপুকুর নিবাসিনী শ্রীমতী জ্যোৎস্নাময়ী দেবীর উপদেশ অনুসারে আপনাকে জানাইতেছি যে, অল্প হইতে সাত দিনের মধ্যে আপনি যদি তাঁহার চাঁপাপুকুরস্থ বাগানবাটী ও তৎসংক্রান্ত ভদ্রাসন, জমীজমা এবং স্থাবর ও অস্থাবর সম্পত্তি ছাড়িয়া না দেন, এবং উক্ত সাত দিনের মধ্যে তাঁহাকে তাঁহার এই ন্যায্য প্রাপ্য সম্পত্তিতে দখলীকার স্বত্ব প্রদানের ব্যবস্থা না করেন, তাহা হইলে আমার মক্কেল উক্ত শ্রীমতী জ্যোৎস্নাময়ী দেবী তাঁহার উকীলের পরামর্শ অনুসারে এ বিষয়ে আপনার সহিত আর কোনও লেখালেখি না করিয়া আদালতের আশ্রয় গ্রহণ করিতে বাধ্য হইবেন। এতদ্বারা আপনাকে ইহাও জানানো যাইতেছে যে, বাগানবাড়ীর পুরাতন মালী সনাতনকে আমার মক্কেল শ্রীমতী জ্যোৎস্নাময়ী বাগানের তত্ত্বাবধানে বাহাল করিতেছেন। অতঃপর তাহাকে ছাড়াইয়া দেওয়া না দেওয়া তাঁহার বিবেচনা-সাপেক্ষ। সুতরাং তাহাকে কৰ্ম্মচ্যুত করার জন্য আপনি আইনের দৃষ্টিতে অপরাধী বলিয়া গণ্য হইবেন, জানিয়া রাখিবেন।”

কালীনাথের ললাট হিংসা ও ক্রোধে রেখাঙ্কিত হইয়া উঠিল। দারুণ হিংসা ও ঘৃণাভরে মুষ্টি বদ্ধ করিয়া সে আপন মনে বলিল, “এঃ! একেবারে নবাব সেরাজুদ্দৌলা এলেন আর কি! কে তুই?”

কালীনাথ দ্রুত পাদচারণা করিয়া বেড়াইতে লাগিল।

তাহার চিন্তাস্রোত অবিরাম-গতিতে প্রবাহিত হইতে লাগিল। এই হতচ্ছাড়া সোনা মালীটা উহার কে? জ্যোৎস্না কত দিনই বা এই গ্রামে আসিয়াছে? বাজেশ্বর ত জামাতার মুখদর্শন করেন না, কন্ঠাকেও করিতে দেন না, তবে জ্যোৎস্না স্বামীর বিষয়ে অধিকারিণী হয় কিরূপে? এত কৌশলে তরী ভিড়াইয়া তটপ্রান্তেই কি ভরাডুবি হইবে? রাজেশ্বরের ক্রোধের অগ্নিতে এত ইন্ধন যোগান দেওয়া কি বৃথা যাইবে? তবে তাহার কন্ঠাটা এমন বিপথে চালিত হইল কিরূপে? সে স্বামীর বিষয়েব অধিকারিণীরূপে কলহ বাধাইতে আসে কোন্ সাহসে, কাহার ভরসায়?

বাগান-বাড়ীতে রাজত্ব করিবে সোনা মালী? হাঃ হাঃ হাঃ! কালীনাথ! যে অস্ত্র আছে তোমার হস্তে, দেখি, কে সেই অস্ত্রের সন্মুখে দাঁড়াইয়া যুদ্ধে আগ্রহান হয়!

সংবাদপত্র পাঠ করিতে করিতে রাজেশ্বর বাবু চমকিয়া উঠিলেন, চায়ের পেয়ালাটা হস্তচ্যুত হইবার উপক্রম করিল। উঃ, কি ভীষণ সংবাদ! সংবাদটি এইভাবে—

“গতকল্য কাশীর মিছরিপোথরায় এক লোমহর্ষণ হত্যার চেষ্টা ও আত্মহত্যা হইয়া গিয়াছে। কিছু দিন হইতে এই পল্লীর এক দ্বিতল গৃহে একটি বাঙ্গালী যুবক ও যুবতী স্বামী-স্ত্রীরূপে বাস করিতেছিল। ঘটনার দিন সন্ধ্যার পর একটি কিশোর-বয়স্ক বাঙ্গালী গৃহস্বামীর ভৃত্যকে বলে যে, সে কলিকাতা হইতে এক জরুরী পত্র লইয়া আসিয়াছে, তখনই বাবুর সাক্ষাৎ প্রার্থনা করে। গৃহস্বামী তাহার সহিত সাক্ষাৎ করেন। তিনি যখন পত্রপাঠে মগ্ন, তখন আগন্তুক হঠাৎ বস্ত্রাভ্যস্তর হইতে পিস্তল বাহির করিয়া তাঁহাকে লক্ষ্য করিয়া উপযু্যপরি দুই তিনটি গুলী করে। ভৃত্যটি ভয়ে একরূপ অচৈতন্য হইয়া পড়ে। গৃহস্বামীও প্রথমে হতবুদ্ধি হইয়া কোন বাধা দিতে পারেন নাই। প্রথম

গুলী তাঁহার বামহস্ত ঘর্ষণ করিয়া প্রাচীরে বিদ্ধ হয়, দ্বিতীয় গুলীও ব্যর্থ হয়। কারণ, ঠিক সেই মুহূর্তে একটি যুবতী আন্তনাদ করিয়া উভয়ের মধ্যে ঝাঁপাইয়া পড়ে। গুলীটি তাহার বক্ষঃপার্শ্ব ভেদ করিয়া চলিয়া যায়। সেই সময়ে এক অভাবনীয় কাণ্ড ঘটে। লোকটী যখন গৃহস্থামীকে লক্ষ্য করিয়া তৃতীয়বার পিস্তল তুলিয়া ধরে, তখন জলন্ত উদ্ধার মত একটা প্রকাণ্ড কুকুর ভীষণ চীৎকার করিয়া কক্ষমধ্যে উপস্থিত হয় এবং লক্ষ্য দিয়া আততায়ীকে আক্রমণ করে। আগন্তকের লক্ষ্য ভ্রষ্ট হইয়া যায়, কিন্তু সেই গুলী কুকুরের মস্তক ভেদ করে। আহত যুবক ততক্ষণে প্রকৃতিস্থ হইয়া তাহার উপর ঝাঁপাইয়া পড়েন এবং কোঁশলে পিস্তলটি ছিনাইয়া লইয়া দূরে ফেলিয়া দেন। ধস্তাধস্তির সময় আততায়ী একবার আপনার কণ্ঠদেশ লক্ষ্য করিয়া গুলী ছোড়ে, সেই গুলী হত্যাকারীর কণ্ঠ ভেদ করে। এই ভয়াবহ শোচনীয় কাণ্ডে কাশী সহরে ছলস্থল পড়িয়া গিয়াছে। পুলিশ এই ব্যাপার সম্বন্ধে কোন কথা বলিতে চাহিতেছে না। তাহার। ইহার রহস্য-ভেদের জ্ঞান যথাসাধ্য চেষ্টা করিতেছে। গৃহের ভূতোর বিবরণে এই সকল কথা প্রকাশ পাইয়াছে। সে বলিয়াছে, গৃহস্থ কলিকাতার ধনবান্ জমীদার।”

সম্ভ্রান্ত জমীদার, প্রকাণ্ড কুকুর, বালক আততায়ী, সন্দেহজনক জীবন-বাণন,—সবই ত মিলিয়া যাইতেছে! কক্ষণে তাঁহার প্রাণসমা কন্যাকে এই অভিশপ্ত বংশে সম্প্রদান করা হইয়াছিল! সাহারার শুষ্ক মরুর মত তাহার এই নিঃসঙ্গ জীবনের পরিণাম

## স্পর্শের প্রভাব

কোথায় ? হতভাগ্য যুবক—অভিশপ্ত বংশে জন্ম—তাহার মুকুলিত জীবন ব্যর্থতার তপ্তশ্বাসে অকালে শুকাইয়া গেল। আজ সে গৃহহীন, চরিত্রহীন, সে আজ আততায়ীর করাল দণ্ডের লক্ষ্য—হয় ত ইহারও অপেক্ষা ভীষণ শাস্তি তাহার ললাটে লিখিত আছে। এই অভিশপ্ত জীবন হইতে তিনি তাঁহার কত্তার জীবনধারাকে অন্য ধারায় চালিত করিয়া কি অন্তায় করিয়াছেন ?

না, তিনি পিতার কর্তব্যই পালন করিয়াছেন। কিন্তু তাঁহার কত্তার ভবিষ্যৎ কি ঘনঘোর অন্ধকারে আচ্ছন্ন ! কি পাপে আজ তাহার এই শাস্তি ! সে ত স্বেচ্ছায় তাহার ভাগ্যসূত্র এই অভিশপ্তের সহিত গ্রথিত করে নাই। সে কি তাহার স্বপ্নর-কুলের পাপের জন্ত দায়ী ?

“রাজু বাবু, বাড়ী আছেন না কি ?”

রাজেশ্বর বাবু চমকিত হইয়া বলিলেন, “কে ?”

বাহির হইতে উত্তর হইল, “আজ্ঞে, আমি কালীনাথ। এক-বার বাইরে আসবেন কি ?”

রাজেশ্বর বাবু বলিলেন, “আরে কালীনাথ, তুমি ? ক’দিন দেখিনি যে ? এস, এখানেই এস, তোমায় লজ্জা করবার কে আছে ? বিশেষ, জ্যোৎস্না এই খানিক আগে স্নান্নকে নিয়ে বেড়াতে বেরুলো। এস হে, ভয়কর খবর।”

কালীনাথ ভিতরে আসিয়া বলিল, “শুনেছি সব, কাশীর ত ?”

রাজেশ্বর বাবু বলিলেন, “হাঁ, কাশীর। হতভাগা প্রাণে মরে নি, এই যা। বোটোর কি হ’ল ?”

কালীনাথ বলিল, “কিছুই জানি না। কাগজে যা পড়েছেন আপনি, আমিও তাই জানি। থাক, সে পরের কথা। দেখুন দিকি, এ চিঠিখানার কিছু জানেন কি?”

রাজেশ্বর বাবু বলিলেন, “চিঠি? দেখি।”

কালীনাথ বলিয়া যাইতে লাগিল, “জানেন ত, আমি সাতোশ নেই, পাঁচোশ নেই। সে দিয়ে গেছে আমার উপর ভার, নইলে আমার কি মাথাব্যথা? আমায় এ উকীলের চিঠি দেওয়া কেন?”

রাজেশ্বর বাবু বিস্মিত নেত্র উত্তোলন করিয়া বলিলেন, “তাই ত—এর আমি ত কিছুই জানি না। সব কথা আমায় বলে—এটার বেলা ত আমার পরামর্শ নেয় নি। তুমি চিঠি পেলেন কবে?”

কালীনাথ বলিল, “দিন সাত আগে। তখনই চ’লে আসছিলুম, কেবল ক’টা ঝঞ্জাট মিটুতে ছিল, তাই দেয়ী হ’ল। আজ সকালে এখানে আসবার সময় স্টেশনে কাগজ কিনে পড়লুম কালীর ব্যাপার। মনটা একেই চিঠি পেয়ে খারাপ ছিল—তার উপর—যাক্ গে, এ চিঠি পাঠিয়ে ভয় দেখাবার উদ্দেশ্য কি? বলছেন, আপনার সঙ্গে পরামর্শ করে নি। তবে জ্যোৎস্না এ উকীলই বা পেলেন কোথায়, চিঠিই বা লিখলে কেন, তা ত বুঝতে পারছি না—জ্যোৎস্না—”

কালীনাথ হঠাৎ নীরব হইল, যাহার সম্বন্ধে সে বিকল্প সমালোচনা করিতেছিল, সেই জ্যোৎস্নাময়ীই দ্বারে উপস্থিত। রাজেশ্বর বাবু জিজ্ঞাসা করিলেন, “কি মা, ফিরে এলে যে? সুখা কোথায়?”

## স্পর্শের প্রভাব

জ্যোৎস্না সম্মুখে স্বামীর জ্যেষ্ঠভাতাকে দেখিয়া মুখের অবগুষ্ঠন একটু টানিয়া দিয়াছিল মাত্র, কিন্তু সে পরিষ্কার-কণ্ঠে জবাব দিল, “সুখা প’ড়ে গিয়েছে, পা’টা মচ্কে গিয়েছে, সোনাদা’র বাড়ী সে রয়েছে, ফিরে এলুম খবর দিতে। তা’কে এখনই আনবার বন্দোবস্ত করতে হবে।”

রাজেশ্বর বাবু চমকিত হইয়া দারুণ উৎকর্ষ ও আতঙ্কমিশ্রিত স্বরে বলিলেন, “এ্যা, প’ড়ে গিয়েছে, কোথায় ?”

রাজেশ্বর বাবু উত্তরের প্রতীক্ষা না করিয়াই কক্ষ হইতে নিষ্কাশিত হইয়া গেলেন। যাইবার সময় শুনিলেন, জ্যোৎস্না বলিতেছে, “সোনাদা’র বাড়ীর কাছ বরাবর ছিট বাকুইদের বরোজের পাশে।”

জ্যোৎস্না কালীনাথকে বলিল, “আপনি আমার কথা কি বলছিলেন ? ঘরে ঢোকবার সময় যেন শুনলুম—”

কালীনাথ বলিল, “হাঁ, তোমারই কথা হচ্ছিল, জ্যোৎস্না। দেখ ত এই চিঠিখানা কি তুমিই দিয়েছো ?”

জ্যোৎস্না অবিকম্পিত স্বরে বলিল, “হাঁ।”


কালীনাথ বিস্মিত হইবার ভান করিয়া ঈষৎ ক্রোধ-কম্পিত স্বরে বলিল, “তুমি ? তুমি জ্যোৎস্না ? তোমার এ চিঠির মানে ?”

জ্যোৎস্না গম্ভীরকণ্ঠে বলিল, “মানে চিঠিতেই আছে। যদি বুঝতে না পেরে থাকেন, তা হ’লে আরও স্পষ্ট ক’রে বুঝিয়ে দিচ্ছি—আজ হ’লে চিঠির ৭ দিনের মেয়াদ ফুরিয়ে যাবে। এখনও যদি আপনি বাগানবাড়ী সোনাদা’র হাতে ছেড়ে না দেন, তা হ’লে—”

কালীনাথ এইবার সত্যই কষ্টস্বরে বলিল, “তাই হ’লে কি করবে, বাড়ী থেকে তাড়িয়ে দেবে? ওঃ, তবু যদি মালিক তোমায় ঘরে নিত।”

জ্যোৎস্না শেষ অবধি কোন বাধাই দিল না, কথাগুলি নীরবে শুনিয়া গেল। তাহার পর ধীর স্থির অবিচলিত স্বরে বলিল, “যে পবেব অন্নদাস, সে অসহায় নাবীকে এমনই ক’রেই অপমান ক’রে থাকে বটে। যাক, আমার সময় নেই, শেষ কথা ব’লে যাচ্ছি। এ বিষয়েব মালিক আমি, তাব দলীল দস্তাবেজ আছে। দেখতে চান, আমাব উকীলের কাছে সন্ধান নেবেন। উকীলের নাম-ঠিকানা চিঠিতেই আছে। আমাব কথাও যে, কাযও সে, এটা জেনে বাখবেন।”

জ্যোৎস্না কোন দিকে দৃকপাত না করিয়া গর্বিত-পাদক্ষেপে, মহিমময়ীরূপে কক্ষান্তরে চলিয়া গেল। কালীনাথ রুদ্ধবীৰ্য্য স্পর্শের মত নীববে আহত-হৃদয়ে তাহার চলন্ত মুক্তির দিকে চাহিয়া রহিল।





বহুক্ষণ পল্লীর গৃহস্থ-গৃহগুলি দীপ নিভাইয়া প্রকৃতির নিবিড় তিমিররাজ্যে আত্মগোপন করিয়াছিল। চারিদিকে স্থপ্তির গাঢ় নীরবতা। কিন্তু জ্যোৎস্নার নয়নে আজ নিদ্রার কোন সম্বন্ধই ছিল না। অদূরে সুধাংশু শয্যায় শুইয়া ঘুমঘোরে আচ্ছন্ন। পার্শ্বস্থ কক্ষে পিতার নাসিকাধ্বনি সহকারে অনিদ্রার পরিচয় জ্যোৎস্নার মানসিক দৃষ্টিভঙ্গ্যকে যেন আরও উদগ্র করিয়া তুলিতেছিল।

শয্যা হইতে উঠিয়া সে বাতায়নের ধারে জলচৌকীর উপর বসিল। মুক্ত বাতায়নপথে নক্ষত্রভরা উদার আকাশের শ্রামরূপ দেখা যাইতেছিল। ধ্যানমগ্না নিশীথিনীর নিষ্পন্দ রূপ জ্যোৎস্নার অন্তরে সহস্র প্রহ্ন জাগাইয়া তুলিল।

তাহার সমগ্র অতীত জীবনে এমনই নিষ্পন্দ ধ্যানমুগ্ধি তাহার অন্তরে ছায়াপাত করে নাই কি? বর্তমানও ত এইরূপ দীপ্তিহীন, গাঢ় অন্ধকার রাজ্য তাহার অন্তরে স্থাপন করিয়া

রাখিয়াছে। ভবিষ্যৎ জীবনেও কি গাঢ়তমিস্রার পরিবর্তে চন্দ্রালোকিতা, পুষ্পবাসস্ববাসিতা রজনীর মহিমময়ী চিত্ররেখা ফুটিয়া উঠিবে ?

কি বিচিত্র তাহার জীবন ! নারীচিত্তের জাগরণের পূর্বেই সে দাম্পত্য-জীবনে প্রবেশ করিয়াছিল। সে যুগের, সেই জীবনপথে প্রবেশের কোনও স্মৃতিই তাহার নাই বলিলেই চলে। যাহা আছে, তাহাতে শুধু একটা অস্পষ্ট স্বপ্নের ছিন্ন-বিচ্ছিন্ন অসংলগ্ন কয়েকটি রেখাচিত্রমাত্র—তাহাতে অন্তর কোন একটা অবলম্বন পায় না।

অথচ সত্যই সে বিবাহিতা পত্নী। শালগ্রামশিলা, দেবতা ও অগ্নিকে সাক্ষী রাখিয়া শত শত নরনারীর সম্মুখে মানব-জীবনের ঈঙ্গিত, সেই পবিত্র এবং শ্রেষ্ঠতম পুণ্যকার্য সম্পাদিত হইয়াছে। অতি বাল্যকালে দৃষ্ট স্বামীর মুখাবয়ব মনে না পড়িলেও, জ্ঞানসঞ্চারের সঙ্গে সঙ্গে তাহার ‘আয়তি’র লক্ষণগুলি তাহার চিত্তে স্বামীর অস্তিত্ব, বিবাহিত জীবনে হিন্দুনারীর অবশ্যপালনীয় কর্তব্য সম্বন্ধে তাহাকে সচেতন করিয়া দিয়াছিল।

মানুষের মন সকল অবস্থাতেই কোন না কোন অবলম্বনকে আশ্রয় করিবার জন্য উন্মুখ হইয়া থাকে। যৌবন ত অবশ্যই চাহে। জ্যেষ্ঠতার মন তাহার বিবাহিত জীবনের অস্পষ্ট স্মৃতিকে কি আঁকড়িয়া ধরিয়া থাকে নাই ? সহোদরের প্রতি স্নেহ, পিতার প্রতি ভক্তি, অধ্যয়নের প্রতি অমুরাগ পরিপূরক হিসাবে কায করিয়া চলিয়াছিল। ইহা কি সত্য নহে ?

## স্পর্শের প্রভাব

হাঁ, জ্যোৎস্না তাহা! জানে। তাই দুঃপ্রাপ্যকে পাইবার ক্ষীণ আশা এতদিন তাহার মনে নৈরাশ্রের সঞ্চার করিতে দেয় নাই। কিন্তু পিতার নিকট হইতে সকল কথা স্পষ্টরূপে জানিবার পর হইতে তাহার মনের উপর যে জটিল সমস্যার ছায়া পড়িয়াছে, তাহাতে তাহার কর্তব্যনিষ্ঠ, পিতৃভক্ত চিন্তা দোলায়মান হইয়া উঠিয়াছিল।

অপরিচিত স্বামীর সহিত আকস্মিক পরিচয় এক দিকে যেমন তাহার মনের এক প্রান্তে একটা নূতন আলোকপাত করিয়াছিল, আবার সেই স্বামীর সহিত তাহার সকল প্রকার সম্বন্ধ রহিত করার প্রস্তাবও আকস্মিকভাবে তাহার চিন্তাকে আলোড়িতও করিয়াছিল। তার পর যখন সে জানিতে পারিল, তাহার স্বামী চরিত্রের পবিত্রতা হারাইয়া ফেলিয়াছে, তখন বিভিন্ন ভাবপ্রবাহে তাহার ক্ষুদ্র অন্তর অস্থির হইয়া উঠিল। তার পর স্বামীকে হত্যার চেষ্টা—চারিদিক্ হইতে যেন একটা বিরাট অন্ধকার তাহার ভবিষ্যৎকে আচ্ছন্ন করিয়া ফেলিয়াছে।

কি তাহার কর্তব্য? কোন্ দিকে পথের সন্ধান সে পাইবে?

তাহার স্বামী রণেন্দ্রনাথ দুঃশ্চরিত্র, মত্তপ। তাহার প্রমাণের অভাব নাই। আবার মহৎ-হৃদয়, উদার, তাহারও অসংখ্য প্রমাণ বিद्यমান। কিন্তু ইহজীবনে সে পিতৃদ্রোহিণী হইবে না, জন্মদাতা, স্নেহময় পিতার নিদারুণ ক্রোধের কারণ হইবে না। বলিয়া নিজের অন্তরের কাছে সে অঙ্গীকারবদ্ধ।

যদি তাহা না হইত, তাহা হইলেও কি সে এই অধঃপতিত পুরুষকে স্বামী বলিয়া স্বীকার করিতে পারিত ?

জ্যোৎস্না বসিয়া থাকিতে পরিল না। উত্তেজনার আতিশয্যে সে উঠিয়া দাড়াইল।

দূরে—উজ্জল নক্ষত্রপুঞ্জের মধ্যে কোনও পথের ইঙ্গিত লক্ষিত হইতেছে কি ? নিশীথ-রজনীর অন্ধকার-অবগুণ্ঠনের অন্তরাল হইতে কোনও অদৃশ্য বাণী কি ঝঙ্কত হইয়া উঠিতেছে ?

মানুষ দেবতা নহে। সত্য, সত্য—মানুষই অপরাধ করে।

আজ যে পথে রণেন্দ্র নামিয়া গিয়াছে, তাহার জ্ঞাত অংশতঃ সেও কি দায়ী নহে ?

স্বামী তাহার সম্মান, পরিচয় পাইয়া তাহারই কাছে আশ্রয়-প্রার্থীরূপে ছুটিয়া আসে নাই কি ? সে তাহার কি উত্তর দিয়াছিল ?

সত্য বটে, স্বামী বলিয়া ভালবাসিবার অবকাশ তাহার ঘটে নাই। সত্য বটে, উভয়ের পবিত্র সম্বন্ধকে চরিতার্থ করিবার কোনও সুযোগ তাহাদের মধ্যে উপস্থিত হয় নাই। কিন্তু—

উভয় করপুট বক্ষোদেশে স্থাপিত করিয়া অনন্ত চিন্তাসমুদ্রের মধ্যে সে যেন হাঁপাইয়া উঠিল।

রণেন্দ্রের প্রতি সত্যই কি তাহার চিন্তের কোন আকর্ষণ জাগে নাই ?

জ্যোৎস্না শিহরিয়া উঠিল। বোটানিক্যাল উद्याনের সেই কুক্করশকা হইতে মুক্তকারী তরুণ যুবকের স্পর্শের স্মৃতি তাহার অন্তরকে আন্দোলিত করিতে লাগিল। তখন মুহূর্তের জ্ঞাতও যে

## স্পর্শের প্রভাব

পুলকসঞ্চার সে অমুভব করিয়াছিল, তাহা কি শুধু যৌবনের স্বধর্ম-সঞ্জাত ক্ষণিক বিস্মৃতি, অথবা অতীতের অন্ত কোনও ইঙ্গিত ? তার পর, তার পর সে দিন, মিনতি-ব্যাকুল স্পর্শের স্মৃতি ?

জ্যোৎস্না দুর্বলতার মোহকে অতিক্রম করিবার জন্ত দুই চারিবার ঘরের মধ্যে পরিক্রম করিয়া বেড়াইল।

ঘুমের ঘোরে স্খাংশু একবার “দিদি” বলিয়া ডাকিয়া উঠিল। জ্যোৎস্না তাহার শয্যার কাছে দাঁড়াইল। আর কোন শব্দ হইল না। তখন তরুণী আবার লঘুচরণে বাতায়নের কাছে আসিয়া দাঁড়াইল।

বিপুল রহস্যময়ী রজনীর মতই তাহার সমস্ত জীবনটা রহস্যজালে সমাচ্ছন্ন। কোনও দিক্ হইতে সমাধানের কোন ইঙ্গিত আসিতেছে না। সে কি করিবে ? কোন্ পথে চলিবে ?

তরুণী আপনাকে অত্যন্ত নিঃসহায় মনে করিয়া জাহ্নু পাতিয়া ভূমিতলে বসিয়া পড়িল। সে বাল্যকালে দেবতার অর্চনা করিতে শিখিয়াছিল। দেবমন্দিরে গিয়া সে ভক্তির অঞ্জলি নিবেদন করিতে কোনও দিন কুণ্ঠিত হয় নাই। সে নানাগ্রন্থে পড়িয়াছে, বিপদে পড়িলে ভগবান্কে ডাকিতে হয়। আজ সে আপনার অবস্থার ঘূর্ণাবর্তে পড়িয়া তাঁহারই শরণ লইল।

নিমীলিত-নেত্রে সে অনেকক্ষণ বসিয়া রহিল। তাহার দুই নয়ন বহিয়া ধারায় ধারায় অশ্রু নামিয়া আসিল। শাস্তি সে পাইল কি না, সেই জানে। কিন্তু কিছুকাল পরে উঠিয়া দাঁড়াইয়া সে শয্যার দিকে অগ্রসর হইল।

“কালীদা’ !”

গভীর নিশীথে সেই বাণী যেন বন্দুকের বজ্রনির্ঘোষের মত ভীষণভাবে কালীনাথের কর্ণে ধ্বনিত হইল, পুলিশের দারোগার পত্র ও মামলার নথি-পত্র পাঠে অভিনিবিষ্ট-চিত্ত কালীনাথ আতঙ্কে চমকিত হইয়া উঠিল। ক্ষিপ্ৰগতিতে কাগজগুলি টানার মধ্যে লুকাইয়া চারিদিকে ভীত-চকিত দৃষ্টিপাত করিয়া কালীনাথ কম্পিত-কণ্ঠে বলিল, “কে ?”

“আমি—রণেন্দ্র, দোর খোল।”

কালীনাথের মুখখানা অমানিশার মত কালো, আঁধার হইয়া গেল। তাহার হৃৎপিণ্ড দ্রুত দ্রুত করিয়া কাঁপিয়া উঠিল। তার পর সম্বন্ধে আপনাকে সংবরণ করিয়া নিতান্ত কুণ্ঠিতচরণে দ্বার অর্গলমুক্ত করিয়া বলিল,—“রণেন, তুমি ? এত রাত্রে তুমি কোথা থেকে ?”

রণেন্দ্র একখানা কেদারায় আস্ত, ক্লাস্ত, অবসন্ন দেহ এলাইয়া দিয়া বলিল, “সে ঢের কথা। সোনাদা’ কোথায় ? ওহো, সে ত

## স্পর্শের প্রভাব

রাজিতে বাড়ীই যায়। থাক, কিছু খেতে দিতে পার ? এই যে কুঁজোয় জলও আছে—আঃ !”

কালীনাথ নীরবে গম্ভীর হইয়া বসিয়া রহিল। হস্ত-মুখ প্রক্ষালন করিতে করিতে রণেন্দ্র বলিল, “ভাবছ, দোতলায় উঠলুম কি ক’রে ? ছেলেবেলা থেকে সে অভ্যাস আছে। বাঃ, ব’সে রইলে যে, কিছু খেতে দিতে পার না ? কিছু নেই ? দুটো মুড়ী-মুড়কী ? তাও না ? ফল-ফুলুরী ?”

কালীনাথ বলিল, “এলে কোথেকে ? কাশীর হাসপাতাল থেকে ছাড়লে যে বড়—”

“পালিয়ে এসেছি। গুলী শুধু ছাল তুলে নিয়ে চ’লে গিয়েছিল, লেগেছিল সামান্য। তবে প্রথম দিনটা জ্বরে বেহুঁস হ’য়ে ছিলুম। জ্ঞান হ’লে শুনলুম পুলিশের লোক হাসপাতালের লোকের সঙ্গে কথা কইছে—আমার নামে গ্রেপ্তারী পরোয়ানা আছে, ভবাকে ধরেছে, আমার বাড়ীতে নাকি বোমা আবিষ্কার করেছে ! চমৎকার গল্প ! চমৎকার !”

ততক্ষণ কালীনাথ কিছু ফল-মূল ও মিষ্টান্ন আনিয়া দিয়াছিল। রণেন্দ্র বৃত্তান্ত দুর্ভিক্ষপীড়িতের মত কতকটা খাদ্য এক নিশ্বাসে গলাধঃকরণ করিয়া জলপান করিয়া তৃপ্তির সহিত বলিল, “আঃ !”

কালীনাথ মনে মনে দুর্গানাম জপিতেছিল, না জানি, কি হইতে কি হয় ! কথাটা চাপা দিবার অভিপ্রায়ে বলিল, “তার পর পালালে কি ক’রে ?”

রণেন্দ্র বলিল, “পালালুম কি ক’রে ? যেমন ক’রে পালায়।

## স্পর্শের প্রভাব

হাসপাতালের পাশেই ছিল একটা বাগানবাড়ী, তারই একটা প্রকাণ্ড গাছের ডাল এসে পড়েছিল হাসপাতালের বারান্দার গায়ে। ভাবলুম যদি না পালাই, পুলিশ একবার ধরলে শীগগীর ছাড়বে না, হাজতে পচিয়ে মারবে। তা হ'লে ভবাকেও বাঁচানো হবে না, আমারও মুক্তি নাই। চাই টাকা, টাকায় সব হয়। কাছে যা কিছু ছিল, হাসপাতালে জ্ঞান হবার পর দেখি, সব ধুয়ে মুছে নিয়েছে, কিছু নেই। বাসাবাড়ী পুলিশ তালাবদ্ধ ক'রে পাহারা বসিয়েছে দেখে বল্লভরাম পাণ্ডার কাছ থেকে কিছু টাকা ধার ক'রে নিয়ে, ছোট রেল, বড় রেল, ষ্টীমার, এক্সা ক'রে, দিনে লুকিয়ে, রাতে চ'লে এখানে আসছি। জানি এখানে এসে সবই পাব। ভাল কথা, এত রাত্রিতে তুমি জেগে ব'সে আলা জেলে কি করছিলে ?”

কালীনাথ প্রমাদ গণিল—বুঝি সব কথা সে জানিয়াছে। কম্পিতকণ্ঠে বলিল, “ও কিছু না, জমী-জমার হিসাব দেখছিলুম। কিন্তু তুমি ত এখানে এসে ভাল কর নি।”


“তার মানে ?”

“মানে আর কি ? এখানেও এ বাড়ীর উপর পুলিশ নজর রেখেছে। তুমি যে কি ক'রে সে নজর এড়িয়ে এখানে এসে উঠলে, তা ভেবে পাচ্ছি না। কাল আমিই এখানে থাকতে পাই কি না সন্দেহ।”

“তুমি থাকতে পাবে না, সে কি ?”

“তোমার গুণধর খণ্ডর এই কাণ্ড বাধিয়েছেন—নইলে





আর তোমার পতিব্রতা পত্নী  
নালিশ জুড়ে দিয়েছেন আমার  
বুকে।”  
নিষিদ্ধ প্রফুল্ল মুখমণ্ডল অসম্ভব গম্ভীর আকার  
ধারণ করিল। সে গম্ভীরস্বরে বলিল, “হঁ।”

কালীনাথ রোষ ও হিংসা-মিশ্রিত স্বরে বলিল, “আদালতের  
ডিক্রী হ’লে—” হঠাৎ কালীনাথ চমকিত হইয়া নীরব হইল।  
রণেন্দ্র বলিল, “কি হ’ল?”

কালীনাথ বলিল, “বোসো, দেখে আসি, একটা যেন খট ক’রে  
আওয়াজ হ’ল না?” কালীনাথ বাহিরের বারান্দার দিকে  
ঘুরিয়া আসিয়া বলিল, “চারদিকে পুলিসের চর—উঃ, কি শত্রুই  
তোমার জুটেছে! বলেছে কি জান? জেল খাটিয়ে ছাড়বো,  
তবে আমার নাম রাজেশ্বর!”

রণেন্দ্রের ললাট কুঞ্চিত হইল, মুখমণ্ডল দীপ্ত রোষ ও  
অভিमानে উজ্জ্বল হইয়া উঠিল। সে কঠিন স্বরে বলিল, “বেশ  
ত, দেখাই যাক না, শক্তির পরীক্ষাই হয়ে যাক।”

তাহার নয়ন জলিয়া উঠিল, মুখে দ্রুত শ্বাস নির্গত হইল।

কালীনাথ অবসর প্রতীক্ষা করিতেছিল, এইবার স্বেযোগ  
বুঝিয়া বলিল, “ছোঁড়াটাকে হাত ক’রে কাশী পাঠিয়ে দিয়ে এই  
অনর্থ বাধিয়ে দিলে—”

রণেন্দ্র বাধা দিয়া বলিল, “তাই নাকি? উঃ, কি শয়তান!  
ছেলেমানুষ, এই বয়সেই প্রাণ হারালো! কিন্তু টাকায় যদি

শয়তানীর উপর শয়তানী করা যায়, জেনো কালীদা', তার ক্রটি হবে না। যাদের জ্ঞান আমার প্রতাপ মরেছে, তাদের কখনো আমি ক্ষমা করবো না।”

রণেন্দ্র পিঞ্জরাবদ্ধ সিংহের মত কক্ষমধ্যে পাদচারণা করিয়া বেড়াইতে লাগিল। কালীনাথ অন্তরে আনন্দ চাপিয়া রাখিয়া বাহিরে সোজাভাবেই বলিল, “তাও কি ওদের কেউ ভাল? যেমন বাপ, তেমনই মেয়ে।”

রণেন্দ্র জিজ্ঞাস্বনেত্রে কালীনাথের দিকে তাকাইল, তাহার সমস্ত ইন্দ্রিয় যেন নয়নে কেন্দ্রীভূত হইয়াছিল। কালীনাথ বলিয়া যাইতে লাগিল, “ও মা, কোথাও কিছু নেই, বাগানবাড়ীতে পুলিশের হানা? ব্যাপার কি? অনারারী ম্যাজিষ্ট্রেট রাজেশ্বর বাবু ও পুলিশ বাড়ী সার্চ করতে এসেছে—না কি পুরোনো দিক্‌টায় বোমা-পিস্তল লুকানো আছে। এ কি হিংসা বাপু!”

রণেন্দ্র গম্ভীরভাবে বলিল, “এ রকম একটা কিছু হবে ব’লে বুঝেছিলুম, তাই পালিয়ে আসছি চক্রান্ত ভেঙ্গে দেবো ব’লে। নৌকোয় গঙ্গা পার হ’য়ে, কতক এক্সায় চ’ড়ে কতক হেঁটে আবার এপারে এসে ছোট রেল ধ’রে পদ্মার উত্তরের দেশে এসে উঠেছিলুম। তার পর মহানন্দা দিয়ে গঙ্গায় প’ড়ে শিয়ালদার রেল ধ’রে নৈহাটীতে নেমেছি—সেখান থেকে নৌকোয় দেশের ঘাটে এসে উঠেছি।”

কালীনাথ বলিল, “পুলিসও তোমার সন্ধানে ঘুরছে,—খাম-পুকুরে, এ বাড়ীতে, পৈতৃক ভিটেয় সব জায়গায় পুলিশের পাহারা

## স্পর্শের প্রভাব

আছে। প্রতি মুহূর্তেই ভয় হচ্ছে, তারা এসে পড়লো ব'লে। তাই বলছি এখনি পালাও—”

রণেশ্বর বলিল, “পালাব? কখনও না। আগে এর একটা বিহিত করি—হাঁ, ভাল কথা, রাজেশ্বর বাবুর কন্ঠার কথা কি বলছিলে?” কথাটা বলিবার সময় রণেশ্বরের কণ্ঠস্বর কম্পিত হইল।

কালীনাথ বলিল, “তিনিই ত নাটের গুরু! বাপকে ক্ষেপিয়ে দিয়ে মামলা জুড়ে দিয়েছেন, তোমাকে জন্মের মত সরিয়ে দেবার জন্যে এই পুলিশের কাণ্ড বাধিয়েছেন। উঃ, কি মেয়েমানুষ!”

রণেশ্বরের কৌতূহল বৃদ্ধি হইল, সে বলিল, “মামলাটা কি? মামলার কথা বার বার বলছ—কিসের মামলা, কার নামে?”

কালীনাথ বলিল, “তুমিই ত এর গোড়া পত্তন করে দিয়েছ, তুমি জান না?—বিষয় দান ক’রে দিয়েছ, এখন বিষয়ের মালিক আগেকার মালিককে তাড়িয়ে দেবে না? এই দেখ না উকীলের চিঠি—এই ত ওর হাতের সই—”

কি জানি কেন রণেশ্বরের নয়ন আর্দ্র হইয়া আসিল, বাষ্পরুদ্ধকণ্ঠে বলিল, “বলে যাও।”

“বলবার আর বড় কিছু নেই। কে এক ওর বাপের জানা ছোঁড়া উকীল আছে, এখন তার সঙ্গে বড় ভাব! ওঠা-বসা—ও কি, অমন করে চেয়ে আছ কেন?” কালীনাথের নয়নে গভীর আতঙ্কের রেখা ফুটিয়া উঠিল। সে তৎক্ষণাৎ কথার মোড়

ফিরাইয়া বলিল, “দেখ, রাত শেষ হয়ে এলো—চল, একটু শোবে চল,—চার পাঁচ রাত ঘুম নেই, বিশ্রাম নেই, চল, চল।”

রণেন্দ্র সে কথা কি শুনিতে পায় নাই? ঘন ঘন শ্বাস ত্যাগ করিয়া বলিল, “কে এই উকীল? লক্ষ্মীএ প্র্যাকটিস্ করতো আগে—”

“হাঁ, হাঁ, তাই যেন শুনছি। ওরই সঙ্গে মেয়েটার বাপ মেয়ের আবার বিয়ে দেবার কথা পেড়েছে না কি, ঐ রকমের কথাও শুনছি। ওদের বাড়ী এখন ছোঁড়াটার ঘর-বাড়ী হ’য়ে পড়েছে, ঐখানেই যাওয়া-আসা রাতদিন, কলকাতায় যাবার নামই ত করে না এখন—”

রণেন্দ্র বাধা দিয়া বলিল, “বস! চুপ। শুতে দেবে বলছিলে কোথায়, কালীদা?”—

কালীনাথ অহুযোগের স্বরে বলিল, “মান্বে না কথা? এখনও বলছি, এ দেশ ছেড়ে পালাও।”

রণেন্দ্র তাহাতে বিচলিত না হইয়াই বলিল, “বাড়ী ছেড়ে পালাবো কেন? ভয়ে? কিসের ভয়? সত্যি ত আমি কোন অন্তায় কাষ করি নি।” রণেন্দ্র ভ্রু কুঞ্চিত করিল, তাহার পর বলিল, “সে ভাবনা আমার, তোমার না। যখন নেমেছি, তখন কত জল না দেখে উঠবো না। চল।”

রণেন্দ্র পার্শ্বের শয়নকক্ষে প্রবেশ করিল। যাইবার পূর্বে বলিল, “সোনাদা’র কি অপরাধ হয়েছে? সে কি বোমা বোঝাই করছিল?” রণেন্দ্রের ওষ্ঠপ্রান্তে দীর্ঘ হাসির রেখা দেখা দিল।

## স্পর্শের প্রভাব

কালীনাথ সে-হাসির মর্ম না বুঝিয়া বলিল, “না, না, তা কেন ? ঐ ভাঙ্গা মহলটায় তোমরা ছ’জনেই যাওয়া আসা করতে কি না, আর ঐ ভবেন-টবেন—”

রণেন্দ্র কেবলমাত্র একটা “হুঁ” দিয়া শয়নকক্ষে প্রবেশ করিল । নিশীথের অঙ্ককারে কালীনাথের মুখে ক্রুর হাসির সহিত কি ভাবের ব্যঞ্জনা দেখা দিল, তাহা রণেন্দ্রের দৃষ্টিপথে পতিত হইল না ।

বিমলচন্দ্রের পিতা মীরাতে মিলিটারী একাউন্টস্ আফিসে মোটা মাহিনায় চাকুরী করিতেন। সরকার তাঁহার গুণের পুরস্কারস্বরূপ তাঁহাকে ‘রায় সাহেব’ খেতাব দিয়াছিলেন।

রায় সাহেব সত্যশরণ মীরাতে কেন, পশ্চিম অঞ্চলে সৰ্ব্বজন-পরিচিত ছিলেন। এই জনপ্রিয় বাঙ্গালী চাকুরীয়াস্ সহিত মীরাতে অবস্থানকালে রাজেশ্বর বাবুরও বিশেষ ঘনিষ্ঠতা হইয়াছিল। তাঁহার একমাত্র পুত্র বিমলচন্দ্রেরও রাজেশ্বর বাবুর গৃহে অবাধ গতিবিধি ছিল। সে সূধা ও জ্যোৎস্নার ‘বিমল দাদা’ ছিল, অনেক সময়ে সে স্বৈচ্ছাপ্রণোদিত হইয়া তাহাদের শিক্ষকতাও করিত।

যে বৎসর রাজেশ্বর বাবু মীরাত ত্যাগ করিয়া লাহোরে যান, সেই বৎসর বিমলচন্দ্র এলাহাবাদে ওকালতী পাশ করে। সেই সময় রায় সাহেবেরও পেন্সন্ হইয়, তিনি সপরিবারে কলিকাতা চলিয়া যান। স্থপারিশের ফলে বিমলচন্দ্র কলিকাতা হাইকোর্টে

## স্পর্শের প্রভাব

প্রাক্টিশ্ করিবার অনুমতি প্রাপ্ত হয়। সত্যশরণ বাবু চাকুরী করিয়া এবং ফ্রান্সে ও মেসোপটেমিয়ায় গিয়া কিছু অর্থ সঞ্চয় করিয়াছিলেন। উহা হইতে ব্যয় করিয়া তিনি তাঁহার ভবানীপুর বকুলবাগানের পৈতৃক জরাজীর্ণ আবাসগৃহ সুসংস্কৃত করেন। তদবধি বিমলরা ঐ গৃহেই বাস করিতেছে।

রাজেশ্বর বাবু কলিকাতায় ফিরিয়া আসিবার পর দুই পরিবারের মধ্যে আবার ঘনিষ্ঠতা স্থাপিত হইয়াছিল। তবে জ্যোৎস্নাময়ীরা তাহাদের পৈতৃক গ্রামে গিয়া বাস করিবার পর হইতে তাহাদের মধ্যে আর বড় দেখাশুনা হয় নাই। বিমল ওকালতী লইয়াই ব্যস্ত থাকিত—বিশেষতঃ একবৎসর পূর্বে তাহার পিতৃবিয়োগ হইলে সে সংসার ও পসার লইয়া এত অধিক ব্যস্ত হইয়া পড়িয়াছিল যে, তাহার ইচ্ছা থাকিলেও অনেক সময়ে মিলামিশা হইয়া উঠে নাই। জ্যোৎস্নারাও দেশে গিয়া বসবাস করিয়া দেশের মানুষই হইয়া গিয়াছিল, সহরে আসিয়া বিমলদা'দের সহিত দেখাসাক্ষাৎ ঘটিয়া উঠিত না।

আরও এক কারণে জ্যোৎস্না বিমলদা'দের সহিত মিলামিশা করিতে বিশেষ আগ্রহান্বিতা ছিল না। তাহার পিতাই এই লজ্জা ও সঙ্কোচের কারণ হইয়াছিলেন। কেন, তাহা জানিয়া রাখা ভাল।

বিমলচন্দ্র সহরের সম্পন্ন গৃহস্থ, সে শিক্ষিত ও উপার্জনক্ষম উকীল, স্ততরাং তাহার এই ত্রিশ বৎসর বয়স পর্য্যন্ত যে সে অবিবাহিত থাকিবে, ইহাই আশ্চর্য্য। তাহার পিতা ইহার

কারণ আবিষ্কার করিতে পারেন নাই, তিনি কতকটা মনোদুঃখেই ইহলোক ত্যাগ করিয়াছিলেন। রাজেশ্বর বাবু তাহার পিতৃতুল্য ছিলেন, তিনিও এ বিষয়ে বহুদিন সংশয়াচ্ছন্ন ছিলেন। এমন বিদ্বান্ বুদ্ধিমান্ রূপৈশ্বর্যবান্ যুবক ভদ্র কায়স্থ-পরিবারে সহজে কি পাওয়া যায়? তবে ইহার বিবাহ হয় না কেন? বহু বিবাহ-যোগ্য্য সুরূপা কন্যার পিতা সাধ্য-সাধনা করিয়াছেন, কিন্তু তথাপি বিমলচন্দ্র অটল—তাহার দৃঢ়-প্রতিজ্ঞা, সে বিবাহ করিবে না, এখন ত নহেই। ইহার কারণ কি, রাজেশ্বর বাবুও অল্প সকলের মত বুঝিতে পারিতেন না। তাঁহার মনে মাঝে মাঝে দুঃখ ও ক্ষোভের উদয় হইত—যদি তাঁহার কন্যা বিবাহিতা না হইত! বিমলের মত সুপাত্রে কন্যাদান তাঁহার অদৃষ্টে ঘটিবে কেন? এক এক সময়ে তাঁহার মনে হইত, জাতি-ধর্ম ত্যাগ করিয়া কন্যাকে পুনরায় পাত্রস্থ করিলে কি ক্ষতি হয়? কিন্তু কন্যাকে এ কথা বলিতে তাঁহার সাহসে কুলাইত না।

বিমলচন্দ্র কনিষ্ঠ-ভগিনীসমা জ্যোৎস্নার প্রতি অন্তরে যে ভাবই পোষণ করুক, বাহিরে তাহা কখনও প্রকাশ করিত না। একটি বিষয়ে সে বড়ই বিন্মিত হইয়াছিল। মীরাতে থাকিবার কালে বালিকা-বয়সেও জ্যোৎস্নাকে সে নিত্য নিয়মিতভাবে সীমস্তে উজ্জ্বল সিন্দূরবিন্দু ধারণ করিতে দেখিয়াছিল। এ বিষয়ে কোতূহলী হইয়া জ্যোৎস্নাকেই সে প্রশ্ন করিয়াছিল, জ্যোৎস্না আরক্ত আনন নত করিয়া নীরবে স্থানত্যাগ করিয়াছিল। এ কথা সে ভুলিতে পারে নাই। এক দিন সে রাজেশ্বর বাবুকেও এই প্রশ্ন



## স্পর্শের প্রভাব

করিয়া বসিল। রাজেশ্বর বাবু কিয়ৎকাল কিংকর্তব্যবিমূঢ় হইয়া বসিয়াছিলেন, তাহার পর জ্যোৎস্নাময়ীর বাল্যজীবনের ঘটনাবলী একে একে বিবৃত করিয়া বলিয়াছিলেন, যদি কেহ তাঁহার কণ্ঠার পুনরায় পাণিগ্রহণ করে, তাহা হইলে তিনি জাতি, ধর্ম ও সমাজ ত্যাগ করিতে প্রস্তুত আছেন। বিমলচন্দ্র ভাবভঙ্গীতে তাঁহাকে এমন অভিমত প্রকাশ করিয়াছিল, যাহাতে তিনি বুঝিয়াছিলেন, বিমলচন্দ্রও তাঁহার মত সমাজ, ধর্ম ও জাতি ত্যাগ করিতে অসম্মত নহে।

রাজেশ্বর বাবু কণ্ঠার নিকট এক দিন এই প্রস্তাবের আভাস দিয়াছিলেন। অমনই তাহার আয়ত নয়ন দুইটি অশ্রু-ভারাক্রান্ত হইয়া উঠিয়াছিল। এ দিনও সে নীরবে স্থানত্যাগ করিয়াছিল। রাজেশ্বর বাবু বিস্মিত হইয়াছিলেন। এত অল্প বয়সে তাঁহার মাতৃহীনা কণ্ঠার এই ধারণা কোথা হইতে আসিল? স্বামিপরি-ত্যাগ হইয়াও সে পতিব্রতা সতীর মত সীমস্ত সিন্দূররঞ্জিত করিতে এক দিনের জন্মও বিস্মৃত হয় নাই। ইহা কি হিন্দু নারীর সহজাত সংস্কার? ইহা কি তাহার একনিষ্ঠ প্রেমের নিদর্শন? যাহার সহিত তাহার সাক্ষাৎ পরিচয় নাই, তাহার প্রতি নিষ্ঠা ও প্রেমের সঞ্চার কি স্বাভাবিক? কিন্তু এই অভিজ্ঞতার পর রাজেশ্বর বাবু কণ্ঠার সমক্ষে বিবাহের কথা আর কখনও উত্থাপন করেন নাই।

যে সময়ে রাজেশ্বর বাবু জামাতার বিপক্ষে জমী-সংক্রান্ত মামলা রুজু করিবার সঙ্কল্প করিয়াছিলেন, সেই সময়ে বিমলচন্দ্র

চাপাপুকুরে যাঁতায়াত আরম্ভ করিয়াছিল। জ্যোৎস্না তখন তাহার সহিত কনিষ্ঠা ভগিনীর মতই পূর্ববৎ সরল স্বচ্ছন্দ ব্যবহার করিত। চাপাপুকুরের অধিবাসীরা বিমলচন্দ্রের সহিত জ্যোৎস্নার একত্র ভ্রমণ ও স্বচ্ছন্দ ব্যবহার দেখিয়া গোপনে অনেক বিরুদ্ধ মন্তব্য প্রকাশ করিত,—সে বিরুদ্ধ অভিমতের কথা পূর্বেই রণেন্দ্রের কর্ণেও পৌঁছিয়াছিল।

তার পর যে দিন সনাতন মালীকে পুলিশ গ্রেপ্তার করিল, সেই দিন জ্যোৎস্নার সমস্ত হৃদয় কালীনাথের বিপক্ষে বিদ্রোহী হইয়া উঠিল। তাহার পিতা কালীনাথের প্রতি সদয় হইলেও পূর্ব হইতেই, কি জানি কেন, তাহার মন তাহার প্রতি বিরূপ হইয়াছিল। তাহার ধ্রুব বিশ্বাস হইল যে, বাগানবাড়ীতে পুলিশের হানা ও সনাতনের গ্রেপ্তারের মূলে কালীনাথের চক্রান্ত আছে। তখনই তাহার স্থপ্ত নারী-শক্তি জাগ্রত হইয়া উঠিল।

তখন আবার বিমলচন্দ্রের ডাক পড়িল। এবার কিন্তু রাজেশ্বর বাবু এ কথার বিন্দুবিসর্গও জানিতেন না। জ্যোৎস্নার সহিত বিমলচন্দ্রের গোপনে অনেক কথা হইল। তাহার ফলে সামান্য একটু তদ্বিরেই সনাতন খালাস পাইল,—পুলিস তাহার বিপক্ষে কোন প্রমাণই দিতে পারিল না, বা প্রমাণ থাকিলেও প্রমাণ দিল না, তাহা অবধারণ করিবে কে? কালীনাথ মনে মনে গুমরিয়া উঠিল।

আজ প্রভাতে বিমলচন্দ্রের সহিত তাহার সেই কথাই

## স্পর্শের প্রভাব

হইতেছিল। আদালত তাহার পক্ষে ডিক্রী দিয়াছেন, কালীনাথকে সমস্ত হিসাব বুঝাইয়া দিয়া চলিয়া যাইতে হইবে। দানপত্র তাহার স্বামী যে-দিন হইতে রেজেষ্ট্রী করিয়াছেন, সেই দিন হইতে আদালতের হুকুম তামিল করিতে হইবে।

বিমলচন্দ্র বলিতেছিল, “লক্ষ্মী বোনটি আমার—ও রকম গোঁয়ারত্বমিতে কি ফল হবে? বিষয় ত সামান্য নয়, হিসেব ক’রে দেখলুম, খুব কম ক’রেও তিন লক্ষ টাকা দামের সম্পত্তি—এটা সমস্তই তোমার স্বামী দান করেছেন। অবশ্য তাঁর বিষয়-সম্পত্তি আরও দুইগুণ। কাষেই তিনি গ্রায় বুঝেই তোমায় একটা অংশ দান করেছেন। এ দান হেলায় হারাতে আমি কখনই উপদেশ দেবো না।”

জ্যোৎস্না ক্ষীণ হাসি হাসিয়া বলিল, “আমি এ বিষয় নিয়ে কি করবো, বিমলদা?” তাহার মুখের জ্যোৎস্নাদীপ্তি ম্লান হইয়া আসিয়াছিল।

বিমলচন্দ্র ব্যথিত-স্বরে বলিল, “বুঝেছি। কিন্তু তা হ’লে ছুটির দমন হয় না, তোমারও ক্রটি র’য়ে যায়।”

জ্যোৎস্না নীরবে মস্তক অবনত করিয়া দাঁড়াইয়া রহিল। বিমলচন্দ্রের নয়ন-পল্লব কম্পিত হইতেছিল, সে প্রায় বাষ্পরুদ্ধ-কণ্ঠে বলিল, “আমরা যা’ ব্যবস্থা নিজেরা করি, তার পরেও যে বিধাতার বিধান, এটা মান ত?”

জ্যোৎস্না অশ্রুট স্বরে বলিল, “কি ক’রতে বল তুমি?”

বিমলচন্দ্র বলিল, “বিধাতার বিধানে যা তোমার হাতে

এসেছে, তার সন্ধ্যাবহার কর—ক’রবার জগতে অনেক কিছু আছে।”

“দিদিমণি—দিদিমণি!”

উন্নতের মত চীৎকার করিতে করিতে সনাতন ছুটিয়া আসিল। জ্যোৎস্না ও বিমল চমকিত হইয়া উঠিল—অনিশ্চিত আশঙ্কায় জ্যোৎস্নার বক্ষ সহসা কাঁপিয়া উঠিল।

জ্যোৎস্না ভীতি-ব্যাকুল-নেত্রে তাকাইয়া জিজ্ঞাসা করিল, “কি হ’য়েছে সোনাদা’, অমন করছ কেন?”

সনাতন চীৎকার করিয়া কাঁদিয়া উঠিল,—“সর্বনাশ হয়েছে, দিদিমণি! কি কাল-সাপই পুষে গেছলো বাবু আমার শোবার ঘরে গো! বাবু! বাবু! ওগো দাশা বাবু গো!”—সনাতনের বোধ হয় তখন বাহুজ্ঞান রহিত হইয়াছিল—কক্ষে যে অপর কেহ উপস্থিত আছে, তাহার সে জ্ঞানও ছিল না।

জ্যোৎস্না অনিশ্চিত আশঙ্কায় থর থর করিয়া কাঁপিয়া দ্বারপ্রান্ত ধরিয়া বসিয়া পড়িল—সে কি খেন বলিতে গেল, কিন্তু তাহার কণ্ঠতালু পর্য্যন্ত শুকাইয়া উঠিয়াছিল, একটি কথাও বাহির হইল না।

একা বিমলচন্দ্রই তখন প্রকৃতিস্থ ছিল। সে তাড়াতাড়ি একটা ধমক দিয়া বলিল, “কি, হয়েছে কি? একেবারে যে মড়া-কান্না জুড়ে দিলে হে! বুড়ো মিন্বে, একটু আক্কেলও নেই। কি হয়েছে, আগে তাই বলো, তার পর বিনিয়ে বিনিয়ে কৈদো।”

সনাতন ধমক খাইয়া দুই হাতে চোখ মুছিতে মুছিতে বলিল,

## স্পর্শের প্রভাব

“ওগো, আমার দাদাবাবুকে পুলিশে ধ’রে নিয়ে গেছে ! বাবু আমার সাথেও নেই, পাঁচেও নেই, কিছু জানে না—কাকুর মন্দয় থাকে না । কাল রাতে এখানে এসেছে শুনলুম । ঐ অনামুখো হতচ্ছাড়াই পুলিশ ডেকে এনেছে, নইলে আর ত কেউ জানতো না ।”

বিমলচন্দ্র সনাতনকে যত না হটক, জ্যোৎস্নাকে আশ্বস্ত করিবার অভিপ্রায়ে বলিল, “এই কথা ! ও হরি, আমি ভাবছি, না জানি কি হয়েছে । ওকে এখুনি খালাস ক’রে আনছি । রাজু কাকা সদর থেকে ফিরলেই সব বন্দোবস্ত করছি, তার জন্তে ভাবনা কি ? যাক, ব্যাপারটা কি হয়েছে, সব গুছিয়ে বেলো দিকি, সনাতন ।”

সনাতন ঘটনার বিষয়ে যত দূর শুনিয়াছিল, বলিয়া গেল । সে বেলা ৯টার পর নিজের ক্ষেত-খামার দেখিয়া ঘরে ফিরিতেছে, এমন সময় শুনিল, পুলিশ বাবুদের বাগানবাড়ী ঘেরাও করিয়াছে । এমন আরও একবার হইয়াছিল, তাহাতে সেও স্বয়ং ভুগিয়াছিল, স্মতরাং সে তাহাতে অধিক আগ্রহান্বিত হয় নাই । কিন্তু পরে যাহা শুনিল, তাহাতে তাহার আত্মাপুরুষ উড়িয়া গেল । বাবু কাল রাত্রিতে বাড়ী আসিয়াছিলেন, রাত জাগিয়া তিনি আজ প্রভাতে অধিক বেলা পর্যন্ত নিদ্রামগ্ন ছিলেন । এমন সময়ে পুলিশ হৈ হৈ করিয়া বাড়ী ঘেরাও করে । তাহারা তখনই খানাতল্লাস করিয়া কিছু জিনিষ ও তাঁহাকে লইয়া সদরের থানায় গিয়াছে । শুনিয়াই সে

ছুটিয়া তাহাদের পশ্চাদহুসরণ করিয়াছিল, কিন্তু পুলিশের সিপাহী তাহাকে বাবুর নিকট যাইতে দেয় নাই বা কথা কহিতে দেয় নাই। কেবল সে বাবুকে বলিতে শুনিয়াছিল, “সোনাদা’, ফিরে যাও, আমার জন্তে ভেবো না, যা হবার, তা হবে, তাতে আমিই বাধা দেবো না।” সনাতন তখন বাবুর মুখে চোখে যেন একটা “মরিয়া” হইবার ভাব দেখিয়াছিল। সে তাহার পর ছুটিয়া গ্রামে দিদিমণিকে খবর দিতে আসিয়াছে।

সনাতন এইবার ফুঁপাইয়া কাঁদিয়া উঠিল, বলিল, “কি হবে দিদিমণি; কি হবে বাবু?”

বিমলচন্দ্র পুনরায় ধমক দিয়া বলিল, “আবার নাকি-কান্না কাঁদে! কচি খোকা আর কি! হবে আবার কি? যা ব্যবস্থা করবার, আমরা কর’বখন। যাও, পালাও।”

সনাতন তথাপি নড়িল না। কাতরকণ্ঠে বলিল, “মা, লক্ষ্মি, সবই ত জানি। যে বংশের বউ তুমি, তার অপমান হ’তে দিও না মা, সন্তানের এইমাত্র ভিক্ষে, মা জননি!”

সনাতন চীৎকার করিয়া কাঁদিতে কাঁদিতে বাহিরে চলিয়া গেল। জ্যোৎস্না এতক্ষণ কাঠ হইয়া বসিয়াছিল, তাহার নয়নে একবিন্দু অশ্রু নাই। তাহার বাহুজ্ঞানও ছিল কি না সন্দেহ।

বিমলচন্দ্র হাসিবার ভাণ করিয়া বলিল, “এ কি জ্যোৎস্না! তুমি এত বুদ্ধিমতী, তুমিও এই চাকরটার কথায় ট’লে গেলে? ছিঃ ছিঃ, চল, গুঠ। এর যা বিহিত হয় করা যাবে’খন। এর জন্তে এতটা—”

## স্পর্শের প্রভাব

জ্যোৎস্না ভীতিব্যাকুল নেত্র তাহার মুখের উপর স্থাপন করিয়া উঠিয়া দাঁড়াইয়া বলিল, “কি হবে, বিমলদা” ! এর জন্তে যা করতে হয় কর, দাদা । এই বিষয়-সম্পত্তি, যার জন্তে আমায় অনুরোধ করছিলেন—সব বিক্রী ক’রে নিতে হয় নাও—আমি—আমি—” কথা শেষ হইল না, জ্যোৎস্নার কণ্ঠ বাষ্পরুদ্ধ হইয়া আসিল । সে তাড়াতাড়ি অশ্রুশ্রোত রুদ্ধ করিয়া ভিতরে চলিয়া গেল । যাইবার সময় তাহার চরণ দুইটি থর থর কম্পিত হইতেছিল ; তাহা বিমলচন্দ্রের দৃষ্টি অতিক্রম করিল না ।

বিমলচন্দ্র সেই সঞ্চারিণী লতার মত চলন্ত মূর্তির দিকে চাহিয়া চাহিয়া তাহার অন্তরের অন্তস্তল পর্যন্ত দেখিয়া লইল । গভীর শ্রদ্ধায় তাহার অন্তর ভরিয়া উঠিল, মস্তক আপনিই অবনত হইয়া আসিল । আপনা হইতে তাহার অজ্ঞাতসারে মুখ হইতে বাহির হইয়া গেল,—“দেবি ! তোমাদের তুলনা এ জগতে কোথায় খুঁজিয়া পাইব !”

হুগলীর হাজতের অন্ধকূপে কয় জন রাজনৈতিক অপরাধে অভিযুক্ত আসামী বসিয়াছিল। কেহ গুণগুণ স্বরে গান করিতেছিল, কেহ বা সরস গল্প ফাঁদিয়া আসর জমকাইয়া রাখিবার চেষ্টা করিতেছিল। একজন কিন্তু আপন মনে এক কোণে গম্ভীরভাবে বসিয়া আছে। সে রণেন্দ্রনাথ।

ভবেন্দ্র গল্পে মাতিয়া সকলের সহিত হাস্য-রোলে কক্ষটি সরগরম করিয়া রাখিয়াছিল। তাহাদের সেই চীৎকার ভেদ করিয়া ওয়ার্ডারের “এই চূপ!” শব্দ মাঝে মাঝে বায়ুস্তর ভেদ করিয়া ভাসিয়া আসিতেছিল। কিন্তু গৃহকোণে উপবিষ্ট ব্যক্তির তন্ময়তা এত গুণগোলও ভঙ্গ করিতে পারে নাই।

হঠাৎ ভবেন্দ্র উঠিয়া গিয়া রণেন্দ্রের স্বল্পদেশে প্রচণ্ড চপেটাঘাত করিয়া হাস্যবিজড়িত স্বরে বলিল, “কি রে রণা—ব্যাপারখানা কি? এমনই ক’রে মুখ গোমড়া ক’রে ব’সে থাকলেই বুঝি তোমর কনুই মাপ হয়ে যাবে? ওরে বাবা, চিল যখন পড়েছে, তখন কুটোগাছটা নিয়েও উড়বে, জেনে রাখো।”



## স্পর্শের প্রভাব

রণেন্দ্র বিরক্তির স্বরে বলিল, “আমি ত কস্বর মাপের জন্তে ধরুণা দিচ্ছি নি। স্বীপাস্তুরই দিক বা ফাঁসীই দিক, আমার ত সবই সমান।”

“বটে না কি? তা এত বৈরাগ্য কেন? পৈতৃক প্রাণটার উপরে মায়া রাখলে ক্ষতি কি? যা হবার, তা ত হবেই, তার জন্তে ভেবে ভেবে কি করবি? তবে যতক্ষণ পারি, আয় না মনের ক্ষুণ্ণিতে থাকা যাক।”

“ক্ষুণ্ণির অভাবটা আমার কি দেখলি? গান গাবো, না ধেই ধেই নাচবো? বাস্তবিক মনটা খারাপ হয় কেবল তোর জন্তে ভবা, নইলে সত্যিই ক্ষুণ্ণিতে যোগ দিতুম। তোর কি শাস্তি বল দিকি? কোনও কিছুতে তুই ত নেই, তবু আমার সঙ্গে মিশেই তোর আজ এই দশা—”

“চমৎকার! লেকচার ত আমরাই দিতুম,—তোর এ অভ্যাস হ’ল কবে থেকে রে?”

“না, না, ঠাট্টা না। সত্যি বল দিকি, তুই আজ হাজতে কেন?”

ভবেন্দ্র হঠাৎ গম্ভীরভাবে ধারণ করিল, বলিল, “দেখ ত রণা, ভাবি, তোকে ভগবান কি দিয়ে গড়েছিলেন, তুই আপনার কথা কখনও ভেবেছিস্ ব’লে ত মনে হয় না। তোর অপরাধ কতটুকু, তাও কি জানিনে? তা ছাড়া ভেবে দেখ, তোর কিসের অভাব। ইচ্ছে করলে হাজতেই তুই রাজার হালে থাকতে পারিস—”

“আঃ, আবার ঐ সব জ্যাঠামি! বলি শোন, আমি যা স্টেটমেন্ট দেবো, তুই তাতে আপত্তি করিস নি। আমার যা কিছু আছে, তা দিয়ে তোকে যদি খালাস করাতে পারি, তা হলেও বুঝি পাপের প্রায়শ্চিত্ত হয়। তুই নির্দোষ—”

“আর তুই?”

রণেন্দ্রের অধরের কোণে শ্লান হাসি ফুটিয়া উঠিল। সে বলিল, “আমি মহাপাতকী—”

ঝন্ ঝন্ শব্দে কক্ষদ্বার উন্মুক্ত হইল, হাজতের অধ্যক্ষ একটি ভদ্রলোককে লইয়া কক্ষে প্রবেশ করিলেন। তিনি রণেন্দ্রকে লক্ষ্য করিয়া বলিলেন, “রণেন বাবু, ইনি আপনার স্টেটের উকীল, আপনার সঙ্গে পরামর্শ করতে চান। যা বলবার, আমার সাক্ষাতে বলতে হবে।” কথাটা বলিয়া হেড ওয়ার্ডারকে বলিলেন, “বাকী কয়েদীদের ৬ নং ক্রমে নিয়ে যাও, আধ ঘণ্টা পরে এদের এখানে নিয়ে এস।”

রণেন্দ্র বলিল, “সবাই যাবেন আমি ছাড়া?”

সুপারিন্টেন্ডেন্ট বলিলেন, “হাঁ, তাই।”

রণেন্দ্র পুনরপি বলিল, “ভবেন?”

সুপারিন্টেন্ডেন্ট বলিলেন, “সবাই।”

রণেন্দ্র বলিল, “তা হ’লে আমি রমেশ বাবুকে একটা কথা জানাতে চাই। এই লোকটির নাম ভবেন, আমার বন্ধু, একে চিনে রাখুন।”

ওয়ার্ডার অগ্রান্ব কয়েদীদিগকে লইয়া কক্ষ ত্যাগ করিল।

## স্পর্শের প্রভাব

উকীল রমেশ বাবু বলিলেন, “ভবেনকে ত আমি চিনি, রণেন্দ্র ! আমি তোমার পিতামহের আমল থেকে তোমাদের ষ্টেটের কায ক’রে আসছি। সেই পুরানো সঙ্কল্পের জোরে জিজ্ঞাসা করছি, যা ঘটেছে, সত্যি সব বলবে ত ? জানি, তুমি মিথ্যা বল না। তা হ’লেও ব’লে রাখছি, খুঁটিনাটি-টি পর্যাস্ত সব সত্যি বললে মামলার স্বব্যবস্থা করতে পারবো, রেখে ঢেকে বললে কোনও ফল হবে না।”

রণেন্দ্র বলিল, “হঁ।”

রমেশ বাবু বলিলেন, “মামলাটা খুবই ঘোরালো। তোমার ঘরে বোমা রিভলভার বেরিয়েছে ! সে ঘরে—ঘরে কেন, সে মহলটায় তুমি আর ভবেন ছাড়া আর কেউ যেতো না, বা তার চাবী আর কেউ ব্যবহার করতো না, তা প্রমাণ হয়েছে। তোমার পুরাতন চাকর সোনা মালীও তা স্বীকার করেছে। একটা সিন্দূকের ভেতর থেকে এমন সব কাগজ-পত্র পাওয়া গেছে, যাতে দাগী এনার্কিষ্টদের মস্ত এক লিষ্ট বেরিয়েছে। তুমি বড় লোক, জমীদার, তুমিই অর্থ-সাহায্য ক’রে এই দলটাকে চালাচ্ছ, পুলিশ এইটা প্রমাণ করতে চায়। অথচ আমি জানি, তুমি এ সবের ধার ধারো না। কিন্তু আমি বললেই তা প্রমাণ ব’লে গ্রাহ্য হবে না। কার্যেই তোমার সব ব্যাপারটা ভেঙ্গে বলতে হবে।”

রণেন্দ্র বলিল, “ব’লে যান।”

রমেশ বাবু বলিলেন, “তোমার কেউ শত্রু আছে কি—আপনার লোক, যে তোমার সংসারের সব খোঁজ রাখে ?”

রণেন্দ্র মুহূর্তকাল নীরব রহিল, তাহার পর বলিল, “না।”

রমেশ বাবু বলিলেন, “কেউ না? তোমার জেল বা  
ঈপাস্তুর হ’লে যে জমীদারী ভোগ করবার সুবিধা পাবে?”

রণেন্দ্র দৃঢ়স্বরে বলিল, “না, কেউ নেই। আমিই এ সব  
করেছি।”

রমেশ বাবু অবিশ্বাসের হাসি হাসিয়া বলিলেন, “তুমি?  
দেখ, এ আগুন নিয়ে খেলা ক’রো না, সত্যি যা হয়েছে, বল।”

রণেন্দ্র বলিল, “এ ছাড়া আমার আর কিছু বলবার নেই।  
তবে এই ভবেনের সম্বন্ধে কিছু বলতে চাই। বলতে পাব কি?”

সুপারিন্টেন্ডেন্টের মুখের দিকে সকলে জিজ্ঞাসুনেত্রে চাহিয়া  
রহিলেন। তিনি গম্ভীর স্বরে বলিলেন, “তা পারেন।”

রণেন্দ্র বলিল, “আমার এই ব্যাপারের সঙ্গে শ্রামপুঙ্করের  
বন্ধুদের বা আখড়ার কারুর সঙ্গে কোন সংস্রব নেই। ভবেন  
মাঝে মাঝে আমাদের দেশের এই বাড়ীতে আসতো বটে,  
কিন্তু পুরোনো মহলে কখনও যায় নি—সে জানতো, ওটা পোড়ো  
বাড়ী, ওখানে সাপ-পোকড়ের বাসা। যখন আমি সবই  
খুলে বললুম, তখন এটাও যে মিথ্যে বলছি নে, এটা জেনে  
রাখুন।”

সুপারিন্টেন্ডেন্ট অবিশ্বাসের হাসি হাসিয়া মাথা নাড়িলেন।  
উকীল বাবু মুখ হাসিয়া বলিলেন, “মুখের কথায় যদি মামলা  
খাড়া করা যেতো, তা হ’লে ভাবনা ছিল না। যাক, তোমার  
সম্বন্ধে তা হ’লে কি করতে বল?”

## স্পর্শের প্রভাব

রণেন্দ্র উত্তেজিত স্বরে বলিল, “বিশ্বাস হ’ল না? হয় না হয়, পুলিশকেই জিজ্ঞাসা করুন, ওরা আমায় যে দলের ব’লে ধরেছে, সে দলে ভবেনরা আছে কি না—সে দলেরই কথা ওরা জানে কি না—আমার কথা স্বতন্ত্র।” রণেন্দ্র উকীল বাবুর ও সুপারিন্টেন্ডেন্টের মুখের ভাব দেখিয়া ভীত হইল। আরও অধিক উত্তেজিত হইয়া উকীল বাবুর হাত দুইখানি ধারণ করিয়া কাতর মিনতিভরা স্বরে বলিল, “রমেশ বাবু, আপনি আমাদের বংশের উকীল, বন্ধু, অভিভাবক! আমার কথায় বিশ্বাস করুন। আপনি জানেন, আমাদের বংশে কেউ কখনও মিথ্যে ব’লে আপনার স্বার্থ গুছিয়ে নেয় নি। আমায় বিশ্বাস করুন, আমি বলছি, ভবেন নির্দোষ—তাকে বাঁচান—রমেশ বাবু, যত টাকা লাগে, তাকে বাঁচান।”

রমেশ বাবু তাহার উত্তেজনা দেখিয়া বিস্মিত হইলেন, সুপারিন্টেন্ডেন্টও অভিভূত হইলেন। রণেন্দ্রের সর্বাত্মক কাঁপিতেছিল—দারুণ উদ্বেগ ও আশঙ্কার ভাব তাহার আয়ত নয়ন দুইটিকে উজ্জলতর করিয়াছিল। এরূপ উত্তেজিত হইতে রমেশ বাবু তাহাকে কখনও দেখেন নাই। তিনি তাহার পৃষ্ঠদেশে মৃদু করাঘাত করিয়া বলিলেন, “বন্ধুপ্রীতিটা খুবই ভাল সন্দেহ নাই, রণেন্দ্র, কিন্তু বন্ধুপ্রীতি ত মামলার হাত থেকে বন্ধুকে বাঁচাতে পারে না। বাঁচাবার হ’লে অবশ্যই বাঁচাবো। বাঁচায় সামান্যপ্রমাণ। তা যদি পাই, তবে আর উপরোধ অহুরোধে কুল কি? কিন্তু যা দেখছি, তাতে—”

দ্রুপিত নন ১৩৭৫

কুলগাছিয়া, হাওড়া

রণেন্দ্র বিক্ষিপ্তচিত্তের শ্রায় কঠোর স্বরে বলিল, “তা হ’লে কোন উপায় নেই?”

রমেশ বাবু বলিলেন, “কেমন ক’রে ভরসা দিই? তবে যদি তোমার কথাটা সব সত্যি বলতে—”

রণেন্দ্র সুপারিস্টেণ্টের দিকে মুখ ফিরাইয়া বলিল, “আর আমার কিছু বলবার নেই, আপনারা যেতে পারেন।” কথাটা বলিয়া রণেন্দ্র আবার কক্ষের কোণে গিয়া বসিল। তাহাকে আর কেহ কথা কহাইতে পারিল না।

রাজেশ্বর বাবুর বৈঠকখানায় বসিয়া কথা হইতেছিল। উকীল বিমলচন্দ্র বলিতেছিল, “মস্ত ভুল করেছেন রাজ্জুকা”—আপনার নারীর মন বুঝতে বোধ হয় এখনও অনেক বাকী।”

রাজেশ্বর বাবু টেবলের উপর হাত দুইটি রক্ষা করিয়া জানালার বাহিরে শূণ্ণদৃষ্টিতে চাহিয়াছিলেন, তাঁহার দৃষ্টিতে কাতরতা যেন শূণ্ণতার সহিত প্রতিদ্বন্দ্বিতা করিতেছিল।

বিমলচন্দ্র বলিয়া যাইতে লাগিল, “আগে বুঝি নি। মনের কথা নিজের মুখেই স্বীকার করছি, জ্যোৎস্নাকে আমি আগে অন্য দৃষ্টিতেই দেখেছি—সেটা কতকটা আপনার ভাবভঙ্গী দেখেই বটে। মনে হয়েছিল, আপনি জ্যোৎস্নাকে বিবাহিতা হ’লেও অনুচর মত দেখতেন—তাকে আবার পাক্কা করা ইচ্ছা পোষণ করতেন—আমাকে ইঙ্গিতে এ আভাসও দিয়েছিলেন। আমিও মনে করেছিলুম, যদি তাকে পাই, তা হ’লে সমাজধৰ্ম্মও মানবো না, খুষ্টান, ব্রাহ্ম, আর্থ্যালমাজী যা হয়

## স্পর্শের প্রভাব

হ'য়ে যাব। কিন্তু যে দিন তার হাতের লেখায় তার মনের কথার পরিচয় পেলুম,—সেই দিন থেকে—”

রাজেশ্বর বাবু বিস্মিত হইয়া বলিলেন, “সে কি?”

বিমলচন্দ্র বলিল, “সে এক দিন—যে দিন আমার জ্ঞানচক্ষু ফুটে উঠেছিল, যে দিন জেনেছিলুম, আমাদের এই বাঙ্গালীর ঘরের মেয়ে—যাদের আমরা অশিক্ষিত, কুসংস্কারাচ্ছন্ন ব'লে মনে করি—যারা ঘরের বাইরে পা দিলে লজ্জায় ম'রে যায় ব'লে আমরা যাদের চেলীর পুঁটুলী ব'লে তামাসা করি, সেই বাঙ্গালীর মেয়ের মন কি ধাতু দিয়ে গড়া! সে দিন মনে হয়েছিল, জ্যোৎস্নার আধখানা এই মাটির পৃথিবীর হলেও আর আধখানা স্বর্গের। ও জাতের মধ্যে যে এত প্রচ্ছন্ন, এত গভীর প্রেম লুকিয়ে থাকতে পারে, সে দিন তা যেন চোখের সামনে দেখতে পেয়েছিলুম।”

রাজেশ্বর বাবুর বিস্ময় উত্তরোত্তর বৃদ্ধি পাইতেছিল। তিনি বিচলিত কণ্ঠে বলিলেন, “কি যা' তা' বক্ছো, বিমল?”

বিমলচন্দ্র বলিল, “যা' তা' বক্ছি না। সত্যি যা', তাই বলছি। সে দিন আপনার মামলার সম্বন্ধে একটা জরুরী পরামর্শের জন্তে এখানে এসেছিলুম, খবর দেবারও সময় হয় নি। এসে দেখি, আপনি জ্যোৎস্নাদের নিয়ে কি একটা কাযে কলকাতায় গিয়েছেন, সন্ধ্যার আগে ফিরবেন না। করি কি? তিন চার ঘণ্টার মধ্যে কলকাতায় ফেরবার গাড়ী নেই, কাযেই আপনার বসবার ঘর, ছেলেদের পড়বার ঘর, কেতাবের



## স্পর্শের প্রভাব

ঘর, ঘুরে বেড়িয়ে সময় কাটাতে লাগলুম। পড়বার ঘরে ছেলেদের কেতাবের ডেস্কটার টানা খুলে দুই একখানা বই টেনে বার করতে গিয়ে বিদ্যালয়গরের এডিশনের একখানা কালিদাসের শকুন্তলা দেখলুম। কেতাবখানা আমার বড় প্রিয় ছিল। তখনই বার ক'রে নিয়ে পড়তে বসলুম। দেখলুম, পাতায় পাতায় মার্জিনে মুক্তোর অক্ষরে নোট লেখা—সে লেখা যে জ্যোৎস্নার, তা দেখেই চিনতে পারলুম, কেতাবে নামও লেখা 'শ্রীমতী জ্যোৎস্নাময়ী দেবী।' তা ছাড়া শেষের পাতায় লেখা ছিল কি জানেন?—‘হে অন্তরের দেবতা! ব’লে দাও, আমি অজ্ঞান বালিকা, এ স্পর্শের প্রভাব অনুক্ষণ আমায় জ্বালা দেয় কেন? সেই যে দিন আমার করে ধ’রে কাতর অভিমানাহত ছলছল নয়ন আমার মুখের উপর তুলে বলেছিল, বিচার করবে না, কি দোষে আমি দোষী,—সে দিনের স্পর্শ ত ইহ-জীবনে ভুলতে পারবো না—সে ছলছল নয়নের কাতর ভিক্ষার দৃষ্টির স্মৃতি ত কখনও মুছে যাবে না। বেশ ত ছিলাম, কি কুক্ষণে বাবা এখানে আনলেন!’ এই রকম আরও কত কি!”

রাজেশ্বর বাবুর পাষণ্ড-হৃদয় থব্‌থব্‌ কাঁপিয়া উঠিল। তিনি প্রাণপণে টেবলের পার্শ্বদেশ চাপিয়া ধরিলেন, তাঁহার নয়ন স্পন্দনশূন্য।

বিমলচন্দ্র আবার বলিল, “তখন বুঝলুম, এ দেশে নারী কি ধাতু দিয়ে গড়া। কেতাবে পড়েছি, পাঠানরা বংশের অপমান

ভোলে না, বংশের একটা লোকও যত দিন বেঁচে থাকে, তত দিন বংশের অপমানের প্রতিশোধ নেয়—চোখের বদলে চোখ, দাঁতের বদলে দাঁত ! কিন্তু এ যুগের ভদ্র শিক্ষিত সভ্য বাঙ্গালীরও যে এই প্রবৃত্তি থাকতে পারে, তা ত জানতুম না । ভেবে দেখুন দেখি, আপনাদের এই বংশগত বিবাদ পুষে রেখে কি সর্বনাশ করেছেন—আপনাদের পাপের জগ্ন নিরীহ নিদোষ দু’টি তরুণ হৃদয়কে আঘাতের উপর আঘাত দিয়ে দলিত-পিষ্ট করেছেন—আপনাদের পাপের প্রায়শ্চিত্ত কি ? উঃ, যখন ভাবি, আমাদের ঘরের এই লক্ষ্মীদের কি অসাধারণ সহৃদয়—কি কল্পনাভীত ত্যাগস্বীকার,—অন্তরের অন্তস্তলে যে কামনা আকুলি-বিকুলি ক’রে উঠছে, তাকে দমন ক’রে, হৃৎপিণ্ড ছিঁড়ে ফেলে, আপনাদের বংশের মান রক্ষা করছে—আর তারই ফলে দু’টি সংসার জ’লে পুড়ে থাক্ হয়ে যাচ্ছে—তখন ব্যর্থ আক্রোশে, রুদ্ধ রোষে আর জীবনভরা আপশোষে মনের মধ্যে তুমের আগুন জ’লে ওঠে—”

রাজেশ্বর বাবুর দুই নয়ন বহিয়া অশ্রুধারা নামিয়া আসিয়াছিল । বাষ্পরুদ্ধ-কণ্ঠে তিনি বলিলেন, “বিমল, বিমল এ বৃদ্ধকে আর কত শাস্তি দেবে ? বল, বল, কি করলে এ পাপের প্রায়শ্চিত্ত হবে ?”

বিমলচন্দ্রের নয়নও অনার্দ্র ছিল না । সে আপনাকে কথঞ্চিৎ সামলাইয়া লইয়া বলিল, “প্রায়শ্চিত্ত করতেই হবে । তার ব্যবস্থা আমিই করছি । যে দু’টি নদী পরস্পর মিলিত

## স্পর্শের প্রভাব

হবার জন্ত পরস্পরের দিকে অগ্রসর হচ্ছে, তাদের মিলিয়ে দিতে হবে, এইটাই হচ্ছে প্রায়শ্চিত্ত। তাতেও যে আপনাদের সকল পাপের ক্ষয় হবে, তা বলতে পারি নে।”

রাজেশ্বর বাবু বাম্পাকুল-নয়নে বিমলচন্দ্রের দুই হস্ত ধারণ করিয়া বলিলেন, “তবে তাই কর বিমল, আমার পাপের বোঝা নামিয়ে দাও। জ্যোৎস্নার মনের ভাব ত কিছুই বুঝতে পারি নি। যখন রণেন বিষয় লেখাপড়া ক’রে দিতে এসেছিল, তখন সে প্রত্যাখ্যান করেছিল, তাই ত শুনেছিলুম। সে যে মনে মনে তার প্রতি অমুরাগিণী, তা ত ঘুণাক্ষরেও বুঝতে পারি নি।”

বিমলচন্দ্র বলিল, “তার সীমন্তে সিন্দূর দেওয়ার সঙ্কল্প হ’তে তাকে যখন টলাতে পারেন নি, তখনই কি বুঝতে পারেন নি, হিন্দুর মেয়ে একবার বিবাহিত হ’লে আর তার বিবাহ ফেরে না ?

রাজেশ্বর বাবু নিতান্ত অপরাধীর স্তায় শ্রান-মুখে বলিলেন, “না, তা পারি নি, আমার বুদ্ধিব্রংশ হয়েছিল। ভেবেছিলুম, লোকাচার হিসাবে ওরকম করছে। যাক্, এখন আমায় কি করতে হবে, বল—আমার সর্বস্ব দিলেও যদি জ্যোৎস্নার মুখে হাসি ফোটাতে পারি, আমি তাতেও প্রস্তুত।”

বিমলচন্দ্র বলিল, “গোড়া কেটে আগায় জল দিলে কি ফল হবে, বলতে পারি নে। তবে মানুষের চেষ্টায় যত দূর হয়, তা করতে হবে বৈ কি। জানেন কি, রণেন বাবুর কেস্টা কি ভাবে গ’ড়ে উঠলো ? কেউ তাঁর শত্রুতা ক’রে

নিশ্চয় এ কায করেছে, না হ'লে রণেন বাবু এনাকিষ্ট হবেন, এটা ত মনে ধাবুগাই করতে পারছি না।”

রাজেশ্বর বাবু বলিলেন, “আমি ত কিছুই জানি না, একটা খুচরো চুরি ধরতে গিয়ে পুলিশ ঐ বাড়ীতে বোমা পেয়েছে শুনেছি। ডগু বৈঠক, জিম্নাষ্টিক কুস্তী করতো, লাঠি খেলতো বটে, কিন্তু ও যে বোমাওলাদের সঙ্গে কখনও মিশেছে বা ওর বাড়ীতে সে রকম লোকের যাতায়াত ছিল, তা শুনি নি।”

বিমলচন্দ্র বলিল, “তবে ? কে ওর শত্রুতা সাধলে ? আশ্চর্য্য !”

রাজেশ্বর বাবু বলিলেন, “ওদের উকীল রমেশ বাবু বলছিলেন, ও না কি স্বীকার করেছে যে, ও বোমার কারখানা করেছে, ও এখানকার এনাকিষ্ট দলের চাই। ভবেন ব'লে ছোকরাকে কিন্তু ও খুব ভাল বলেছে, অথচ ভবেনই ওর এ বাড়ীতে যাওয়া-আসা করতো ব'লে ধরা পড়েছে।”

বিমলচন্দ্র বলিল, “তাই ত, কিছু বুঝতে ত পারছি না। যাই হোক, কেসটা নিতে হবে হাতে ভাল ক'রে। একবার তার আগে ওর সঙ্গে দেখা করবার দরকার। কিন্তু আমায় ত চেনে না। তা আপনি নিয়ে চলুন না জেলে। আমি আজই হাকিমের সঙ্গে দেখা ক'রে অল্পমতি চেয়ে নিয়ে আসছি।”

রাজেশ্বর বাবুর মুখখানা বিবর্ণ হইয়া উঠিল, তিনি ব্যথিত স্বরে বলিলেন, “আমি ত এখনই যেতে সম্মত, কিন্তু আমি গেলে হয় ত নাম শুনেই সে আমাদের কারুর সঙ্গে দেখা করবে না।”

## স্পর্শের প্রভাব

বিমল বলিল, “তবেই ত ! একবারে নামটা জালিয়ে রেখেছেন তার কাছে দেখছি যে ।”

রাজেশ্বর বাবু অশ্রুসিক্ত-নয়নে বলিলেন, “যা হবার হ’য়ে গেছে, এখন তার প্রায়শ্চিত্ত করবো বলেই ত ! আমার মা— আমার জ্যোৎস্না—”

দুই হস্তে চক্ষু আচ্ছাদন করিয়া তিনি হাউ হাউ করিয়া কাঁদিয়া উঠিলেন । বিমলচন্দ্র বিস্মিত হইল, সে তাঁহাকে কখনও এমন বিচলিত হইতে দেখে নাই । বিমল তাড়াতাড়ি তাঁহার হস্ত দুইটি চক্ষু হইতে মুক্ত করিয়া লইয়া বলিল, “ছিঃ ছিঃ, আপনি জ্ঞানী, আপনি এত উতলা হ’লে চলবে কেন ? চলুন, একবার জ্যোৎস্নার সঙ্গে দেখা ক’রে যাই ।”

রাজেশ্বর বাবু যেন আতঙ্কগ্রস্তের ন্যায় চমকিত হইয়া তাড়া-তাড়ি বলিলেন, “না, না, আমি যাই—তুমি জ্যোৎস্নাকে যা হয় বুঝিয়ে বোলো, তার কাছে এগুতে আমার সাহসে কুলাচ্ছে না ।”

রাজেশ্বর বাবু আর দাঁড়াইলেন না, বহির্দিশে চলিয়া গেলেন ।

বিমলচন্দ্র কিছুক্ষণ তথায় অপেক্ষা করিল । আজ জ্যোৎস্নার সহিত তাহার সাক্ষাতের বিশেষ প্রয়োজন । সংবাদ লইয়া সে জানিল, জ্যোৎস্না স্নানান্তকে লইয়া কি একটা কাষে বাহির হইয়াছে, এখনও প্রত্যাবর্তন করে নাই । বেহারী বলিল, দিদিমণির আজ বাগানবাড়ী যাওয়ার কথা আছে, কেন না, সে বাগানবাড়ীর ঘর-দ্বার খুলিয়া রাখিবার হুকুম পাইয়াছে,

তাহার স্ত্রী বাগানবাড়ীতেই দিদিমণির জন্ম অপেক্ষা করিতেছে।  
হয় ত দিদিমণি আর কোথা হইতে ঘুরিয়া আসিয়া বাগানবাড়ী  
হইয়া ঘরে ফিরিবেন।

বিমলচন্দ্র ভাবিল, বাগানবাড়ীতে হঠাৎ কি এত প্রয়োজন ?  
মাত্র দিন পাঁচ সাত বাগানবাড়ী জ্যোৎস্নার দখলে আসিয়াছে,  
সে মামলা চালাইয়াছিলও ত তাহারই উপদেশে। তবে এ  
সম্বন্ধে সে তাহার সহিত কোন পরামর্শ করিল না কেন ?  
বিমলচন্দ্র বাগানবাড়ীতে তাহার সহিত সাক্ষাৎ করিতে অগ্রসর  
হইল। ফটক পার হইয়া দুই চারি পদ অগ্রসর হইতেই দেখিল,  
জ্যোৎস্না দাসীকে সঙ্গে লইয়া গৃহে প্রত্যাগমন করিতেছে।  
বিমলচন্দ্র অগ্রসর হইয়া বলিল, “এই যে শুনলুম, সূধাংশুকে নিয়ে  
বাগানবাড়ীতে রয়েছ ? এস, অনেক কথা আছে।”

গৃহ-প্রাঙ্গণে প্রবেশ করিতে করিতে জ্যোৎস্না বলিল,  
“সূধাংশুকে নিয়ে সোনাদা’ কাছারীবাড়ীতে গিয়েছে, সেখানে  
কি সব কাণ্ড বেধেছে, কালীবাবু আর ক’লকাতার কে গুপীনাথ  
বাবুকে না কি পুলিশ শ্রামপুকুর থেকে ধ’রে নিয়ে এসেছে।”

বিমলচন্দ্র বলিল, “তার মানে ?”

জ্যোৎস্না বলিল, “তা ঠিক বলতে পারি না। তবে সোনাদা’  
বলছিল, সদর-নায়েব মশাই বলেছেন, নাম জাল করেছে—”

জ্যোৎস্না বলিতে বলিতে নীরব হইল, তাহার মুখ নত  
হইল।

বিমলচন্দ্র সবিস্ময়ে বলিল, “জাল, কার নাম জাল করেছে ?

## স্পর্শের প্রভাব

ওহো, বুঝেছি। যাক, ও সব পরে শুনবো। সত্যিই যদি এদের সঙ্গে কালী বাবুর মামলা বাধে, তা হ'লে জমীদারকে ত ছাড়িয়ে আনতে হবে আগে।”

জ্যোৎস্না নীরবে রহিল। বিমলচন্দ্র হঠাৎ বলিল, “কি যেন সব গুলট-পালোট হ'য়ে যাচ্ছে, কিছুই বুঝতে পাচ্ছি না। কি হয়েছে, জ্যোৎস্না, খুলে বলবে কি? রণেন বাবুকে খালাস করতে হ'লে সব খুঁটিনাটি জানা চাই।”

জ্যোৎস্না গম্ভীর স্বরে বলিল, “ঘরে চল, কথা আছে, বিমলদা!”

বিস্মিত বিমলচন্দ্র জ্যোৎস্নার সহিত তাহার পড়িবার ঘরে উপস্থিত হইল। জ্যোৎস্না অঙ্গুলিনির্দেশে তাহাকে একখানি কাঠাসন দেখাইয়া দিয়া বলিল, “বোসো। সবই বলছি।”

বিমলচন্দ্র বলিল, “হাঁ, সবটা জানবার দরকার হ'য়েছে— আজই হোক বা কালই হোক, হাজতে গিয়ে একবার রণেন বাবুর সঙ্গে দেখা করতেই হবে।”

জ্যোৎস্নার ভাবলেশহীন মুখমণ্ডলে আগ্রহ ও ঔৎসুক্য ফুটিয়া উঠিল। কি বলিতে গিয়া লজ্জায় তাহার মুখ আরক্ত হইয়া উঠিল, সে মুখ অবনত করিল।

বিমলচন্দ্র বলিল, “দেখ জ্যোৎস্না, তুমি আর বালিকা নও, তোমার ভাল-মন্দ বুঝবার বয়স যথেষ্টই হ'য়েছে। এ সময়ে মিথ্যে লজ্জা বা সঙ্কোচের ভয় ক'রে নিজের ভবিষ্যতের সর্বনাশ ক'রো না। কি হ'য়েছে, সব খুলে বল।”

জ্যোৎস্না অবনত-মুখেই বলিল, “কি ব’লবো, বিমলদা’! সবই ত বুঝছো! আমার বিশ্বাস, এই লোকটাই বোমার আড্ডার গোড়া, আর এই লোকটাই পুলিশ নিয়ে এসে ধরিয়ে দিয়েছে।”

বিমলচন্দ্র বলিল, “তা যেন হ’ল; কিন্তু রণেন বাবু নিজের অপরাধ স্বীকার করেছে কেন তাঁর উকীলের কাছে?”

জ্যোৎস্নার মুখখানি আরও অবনত হইল। সে একবারে বৃকের মধ্যে মুখখানি লুকাইয়া ফেলিল। ক্ষণপরে কম্পিতকরে বজ্রাভাস্তর হইতে ক্ষুদ্র একখানি পুস্তিকা বাহির করিয়া বিমলচন্দ্রের হস্তে দিয়া বলিল, “প’ড়ে দেখ, সবই বুঝতে পারবে। এই চিঠিখানা আগে পড়।”

জ্যোৎস্না কথাটা বলিতে বলিতে উঠিয়া দাঁড়াইল এবং কম্পিতচরণে কক্ষ ত্যাগ করিয়া গেল।

বিমলচন্দ্র বিস্মিত হইয়া ক্ষণকাল সেই খাতা ও পত্রখানা ধারণ করিয়া বসিয়া রহিল; তাহার পর ধীরে ধীরে পাঠ করিতে লাগিল। দেখিল, খাতা নহে, সেখানা একখানি ডায়েরী।

প্রথমই পত্র। পত্রখানি আসিতেছে কাশী হইতে। পত্রখানি এই—

“মরণের দ্বারে পৌঁছে আর স্থির থাকতে পারলুম না। নিজে লিখতে পারি নে, এক দয়াবতী বাঙ্গালী নার্সকে দিয়ে লেখাচ্ছি। কত লুকিয়ে—কত ঘুষ দিয়ে এ পত্র পাঠাচ্ছি, তা তুমি জানবে না। যাক, আসল কথা বলি। তোমার স্বামী—কি কারণে



## স্পর্শের প্রভাব

স্বর্গের আসন থেকে এই নরকের পথে নেমে এসেছেন, তা যদি জানতে চাও, তা হ'লে তাঁর চাঁপাপুকুরের বাগানবাড়ীতে তাঁর ডায়েরীখানা খুঁজে বার ক'রে পড়ো। আমি এক দিন লুকিয়ে কাশীর বাড়ীতে তাঁর পকেট থেকে বার ক'রে ঐখানা পড়েছিলুম। এবার দেশে ফেরবার সময় সেখানা নিশ্চয় নিয়ে গেছেন, কেন না, সেখানা অষ্টপ্রহর কাছেই রাখতেন। তাঁর সোনাদা'র কাছে খোঁজ ক'রো, কোথায় তিনি দরকারী কাগজ-পত্ৰ লুকিয়ে রাখেন। সেখানা প'ড়ে যদি এখনও তোমার চোখ ফোটে, তবু স্থখে মরতে পারবো যে, তিনি শেষকালে তোমায় পেয়ে স্থখী হয়েছেন। তুমি চোখ থাকতেও অন্ধ, তাঁকে চিনতে পার নি, অহঙ্কারে মত্ত হয়ে তাঁকে অপমান ক'রে তাড়িয়ে দিয়েছ। কত দিন কাশীর বাড়ীতে রোগশয্যায় শুয়ে অজ্ঞান অচৈতন্য—কেবল তোমার নাম ক'রে ডেকেছেন। তার পর ডায়েরীখানা প'ড়ে যখন বুঝতে পারলুম, তখন সত্যিই ইচ্ছে হয়েছিল, তোমায় নিজের হাতে গলা টিপে মেরে ফেলি। উঃ, কি নিষ্ঠুর তুমি ! ঋঁর এতটুকু ভালবাসা পেলে আমি পৃথিবী-টাকে স্বর্গ ব'লে মনে করতুম, ঋঁর ভালবাসা পাব ব'লে মিথ্যে আশায় কুলত্যাগ ক'রে এসেছিলুম, তুমি এত বড় পিশাচী রাক্ষসী—তাঁর সেই অযাচিত ভালবাসার দান পায়ে ক'রে দলেছ ! তাঁকে ত আমি পাই নি, কেবল তোমায় ভোলবার জন্তে শেষে নেশা-ভাঙ্গ ধরেছিলেন, নরকে নেমেছিলেন, কি করেছেন, বুঝবারও তখন মাথা ছিল না। ছিঃ ছিঃ, তুমি নারী—তুমি স্ত্রী ?

## স্পর্শের প্রভাব

“যাক, চিঠি বাড়াবো না, সে ক্ষমতাও নেই, প্রতি মুহূর্তে আয়ুঃশেষ হ’য়ে আসছে। মরবার সময়ে মিথ্যে কিছুই বলবো না। বাবু পাড়ার রাজা ছিলেন, সবাই তাঁর কাছে উপকার পেয়েছে। রোজ তাঁকে বাড়ীর পাশ দিয়ে আখডায় যেতে দেখতুম। বাড়ীতে স্বামীর অনাদর, শাশুড়ীর গঞ্জনা-অত্যাচার, তাঁকে পাবার লোভ—তাই যাকে তাকে নিয়ে কুলত্যাগ করেছিলুম। কাশীতে নেমে সে লোকটার চোখে ধুলোও দিয়েছিলুম, বিস্কু তাঁকে দিতে পারিনি। তিনি আমাদের জানতেন, আমার দেওরকে বড্ড ভালবাসতেন—ছোট ভায়ের মত। তার মুখে আমার কথা শুনেই জলের মত টাকা খরচ ক’রে সন্ধানের পর সন্ধান নিয়ে কাশী এসেছিলেন। আমায় খুঁজে বার ক’রে, ছোট বোনের মত আদর-যত্নে বেখেছিলেন, বাড়ী ফিরে যাবার জন্তে সাধ্য-সাধনা করেছিলেন। আমি পোড়ারমুখী কেবল তাঁকে কাছে রাখবার জন্তে ছলের পর ছল ধরেছিলুম। সরল মানুষ তিনি, আমাদের শয়তানী বুঝবেন কি ক’রে?”

“শেষ অহরোধ করছি, আমি মরণপথের যাত্রী। এখনও সময় আছে, তাঁকে ফিরিয়ে সংসারী কর। আব এখনও যদি অহঙ্কারের মাচায় ব’সে থেকে তাঁকে অনাদরে দূরে ঠেলে রাখ, তা হ’লে উচ্ছন্ন যাও! ইতি—তরলা।”


বিমলচন্দ্র স্তম্ভিত হইয়া নীরবে রহিল। আইন ব্যবসায় করিতে করিতে সে লোক চরিত্র সম্বন্ধে কিছু অভিজ্ঞতা সঞ্চয়

## স্পর্শের প্রভাব

করিয়াছিল, জীবনে অনেক ঘটনাও দেখিয়াছিল ; কিন্তু একি অভাবনীয় ঘটনা, কি বিচিত্র নারী চরিত্র !

ধীরে ধীরে বিমলচন্দ্র ডায়েরীখানির পাতা উল্টাইয়া যাইতে লাগিল। একের পর এক জীবনের ঘটনা—বাল্যে পিতৃপিতামহের আদর, ব্যায়ামে আসক্তি, কৈশোরে বিবাহ, ফুলশয্যার রাত্রি, অসামান্য সুন্দরী বালিকা বধূ, প্রথমাবধিই অমুরাগ, দুই বংশে বিরোধ ও বিচ্ছেদ, বধূদের দেশত্যাগ, বধুর স্মৃতি, সংসারে শোক-বিয়োগ, কর্তৃত্ব ও প্রভুত্ব, ব্রহ্মচর্য্য, বাণী-সেবা ও বন্ধু-সঙ্গ, জীবনের এই প্রথম অধ্যায়। তাহার পর বোটানিক্যাল গার্ডেনে অপ্রত্যাশিত সাক্ষাৎ, পূর্ব্ব-অমুরাগের স্মৃতি স্মৃতির শত ধারে বিস্তৃতি, মিলনের আন্তরিক চেষ্টা, প্রাণ দিয়া ভালবাসা, প্রত্যাখ্যান, জীবনের দ্বিতীয় অধ্যায়। প্রথম রূপের মোহ, পর অধ্যায়ে অবিনাশী দুর্জয় প্রেম, প্রত্যাখ্যানের পর প্রত্যাখ্যান, অপমান-লাঞ্ছনার বৃশ্চিক-দংশন, জীবনে দুর্বিষহ ভার, কালীনাথের সহবাসে অধঃপতন, পরিণাম—মৃত্যু ! মৃত্যুই এ অতিশয় জীবনে একমাত্র বন্ধু !

বিমলচন্দ্র বস্তুতত্ত্বের উপাসক—তাহার মনে এক বিন্দুও ভাবপ্রবণতার সম্পর্ক ছিল না। কিন্তু কি জানি কেন, তাহার নয়নপ্রান্তে অজ্ঞাতসারে দুই বিন্দু অশ্রু গড়াইয়া পড়িল। দৃঢ় মুষ্টিতে ডায়েরীখানি ধারণ করিয়া সে অক্ষুটস্বরে বলিয়া উঠিল, “ব’লে দাও ভগবান্, কি করলে এ দু’টি প্রাণের পবিত্র মিলন সম্ভবপর হয় !”



২৭

“আর কত দূর ?” প্রশ্নটি যাহাকে উদ্দেশ্য করিয়া বলা হইয়াছিল, সে জেলের হেড ওয়ার্ডার। সে বলিল, “এই সামনেই সুপারিন্টেন্ডেন্ট সাহেবের খাস দপ্তর, এখানেই দেখা হবে।”

সে সেলাম করিয়া হস্ত প্রসারণ করিল, বিমলচন্দ্র তাহাকে খুসী করিয়া কক্ষমধ্যে অগ্রসর হইল। ওয়ার্ডার দ্বারে উপবিষ্ট প্রহরীকে ছাড়পত্র দেখাইয়া চলিয়া গেল।

“ও কি, অমন ক’রে দাঁড়িয়ে রইলে যে, বোন্ ? এস, চ’লে এস ভিতরে।”

বিমলচন্দ্র পশ্চাতে ফিরিয়া জ্যোৎস্নাকে কক্ষমধ্যে প্রবেশ করিতে ইঙ্গিত করিল। জ্যোৎস্না স্থাণুবৎ দাঁড়াইয়া রহিল। সমগ্র অন্তরমধ্যে এ কি প্রচণ্ড স্পন্দন ! তাহার দেহের প্রতি অঙ্গ যেন শিথিল হইয়া আসিল। তাহার চরণযুগল তাহাকে বহন করিতে কোনও মতেই সম্মত নহে।

বিমলচন্দ্র দুই পদ পশ্চাদাবর্তন করিয়া সম্মুখে জ্যোৎস্নার হস্ত ধারণ করিয়া বলিল, “এ সময়েও লজ্জা ? ছি বোন্ !”

## স্পর্শের প্রভাব

লজ্জা!—সঙ্কোচ!—মামুষ বাহির হইতে তাহার অন্তরের কি সংবাদ রাখিবে? তরুণী নারীর—দৈবপীড়িতা, স্বামিসঙ্গ-বজ্জিতা পত্নীর—মনের ক্ষোভ ও যন্ত্রণার ইতিহাস কি কেহ অমুমান করিয়া যথাযথভাবে লেখনীর সাহায্যে বর্ণনা করিতে পারে?

প্রবল চেষ্টায় কোনও মতে আত্মস্থা হইয়া সে কক্ষমধ্যে পা বাড়াইল। সমস্ত কক্ষটার আলোক ও বাতাস তাহার নয়নে যেন ধূম্রবর্ণ বোধ হইতেছিল।

পতনবেগ হইতে আপনাকে রক্ষা করিয়া সে সম্মুখের চেয়ারের হাতল ধরিয়া দাঁড়াইল।

কক্ষমধ্যে সুপারিণ্টেণ্ডেন্ট আপিসের খাতাপত্রের মধ্যে নিমগ্ন ছিলেন, জ্যোৎস্নাকে দেখিয়া আসন ত্যাগ করিয়া দাঁড়াইয়া সাদর-সম্ভাষণ জ্ঞাপন করিয়া বসিতে বলিলেন এবং ভৃত্যকে আহ্বান করিয়া ১০ নং কক্ষ হইতে ৭ নং কয়েদীকে আনিবার হুকুম দিলেন। আসন অধিকার করিয়া তিনি বলিলেন, “দেখুন, যা, কথা হবে, আমার সামনেই হ’তে হবে। বোধ হয়, মিঃ দত্ত এ কথা আপনাকে জানিয়ে তার পর এখানে এনেছেন?”

জ্যোৎস্না মাথা নত করিয়া কোনও মতে আসনে বসিয়া পড়িল। বিমলচন্দ্র জানাইল, একথা তাহাকে জানানো হইয়াছে। সুপারিণ্টেণ্ডেন্টের সে দিকে দৃষ্টি ছিল না, তিনি তখন তন্ময় হইয়া বিস্মিতনেত্রে জ্যোৎস্নার অসামান্য রূপলাবণ্য সন্দর্শন করিতেছিলেন।

দ্বারপ্রান্তে প্রবেশাহুমতি প্রার্থনার সঙ্কেতসূচক ঘণ্টাধ্বনি

হইল। মুহূর্ত্ত পরেই মুক্ত হারপথে মনুষ্যমূর্ত্তির আবির্ভাব হইল।

জ্যোৎস্নার বক্ষঃস্থল দ্রুত স্পন্দিত হইতেছিল। সাহস সঞ্চয় করিয়া সে সম্মুখের দিকে দৃষ্টি তুলিতে পারিল না।

অল্পদিনের হইলেও সে কণ্ঠস্বর তাহার শ্রবণেন্দ্রিয় ও অন্তরের সহিত সুপরিচিত হইয়াছিল। সেই কণ্ঠস্বর তাহার প্রতিগোচর হইবামাত্রই স্পন্দিত অন্তরের সমগ্র আন্দোলন যেন মন্ত্রবলে রুদ্ধ, শুদ্ধ হইয়া গেল।

সে শুনিল, রণেন্দ্র বলিতেছে, “আমি ত জানিয়েই ছিলাম যে, কারও সঙ্গে আমার দেখা-সাক্ষাতের প্রয়োজন নেই। তবে আপনি অনর্থক আমায় ডেকে পাঠালেন কেন?”

জ্যোৎস্নার হৃদয়স্পন্দন আবার আরম্ভ হইল। সে কাষ্ঠাসনের হাতল দুইটি সবলে চাপিয়া ধরিল। বিমলচন্দ্র রণেন্দ্রের দিকে চকিত দৃষ্টি-নিষ্ফেপ করিল। কিন্তু রণেন্দ্র আশে-পাশে কোন দিকেই দৃষ্টিপাত করিল না।

সুপারিন্টেণ্ডেন্ট বলিলেন, “বন্ধন, রণেন বাবু। কেন দেখা করতে বলেছি, তা এখনই বলছি। এঁরা আপনাব পরমাঙ্গীয় বলেই জেনেছি। আইনে অভিযুক্ত আসামীকে তার নির্দোষিতা প্রমাণ করবার জন্য সকল রকম ব্যবস্থা করার ও সুযোগ দেওয়ার নিয়ম আছে। আপনার বিরুদ্ধে অভিযোগ অত্যন্ত গুরু—হয় ত চরম দণ্ডও হ’তে পারে, তা জানেন?”

রণেন্দ্র দাঁড়াইয়াই ছিল। সে দৃঢ় অবিকম্পিত স্বরে বলিল, “সে জন্য ত আমি প্রস্তুত।”

## স্পর্শের প্রভাব

সুপারিন্টেণ্ডেন্ট বলিলেন, “আপনি প্রস্তুত থাকতে পারেন, কিন্তু আইনের মর্যাদা ধারা রাখেন, সেই সরকার বাহাদুর তা পারেন না। যতক্ষণ অভিযোগ মিথ্যে ব’লে প্রমাণ হবার আশা থাকে, ততক্ষণ তার জন্তে চেষ্টা করা উচিত।”

রণেন্দ্র বলিল, “আপনাদের আইনে কি আছে, জানি না। কিন্তু জিজ্ঞাসা করতে পারি কি, অভিযুক্ত আসামী যদি স্বয়ং সাক্ষাৎ করতে ইচ্ছা না করে, তা হ’লে তাকে সাক্ষাৎ ক’রতে আইনে বাধ্য করে কি?”

সুপারিন্টেণ্ডেন্ট বলিলেন, “না, তা করে না। সাক্ষাৎ করা না করা কয়েদীর ইচ্ছাধীন।”

রণেন্দ্র বলিল, “যদি তা হয়, তা হ’লে আমায় আমার ঘরে রেখে আসতে ব’লে দিন। আমি কারও সঙ্গে সাক্ষাৎ করতে চাই না, এ কথা আপনাকে শেষ জানিয়ে রাখলুম।”

জ্যোৎস্নার মাথাটা বুকি মাটির সহিত মিশাইয়া গেল। বিমলচন্দ্র তাড়াতাড়ি উঠিয়া বলিল, “রণেন বাবু, আমি আপনার পরিচিত না হ’লেও সবই শুনেছি, সবই জানি। ইনি আপনার বিবাহিতা পত্নী, সহধর্মিণী, এঁর কি বলবার আছে, তাও শুনতে চান না?”

রণেন্দ্র সে কথার জবাব না দিয়া সুপারিন্টেণ্ডেন্টকে কঠোর স্বরে বলিল, “আপনি আমায় আমার কামরায় রেখে আসবার কি বন্দোবস্ত করলেন?”

সুপারিন্টেণ্ডেন্ট ইঙ্গিত করিলেন, ওয়ার্ডার রণেন্দ্রকে লইয়া

## স্পর্শের প্রভাব

প্রস্থানোত্তর হইল। বিমলচন্দ্র কাতরকণ্ঠে বলিল, “রণেন্দ্র বাবু, ছুটো প্রাণে এমন ক’রে রাগে অভিমানে হাড়কাঠে বলি দেবেন না। আমি বলছি শুধু,—তুনে রাখুন, আঁধার হিতৈষী কালীদাস’ আঁধারী শুণ্ডা আপনার নাম জাল ক’রে ধরা পড়েছে। প্রমাণ হ’য়ে গেছে, তা’রা শাস্তি ভোগ করতে যাচ্ছে। আপনাদের সর্বনাশ করার অনেক ষড়যন্ত্র—”

বিমল দেখল, রণেন্দ্র পশ্চাতে ফিরিয়াও তাকাইল না, কোন প্রকার আহ তাহার ব্যবহারে প্রকাশ পাইল না। তখন বিমলচন্দ্র ষোঁধে জ্ঞানহারী হইয়া চীৎকার করিয়া বলিল, “হার্টলেস্ ব্রুট!” রণেন্দ্রনাথ দৃষ্টির অন্তরালে চলিয়া গিয়াছে।

হঠাৎ আরিস্টেগেণ্ট উত্তেজিত স্বরে বলিলেন, “কে আছিস, শীপ্‌গিরি! যা, যা, হাঁসপাতালে যে কোন নাসকে খবর দে, যা, ছুটে যা—”

মূর্ছিত সংজ্ঞাহীনা জ্যোৎস্নার দেহ কাষ্ঠাসূনের উপর এলাইয়া পড়িয়াছিল—প্রত্যাখ্যানের নিষ্পন্ন কঠোর আঘাতে সেই স্বর্ণ-প্রতিমার মামল অস্তর, বোধ হয়, চূর্ণ হইয়া গিয়াছিল। বিমল-চন্দ্র তাই মাথার উপর কম্পিত হস্ত রক্ষা করিয়া অশ্রুশ্রোতে অন্ধপ্রায় হইয়া ডাকিল, “জ্যোৎস্না, দিদি!—”

সমাপ্ত









